




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4651/A








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4651/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4651/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4651/A



12/6 A XIX. b


4651/A

Voyrich  
May 03



44, a, 10825







# ORIBASII SARDIANI

AD EVNAPIVM

LIBRI IIII.

*Quibus facile parabilia medicamenta, facultates  
simplicium, morborum & locorum affecto-  
rum curationes continentur,*

IO. BAP. RASARIO, MEDICO,  
Nouariensi, interprete.

AD M. ANTONIVM AMVLIVM  
*virum Clarissimum.*

Cum indice & rerum & verborum locupletissimo.

His etiam observationes interpretis in primum tomum adie-  
cimus: & diligentius, quàm antea, ex interpretis  
recognitione, imprimenda curauimus.



CVM PRIVILEGIO.

*Venetijs, ex officina Erasmiana, Vincentij  
Valgrisy. M D LVIII.*



<sup>2</sup>  
M. ANTONIO AMVLIO,  
viro clarissimo, ac senatori prudentis-  
simo, Ioannes Baptista Rasarius  
Medicus Nouariensis.  
S. P. D.



V M multa sunt Amuli clarissi-  
me, quæ homines à libris græ-  
cis latinè reddendis deterrere  
debent hoc tempore, tum illud  
uel maximè, quòd ueterum mo-  
nimenta tam deprauata, tamq;  
mutila, ac quasi decurtata ad nos peruenerunt, ut  
multa in eis comperias, ex quibus nullus elici sen-  
sus posse uideatur. & tamen in hac summa difficul-  
tate, qui hoc sibi assumant, totamq; ætatem in hoc  
studio ponant, tam multi sunt, ut non modò docti  
homines, & in disciplinis diu, multūq; uersati, qui-  
bus totum hoc negotium esset transmittendum, id ag-  
grediantur: sed plerique etiam, qui neque à græcis  
literis, neq; à bonarum artium cognitione satis in-  
structi sunt, id, quasi rerum omniū sit longè facilli-  
mum, suscipere nō uereātur. ex qua quidem re iam  
esse factum uidetur, ut quod ego multis de causis dif-  
ficile atq; arduū semper existimaui, multi perficiun-  
di spe ducti, nullo labore se cōsequi posse confidant.  
uidemus tamē, quàm pauci fuerint adhuc meritò lau-  
dati:



3  
dati: et quàm multi uitare nō potuerint reprehē-  
siones doctorum hominum, atq; prudentiū: nam cū  
necesse sit eum, qui uelit in hac re cum laude uersa-  
ri, nō esse tinctum literis, sed & sensa eius, quem  
exprimit, propriē, ornateq; exponere, et multarum  
rerum esse ualde peritum: nosti tamē Amuli clarissi-  
me, quàm multi & in Italia, et apud exterarum natio-  
nes, cū legatus multas orbis terræ partes peragra-  
ris, inueniātur, qui multa de græcis latina facerent,  
quæ uel ad dicendi facultatē, uel ad naturæ contem-  
plationē, uel ad artē præsidem salutis humanæ perti-  
nerent, à quibus ipsi nudi omnino essent, atque impa-  
rati. quorum ego stupiditatem cū mecū admira-  
rer, sciremq; mihi olim excidisse ē manibus interpre-  
tationes quasdam, quæ decimumquintū ab hinc an-  
num in hominū manus peruenerunt, & item proxi-  
mis superioribus annis emissos XXVI. Oribasij li-  
bros, quorum igniculum desiderij uix medici ferre  
posse uidebātur: uideremq; in eis et propter mēda-  
librorum, quorum mihi eo tempore copia suppete-  
bat, & quòd ego ad eum sapientiæ gradum fateor  
me non peruenisse, ut non possim errare, multa in-  
esse, quæ ego in alio reprehenderem: sic mecum ip-  
se statueram, non esse mihi posthac quicquam ē græ-  
co in latinum sermonem conuertendum: sed tantū  
mihi dandam esse operam, quæ iam in apertum es-  
sent prolata, ea ut emendarem, atq; corrigerem:  
A 2 ne for=



<sup>4</sup>  
ne fortasse quispiam, cui meus hic minus gratus fuisset labor, sibi in me inuehendi facultatem esse datam arbitraretur. tamen cum ij, qui me ad alios Oribasij libros edendos hortati erant, identidem à me efflagitarent, ne quatuor libros, qui restabant, destitutos relinquerem, sed eodem uestitu orationis ornarem, ut eorum nostri medici participes fierent, coactus sum mutare sententiam: ita tamen, ut ne hic meus labor, superiori, quem esse mihi suscipiendum putavi, obliuionem ullam afferat: quem polliceor me esse tum subiturum, cum primum mihi ab hoc meo negotio, in quo tuo etiam maximo beneficio uersor, uacare parumper licebit. interim uero id concessi amicis meis, ut de suscepto propositoque consilio decederem, quo Oribasij libri quatuor ad Eunapium, quibus omnia remedia, omniaque medicamenta, quae facile comparantur, est persecutus, ab eodem latinitate donati prodirent in lucem: atque etiam, quod maxime rem continebat, ut tibi hoc libello nonnullam meae erga te summae obseruantiae significationem dare: existimabam enim ita mihi oblatam occasionem, qua testari possem tuorum in me meritorum magnitudinem: et de tua eximia singularique uirtute, deque tuis rebus summa cum laude, et totius Reip. dignitate, atque gloria gestis loqui et commemorare quot legationes apud Caesarem et reges maximos cum incredibili omnium admiratione



tionē obieris, & quā multas bonas gratias cum  
optima existimatione attuleris: & de honoribus et  
præstantissimis iudicijs senatus de te, & maximis  
magistratibus, quibus domi summo consilio, summa  
grauitate, summaq; integritate functus es, multa  
dicere: & ostendere quanta in te sit cognitio græ-  
cæ latinæq; linguæ, quanta notitia uetustatis, quan-  
ta peritia rerum omnium, quā ornata dicendi, &  
polita scribendi copia, quā denique in omni uir-  
tute excellas: sed statim animaduerti, neque te id  
uelle, neque etiam id esse expectandum à me, qui  
hæc neque pro dignitate, neq; ulla ex parte possem  
præstare: quiq; uideam epistolam, non librum, esse  
ad te unā cum Oribasio perferendam. Quibus qui-  
dem factum est rebus, ut fretus humanitate tua sin-  
gulari, Oribasium solum ad te mittam, ut quādiu  
manebit ipse liber, tādium cum eo maneat hoc qua-  
lecunque incredibilis meæ erga te obseruantia mo-  
numentum. Vale. Venetijs, Idib. Ianuar.

M D L V I I.



# Loci sic corrigendi.

Pag. 19. versu 24. calidius	154.24. qui miliaris
25. 4. prastat.	155. 10. resolutis . his autem
26. 6. indomita	158. 9. & thymos
32. 33. est Aruifium,	161. 18. ijs, qui eleph.
35. 14. cesentur, 17. polypodes	168. 6. calefaciamus calefaci-
41. 5. phi, glauci, zygaena, gon-	entib.
gri, oua	173. 34. vt sanguis
51. 25. partium. eius	198. 1. duplo
53. 12. quare lienes	200. 2. dolore
58. 12. intertrigines 29. ieiuni	201. 1. comparandam sunt ea,
60. 2. decoquimus, dum	205. 4. siq; mediocris sit 5. si
71. 24. mēstruis purgationibus	vehemens 10. dos adhibean-
76. 20. vlcera maligna	tur.
90. 13. conuenit,	209. 3. arteria
91. 24. quem	210. 15. conuenit, id quod
98. 33. stinacē	212. 34. siccius tibi
100. 1. habent,	218. 26. vinum meracius
114. 1. ex perfri-	227. 11. & cuiq; faci-
145. 6. At vibices	248. 5. pondo tria



ORIBASII AD EVNA-  
PIVM LIBER PRIMVS IOAN  
ne Baptista Rasario, Nouariensi,  
Medico, interprete.



X EO sermone, quē mecū habu-  
isti, optime atque ornatissime  
Eunapi, cognoui te ardere stu-  
dio. & maximē simplices, & quæ  
facilē parantur, morborum cu-  
rationes perdiscēdi: quibus tu,  
cum perigrinaris, & rusticaris,  
cūq; ibi es, vbi medic⁹ nullus ad-  
est, prōptē & accōmodatē sine vllō instrumēto, va-  
sculoq; medicinali, cuius copia tibi nō facilē suppe-  
tat, ad ea vtaris, quæ subitō incidunt: præsertim verō  
quæ valde acuta sunt, & curari sine mora postulāt. Ac  
mihi quidē recte videris hoc desiderare: cū planē in-  
telligas, paucissimos esse, qui veri medici dicēdi sint:  
contrā verō maximam esse turbam eorum, qui artē  
sibi adsciscāt, & nomen solum medici obtineāt: qui  
sanē similes sunt remigibus, qui nihil sciant illi qui-  
dem, sed tamē gubernare nauim conent: vt eī quī-  
busdā ex ijs nautis, non solū remos impellere, cū  
id imperat gubernator, satis est, sed ijdē gubernare  
nauim audent, & sæpenumero errores cōmittunt: ita  
etiā faciunt, qui venā incidere, cucurbitulas admo-  
uere, scarificare, & cætera seruilia ministeria, quæ vsu  
continentur, obire solū didicerunt, atque oēm si-  
bi medicinæ cognitionem vendicant; & tamen ij ne-  
que remediōrū qualitatem; neq; quantitātē norunt,  
neq; sciunt quo tempore, quoque ordine adhibenda  
sint: quod est veri medici propriū vel maximē. Cæte-  
rum



rùm eos qui morbis tenent, quorù vel nulla, vel cer-  
 tè difficilis est curatio, sic tractando producūt, & ve-  
 rò etiam ægros quandoque interficiunt. quibus  
 quidem sit rebus, vt institutù hoc tuum Eunapi, ve-  
 hementer laudē. ad hoc accedit, quòd rem expetis,  
 quam possis cōficere, & quæ sit itidem necessaria: &  
 digna studio tuo atq; eruditione: nam quæcunq; in  
 medicinæ tractati one magnæ alicuius cōtemplatio-  
 nis indigent, & ad quæ obeunda exercitatione opus  
 est, ea sunt solius artificis propria: quæ verò in prom-  
 ptu sunt, & tractari facilè queūt, ea sunt à medicinæ  
 studiosis expetēda. at tu maiores sanè, quàm par sit,  
 eos qui res medicas amant, in huius artis cognitio-  
 ne progressus fecisti: atque adeò excellis, vt non so-  
 lùm & tibi, & cæteris adiumento esse in quibusdam  
 morbis, sed etiam in rebus maioris ponderis medi-  
 corum discrepantiam discernere, & quid melius,  
 quidq; vtilius sit, eligere queas. Itaque si quæ Gale-  
 nus, vir admiratione dignus de medicamentis faci-  
 lè parabilibus conscripsit, extarent, inde tibi, quod  
 quæris, abundè suppeteret: sed cùm ea ad nos non  
 peruenerint, & quæ Dioscorides, atq; Apollonius,  
 itemq; cæteri omnes in hoc genere scriptis manda-  
 uerunt, sint ex omni parte indistincta, mihiq; nec  
 tutò adhiberi posse, nec quatenus satis sit, tractata  
 videantur: eò fit, vt statim tuæ paruerim voluntati.  
 Ac Rufus quidem, vir maximus, quendam librù ad  
 priuatos homines scripsit: veruntamē hic liber non  
 omnia, verùm ea tantùm, quæ facere priuati possunt,  
 complectitur. ego autem oratione fusa latius, quæq;  
 ad plura pertineat, vti decreui. qua in re habendam  
 esse rationem duxi peritiæ tuæ, & cæterorum tui si-  
 milium, à quibus amari medicinam intelligebam: est  
 enim perspicuum, te multò melius posse perspicere  
 quæ



quæ sint, & efficere quæ oporteat, quàm faciant medici, qui prorsus sunt inexercitati. Perrarò autem venæ secundæ mentionem faciam, & item leuiorum purgationum, aliorumq; euacuantium auxiliorum, & medicamentorû quorundam compositorû, præsertim verò eorû, quæ probata sunt: cum sciam, vos posse eorum artificibus imperare, vt ea conficiant, vobisq; parent, cum maxima eorû copia vbiq; comperiatur: neque enim solùm vrbes, sed omnes etiã agri sunt eorum pleni. Dabo igitur operam pro virili facultate, vt, quemadmodû tu voluisti, scopos curationum, omnesq; medicinas, quæ facilè suppeditantur, tibi exponam. quæ sanè excerpam tum ex ijs, quæ Galenus scripta reliquit: siquidem in eius libris habetur etiam cognitio remediorum, quæ facilè comparâtur: tum verò ex scriptis Rufi Ephesij, & aliorum clarorum virorum: ex quibus deligam, quæ ad hoc institutû accommodata erunt, & quorum ego periculum fecerim. Iam verò hæc medicamentorum quæ facilè parantur, tractatio tribus confici modis potest: primò enim explicari queunt vniuersæ, & singulæ cuiusq; simplicis medicamēti facultates: secundo deligi medicamina, quæ ad quaque affectionem valeant: tertio, vnâ cum particula, morbi quoque habenda ratio est, atq; eius exponēda curatio. hanc ego triplicem rationē sequar: vt tu maiorē copiam eorum, quæ facienda in singulis rebus sint, tibi pares, in eamq; veni sententiam, vt quoniam iussu tuo hæc institui cōscribere, eius etiam partis medicinæ, quæ de tuenda sanitate est, mihi facienda sit mentio. itaque initium sumam.

*De pueruli educatione. Cap. I.*

PVERVLO nuper in lucē edito nutrix eligat, cuius vitæ ratio sic instituta sit, vt laboribus, cibisque accom-



accommodatis vtatur, vt optimi lactis copiam paret. labores autem huiusmodi sint, vt per loca quæ antorsum vergūt, gradiat, vt texat, vt pinsat, aquam vrna hauriat. vescatur autem cremore ptisanæ, & lomento pisorum, & dolichorū, piscibusq; ijs, qui cetacei non sint, nec duras carnes habeant, neq; in paludibus enutriti. edat quoque gallinas, teneras carnes, & vinum dulce, atque odoratum bibat. abstinentia verò est à caseo, bellarijs, & oleribus. solas lactucas sumat: quandoquidem eæ bonū succum, & somnum puero conciliant. poterit etiam ritè vti palmulis: quia cū ad ciendam vrinam valeant, sanguinem purgant, & probum lac parāt. pessima verò est menta, itemq; ocimum, quippe quæ lac vitiēt. cæterum res venereas omnino vitet: nam hæ lac maximè omnium corrūpunt. Ad magnā autem lactis copiam cōparandam primas tenet cytisus, qui & crudus, & coctus ex ptisana estur. atq; is præter lactis copiā, quā affert, idem etiā iucundū efficit. ad hoc valet etiam anethi coma viridis, similiq; modo fœniculi radices & eruca, itemq; apiū, & smyrniū, & cicer. vbertatem quoq; lactis faciunt anemonæ admotæ. Atque optimum quidem lac à vitiato sic internoscet: optimum odore & gustu lene & iucundū erit, albumq;, & consistentia æquale apparebit, deniq; inter crassitiem, & humiditatē medium obtinebit. vitiatum habebit horum cōtraria omnia. & de nutrice, satis. Cū autem puero alia afferri alimenta poterunt, nullū impedimentum eius cupiditatibus interponi debet: cū suapte natura ad exercitationes, & ad alimenta feratur: neque enim satietate afficietur, cū maxima sanguinis copia in incremento consumatur. habenda tamen est nutriendi ratio, vt tempus diligenter seruet, & danda opera, ne ante frictions, & balnea



ne a cibis offeratur.

*De ratione victus eorum, qui inter pueros & senes interiecti sunt. Cap. II.*

CUM corpus satis magnum incrementum sumpserit, non mediocriter timendum est, ne æqualis omnium humorum abundantia redundet in corpore, & morbi qui ex plenitudine effici consueverunt, oriantur: præsertim cum totum alimentum non consumat, quod corporis iam cessauit incrementum. oportet ergo parcius alere corpus, quod in hac ætate constitutum sit, & omnes vias euacuandi superuacanea inuenire. ergo ante cibos exerceat operibus sibi consuetis: hoc enim erit ei utilius, & necessarium est proprias actiones non omittere. edat quisque quæ consueverit, & quorum ei suppetat copia, ab eo tantum abstinens, quod noceat. atque id quidem quale sit, nihil est, quod à medico perdiscas, cum usus ipse satis doceat. Cæterum quid facile, quid egre concoquatur, quid valeat ad deiciendam aluum, & contra, quid eandem cohibeat, ac cætera quæ sunt generis eiusdem, itemque quantum sit sumendum, tu modum poteris statuere ex alacritate, & ventris tumore, ut quantum satis sit plane videas. quam ad rem faciet etiam consuetudo, habendaque erit ratio eorum, quæ tum per aluum, tum per sudores excernunt. Non est autem assuescendus homo, ut vno tantum diætæ genere utatur: nam si quandoque urgeat necessitas, viuendi rationem commutare, magna sequetur ex eius rei nouitate turbatio. ergo præstat ita se comparare, ut facile ad aliud genus quis transeat, & modò hac, modo illa viuendi ratione utatur, quam ut vno semper modo vitam degat. Si verò quispiam immoderatus cibos appetat, aut alioqui nimis repleatur, is antequam cibi corrupti fuerint, euomat: & se-



sequenti die tenuiore victus ratione vtatur, & paulatim ad morem suum redeat: si enim alimenta prius corrupta sint, magna molestia consequetur. verum si quid vomere prohibeat, vt si pectus, aut ceruix, aut fauces morbo laborent, si alius fluat, res prosperè succedet: sin secus, multum dormire conferet. huc facit continuus aquæ calidæ potus: quippe qui & morsus obtundit, & abluat etiam intestinum. Vbi autem sit cibi facta cōcoctio, præsertim cum venter deiecerit, lauacro vtédum erit, & paulò pòst potus dilutior sumendus. Si verò alimentum rectè concoquatur, alius autem non excernat, corpus verò grauetur, & ægrè moueatur, adsit præterea torpor quidam mentis, quæ etiam somniculosa videatur, scire conuenit, expletas venas esse: quæ plenæ inflantur, tenduntur, obturantur, & quandoq; rumpuntur: cæteraq; maxima, & plurima genera morborum, quos plenitudo creat, efficiuntur. quocirca vbi ex repletionē sensus oritur, qui lassitudinis speciem refert, tum quiescendum est, vsque dum cibi, qui in ventre sunt, concocti sint: facta concoctione, quæ plenitudo subsit, erit exercitationibus consumenda: id enim valet, quod est à veteribus dictum, lassitudinem lassitudine solui.

*De ijs, qui cibos corrumpunt. Cap. III.*

CUM venter cibos corrumpit, si statim secedant quæ corrupta sint, nihil sequit̃ incommodi: si non permeent, mitioribus erit secessus iritandus, quale est medicamentū, quod diospoliticon vocāt, in quo tantum sit nitri, quantum reliquorū: & quod ex caricis cōstat: itemq; quod ex enico fit, & cæteris eiusdem generis. ijs autem qui cōtinenter alimēta corrumpunt, vtile est ante cibum ciere vomitū vini dulcis



cis potu: ac vitare nidorosa, virosaq; & reliqua omnia, quæ facile vitiantur: cōtrā verò eligere quæ boni succi sunt, & alium quandoq; subducere ijs rebus, quæ modicè vacuant: inter quæ medicamentum id numeratur, cui picræ est nomen. At si quis prauos succos coaceruari sinat, is profectò morbis vel difficilibus curatu, vel certè etiam qui curari non poterunt, corripietur. huiusmodi sunt pedum, articulorumq; dolores, & renum vitia: ac sæpe etiam morbi acuti solent comitari.

*De lassitudine, quæ ex nimio labore oritur.*

Cap. II II I.

Si labor immoderatus, insolitus, & citatus lassitudinem creauit, quies imperanda est, corpusq; molli-ter confricandum ex oleo copioso, dulciq;ue. initio autem statim post laborem calidiore lauacro vtendum: & victus ratio tenuior instituenda est: nam alimenti parcitas, si quid aliud, lassitudinem soluit. adhibere tamen animum debemus, ne quis motus per circuitum fiat in eo, quem lassitudo malè habet: quia si negligatur, excitare plerunq; febrim solet: tunc enim leuanda est victu tenuiore, quiq; facilè concoquatur, & probos succos gignat, cum placida quadam requiete coniuncta.

*De æstu, & labore immoderato.* Cap. V.

Si quis æstu, feruoreq;, æstiuo tēpore, ex nimio labore sit correptus ita, vt totum eius corpus calidissimum, siccissimumq; sit, is pomis, cerasijs, prunis, persicis, cucumeribus, aut peponibus, cucurbita, ficibus frigidis, & refrigerata melca vescatur. & quanquam hæc mali succi sint omnia, tamen possunt æstum refrigerare, atque humectare. à balneo aqua primùm potui detur, deinde vinum modicè dilutum



tum: tum vomitus cieatur: post verò lactuca offerenda, deinde pedes suilli probè cocti, ex aceto, & garo: tum gallorum, aut anseris ventres, atq; alæ, aut pisces aliquis teneræ carnis in sartagine coctus. quinetiam gustet, si velit, olera, quæ non mali succi sunt, & item cucurbitā. his transactis vinum aqua valde frigida dilutum bibat. potest quoq; alica ex vino mulso, aut vinum frigidum eum æstum, qui non habeat humorum adiunctam malitiam, curare. quibusdam etiam satis fuit ptisanæ cremor, valde refrigeratus, in potu sumptus. atque ita quidem curari possunt ij, qui in negotijs sunt occupati. qui verò vitam ex suo instituto degunt, si non se exerceant, rarò refrigerationis indigebunt. Si verò exercitationibus utantur, & media ætate exæstuent, aquam fontanam frigidam potent: nix enim, quamvis eo tempore iuvenes non ledere videat, tamen noxa sensim progreditur, & paulatim augetur: & ubi ætate processerint, & declinare incipiant, morbis difficilibus, & qui curari non possint, in articulis, nervis, & visceribus afficiuntur.

*De ijs, quibus cutis densatur.*

*Cap. VI.*

CORPVS, cuius cutis densata sit ex frigore, vel ex balneo aluminoso, cognosces ex colore albo, & cutis duritie, & eò quòd ægrè incalescat, & quòd soliti sudores non erumpant. Curabis autem calefaciendo tum exercitationibus, tum lauacris, siquæ imperaris, vt circa lapidem quempiam in balneo se conuoluat, & oleo relaxante perfundatur. Cæterum aqua, quæ in folio sit, non admodum frigida esse debet, neque ægrotus in ea morari diutius. Vbi se lauerit, oleo dulci, tenuium partium, & vetere vngatur



tur. præstantissimum verò est anethinum, præsertim quod ex anetho viridi sit confectum. præterea verò ad cutis densitatem, sicut etiam ad vehementes lassitudines accommodatissimum est acopon, quod ex populo nigra conficitur.

*De ijs, quos exercitatio & balnea à cibo admo-  
ta ledunt. Cap. VII.*

PLERISQUE aut, qui cibo expleti se exercuerunt, non mediocres noxæ acciderunt, cum & caput repletum, & iecur obstructum esset. ergo statim adhibenda curatio est, ac capiti quidem deambulationibus, ijsq; à cibo tardissimis, ante cibum verò lenibus quidem, sed contentioribus. iecur verò curandum est ijs, quæ aperiunt. quo in genere maximè præstat oxymel, & medicamentum ex tribus piperis generibus, quod simplicius sit. præterea verò dilutum, in quo absinthij coma maduerit, potui datum prodest: & item huius, & anisi, & amygdalarum amararum cum oxymelite. atque ante balneum, cum ea quæ ventre continentur, confecta sint, medicamentum ex calamintha pari modo cum oxymelite sumendum erit. à cuius frequenti usu cauere debent, qui amaræ bilis sunt. Vitanda quoque erunt omnia edulia, quæ crassum, glutinosumq; succum faciunt, usq; dum cessarit affectio. utendum uerò erit attenuantibus.

*De iis, qui non exercentur, sed solùm epulis  
vacant. Cap. VIII.*

VIDEMUS plerosq;, qui corpus nō exercent, sed solùm epulis uacant, quorum nonnulli non sæpe in morbos incidunt: cum raro sint corpore, quodque facile perspiretur. atque hos quidem ad aliud uitæ  
genus



genus traducere non conuenit . At in ijs, qui continēter morbis corripuntur, morborum causæ prohibendæ sunt. huiusmodi autem ex corpore existūt, vt plenitudo, & humorum malitia . ergo in quibus plenitudo celeriter congregatur, quantitas imminuenda est alimentorum: in quo illud quoque seruandum est, vt pro cibis valentis materiæ, offerantur qui imbecillæ materiæ sint . Qui verò malitiam humorum coaceruāt, quorum alij pituitam, alij flauam bilim, alij atram cōdensant, debent abstinere ab ijs alimentis, quæ incrementū humori consueto afferant . horum autem omniū ita aluus comparanda est, vt facilē deiiciat.

*De euacuationibus, quæ sanis conueniunt.*

Cap. IX.

VETERES nōnulli existimarūt satis esse ad bonā valetudinem tuendam, si quotidie aluus inaniretur, vrinaq; sine vitio procederet: atq; eius tantum, quanta esset esculentorum, poculentorumq; copia . hæc si non fierēt succurrebant. atque vrinæ quidem ciendæ est scandix, apium, fœniculum, & asparagus. aluū porrò subducit terebinthina ad oliuæ magnitudinē dormitum euntibus in catapotio data . Si quis subducere magis velit, parū nitri adiungat . Iā verò ad aluum leniendam faciunt etiam olera quædam, vt beta, & malua, & brassica, & iusculum conchularum . ac fortasse hæc satis sunt, si nihil, quod magni faciendum sit, prohibeat . Sunt etiam quibus vehementioribus sit opus . sed & præter ea, quæ modò diximus, cient vrinam petroselinū, daucus, anisum, calamintha, organū absinthium, gramen, cardui radix, cytissus, atq; adiantū. singula aut ex aqua elixantur, atq; ex vino potui dantur. sanguinē enim per



per vrinas purgāt: nec minori sunt adiumento, quàm quis cogitatione complectatur. Mouent autem aluū mercurialis, in aqua ex sale elixa, & in cibo sumpta, itemq; eius decoctum potui datum: simili quoque modo actę folia, & polypodij radicis drachmę duę, quę salsamēto inspersę, & in ptisana absorbeantur. Sunt qui aloes post cœnam sumunt quantū tria ciceris grana, & quotidie eis vëter rectè secedit: quę admodum faciunt, qui cnicum obsonjis indunt. horum omnium optimum epithymum est in vino potum. Cæterum qui vult hoc bibere, cœnare quidem debet, vt solitus est, sed tamen parcius, & ita quiescere: siquidem leniter euacuat. qui verò vehementius erit euacuandus, is matutinus bibat epithymi drachmas binas in oxymelite. id verò fiat verno tempore, sub initium, prius quàm succi redundantes, per hyemem collecti, qui hactenus cōstiterunt, efferuescāt, effundanturq; & ad particulam aliquam ijs suscipiendis expositā confluant: aut affectionē quandam immedicabilem, aut periculosam afferant. Expedit etiam verno tempore sanguinem mittere ijs, in quibus eius redundat copia: sed hoc negotium cōmittendum est hominibus, qui se in vena secanda exercuerint: quorum sunt vbique quamplurimi: quocirca tibi abundè suppetent. Si tales non adsint, tibias tibi scarificato, vt Appollonius Pergamenus censet, atque ita quod opus est, conficies. nam hoc & totum corpus leuius reddit, & capiti prodest vel maximè: neque magnam requirit diligentia, & menstruas mulierum purgationes suppressas iritat. Iam verò ijs, in quibus malitia humorum inest, & quibus propter superfluorum acrimoniā exanthemata in cute oriuntur, quiq; morsum in lotio, stercoreq; eiiciendo sentiunt, confert lac melli admistum bibere, itemq; se-

B rum



rum lactis, quod elixando a caseo distingues, si postquam efferbuerit, vinū aut mulsam inspergas, & collo traiicias. qua sanè ratione caseus separabitur. sed primum potui dādum est sale iniecto: facit enim sal, ut serum partes corporis celerius permeet. Vbi primum secesserit, secūdo loco bibere iam sine sale poteris: idq; per exigua interualla, donec satis fuerit facta purgatio. sufficient autem ad bibendum moderatè, seri heminae quinque. Præterea sic affectos iuuat veterum gallorum ius potum. plerisq; auxiliantur etiam vomitus, quibus pituita abundè vacuatur. Sed tamen huius rei non est ordo statuendus, neq; perpetuò vtendum euacuatione est, ne, siqua necessitas cogat hoc omittere, aliqua noxa subsequatur. Est ergo necessariū, si nimio vino se ingurgitauerint, euomant: aut si nimium se cibo expleuerint, aut deniq; si alia æqualis omnium humorū redundantia totum corpus occuparit, vt vomant. huius autem paris omnium humorū abundantia signa sunt hæc, grauitas cū pondere ac mole cōiuncta, fastidium, pigritia, somnus solito maior, palpitationes corporis, venarum, & intestinorum, horrores inordinati calori cōmixti: hæ enim præcipuæ notæ sunt plenitudinis, qua totum corpus occupetur. Ad hæc si vomere quispiam velit, paranda pituita est, vt tenuis sit, & facilè fluat: quod fiet, si radículas in cœna sumat, aut porrū, aut cepas, aut salsamentū, aut parum origani, aut retribmentum thymi, & sinapi. Sorbitio quoque paretur ex ptisana, eiusq; lomento: carnibus vescatur hœdinis, aut agninis, aut suillis. mel etiam & placentas guster. vinum autem dulce non purum bibat. tum id spatii post cœnam interponat, quo cibus in stomacho consistat, nec dum incipiat concoctio, postea aqua tepida affatim prius pota vomat. ac si opus sit præterea



præterea tali remedio, idē faciat. vbi probè satisq; euomuerit, posca facies, totumq; corpus abluatur, id quod oculis & dentibus mirum in modum prodest. putrescunt enim vomentibus dentes, nisi id faciant. aquam deinde calidiorem bibant, & quiescāt: interim verò pedes ab aliquo placidè fricētur. Si verò magna cum difficultate quis vomat, melius erit, vt ne ei vomitus cieat. Sed si necessitas vrgeat, tum deniq; vomendum erit: & præter ea quæ suprā memorauī, comedat etiam peponis, aut cucumeris semen, ex melle: aut peponis radicē ficcā, & tritam ex melle. nam hæc facilem vomitū parant. ac vacuationes quidem ex medicorum sententia ita fieri plerunque possunt.

*De victus ratione, quæ singulis temporibus  
conueniat. Cap. X.*

RECTE autē fiet, si diæta sic instituatur, vt anni temporum habeatur ratio. Hyeme igitur multi labores subeundi, & maiore cibi copia vtendū, præsertim verò, si borealis constitutio sit: si verò austrina, pares esse labores debent, at cibi potusq; pauciores: ac totum etiā corpus ficcandum, cūm humida tempestas sit. veluti cūm frigida est, calidus est reddendum labore, vsu carniū calidarum, quibus vescamur, & olerū acriorū, & largiore vini potu. Ineunte vere alius vomitibus, alius per ventrem euacuetur, alius venæ sectione sanguinem detrahat. quæ remedia sumat quisque pro cōsuetudine, & vti ei propensus est animus: videmus enim plerosque prudentes esse, ac scire quid eis quandoque conducat, atque etiam medicos admonere, vt venam secent, aut quid aliud vtile efficiant. ita est hominum natura vt recto quodam motu ad hæc obeunda feratur, & du-

B 2 catur.



catur. victus autem ratio verno tempore commutetur, vt & labores minuantur, & à cibis detrahatur, potus verò, quia tempus calidius est, augeant. Aestate autem quies confert, itemq; laborum, atque alimentorū diminutio. Porro alimēta frigidioris materiæ sint, & potus sit liberalior: omniaq; fiant, quæ ad refrigerandum, & humectandum pertinent. Autumno autē, cum is sit omnino inæqualis, atq; inordinatus, & morbos omnis generis afferat, magna diligentia adhibenda in ratione victus est, ne quid erroris in concoctionibus, in rebus venereis, in frigido potu cōmittatur. sed temperantes in his omnib. mortales sint: declinent enim aeris intemperie, qui manē frigidus est, atque ardens meridie: nec fructibus autumnalibus se expleant: quippe qui non solum copia, sed etiam in alitia humorū, & flatu, quem gignunt, officient: præsertim cum quæ hisce fructibus maximè præstant, ficus & vux flatum creent, nisi ante alios cibos sumantur, atq; etiam alia alimenta vitiant: at præsumptæ neq; flatu cient, neque alios cibos vnā secum corrumpunt. Vbi aer sit factus frigidior, tū corpus proportionē calefacit, & omnia ita facit, vt cum hyems proxima est. Post æquinoctium verò proderit aliqua ex prædictis euacuationib. vt, vt nihil superuacaneum hyeme retentum molestiam afferat. atque ita quidem habita temporum anni ratione, vitam poterit ritè quispiam instituere.

*De senum victus ratione. Cap. XI.*

SENEs, quia frigida siccaq; tēperaturæ sūt, calefieri, & humectari postulant: & à somno fricentur ex oleo: hæc enim vitale robur excitant: deinde verò vtantur deambulationibus, quæ lassitudinem non afferant



ferant, & gestationibus, quæ eorum viribus conue-  
niant: atque imbecilliores quidem solùm gestentur:  
robustiores verò, vtrunque faciant. Ergo qui citius  
imbecillior fiat, hæc munera obeat. in quo illud etiã  
est tertio loco obseruandum, vt senes paulatim co-  
medant, vt inquam tertia hora panem sumant cum  
optimo melle, aut alicam ex aqua coctam, melle ad-  
mixto: septima verò lauentur, tum prandeant, atque  
in primis sumant, quæ aluum leniunt: deinceps ea,  
quæ probi sunt succi: tertio loco post prandium pa-  
nem vino temperato madidum, aut aliquid aliud,  
quod optimi succi sit, & difficulter corrumpatur, adii-  
ciant. Iam verò senibus neque vina, neq; edulia cras-  
si succi, offerenda sunt: quoniam frequens ipsorum  
vſus vel aquam inter cutem, vel lapidem in senibus  
gignit, cum & iecur, & lien, vel etiam renes obſtruã-  
tur. Si verò potionem, quæ ex vino melleq; cõficitur,  
vti velint, vtantur: præsertim si lapide renum, aut po-  
dagra, aut articulorum doloribus infestentur. atque  
in doloribus quidem articulorum satis erit ei vino  
mulso petroselinum admiscere: in calculosis verò be-  
ſtonem herbam, quæ etiam saxiphragû dicitur. quam  
ad rem valebit etiam pota ipsa simplex ex vino mel-  
leq; confecta, si parum piperis, rutæq; recipiat. quo  
circa vitare semper debent senes, vt antè dixi, quæ  
obſtruunt. quæ si quis necessitate compulsus capiat,  
statim post eaumat medicamentum, quod ex cala-  
mintha, vel ex tribus piperis generibus cõstat: si ho-  
rum neutrum ei suppetat, piper album in pollinẽ re-  
daetũ, obsoniis inspergat, & potionibus indat. quo  
etiam tempore vtile erit cepam alliumq; gustare. al-  
uo autem mota, quandoq; theriaca sumenda est: &  
quoniã senex propter naturæ imbecillitatem pitui-  
tosa excrementa perpetuò coaceruat, opus ei est in-  
cidendibus,



cidentibus, & victus ratione attenuante. sed non est in iis morandū diutius: verū statim est potius declinandum ad humectantia. Quod verò ad fructus attinet, sub autumnō, cæteris omnibus anteponat ficus maturas, hyemē verò, caricas. Lac etiam si ipsū concoquere ritē queat, neq; vlla iecoris sit affectio, dari non veto. nunc verò quoniam in senili corpore ferosa, pituitosaq; excrementa gignuntur, apio, melle, vinoque albo quotidie vrina cieatur. Si cui aluus adstricta sit, subducatur. id fiet, si ante cibos oleum abso rbendum dederis, & quandoq; etiam si per infernas partes indideris. nam & excrementa mollit, & lubrica reddit. in quo genere acres clysteres vitandi sunt, quippe qui intestinū exiccent. quinetiam olera præ cæteris cibis sumpta ex oleo & garo, & ficus, & pruna, & reliqua generis eiusdem aluum subducunt. quod faciūt hyeme caricæ, & oliuæ sale conditæ: & damascena sicca, quæ vel cocta sint, vel certè maduerint in aqua mulsa, in qua mel liberalius sit. Atque ego quidem non hoc consilii dederim, quod quidam faciunt, vt aloen, aut picram senes capiant, nisi magna quēdā necessitas vrgeat. quamuis enim vno die aluus consistat, nihil tamen medicamento- sum exhibendū est. Si verò magis aluus cohibeatur, tertio die dabitur mercurialis, & cnicus cum ptissana, & terebinthina ad vnius Ponticæ nucis, ac sæpe etiam ad duarum, & trium magnitudinem. nam præterquàm quod aluum probè ciet, pulmonem etiam, renes, & alia viscera expurgat. optimum etiam est, quod ex caricis pinguibus, et cnico medicamentum fit. sed ab vtrisque auferatur quæ sūt extrinsecus circumlecta, simulq; tundantur. caricarum autem multo maius esto pondus, quàm cnici. detur hoc ad duarum, aut trium caricarum magnitudinem. Sed vicissitudine



Studine quadam horum est vsus cōmutandus . natura enim id vnum , cui asueta est , solet contemnere . porrò senes diutius quàm iuuenes in lecto morentur , vt excrementa ipsorum eo fotu rectè concoquantur .

*De vini facultate. Cap. XII.*

Qui bonæ valetudinis curam gerit, vini, rerumq; venerearum vim, facultatemq; nosse debet. Vinum igitur recreat, ac suscitât calorē nostrum, atq; ideo concoctiones meliores fiunt, & sanguis probus gignitur, alimentum quoque in omnem corporis partem à vino, quia vim habet permeandi, diducit. Quo circa eos, qui tenues ex morbi sunt, habitiores reddit, & simul etiam appetitum alimentorum affert: & pituitā attenuat, bilem vrinis expurgat, iucunditateq;, & alacritate perfundit animum, & robur addit. Vinum ergo moderatè potum est horum bonorum causa . immodicè verò contrariorum. Itaq; ebrii languidi fiunt, delirāt, eosq; arctus, & profundus somnus complectitur. quamobrè tam immoderatus vini potus vitandus est. longo autem tempore leniter bibere cōuenit: nam & copiosam vrinarum purgationem, & sudores elicit. Sed his peractis præstabit vomere mulsæ assumpta ita, vt minimum quidem noxæ inde cōtrahatur. Si verò quis liberalius poter, ne se aliis alimentis nimium impleat: atque inter bibendum cocta brassica vescatur, bellariaq;, ac potius amygdalas gustet: his enim & ebrietas leuatur, & vomentibus nihil affertur incōmodi. Præstantissimū autem est absinthii dilutum, antè quàm potemus, sumere: id enim crapulæ obsistit maximè. Si verò morsus in aliquo vinum excitet, aqua frigida sorbeatur, & postero die absinthium iterum bibatur, corpusq;



deambulationibus, frictionibus, balneo, & pauciore alimento reficiatur.

*De rebus venereis. Cap. XIII.*

Vsvs rerum venerearū pectori, pulmōni, capiti, & neruis est noxius. mentem verò ad mansuetudinē traducunt ita, vt melancholia, & insania sedetur, & amantiū nimia cupiditas minuatur, vt etiam amicas odio prosequātur. Nunc verò, qui corpus cōmiscēt, plenitudines vitare debent, præsertim vini, & inani- tionē quæ ex vomitu, & purgationibus per inferiores partes factis secuta sit: etsi cui sua sponte aluus fluat. cruditates quoque cauendæ sunt, & item lassitudi- nes, & si quid aliud suspectum sit, ne morbum inue- hat. minimè autem vtendum est rebus venereis au- tumno, neq; etiam alio tempore, in quo vulgaris vl- lus morbus versetur. Tempus verò, quo veneri des- operam, accommodatum est post sumptum cibum an- tequàm dormias, quandoquidē somnus subsequens lassitudinem sedat. hoc etiam tempus idoneum est filijs procreādis, cū ob alia, tum vel maximè, quòd mulier in somnū cadens, magis semen continet: sed quoniam venus reddit corpus rarius, frigidius, sic- cius, atque imbecillius, ideo fit, vt quæ ipsum densa- re, calefacere, humectare, & corroborare valeāt, ad- mouere debeamus. Sunt qui semen valde calidum coaceruant, quod in venere exercenda excernunt, corporeq; imbecillo sunt, & stomacho exoluto, ip- siq; extenuantur, humectantur, siccantur, & cauis o- culis fiunt: deinde verò ob has res à venereis absti- nent, ideoq; caput grauatur, & ex repletionē cibum fastidiunt: tum eis in somno res venereæ obijciun- tur, vt cum aliqua corpus miscere videantur, atque ita eadem patiuntur. talibus nihil dandum est eorū, quæ



quæ seminis copiam gignunt: sed ea potius alimenta, & medicamenta, quæ semen dispergant. vngendi quoque à balneo sunt lumbi oleo rosaceo, aut melino, aut omphacino. verû quia præstet id spissius esse, ne inunctum effluat, addenda erit cera, & succus aliquis, in quo refrigerandi vis insit. atque medicamentum ex cera & oleo, quod cerelæon vocant, cõficietur, si in pila ceram, oleumq; valde mollioris refrigerantem succum affundendo, & in vnum omnia diligenter conducendo, & diutissimè subigendo. succus verò refrigerâs est, qui ex semperuiuo, ex solano, ex Veneris umbilico, ex psyllioq; exprimitur: qui quidem æstate conuenient. at aliis temporibus, alii pleriq;, qualis est lactucæ, & lini seminis in aqua cocti itemq; plumbi lamina lumbis imposita à venereis insomniis liberat. idem faciunt herbæ refrigerantes cum ruta & viticis cimis teneris substratæ. quin ipsius etiã viticis, rutæq; semina cõmansa & deuorata idem præstant. Sed cauendum est, ne lumbos valde refrigeremus, ne quid noxæ renibus afferatur.

De aqua.

Cap. XIII.

QVÆ bona, quæq; mala in aqua sint, vsu compertû habere debemus: siquidem aquis ad plura fermè vtimur, quàm aliis omnibus, ad omnè victus rationem instituendam. Scire igitur conuenit, eam optimam aquam esse, quæ gustando, olfaciendoque omnis sit expers qualitatis: eamq; fore bibentib; iucundissimam, aspectuiq; puram. Si verò etiam præcordia citò permeet, nihil est, quòd præstantiorem quæras. nam quæ in præcordiis residet, ventrem ferit, inflat & grauat, etsi prædictis bonis prædita est, tamen mala censenda est: eaq; neq; calefit, neq; frigeat celeriter. imò verò quæ in ea conquuntur, tardissimè



diffimè peiusq; coquuntur . ergo præstat aquas, quæ  
huiusmodi sunt, vsu discernere . Qui autem voluerit  
etiam ex notis quibusdā ipsas cognoscere, id ex iis,  
quæ dicam, consequetur . Quæ igitur ad septentrio-  
nem vergunt, quibusq; sol est auersus, ex tardi sunt  
transitus, & indomitè, tardeq; calefiunt, & frigescunt.  
quæ verò solis ortum spectant, & per meatū quem-  
piam, aut terram colantur, ac celerrimè calidæ, frigi-  
dæq; redduntur, eas spes est esse præstātissimas . Sed  
bonæ etiam censentur, quæ æstate frigidiores, hye-  
mèq; calidiores sunt . Non desunt, qui aquas pôde-  
re æstimēt, ac leuiiores præstare cæteris putent. quòd  
si aquis præter ea, quæ diximus, insit, laudabile erit  
illud quidem, sed tamen solum non satis firmo argu-  
mento est, eas bonas esse . ac pluuias quidem esse le-  
uissimas, dulcissimasq;, & tenuissimas, & splendi-  
dissimas scriptum reliquit Hippocrates : causa est,  
quia quod tenuissimum, leuissimumq; est, sol attra-  
hit : quod non modò ex aliis aquis facit, sed id adeò  
ex ipso mari, cæterisq; corporibus. quam ob rem fa-  
cilius, quàm reliquæ omnes computrescunt: quippe  
quæ ex differentibus, multisq; qualitatibus constēt.  
Sed nemo putet, aquā, quæ facile putrescit, esse de-  
terrimā. quod enim facile immutetur, eò potius bo-  
na, quàm mala iudicanda est. cùm ergo aliæ optima-  
rum aquarum notæ adsint, licet ea vim habeat, vt fa-  
cilè putrescat, tamen est præstantissima existiman-  
da . at cùm mutari incipit, in causa est, vt bibētes rau-  
citibus, tussi, & vocis grauitate afficiantur. Inter  
pluuiales verò aquas, æstiuæ, quæ cum nimbo, quæq;  
cum tonitru pluit, aliis præstat. quæ verò ex glacie,  
niueq; existit, pessima . nam in aquæ concretione,  
quod tenuiorum partium est, exprimitur : palustres  
verò, fœtidæq;, & in quibus absurdæ qualitates in-  
sunt,



sunt, elixando meliores fiunt. Itaq; vino temperatæ bibuntur, atque acerbæ quidem dulciore, aliæ verò acerbiorē. quasdam etiā colare expedit, vt limofas, vt falfas, vt bituminofas. quæ valde frigida sunt, à cibo bibendæ sunt: fed neque confertim, neq; affatim, neque fine vino. nonnulli potus, cibosq; aduersus aquæ vitia inuenerunt: alii enim cicerum decoctum præbunt, ipsisq; ciceribus vefcuntur: alii caucalidas ex aliquo pifce coctas eodem modo comedunt, & fœniculum: alii deniq; betas, cucurbitasq; ex muria & vino diluto præmandunt.

## De aere.

## Cap. xv.

AER quoq; faluberrimus, optimusq; est is, qui puriffimus est: morbofus verò & perniciofus, qui à paludū, ftagnorumq; halitu, aut à profundo specu perniciofam aurā exhalante fit infectus: quin ille etiam est perniciofus, qui ex quibusdam cloacis ciuitates expurgantibus fit turbatus: fimili quoque modo is, qui ex oleribus, aut animalibus, aut ftercoribus putrescentibus vitietur: vt non bonus etiam est, qui è ftagni, fluminisq; alicuius propinquitate nebulofus efficiatur. Iam qui cauo in loco mōtibus vndiq; cincto inclusus est, quia perflatum nullum habet, vitatur. Qui ergo aeres ita sunt vitati, omnib. ætatibus pariter nocent, quemadmodū optimi cunctis profunt. Cæterum aeris differētia, quæ ex qualitatibus exiftit, vt ex caliditate, frigiditate, ficcitate, atq; humiditate, non eodem modo in omnibus affecta est: fed corpori quod optimo temperamēto fit, optimè temperatus aer faluberrimus est, ei verò, quod non fit temperatum, is aer conueniet, cuius fit temperatura contraria.

Lauari



## De lotionibus.

## Cap. XVI.

LAVARI frigida, cōmendo quidem, sed non tamē, ut putem cōferre ijs, qui ut sors fert, vitam degunt, verūm ijs tantūm, qui diligentiam in victus ratione adhibent, laboribusque & cibis, ut par est, utuntur. plerisq; autem, qui maioris quandoq; refrigerationis indigent, satis est in frigida natare, idque æstiuo tempore, cum iuuenes sunt, & carne bene muniti, & frictionibus præcalfacti. Sint autem neq; rebus venereis, neque alia vlla lassitudine defatigati, neque inconcoctione affecti, neque vomitus, neque alui euacuatio præcesserit: neque ipsi sint vigilijs vexati. nam si aliter fiat, periculosum erit. Calidum autem lauacrum optimum, tutissimūq; est: nam lassitudines soluit, æqualem omnium humorum exuberantiam digerit, calefacit, mitigat, emollit, flatu, ubi-  
cūq; constitierint, discutit, somnum conciliat, & carne corpus ritè conuestit. Prætera verò facile omnibus & viris, & mulieribus, & pueris, & senibus, & priuatis potest adhiberi.

## De alimentorum facultatibus.

## Cap. XVII.

Qui tuendæ valetudinis curam gerit, debet alimentorum facultates, si quid aliud, cognoscere. ergo quæ vim habent attenuantem, transitus angustos aperiunt, & glutinosa, quæ corporibus adhærescūt, extrudunt, crassaq; incidunt, atque attenuāt. verūm si quis in eorum vsu diu, multūq; moretur, serosa, biliosaq; excrementa gignentur. si verò etiam diutius eis vtetur, melancholicus sanguis fiet. quocirca ab eorum vsu continuo, præcipue autem ijs, qui biliosa natura sunt, abstinendum est. Iis enim solis hæc conueniunt, qui pituitam, crudūq; & tenacem, & crassum



crassum succum coaceruarunt. Quæ autē incrassantis facultatis sunt, valenter nutriunt, siq; in ventriculo, & iecinore probè cōcocta fuerint, boni succi sanguinē faciunt, & tamen lienem, iecurq; obstruūt. inter hæc quædam crassos tantum succos gignunt, vt lentescunt: quædam glutinosum, vt malua: quædam vtrunque præstant, vt animalia, quæ testa sunt operata. atq; ad valetudinem quidem conseruandam tutior est attenuans, quàm incrassans victus ratio. at, quia parum nutrit, ideo neq; tenorem, neq; robur affert corpori. idcirco oportet quandoq; ea etiam alimenta offerre, quæ crassi succi sint, sed moderatè: ac tū præsertim, cum se alimēti indigētes esse mortales sentiunt. quæ sanè ab iis citra periculum sumentur, qui sese exercent, quiq; somno indulgere pro voluntate sua possunt. Sed quicumq; ante cibos exercitationes obire nequeunt, ii omnes alimēta crassi succi vitent. verum ne ociosi quidē hæc attingant. nam ad bonam valetudinem tuendam maximum malum est ocium non secus, quàm moderatus motus maximum bonum est. Edulia verò, quæ mediæ materiæ sunt inter attenuantia, & incrassantia, sunt omnium præstantissima: quippe quæ sanguinem consistentia moderatum faciant. ita fit, vt hoc alimentum sit nostris corporibus accommodatū: quod verò malos succos gignit, noxiū: id quod est perpetuò fugiendum. præstabit quoq; alimentorū vitare varietatem, idq; potius, si ex contrariis sint conflata facultatibus: neque enim quæ sumpseris, probè concoquantur.

*De alimentis attenuantibus. Cap. XVIII.*

ATTENVANT autē hæc, allia, cepa, porrū, sinapis, piper, smyrnium, pyrethrum, origanum, nepita, hyssopum, sisymbrium, pulegium, thyma, saturia viridis



dia admota: at siccata iam medicamenta sunt. prædicta verò, ordine consequuntur hæc, eruca, apiū, petroselinum, ocimum, radícula, brassica, beta, fœniculum, coriandrum, ruta, anethum, libypticum, cuminum, capparis & terebinthi fructus, semen cari, anisi, dauci, omniumq; odoratorum, acriumq; , & perspicuè calidorum: vehementer autem attenuant semina rutæ, & canabis, vsque adeò vt medicamento-  
sa sint. Ex cerealibus verò seminibus ad diætam attenuantem solum hordeum molestia vacat: secundo loco censentur panes triticei in clibano cocti. à cæteris danda opera est, vt abstinenceamus: nisi quis velit per longa interualla pisa, lentesq; gustare. Maxima autem copia alimentorum ad diætam attenuantem nobis suppeditatur ex piscib. saxatilibus, auiculisq; montanis, & omnino quæ exercetur, ociosis: & quæ ficcioribus pabulis, iis quæ humidioribus vtuntur: & quæ purū, tenuemq; aerem inspirant, iis quæ contrariū, præferenda sunt. Piscibus vti poteris iis, qui mollem simul, & friabilem carnem habent: ab iis verò, quorum dura, glutinosaq; caro est, omnino abstinendum. atque hæc quidem duo signa friabilitas, & mollities sunt, quibus omnē animantis carnem cognoscas. cui vtrunque insit, eius carne ad satietatem poteris vesci: cui neutrum, id penitus vita: cui alterutrum, vesci aliquando, non tamen vsque ad satietatem. Gallinis vesci non prohibeo eos, qui se exercent, itemq; columbis, & turturibus, & præcipuè monticolis. his tamen non recentibus, sed pridie ad minus mactatis vescendum est. nec solum turturem concedo, verum etiam perdicem, & cætera, quorum modicè dura est caro. Faciūt ad hanc vitæ rationem pisces sale conditi: succos enim crassos, & glutinosos maximè attenuant. ex iis eligendi sunt, qui tene-  
ra sunt



fa sunt carne. cætareum genus vitandum. potius verò ex aceto atque oxymelle parata quàm plurima alimenta offerri conuenit, itemque salienda antè sunt, quæcunq; possint. Iam verò suillas carnes sale conditas gustare quispiam poterit, neq; à fructibus autumnalibus iis, qui ventrem molliunt, lædetur. deteriores sunt, qui tardè transeunt, magisq; si duri fuerint: sed huiusmodi ne gustandi quidè sunt, nisi qui reponi, atque asseruari queant, quo in numero pira, pomaq;, & non pauca vuarum sunt genera, at molliores potius licet comedere: qui autè vehementer auferri, acerbique sunt, incòmodi ad hanc diætam iudicantur: omnium aptissimæ sunt caricæ, nuces, pistacia, & amygdalæ subamaræ. oliuas neque laudo, neque vitupero. ex dulcibus & potibus, & pastibus solum ferè mel exquisitè tenuem succum gignit. atque inter vina, quæ tenuia, albaq; sunt, crassos succos incidunt, & per vrinas expurgant. deniq; ad victus rationem attenuantè oxymel est accommodatissimùm.

*De alimentis crassi succi. Cap. XIX.*

CRASSI succi sūt panes, qui sub cinere coquuntur, quiq; non ritè sint facti: & placentæ ex musto similiaq; confecti, & lagana, & placentæ, quæ itria nominantur: & quicquid ex tritico sine fermento fit, & item placentæ, quæ ex eadem materia parantur. Simila autè & alica abundè crassi sunt succi. amyllum mediocriter. at lobi & succi crassi sunt, & calidi: itemq; lentis pars quæ est veluti caro, fabæ frictæ, & pisces, qui molles appellantur, loligines, sepia, polypodes, cætareiq;, in quorum numero sunt tynni. moderatius verò, quàm hi, pelamides. satis verò crassi succi sunt ostrea, buccinæ, purpuræ, chemæ, patellæ, pectines,



pectines, pinnæ, & quæcunq; testa conteguntur. atque etiam anguillæ, cochleæ, carnes ceruinæ, caprinæ, bubulæ, leporinæ, suillæ, iecur, renes, testes cerebri, spinalis medulla, mammæ, lingua, & glandulæ moderatè, lac nimis elixatum, casei omne genus. at recentes, & ex acido lacte confecti, minus: lac acidum igni coctum, oua quæ ad perfectam concretionem cocta sint, ac magis etiam affata, & longè maximè quæ in sartagine frixa sūt: palmulæ, castanæ, bulbi, rapa, pruna, fungi, tubera, nuges pinæ, ficus non probè maturæ. Inter vina autè, quæ dulcia sunt, crassum sanguinem faciunt: ac magis id, quod defrutum vocatur: & eadem etiam ratione mustū, itemq; vina crassa, nigraq;.

*De ijs, quæ inter attenuantia, & crassos succos facientia, media sunt. Cap. xx.*

MEDIUM inter attenuantia, & incrassantia locū tenent panes optimè confecti, carnesq; gallinarum, phasianorum, perdicum, columborum, attagenum, turturū, & omnium paruarum auium: itemq; pisciū saxatiliū, littoralium, ac pelagiorum, gobiorū, murænarum, buglossorū, & vno verbo, omniū littoralium, pelagiorumq; piscium, qui neq; lentorem, neque fœtorem edendo afferant. & ficus maturæ, & feris ex agrestibus oleribus: est enim hoc cōmune genus multorum, at vnaquæq; species proprium habet apud Atticos nomen, vt lactuca, vt chondrila, vt gingydia, & alia plura. huiusce generis sunt palustris, myacanthinus, chamædaphnes, & bryoniæ, asparagus, vinum flauū simul & dulce, ac perlucidū: quale & Aruifiū, Lesbiū, Falernū, & Tmolite. hæc enim & bonū & moderatè crassum sanguinē gignūt omnia.

De



*De iis, quæ succum glutinosum faciunt.*

Cap. XXI.

IN tritici genere, quod graue, densum, & interius  
flauescens est, glutinosum succum facit. quod verò  
leue, rarumq; , & intus album, minus glutinosum suc-  
cum gignit. Simila quoque & alica abundè glutino-  
sæ sunt: itemq; tendines, & neruæ musculorum ex-  
tremities, & particulæ quæ ad labra sunt, lingua,  
suillum pancreas, agnina caro, sesami semen, bulbi,  
palmulæ pingues.

*De iis, quæ crudos succos pariunt.*

Cap. XXII.

VIRIDES palmulæ crudis explēt humorib. eos,  
qui eis vescūtur, radix rapi, caro testa cōtectorū, quō-  
rum dura caro est, quæ falsum humorē ex nimia co-  
ctione abiecerit: quæ item mollia nominantur, poly-  
podes, sepia, & quæ sunt generis eiusdem. omnia e-  
tiam animalia cætacea in mari degentia. ex quo fit,  
vt sale condita sint ad vsum traducta, vterus, intesti-  
na, vulua quadrupedū, duriores glandulæ incoctæ,  
acidū lac, panes in sartagine cocti, lupini, vua in ven-  
triculo contenta, quæ corrupta non sit.

*De iis, quæ frigidum succum creant.*

Cap. XXIII.

QUI cucumeribus se explent, iis vt crudum suc-  
cum coaceruent, vsu venit. id quod iis etiam cōtin-  
git, qui intestina, vterum quadrupedum, lacq; aci-  
dum, boletos, poma immatura, & bulbos denique  
comedunt.

*De iis, quæ pituitam faciunt.* Cap. XXIIII.

PITUITOSVM absolutè succū faciūt partes ani-  
malium neruæ, cerebrū, pulmones, spinalis medulla,  
C glandulæ



glandulæ non concoctæ, agnina caro, & eorum, qui  
bus testa adiuncta est, mollisq; carnis sunt: & poma  
non matura.

*De iis, quæ succum melancholicum pariunt.*

*Cap. xxv.*

BVBVLAE, caprinæq; carnes, magisq; taurinæ, &  
hircinæ melancholicū succum gignunt: ac multò e-  
tiā magis carnes pecudum, leporum, suum agrestiū,  
carnesq; terrestrium animalium salitæ: itemq; lienes  
animantium. ex marinis verò thynni, & balenæ, & cæ-  
taceum omne genus, brassicæ, & arborum germina,  
quæ muria, vel acida muria sint condita, qualia sunt  
lentisci, & terebinthi: & cinaræ caro, & lenticula me-  
lancholicum edulium est. Post hæc locandi sunt pa-  
nes furfuracei, quiq; ex typha, & aliis malis semini-  
bus cōficiuntur, triticum tenerum, aphace, vicia, &  
vina crassa, atque nigra.

*De iis, quæ biliosum succum gignant. Cap. xxvi.*

SILIQVAE, cinaræ succus amarus est, & simul etiā  
tenuē bilim facit. ergo melius est, & ut ea elixata ve-  
scamur. mel facilè in bilim in calidis corporibus ver-  
titur. omnes enim dulces succi, & itē vina dulcia ma-  
teriam flauæ bili suppeditant.

*De iis, quæ gignunt excrementa.*

*Cap. xxvii.*

EXCREMENTA gignūt palumbi, anseres, præter  
alas, omnia viscera, spinalis medulla, cerebrū, aues,  
quæ in paludibus, stagnis, pratisq; degūt, cicer, fabæ  
virides, faba Aegyptia, porcelli nuper nati, ouium  
caro, & item eorum omnium animantium, quæ igna-  
uā vitā ducūt: & pisces fluuiatiles, palustres, atq; in  
limo



limo uiuētes, & omne genus cætaceū in mari uiuēs.

*De iis, quæ vacant excrementis. Cap. xxviii.*

EXPERTIA sunt excrementorum colla, caudæ, alæq; animalium, & agrestium caro, & eorum, quæ in siccis locis vitam transigunt.

*De iis, quæ valde nutriunt. Cap. xxix.*

CARO suum domesticorū ualentissimum omnium alimentum præbet, bubulum cerebrū, testiculi, cor, spinalis, aliaq; medulla, alæ anserum, & magis etiam gallinarum, omniumq; pennigerorum ventres, cochleæ, ac magis ter coctæ. ex iis quæ testa operta sunt, huius generis censcentur, quorum dura caro est; cuiusmodi sunt purpuræ, buccinæ, & similia, astaci, paguri, cancri, locustæ, squillæ, & cætera consimilia. itemq; ea, quæ mollia uocantur, ut polypodis, sepia, & quæ talia sunt. ex cartilagineis verò torpedo, turtur modicè. bati uerò & liobati, & rhinæ, magis nutriūt, at triglæ, gobiq; minus. lac, quod crassius sit: quod verò liquidius est, minus. Inter panes maximè nutrit siligineus, deinde similaceus, tum ii, in quibus etiam surfur est. triticum elixum, simila, alica, fabæ carnem gignunt, non tamen firmam densamq; sed potius laxiorem. cicer magis nutrit: phaseli, ochriq; magis, quàm fœnum græcum. dolichi verò, quos lobos & phasiolos uocant, non minus, quàm pisca nutriunt. lupini quoque uim habent alendi, castanæ, palmulæ dulces, uuæ dulces, pinguesque; rapa, bulbi maximè nutriunt, ac magis bis cocti, mel despumatum & ad distributionem alimentorum, & ad nutriendum aptum redditur. uinum omne ad crassitie proportionem nutrit. ergo rubrum, crassumque maximè omnium ad sanguinem gignendum aptum

C 2 est:



est : deinde verò nigrum simul , & dulce , & crassum ,  
tum rubrum , crassum , & adstringens . his minus nu-  
trit album simul , & crassum , & austerum : omniũ ve-  
rò minimè , albũ & tenue . Iam verò omnia , quæ cras-  
si succi sunt , si ritè cõcoquantur , & in sanguinè cõ-  
uertantur , valde nutrient .

*De rebus parum nutrientibus . Cap. xxx.*

PARVM nutriunt extremæ partes animalium , vte-  
rus , ventriculus , intestina , caudæ , auriculæ , pingue-  
do , adeps , omne auium genus parum nutrit , si gene-  
ri terrestriũ comparatur . caro etiã eorũ , quæ sunt  
confecta senio , minus alit , quàm eorum , quæ adhuc  
augescunt . alimentũ , quod ex piscibus sumitur , san-  
guinem tenuiorẽ facit : ex iis verò quæ testa intacta  
sunt , quæ molli sunt carne , vt ostrea , parum nutriũt .  
panes hordeacei , polenta ex hordeo cõfecta , panes  
furfuracei , omnesq; sordidi , & loti , amyllum , maza  
ex polenta , hordeum , auena , milium , & magis pani-  
cum , oryza , faba viridis , semen papaueris , sycamina ,  
amygdala , pistacia , pruna , persica , armeniaca , præco-  
cia , oliuæ , ac præcipuè maturæ , nuces auellanæ , ac po-  
tius regiæ , nuces , serica , corna , pruna syluestria , ru-  
bi fructus , capparis , præsertim sale condita , terebin-  
thi pars omnis , brassica , beta , raphanus , napi , aspara-  
gi omnes , pastinaca , daucus , carus , cepa , & allium .  
porra verò cruda nihil penitus nutriũt , at bis , tẽrue  
cocta , parumper . mala Punica parum nutriũt , itemq;  
pira , cucurbita , vuæ deniq; passæ , & austeræ , & non  
pingues .

*De rebus mediis inter ea quæ multũ , & quæ parum  
nutriunt . Cap. xxxi.*

INTER ea quæ multũ , & ea quæ parum alũt , iter  
iecti sunt medii phaseli , ochri , & cicerculæ . Ficus ve-  
rò



rò non æquè ac cæteri autùnales fructus, nūtriūt, & laxam carnem gignunt. Simili quoq; modo vuæ, sed minus, quàm ficus nutriunt, laxamq; & flacidā carnem gignunt.

*De rebus boni succi.* Cap. XXXII.

**OPTIMUM** lac est omniū ferè, quibus vescimur, optimi succi. estq; optimum eorum animantiū, quæ integra valetudine fruuntur, cum nuper emunctum potatur. oua tremula, sorbiliaq; gallinarum, & phasianarum. aues autem, piscesque omnes parum abest quin boni succi sint: præter eos, qui in paludibus, stagnis, limosisq; & turbidis fluminib. viuūt. Odoratu verò gustatuq; discernere pisces oportet. nam qui in aquis vitiatis degunt, fœtidi, insuaues, mucosiq; sunt. Iam verò carnes animalium, si probè fuerint coctæ, optimū sanguinē faciunt: quod præstāt maxime carnes eorū, quæ boni succi sūt: quale est suillū genus. māma boni succi est, itemq; iecur, partes etiā, quæ circa labra sūt, & alæ, & cæteræ extremæ partikulæ. at vulua, & intestina, & cauda minus, quàm carnes probi succi sunt, cor nō est mali succi. pedes porcini præstant grūno, & auriculis. agrestium bestiarum carnes melioris succi sunt, quàm cicurum. panis purus, ritè confectus, boni succi est. alica, ptisana rectè cocta, fabæ, castaneæ non mali succi sunt. ficus matura, vua matura pensilis vacat reprehensione. caricæ statim distributæ boni succi sunt: at si diu in ventriculo maneāt, mali, & pediculos præterea gignunt: si cum nucibus eas sumas, præstanrissimum edulium facies. at quicumq; ficus, caricasq; cum aliquibus aliis eduliis non comedunt, ii non parum læduntur. Lactuca in olerū genere, sanguinē gignit, post eam

C 3

intyba.



intyba. Vina odorata boni succi sunt: atque optimi quidem succi est Falernum, & Tmolite dulce, & Aruifium.

*De rebus mali succi. Cap. xxxiii.*

AB omnibus mali succi eduliis, etiam si facile concoquantur, abstinendum cenſeo: ſuccus enim malus ex eis collectus longo tempore later inuenis, qui cum parum occaſionis ad putreſcendum naſtus ſit, febres malignas inuehit. Cæterum mali ſucci ſunt hæc. ouilla caro, agnina: hircina uerò peſſima eſt, de inde arietina, tum taurina, inter has omnes caro caſtratorum melior eſt: ſeniorum carnes ſunt deterrimæ. Caro leporina eſt illa quidẽ ſanguinis craſſioris effectrix, cæterum melioris ad ſucci bonitatem, quàm bubula, ouillaq;: ceruina uerò non minus, atq; illæ, mali ſucci eſt. Renes mali ſucci ſunt, teſticularq;, præterquàm gallorum gallinaceorum, cerebrum, ſpinalis medulla, lingua, lien, oua in ſartagine friſta, caſei veteres, boleti, amanitæ, fœnum græcum, lens, auena, cicer non boni ſucci: olyra uerò tantò eſt tritico deterior, quantò eſt quàm tipha & auena præſtantiôr: panicum, milium, & cætera ſimilia boni ſucci nõ cenſentur. Iam dracones, galeonymi, ſcorpium, trachuri, triglæ, orphi, glauci, zyganæ, gongri, phagri, & alia cætarei generis, quæ in mari uiuunt, mali ſucci ſunt omnia. Poma immatura, pira antequàm concocta ſint, perſica, mala punica, meſpila, corna, pruna, ſiliquæ, terebinthi fructus, cinara, & præcipuè cum iam obduruerit, cucumeres, pepones, melopepones ſed hi minus: cucurbita eſt his melior, ſed ipſa quoque in ſtomacho corrupta, ſit abundè mali ſucci. Ficus minus mali ſucci ſunt, quàm cæteri æſtiui fructus, qui horæ dicuntur. itemq; caricæ: ſed ſi quis  
eis



eis diutius vtatur, non admodum bonū sanguinem gignent, & inde magna quoq; pediculorū copia cōsequetur. Ex oleribus nullum boni succi est: in medio tamē eorum quæ bonum, quæq; malum succum faciunt, est lactuca, & intybus: pōst verò, malua, blitum, atriplex. Radices tum olerum, tum verò etiam plantarū mali succi sunt, quæcunq; acres sunt, qualis est ceparum, porrorum, alliorum, radicularumq;, & daucorum: mediæ sunt radices raporum, & ari. o-cimū succi pessimi est, rapum crudius, brassica, bulbi non probè elixati, cepa, allium, porrum, si bis cocta fuerint, succi prauitatem deponunt: omnino uerò pessimi succi sunt olera, quæ syluestria nominantur: uina quoque crassa, unaq; foetida, & quæ insuaui, austeraq; sunt, mali succi iudicantur: tale est uile bithynum, quod in magnis doliis importatur: nam quod in paruis conuehitur, neque boni, neque mali succi est.

*De rebus, quæ bene concoquuntur.*

*Cap. xxxiiii.*

PROBE concoquuntur panes ritè cōfecti, omnes saxatiles pisces, gobius, torpedo, turtur, omne genus uolatilium, generi terrestriū comparatum, melius concoquitur, præsertim caro perdicis, attagenis, columborū, gallinarum, phasianorum, & alæ anserinæ: & his magis alæ gallinarū: & ad summū, alæ bene habitorum, & iuniorum, optimè concoquuntur: pessimæ uerò gracilium, & seniorum. Quæ uerò fero lactis educata sunt, & iecur anserum, & cæterorum, quæ ita nutrita sint, testesq; pullorum gallinaeorum, facillimè concoquuntur: eiusmodi quoque sunt carnes porcorū: ætati uerò florenti, quæ se exerceat, accommodatior est porcorū, quorum ætas flo-

C 4 reat,



reat, caro: aliis verò, porcorum adhuc crescentium, Vituli melius concoquuntur, quàm perfecti boues, & hœdi facilius, quàm capræ. caro denique adhuc crescentium facilius, quàm non crescentium concoquitur. nux etiam regia facilius, quàm auellana: bulbi facilius concoquuntur, qui bis cocti fuerint: oua tremula & sorbilia, lactuca, intyba, malua, cucurbita cocta, cum non vitietur: vina dulcia melius quàm austera concoquuntur. Cæterum ex iis, quæ æquè salubria sunt, id melius concoqui sciendum est, quod uacundius fit.

*De rebus, quæ difficulter concoquuntur.*

*Cap. xxxv.*

ÆGRE concoquitur caprarum, boum, ceruorūq; caro: hircina verò est ad concoquendum pessima: deinde arietina, tum taurina, & annosorum animalium caro pessimè concoquitur, & sues senio confecti fibrosam, siccamque, & ideo concoctu difficilem carnem habet. Ventriculus difficulter concoquitur, atque etiam intestina, vterus, lingua, cor, iecur, aures, caudæ, renes, cerebrum, medulla spinalis, & perfectorum animalium testes: anseres, præter alas: palumborum, sturnorum, merularum, & paruarum avium caro durior est: & magis etiam turturis, atque anatis. difficilior verò quàm hæ concoquitur, fibrosa; est caro pavonum, & otidum: aeriorum animalium ventriculi omnes ægrè concoquuntur. Quo in genere falsò a quibusdā laudatur struthocameli venter, & mergi: vix etiam concoquuntur cochleæ, lac acidum, caseus vetus, at novus, præsertim qui ex lacte acido confectus est, melius concoquitur: purpurarum, buccinarū, & aliorum testa intectorum caro, quia durior est, ideo ægrius concoquitur: itemq; astaci,



astaci, paguri, cācri, locustæ, squillæ, & cætera his similia: polypodes quoq;, sepia, lolignes, & alia, quæ mollis cute prædita vocatur, bati, liobati, rhinæ, dracones, cuculi, galeonymi, scorpii, trachuri, triglæ, orphy, glauci, zygænæ, gongri oua in sartagine cocta, triticū elixum, polenta, tipha, auena, fabæ, dolichi, phasioli, cicercula, cicer, oryza, lupini, panicum, milium, & his confimilia: lens, sesamum, castanæ, mala, pira, antequàm matura sint: ficus nondum maturæ, vuæ acidæ, & austeræ, omnes palmulæ, filiquæ, o-eimum, rapum crudius, bulbi crudiores, pastinaca, daucus, carus, & omnes olerū radices, & ipsa etiamnum olera, præter lactucas, intybaq;: vina crassa, & noua ægrè concoquuntur, & item aqua omnis.

*De rebus stomacho idoneis, ipsumq; roborantibus, Cap. xxxvi.*

PALMVLAE austeræ, poma cydōia, oliuæ sale cōdita ad hoc valent: præstantiores autem sunt, quæ ex aceto paratur, vuæ passæ austeræ, vua in vinaceis reposita, nux regia, magis quàm auellana, ac multò etiam magis cū caricis: cynara, gingydiū, estq; hoc scandici simile, quod crudum, coctumq; sumptū stomacho valde conuenit. longiorem coctionem non fere sinapis, raphanus, rapum, nasturtium, pyrethrum, regius asparagus, & palustris, & oxymyrtinus, & chamædaphnes, & oxyacanthæ, & bryoniæ: bulbi appetitum excitant, & capparis sale condita: citri extima pars stomachum vice medicamenti corroborat, vinum austerū os stomachi roborat, præsertim ubi ventriculus calida intēperie laborat.

*De rebus, quæ stomacho incommoda sunt,*

*Cap. xxxvii.*

BETA sic aliena stomacho est, vt si edatur largius, morsum



morsum etiam inducat: ocimū quoque stomachum lædit, & rapum crudius, blitumq; , & atriplex, nisi ex aceto, oleo, & garo sumatur: scænum græcum, & sesamum subuertunt stomachum. lac in frigido uentriculo, atq; in febricitantibus acescit: si uerò quis meli admixtum lac copiosius propinet, ad uomitum impelletur: pepo non probè concoctus, cholicos inferre morbos consuevit, similiq; modo melopepo: cerebrū omne alienū stomacho est, & spinalis æquē, ac medulla cæterorum ossium: uinum nigrum: & austerum facilè acescit, & ad uomitū impellit, idem facit crassum, & nouum.

*De rebus, quæ flatu vacant. Cap. xxxviii.*

FLATU uacant hæc, pisa, phaseli, cuminum, libysticū, uiticis semen, canabis fructus, faba fricta, bulbi plurimū, aut certè bis elixati, tum ex oleo, acetooq; sumpti, mel quod coquendo spumam vniuersam deposuerit: oxymel flatus discutit. panes hordeacei. Inter ea uerò quæ inflant, quæq; non, medii sunt phaseli, ochri, & cicerculæ.

*De rebus, quæ flatum cient. Cap. xxxix.*

INFLANT autem hæc, cicer, lupinus, panicū. milium, & quæ sunt generis eiusdem, fabæque: lobi minus quàm fabæ, maza ex polëta, liquores omnes, sed magis cyrenaicus, silphii liquor, & radix: ex ficibus flatus breuis excitatur, quia facilè deiiciuntur: quæ uerò exquisitè maturæ sunt, parū absunt ab eo, ut nihil noceant, sicut caricæ: palmulæ uirides flatū gignunt, & rapum crudius: lac facilè in uentriculo ciet flatum, atque etiam bulbi crudiores, mel itè non perfectè coctum: uina dulcia flatus diuturnos pariunt, sed & dulcia simul & austeræ, & mustum flatus inducunt.

De



*De rebus abstergentibus, incidentibus, & aperientibus. Cap. xli.*

ABSTERGIT ptisana, scœnugræcū, melopepo, vug passæ dulces, fabæ, cicer, & magis quod nigrum est: capparitis est satis tenuiū partiū, & deterget, aperitq; præsertim verò cum oxymelle, aut oleo & aceto ante cæteros omnes cibos sumpta: betæ succus abstergit, ac magis si cū sinapi, aut aceto edatur: bulbi vim habet attenuandi atq; aperiendi, cepæ, allia, porraq; attenuant, inciduntq; crassos, & glutinosos humores: serum quoque lactis humores crassos attenuat: ficus abstergent, ideo fit, vt multa arenosa ex eorū vsu à renibus excernantur: caricæ attenuāt, renesq; expurgant: amygdalæ abstergent, attenuantq;, & viscera purgant, faciuntq; vt humores ex thorace, & pulmone eiiciantur: pistacia valent ad iecoris firmitatē, & ad purgandos eos humores, qui in eius meatibus impacti sunt: mel quod ex calidis siccisq; plantis factum est, maiorem attenuandi vim habet: quocirca etiā aqua mulsa est ad sputū educendum accommodata: oxymel, quæ nō penitus glutinosa, crassaq; sunt, facilē educit, & viscera sine molestia expurgat, ac thoracis & pulmonis affectionibus mirificè prodest: iis qui succos crassos aceruāt, vina tenuia cōueniunt: siq; frigidi humores fuerint, apta erunt, quæ tenuia, veteraq; sunt cum acrimonia coniuncta: vinum verò aquosum ad humores è pulmone educendos facit, roborat enim, humectatq;, & siccat mediocriter. Vinum autem dulce in morbis acutis, ubi fit facta concoctio, ut in peripneumonia, & pleuritide, ad educendum accommodatum est.

*De rebus obstruentibus. Cap. xli.*

LAC quod seri parum, caseiq; multum habet, non  
rutum



tutum est ei, qui in illius usu longo tempore moretur: nam & renes calculo obnoxios lædit, & iecoris obstructions gignit in iis, qui præstò sunt, vt hisce morbis capiantur. Caricæ sunt iecori & lienî inflammationis noxiæ, vt etiam ficus: omniaq; dulcia lienem, iecurq; lædunt: aqua mulsa incòmoda est iis, quibus elata in tumorem viscera aut scirrhus, aut œdemate, aut inflammatione laborant: palmulæ pingues obstruunt. Omnia autem genera liborum, quæq; ex similia cõficiuntur, obturant, lienem augent, & lapidem in renibus gignunt: idem facit triticea farina cum lacte: alica etiam non est idonea iis, quorû obstructum iecur est, & quorum renes propensi sunt ad lapidem gignendum: vinum dulce obstruit, & viscera auget.

*De rebus tardè transeuntibus. Cap. XLII.*

TARDI transitus sunt omnia, quæ ex itriis & similia cõficiuntur, fabæ frictæ, pães puri, lens sine cortice, cerebrum, medulla spinalis, iecur, cor, triticum elixum, oua assa, elixa, in sartagine fricta, lupini, phasoli, pisa, sensamû, poma, pira nõdum matura, siliquæ, vinum dulce, ac magis austerum, & nigrum sine dulcedine, itemq; crassum, & nouum omne: aqua omnis tardè transit.

*De rebus, quæ faciliè corrumpuntur.*

*Cap. XLIII.*

FACILIB' autè corrumpuntur persica, armeniaca, præcocia: & omnes fructus æstiuî, quorum natura humida est, in ventriculo faciliè viciantur, nisi citò deiici properent. Omnia deniq; mali succi edulia, quæ humida lubricaq; sunt, & subduci faciliè possunt, ante alia sumenda sunt: ita enim ipsa citò subducta, cætera secum deducunt: si verò post alias dapes comedantur,



dantur, eas etiam simul vitiabunt.

*De rebus, quæ difficulter corrumpuntur.*

Cap. XLIIII.

AEGRE vitiantur chamulæ exiguae, purpuræ, buccinæ, & cætera omnia testa intacta, quorum dura caro est: quæ etiam dare consueuimus iis, qui propter humorum malitiam cibos corrumpunt: eaq; bis & ter in optima aqua coquimus, & in aliam puram trāsferimus, cum prima iam salsa facta esse videatur. Similes sunt astaci, paguri, cancri, locustæ, & squillæ, & alia omnia, quæ carnem habent, quæ ægrè vitietur, non secus quàm ea, quæ testa contacta sunt, quorum dura caro est.

*De rebus aluum subducentibus.*

Cap. XLV.

CIENT aluum lens, brassica, atq; ex marinis ferme omnia, quibus testa pro operculo est, & cochleæ mixtam ex contrariis facultatibus naturam habent: ipsum enim solidum cuiusq; corpus permeat, aluumq; comprimit: humor verò ad excretionem iritat. Si quis igitur lentem, brassicamq; , & alia, quorum facta mentio est, decoquat, deinde eorum decoctum oleo, garo, & pipere condiat, tum cui velit bibendum det, ventrem eo potu subduci videbit: maiorum quoque herinaceorum, & cochlearum omnium, & veterum gallorum iuscula ventrem subducunt. Brassicam si velis subducere, ollam cum aqua in qua cocta fuerit, prope vas aliquod admouemus, & ita extrahendo in oleum & garum sine mora coniicimus: ad hunc usum non est admodum coquenda. Iam fursuracei panes cient aluum, & fœnu græci liquor, ex melle coctus, & sumptus, idoneus est, ut omnes humores vitiatos, qui intestinis continentur, subducant: sed  
mel



mel quod ei admisceatur, esse exiguum debet, ne morsum afferat: oliuæ sale cõditæ ante alios cibos ex garo sumptæ, aluum mouent: lac quod crassius est, minus mouet, liquidius verò, magis. Serum lactis valde euacuat, eiq; tantum mellis addendum est, quantum satis sit ad condiendû, ne gustum lædat. Carnes animalium valde nouellorû facilius per ventrem transeunt: simili quoque modo cartilagineorum caro, & torpedo, & turtur, modicè transeunt: maluaq; & beta modicè: recens caseus ex melle, atriplex, cucurbita, pepones, melopepones, ficus, carica, vuæ dulces, præcipuè cùm humidæ sunt, sycamina prius sumpta, nux adhuc humida ad secessum est accõmodata: aridæ quoq; nûces, si prius in aqua multum maduerint, melq; eis affundatur, vel si quis ipsas per se summat, aluû abundè molliût: sed magis etiam, si postea aquam mulsam forbeas: est enim planû, valere ad aluum subducendam, si postquàm hæc quæ dixi, sumpseris, vinum dulce bibas, tum spatio quodam temporis interposito, & non statim prandeas. cerasia sola, præcocia, persica, & omnia humida & aquea, & omnino quæ nullâ insignem afferre gustantibus, aut odorantibus qualitatem videntur, sunt mediæ quodammodo facultatis, inter ea, quæ aluû subducunt, quæq; supprimunt. mel solum si quis non coctû lambat, aluum rectè subducet: aqua etiam mulsæ parû vel nihil cocta facilè subducitur. vinû dulce ad ventris secessum prodest: mustum uerò subducit.

*De rebus aluum supprimentibus.*

*Cap. XLVI.*

PALMVLAE austeræ, vuæ passæ austeræ, sycamina, rubi fructus, pruna agrestia, poma adstringetia, iteq; pira & mala cydonia: atq; etiam astaci, paguri, cancri,



cri, locustæ & squillæ, & cætera huiusmodi, quorum mollis testa est: sed minus quàm ea, quæ dura testa sunt operta. Habent aut hæc salsum in se humorem, quæ si in aqua deposuerint, non minus quàm ostreorum, & aliorum dura testa conectorum carnes, aluum supprimet: lens quoq; , & brassicæ bis coctæ, & cum succum deposuerunt, aluum cohibent. Si quæ humectum ventrem siccare velimus, brassicam modicè coctam priore aqua abiecta, in aliâ calidâ statim cõiicimus, in eaq; iterum coquimus vsque dum flaccida reddatur: nam quæ bis coquuntur, neq; aerem, neq; aquam frigidâ debent attingere: quippe cum si contingant, nunquam flaccida sint euasura, ne si diutissimè quidē coxeris. si à lente corticem detraxeris, vehementem adstringendi facultatem amittet, neque eodē modo ventris fluxiones exiccabit: si verò eam contundas, bisq; excoquas, & priorē aquam abiicias, deinde parum aceti aut gari admisceas & aliquid eorum, quibus aluus constringitur, adicias, ne gustui molestia afferatur, suauissimum vtilissimumq; medicamentum simul & edulium conficies. polenta ex vino austero potui data exiccat. oryza cohibet, & item panicum, milium, fricta, leporinæ carnes, vinum austerum, & nigrum dulcedinis expers: & quod album est & austerum, & fuluum atque austerum.

*De rebus, quæ in alimentis calefaciunt. Cap. XLVII.*

HÆ res calefaciunt, triticum coctum, panes ex eo confecti, typha, auena, fanugræcū, palmulæ dulces, mala dulcia, sesamum, vux dulces, ideoq; sitim afferunt vux passæ dulces, malua modicè. apium, smyrnium, eruca, raphanus, radícula, rapa, sinapis, nasturtium,



tium, pyrethrum, pastinaca, carus, allium, cepa, porrum, caseus vetus, vinum vetus modicè calidum est, ideoq; sitim inducit. fuluū est nigro calidius. flauū est calidissimum, deinde fuluum, tum rubrum, post hoc dulce, postremò album minus cæteris calefacit: vetustissimum verò abundè calefacit.

*De refrigerantibus. Cap. XLVIII.*

REFRIGERANT autē hæc, hordeū, quoquo modo eo vtaris, milium, panicum, tubera, cucurbita cocta, pepones, melopepones, cucumeres, pruna, sycamina, vuæ austeræ & acidæ, vuæ passæ austeræ, mala adstringentia, & acida, & insipida, pira, mala cydonia: refrigerant etiam palmulæ adstringentes, in quibus frigidus succus inest: & lactuca & intyba moderatius. portulaca, papaueris semen, aqua, vinum dilutum non perspicuè calefacit, quam ob rem minore cum periculo febricitantibus datur, vinum album & austerum minimè pro vini natura calefacit, quod verò album simulq; austerum est, & crassum & nouum, manifestò refrigerat. acetum quoq; refrigerat, estq; tenuium partium: quocirca nervos magis quàm alia refrigerantia, lædit: medium verò locum inter refrigerantia & calefacientia sortiuntur panes loti, amyllum, atque vuæ vinosæ.

*De rebus siccantibus. Cap. XLIX.*

SICCANT autē lens, brassica, polëta, viticis semē, eruum bis coctum, & sæpe in aqua dulce redditum: album verò præstantius est. Porro quecunq; asla, fritæque edunt homines, ea ficcius alimentū præbent: ea quoque, quæ garum, aut vinum liberalius acceperunt, sicciora sunt, quàm quibus hæc non insint. Cæterum maxima differētia alimentis apparandis affertur ex facultate seminum, olerum, & plantarum, quæ  
in



induntur, quæ omnia siccâtia sunt illa quidem, sed alia magis, alia minus.

*De rebus humectantibus. Cap. L.*

HUMECTANT ptisana, cucurbita elixa, pepones, melopepones, cucumeres, nuces virides, susina, pruna, sycamina, lactuca, intubus: malua aut & blitum, atque atriplex maximè omnium olerum aquea sunt. humectant etiam fabæ virides, cicer. aqua refrigerat & humectat: at calefacta, humectat & calefacit.

*De rebus caput ledentibus. Cap. LI.*

CAPUT lædunt sycamina. rubi fructus dolorem capitis affert. palmulæ omnes, eruca. sœnugræcū, fulvum & austerum vinum capitis dolorem creat, mentemque tentat magis, quàm nigrum & austerum. odorata quoque idem faciunt: at aquosum neque caput dolore vexat, neque nervos tentat. quod verò pauciferum vocant, capitis etiam dolores sedat, quos succi in ventriculo contenti excitant. vetus vinum non est aptum capiti, nisi quis admodum robustum caput habeat. aqua in qua vuae maduerint, quæ sex nominatur, capitis dolorem excitat: idem facit vua in vinaceis reposita.

*De rebus dentes ledentibus. Cap. LII.*

LAEDIT autem dentes lac, si quis eo assidue utatur: idem quoque gingivis nocet, easque flaccidas reddit: at dentes facit corruptelæ obnoxios, & qui facile erodantur. Ergo in alimento, quod ex lacte sumitur, vino diluto os colluendum est: sed præstat etiam eidem mel admiscere.

FINIS PRIMI LIBRI.

D

Oribasii





VAE scire, quæq; facere deberes Eunapi, bonæ valetudinis tuædē gratia, superiore libro exposuimus: sequit̃ autem, vt vniuersales simplicium medicamentorū, & eorum, quæ suppeditari facillè possunt, facultates dicendæ esse videantur. Qua in re docuimus, quibus affectionib. singula medicamenta auxiliantur: deinde vt in alimētis declarandis, sic in medicamentis recensendis faciemus, vt materias cuiusq; facultatis, atq; actionis in vnum conducamus, & describamus: ita enim magna curationum perutilium, quibus quotidie indigemus, nobis suppetet copia: idq; elementorum ordine seruato fieri poterit quam commodissimè.

*De facultate simplicium medicamentorum per ordinem elementorum. Caput primum.*

AGNI, hoc est viticis folia, flos, & fructus calidæ siccæq; facultatis vehemēter sūt, abūdeq; tenuium partiū, ac res venereas cohibēt. Quā ob rem nō modò ad castitarē cōferre putātur, si quis eis vescatur, sed etiam si in lecto substernantur. Verūm ad lienem & iecur indurata, atque obstructa viticis, quàm rutæ semen est accōmodatius.

Agrosteos, hoc est, graminis radix modicè frigida, siccaq; est: ideoq; vlcera cruenta agglutinat: ipsa verò herba imposita refrigerat, sed nō valēter: estq; in medio siccitatis & humiditatis constituta. Mordacitas autem & partium tenuitas, quæ in radice inest, perexigua est illa quidem, sed tamen decocta & epota la-



ta lapides frangere quandoq; consuevit.

Agaricum vim habet per halitum digerendi, & crassos humores incidit, viscerumq; obstructions expurgat: idcirco morbum arquatū, cū iecur obstructione obsidetur, iuuat: medetur etiam morbo comitali, & rigoribus, qui certo circuitu redeunt, quiq; ex crassis glutinosissq; humoribus oriuntur.

Adiantū siccatur, tenuatur, digeritur: nam & caput glabrum ex alopecia, capillis cōuestit, & strumas, & abscessus digerit, & epotū lapides frangit, nec mediocri adiumento est, vt glutinosa crassaq; ex pulmone & pectore excreantur: & ventris profluuium sistit: in medio verò ordine caliditatis frigiditatisq; constituitur.

Aegilops digerendi vim habet: quā ob rem induratas inflammationes, & ægilopas, & alopecias sanat.

Aizoon vtrunq; & maius & minus, siccatur leniter: in eo tamen aquea essentia cæteris excellit, & vehementer refrigerat. hinc ad erysipelata & herpetas, & inflammationes ex fluxione ortas accommodatū est.

Aera, hoc est, lolium, calefacit & siccatur vehementer, & efficaciter, vt proxime ad acria accedat: abundè autem siccatur.

Ægyri flores vehementer calefaciunt, modicè verò siccant. sunt præterea tenuium partium: eius autem refina calidioris facultatis est.

Acacia siccatur illa quidem vehementer, sed lota abundè refrigerat, non lota verò modicè: cumq; non constet ex particulis similibus inter se, partes quasdam in se dispersas habet & tenues & calidas, quæ lauando segregantur.

Acalephes, hoc est, vrticæ folia & fructus, facultatis sunt abundè digerentis, tenuiumq; partiū, ac citra vehementē caliditatem. phymata igitur paroti-

D 2 dasq;



dasq; sanant. crassa quoque & glutinosa è pectore pulmoneq; educunt, sed & quiddā habēt flatuosum, quo etiam venerem stimulant: præsertim verò si semen cum musto bibatur.

Acanthæ leucæ, hoc est, spinæ albæ radix modicè ficit & astringit: quocirca & cœliacos & stomachicos iuuat, & sanguinis reiectiones cohibet, & illita contrahit œdemata, dentesq; dolentes iuuat, si eius decocto colluantur. eius semen tenuium partiū est, calidæq; facultatis: itaq; potui datum conuenit iis, qui conuelluntur.

Acori radix calidam & siccā vehementer vim habet, & consistentia est tenuium partium. lotium ergo ciet, & lienes induratos iuuat.

Aloe vehemēter calefacit, ficit verò astringitq; moderatè: estq; medicamentū stomacho idoneum, vt si quid aliud: & sinus glutinat. sanat etiam vlcera, quæ ad cicatricem difficulter perducuntur, præsertim quæ in ano & pudendis sunt. Prodest itidem eorum inflammationibus aqua subacta, & vulnera eodem glutinat modo: iuuat etiam, si pari modo ea vtaris, inflammationes, quibus os, nares & oculi obfideantur: iam verò repellere & digerere simul potest ita, vt paululū etiam abstergeat: idq; vsq; dum puris vlceribus molestum non sit.

Hales, id est, sales, similem vim habent fossiles, & marini, & ex duabus mixti sunt qualitatibus, abstergente atque adstringente. vtrunq; autem genus ficare planum est. quam ob rem omnem humorem in corpore depascitur, & partes solidas adstringendo condensat, quod in causa est, vt eas sale condiant, salq; corpora à corruptela conseruet. sal vltus maiorem digerendi vim habet: non æquè tamen contrahit & condensat.

Ha-



Halos anthos, hoc est, flos salis tenuiorū partium est, quā sal vitus, estque acris qualitatis, & abundē digerentis.

Ameos semen calefacit & exiccat vehementer, cū tenuium sit partiū: digerit etiā, & urinā mouet.

Amurca calefacit illa quidem, non tamen perspicuē mordicat: si verò coquatur, calidæ siccæq; facultatis abundē fiet.

Ampeli leucæ, id est, vitis albæ, quam etiā bryoniam vocant, germina urinā modicē cient. radix abstergentem, siccantem & tenuium partium vim habet, & moderatē calidā: quare henes induratos tum pota, tum foris imposita liquat: cum ficub. verò scabiem & lepram curat. Nigra verò vitis est ad omnia supradictæ similis, præterquā quòd imbecillior est.

Amygdalæ amaræ sunt facultatis perspicuē attenuantis, vt ephelin expurgēt, & excreationibus glutinosorum crassorumq; humorū ex pectore pulmoneq; abundē conferant. quinetiam obstructione liberant, purgantq; iecur, splenem, colon intestinum, & renes. tota quoq; eius arbor similis est facultatis: nā eius radices costæ atque illitæ ephelin expurgāt: dulces verò sunt amaris imbecilliores.

Ammoniacum habet emolliendi facultatem intensam adeò, vt etiā tophos articularū dissoluat, & lienes induratos sanet, & strumas digerat.

Amomum facultatē acoro similem possidet: siccius tamen acorum est, amomum verò maiore quodammodo vi concoquendi est præditum.

Anagallis vtraque & quæ cæruleum, & quæ puniceum fert florem, admodum extergentis facultatis est, habetq; nō nihil etiā caloris, & attrahendi vim quandam adeò, vt surculos etiā extrahat. vtriusq; succus ex naribus purgat, ad summam verò siccandi



vim habet morfu vacantem, atque ideo vulnera glutinat, & putrida adiuuat.

Andrachne, hoc est, portulaca, vehementer frigida est, & abundè humida, estque pauca austeritatis particeps: proinde fluxiones repellit, præsertim biliosas & calidas, eas cum mutando, tum in qualitate alterando magnopere refrigerans. Hac etiam ratione æstuentes, si quid aliud, adiuuat tum ori ventriculi imposita, tum verò etiã totis præcordiis. medicamentum verò est, quod ad sanguinem facit: similiq; ratione eius succus adeò, vt non solum foris admotus, sed etiam epotus refrigeret: quod etiam toti herbæ si comedatur, accidit. quoniam verò restrinxit, vtile dysentericis edulium est, itemq; fluori muliebri & sanguinis reiectionibus. Sed tamè ad hæc est multò quàm herba, succus eius efficacior.

Anemonæ omnes acrem, extergentem, attrahentemq; & ora vasorum aperientem facultatem obtinent: quam ob rem radix cōmansa pituitam euocat, succus è naribus purgat, & oculorum cicatrices extenuat. Præterea verò anemonæ vlcera sordida expurgat, & lepras tollit, menstruas purgationes prouocant, & lac denique trahunt.

Anethum abundè calefacit & ficit, itaq; iure fit, vt in oleo decoctum digerat, dolorē sedet, somnum conciliet, crudosq; & incoctos humores cōcoquat: vltum verò vehementer calefacit & ficit, ideoque vlcibus nimis humidis inspersum prodest: præsertimq; iis, quæ in padendo sunt. Quæ verò in præputio inueterarint, ea probè ad cicatricem perducit. Cæterum viride humidius est, ac minus calidum, itaque magis concoquit quàm aridum, sed minus digerit.

Anthemis, siue chamæmelum modicè calefacit & ficit.



siccatur, estq; tenuium partium: itaque digerit, rarefacit, ac laxat. proinde lassitudini, ut si quid aliud, in primis cōfert, dolores sedat & mitigat. præterea tēsa remittit, ac laxat, quæq; modicè dura sunt, emollit. febres quoque eas, quæ citra visceris alicuius inflammationē molestæ sunt, dissolvit: præsertim quæ ex humoribus biliosis, aut cutis densitate originem trahūt. & hypochondriis, ut si quid aliud, iucundum est. Iam exanthemata, quæ ex febris excessu orta sūt in capite, sanat chamæmelum, si viride sit, oleo incoctum: si aridum, aceto prius cōpersum. Est etiā idoneum in iis, in quibus materia nondū ferri cessavit: nam eam quæ in capite est, digerit, & aliunde nō trahit, quod nulli præter hoc, medicamento usu venit.

Anisi semē calefacit exiccatq; vehementer: proinde & urinā ciet, & digerit, & flatus ventris reprimit.

Aristolochia lōga, vlcera carne replet, & vteri fomentationibus est accōmodata: in quibus autē crassum humorem valentius attenuare oporteat, rotunda utendum est: quamobrem dolores ab infarctu, & crassitie crudorum spirituum obortos rotunda magis curat, & spicula euellit, & putredines & vlcera sordida sanat & purgat, dentes denique gingivasq; cādore perfundit. Iam verò asthmaticis quoq; & singultientibus & comitialibus, acribus succis, podagricisq; ex aqua epota auxiliatur: estq; medicamentum, ut si quid aliud, ruptis & convulsis accommodatum.

Arnoglossum, hoc est, plantago abundè refrigerat, siccatur & stringit: proinde ad vlcera maligna, fluxiones & putredines cōuenit, eandemq; ob causam ad dysenteriam valet, & sanguinis fistit profluvia, & si quid aduratur, refrigerat, sinus quoq; agglutinat: remedio etiam est cæteris recentibus vetustisq; vl-



ceribus: nam citra mordicationem siccatur, estq; frigiditatis, quæ nondum obstupefacit, particeps. Eius autem fructus & radix similis sunt facultatis, nisi quod earum vis siccior est, minusq; frigida, sed fructus est tenuiorum sanè partium, radices crassiorum. Iam ipsius herbarum folia arefacta facultatis redduntur, quæ tenuiorum partium sit, ac minus frigida. hac ratione & radicibus utuntur ad dolores dentium, eas tum mandentes, tum etiam collutionibus incoquētes. Ad iecoris verò renumque obstructions tum radicibus, tum etiam foliis, ac multo magis seminibus uti consueverunt.

Arum abstergentis est facultatis non validæ, sicut dracontii vis: siccatur tamen abundè & calefacit. eius radices si comedantur, non mediocriter humorum crassitiem incidunt adeo, ut etiam excreationibus ex pectore sint idoneæ.

Arsenicum, id est, auripigmentum siue vltum, siue ignem non expertum, adurētis est facultatis: eo verò utuntur, ut adurente, ad nudandam pilis cutim: verum si diutius inhæreat, ipsam etiā cutim aduret.

Artemisiæ calefaciunt & siccant abundè, suntque modicè tenuium partium, ut etiam mediocriter ad lapides renum, & veteri fomentationes conueniant.

Asari radices facultates similes habēt radicibus acori, intensiores tamen: itaque ea, quæ de acori radicibus diximus, huc transferenda sunt.

Aspalathus facultatis est partium dissimilium inter se, & adstringentium; eiusq; partibus acris calefacit, adstringentibus verò refrigerat, atq; ita utriusq; partis ratione siccatur: quā ob rem ad putredines fluxionesq; vtile est.

Asparagus myacanthinus abstergentis est facultatis, nec perspicuè calefacit, nec refrigerat: proinde  
renum



renum, iecorisq; obstructions tollit; præsertim verò herbarum radices & semen: præterea verò quia citra calorem siccatur, ideo dolori dentium medetur.

Astaphis, hoc est, vicia, culta quidem concoquendi simulque adstringendi & modicè digerendi vim habet: agrestis verò acrem ualenter, & ex capite purgat & abstergit vehemèter, idq; adeò, ut ad scabies etiam valeat. sed & vrendi vim quandam habet.

Asphodeli radix utilis est, sicut ari, asari & draconitii: extergentis enim facultatis est. eius verò vltæ cinis maiorem habet vim calefaciendi, siccandi, subtiliores partes faciendi, digerendiq;: hæcque causa est, ut alopecias sanet.

Atriplex herba est abundè humida, modicèq; frigida, non particeps adstrictionis, sed perinde aquea est, ut malua. Porro atriplex maluaq; hortenses tū humidiores, tum etiā frigidiores sunt multò, quàm agrestes. quocirca inflammationibus incipientibus idoneæ sunt: vigentibus autè & declinantibus agrestes sunt accommodatiores. semen abstergendi vim habet: itaque ad morbum regium ex iecoris obstructione utile est.

Aphronitrum vim habet abstergentem adeò, ut non solum sordes extergeat, sed etiā pruritus sanet, saniem pruritus excitantem digerens.

Abinthiū calidum modicè est, siccum. vehementer. eius succus multò est quàm herba, calidior. absterget autem hac de causa, atque roborat, & biliosos ventris humores per infernam egestionē pellit, ac per urinas euacuat: per quas etiam id quod in venis biliosum est, expurgat. quam ob rem pituitam ventriculo contentā nihil adiuuat sumptum: causa est, quia adstringens in eo facultas maior est, quàm amara. præterea quod acrimoniæ cuiusdā sit particeps,  
ideo



ideo fit, vt maiore portione calidū sit, quā frigidū.

*De rebus à B incipientibus.*

**BALSAMVM** valenter calfacit & siccāt, est quoq; tenuium partium. eius liquor est partium tenuiorū, non tamen vsque adeò calefacit, vt quidam ex partium tenuitate decepti putant. fructus eius persimilis est facultatis, cæterū multò in subtilitate partium inferior.

**Balaustium** flos est agrestis punici, valenter gustum adstringens, facultatis verò siccantis, refrigerantis, & crassarū partium. Si verò intertrigenes vlceraq; ipso illinas, celerrimè ad cicatricem perducere videbis: itaque ad sanguinis reiectiones eo omnes vtuntur.

**BATI**, hoc est, rubi, folia, germinaq; si mādātur, aphthas & alia oris vlcera sanāt, imò verò etiam vulnera glutinant. fructus verò si maturus sit, moderatam habebit caliditatē quandam, at immaturus à frigida vincitur substātia, ac proinde vehementer siccāt: siccatus verò reponitur, vt flos eius, faciuntque vtrique ad tormina intestinorum, & ventris profluvium atq; imbecillitatem & sanguinis sputum. Radix verò præterquā quòd adstringit, est etiam tenuium partiū: ob eamq; causam lapides in renibus confringit.

**Bdellium** valenter emollientis & efficacis facultatis est. eo quidam vtuntur ad bróhocelas, & hydrocelas salua ieiuna subigentes ad emplastri consistentiam. idem crudorum flatuum discursus, laterū dolores, & rupta persanat.

**Blitum** olus est humidum frigidumq; admodum.

**Bulbus** flatum ciet, & si edatur, venerē stimulat: illitus verò glutinat & siccāt.

Bu-



Butyrum facultatis concoquentis est, cui nonnihil etiam digerentis adiunctum est. quam ob rem parotidas, bubones, oris inflammationes, aliasq; particulas sæpenumero ipsum solum in puerilibus muliebribusq; corporibus sanat. sed etiã gingiuvis puerorum dentes emittentiũ assiduè illitum, nihilo secius quàm mel, gingiuas attenuat. quin etiam deuoratu magno adiumento est iis, quæ ex pulmone sunt expuenda, & simul etiam concoquit inflamationes.

Buphthalmũ acrius est chamæmelo, ob eamq; causam maiore vim habet digerendi adeò, vt etiam duritias sanet cerato admixtum.

Brathy, hoc est, sabina, ex numero calefacientium siccantiumq; valenter est, atq; etiam digerentium, & propter partium tenuitatem menses educit, vt si quid aliud, ac sanguinem per vrinas mouet, fœtum viuente interficit, & mortuũ educit. quidam etiam pro cinnamomo duplum eius ponunt.

*De rebus à T incipientibus.*

GALA, hoc est, lac, quod optimi succi est, accõmodatissimũ est ad acres mordentesq; fluxiones: præsertim verò cùm nobis circumfusus aer calidus sit, multũ huiusce facultatis amittet, nisi protinus quis ab vberibus expresso, & adhuc calido vtatur. Quò in genere vtendum præcipuè est lacte mulieris bene habitæ, & quæ vitæ rationem probè institutã seruet. Si hoc non suppetat, caprino, aut equino, aut bubulo, aut asinino, aut ouillo vtetur.

Lactis verò serum abstergentis est facultatis, aluumq; subducendi gratia sumitur, & clysteribus etiam iniicitur, abstergitq; & abluit acrimonias intestinorũ. prodest etiam ad colluenda vlcera acria, & quibus inest sanies: ad dysenterias verò, & omnes acres



acres ventris fluxiones in lac prius decoctum ignitos lapillos iniicimus, & lac eò vsque decoquimus, ubi plurima serosi humoris pars in eo consumpta fuerit. Si verò quis ferreos orbiculos igne candentes iniiciat, meliorem sanè facultatem reddit. Præterea lac totum ad acres oculorum fluxiones conuenit, & ad hyposphagmata, & sugillata. quinetiam simul cum rosaceo & ouo palpebris foris impositum, cum ii qui lippitudine laborant, dormitum eunt, inflammationes concoquet. Esto autem hoc muliebre lac recens ex mamillis expressum, id quoque infundimus vteris vlceratis: & vbi mitigatione opus est, siue ob inflammationē, siue ob morsum, siue ob malignitatem, eo vtimur accommodatè.

γñ, id est, terra, omnis siccandi vim habet: cumque nulla penitus ignea substantia ei sit admixta, tum citra vllum omnino morsum siccatur: quā etiam ad rem valet, si lauetur. Præterea terra omnis, quæ colitur, si pinguis sit, valebit ad omnes eas partes curandas, quæ desiccari postulant. itaque ea & Alexandriæ, & in Aegypto vtuntur: nam quosdā vidi: qui cū aqua inter cutem & lienis affectionibus laborarent, terra Aegyptia vterent, seq; vngerent. Eodem modo eius lutum & veteres inflammationes, & laxa œdemata iuuat: atq; adeò, vt viderim ego nonnullos, qui ex nimia euacuatione ex hæmorrhoidibus facta turgent redditi, perspicuum adiuuētum senserint. Sed & quidam diuturnos, & parte aliqua infixos dolores perpeffi, huius luti vsu planè sanati sunt. Lemnia verò terra modò vni, modò alteri humori admixta facit ad vulnera glutināda, & ad diutina, quæ vel difficulter ad cicatricem perducūtur, vel maligna sunt, persananda. Samia terra, & qui potius after dicitur, utilis est ad sanguinis sputum ex quouis loco fiat: vt etiam



etiam lemnium sigillum. iuuat vero etiam sanguinis ex vtero profluvia, & dysentericas exulcerationes, antequam putrescentes efficiantur. Samia verò maximè mitigat inflammationes in vberibus, testiculis, & omnibus locis glandularum. Hanc autem ad læuorem redigere ex aqua oportet: tum rosacei tantum miscere, quantum faciat, ne medicamentū siccet: quod enim ita pararis, accommodatum erit, vbi mediocriter refrigerare cum mitigatione voluerimus, vt appareat, facultatem Samiæ esse modicè refrigerantem. Selinusia verò & Chia modicè abstergerendi vim habent: quam ob rem mulieres quædam eis ad faciem vtuntur.

Gigarta, hoc est, acinorū vix nuclei abundè siccant, modicèq; refrigerant & adstringunt: quocirca omnibus ventris affectionibus cum profluvio coniunctis abundè profunt.

Glaucium adstringit & refrigerat perspicuè, vt etiam erysipelata, si valentiora non sint, sanet.

Glichon, hoc est, pulegiū, calefacit attenuatq; vehementer. itaque humores crassos, ac glutinosos ex pulmone & thorace per sputum faciliè elicit, & mēstruas mulierum purgationes mouet.

Glycyrrhizæ succus ad læuigandas asperitates aptus est, nec modò in arteriis, sed etiam in scabra vesica. est verò eius temperatura tota tepida, cūque temperie humidus sit, ideo siti est iure accommodatus.

Glycyfidæ, hoc est, pæoniæ radix mēstruas purgationes ciēt ad amygdalæ magnitudinem, ex mulsa potui data. iecur quoq; obstructum & renes expurgat: sua autem adstrictione ventris profluvia silit, si in vino aliquo austero decocta potetur. omnino verò siccandi valenter facultatē habet, vt minimè desperarim, eam collo pueris suspensam comitalem morbum



morbū meritò sanare. Eius autem vis est tenuium partium, & exiccans, non tamen insigniter calida.

Gypsum facultatis est siccantis & emplasticæ. cōbustum verò non æquè emplasticū est: fit tamen partium tenuiorum, & maiorem exiccandi vim acquirit. valet etiam ad repercutiendum, præsertim verò oxycrato maceratum.

*De rebus à Δ incipientibus.*

DAUCVS & staphilinus calefacientis facultatis est, & tenuiū partiū. Radix verò habet præterea vim ciendi flatus, & venerem stimulandi. Semen domesticum habet ipsum quoque res venereas stimulandi vim quandam: at semē agrestis est penitus flatus expers, ac proinde vrinam ciet, mensesque prouocat.

Daphnes, hoc est, lauri folia & baccae siccant & calefaciunt vehementer, & magis etiam baccae quam folia. Cortex verò radice minus est acer ille quidē, sed amarus magis, habetque nescio quid adstrictionis. proinde calculos frangit, & hepaticos iuuat. bibitur autem ex vino odorato ad trium obolorū pondus.

Dermata, hoc est, coria vetera, quæ videlicet ex vetere calceamento sunt, vsta, ad vlcera ex attritione calceamentorū, sedata inflammatione, vtiliter adhibentur: hic enim cinis exiccandi vim habet: & ambusta, & eas, quas intertrigines in feminibus vocant, meritò persanat.

Diphryges mixtæ est qualitatis & facultatis adstringentis & acris: quam ob rem accommodatum est ad vlcera maligna medicamentum.

Dictamnū tenuioris essentiae est quam pulegiū, in cæteris illi simile est: quod verò falsum dictānum vocant, est ad omnia dictamno imbecillius.

Dra-



Dracontium est acrius quàm arum, magisq; amarum: itaque medicamentum factum est tam efficax, quàm quod maximè. Eius radix expurgat viscera, omnes crassos glutinososq; humores extenuans; estq; optimum malignorum vlcerum medicamentum: expurgat quoque & abstergit strenuè cùm alia, quibus absterfione opus est, tum etiam vitiliginè, cum aceto. Folia autem vlceribus & vulneribus recens illatis conueniunt: & quò minus sicca fuerint, eò magis glutinabunt: sicciora enim sunt acriora, quàm vt vulneribus conueniant.

Drys, id est, quercus partes omnes sunt qualitatis adstringentis participes: sed plus tamen eius habet membrana, quæ in trunci cortice subest, & quæ est sub glandis ipsius calculo, quæ inquam carnem ipsius fructus conuestit. quocirca ad fluorem muliebrem, ad sanguinis sputa, ad tormina intestinorum, ad alui profluvia diuturna eam esse accommodatâ, crediderunt. Valentiùs autè adstringit fagus & ilex, atq; horum, & item quercus folia illita ficcare non instrenue possunt. ex quo fit, vt illita, & totam circumiacentem vulneris partem contegentia, vulneris agglutinandi vim haheant.

*De rebus ab E incipientibus.*

EBISCVS, siue althea, est autem agrestis malua, facultatis est digerētis, laxantis, inflammationes leuātis, mitigantis, phymata coctu difficilia concoquentis. Radix verò atque eius semen cætera faciūt illa: quidem æquè ac folia, sed tamè tenuiorum partiū sunt, magisq; quàm folia siccant, & præterea magis abstergere demonstrantur, atque adeò, vt etiam vitiliginem detergant, & semen renum calculos frangat. Radicis verò decoctum ad tormina intestino-  
rum,



rum & alui profluvia, & sanguinis reiectionem vtile est: vtpote quòd adstringendi vim quandam habeat.

Elæx, hoc est, oliuæ rami tantæ frigiditatis, quantæ adstrictionis sunt participes. Fructus verò exquisitè maturus, moderatè calidus est: at immaturus magis, & adstringit & refrigerat.

Elæum verò, hoc est, oleum, quod ex oliuis conficit, humectandi & moderatè calefaciendi vim habet: quale est dulce, quod ex oliuis drupis potissimum conficitur: quod aut omotribes vocant, quantum habet adstrictionis in se, tantum etiam ei frigiditatis inest. Vetus porrò oleum, quod ex dulci tale euasit, calidius est, & maiore digerendi vi præditum: at quod ex crudo, vbi adstrictionem prorsus abiecerit, alij simile fit. quod verò tenue cernitur, quale est quod purum est, quodq; intuenti pellucidum videtur, ac modicum eius cuti impositum latissimè serpit, sibi tamen ipsi continuum manet, atque à cuti combibitur, hoc vtiq; censendum est optimum, atque olei virtute præditum esse vel maximè.

Elleborus vterq; abstergentis simul & calidæ facultatis est: quam ob rem ad vitiliginè, lichenas, psoras leprasq; accommodatus est: imò verò niger si in fistulam, quæ ex callo obduruerit, infundatur, duobus tribusue diebus callum aufert. prodest etiã dentibus, si hoc cum aceto colluantur: calefacit enim & siccatur vehementer.

Elxine, alij perdicium vocant, facultatis est abstergentis, & leniter adstringendi cum humiditate subfrigida. vnde omnes inflammationes in principio & incremento vsque ad statum, præcipuè eas, quæ calidæ sunt, persanat. quin etiam incipientibus phigethlis imponitur. eius præterea succus cum rosaceo ad aurium dolores inflammationis speciem præ  
se



se ferentes mediocriter prodest .

Elimus, aut meline, hoc est, panicum, exiccantem vim habet. sistit ergo ventris fluxus, sicut milium: si verò foris illinatur, siccat & refrigerat.

Erebinthus, hoc est, cicer, lacti & semini gignendo aptum est: prouocat verò etiam menses. quod autem arietinū vocatur, urinā efficacius quàm aliud, ciet. decoctū verò eius calculos in renibus confringit: ad quod potissimū valet id, quod ex nigro fit cicere. reliquum genus, quod orobixum nominant, vim habet attrahendi, digerendi, incidendi, abstergerendi: est enim calidum modiceq; humidum. est etiam amaritiei particeps, cuius vi iecur, lienem, renesq; expurgat, ac psoras, lichenasq; extergit, ac parotidas testiculosq; induratos discutit, & vlcera maligna cum melle sanat.

Erpyllos, hoc est, serpyllum, calefacientis est facultatis adeò, vt & menstruas purgationes, & urinam ciet.

Eria, hoc est, lanæ sordidæ, quæ succidæ appellantur, accommodatè adhibentur ad excipiendas irrigationes, quæ cōtusis & percussis particulis imponuntur. puræ autem vstæ vim acrem calidamq; habent cum partiū tenuitate: quocirca flaccidas in vlceribus carnes eliquant quam celerrimè. Vruntur autē vt alia pleraq; , vt ollam nouam lana impleas, eamq; operculo multis foraminibus pertuso tegas.

Eupatorium herba tenuiū partium est, abstergentis, adstringentis, incidentisq; facultatis, citra manifestam caliditatem. vnde visceris obstructions expurgat: sed quia paucæ obstructionis particeps est, ideo visceri robur addit.

Euphorbium adurentis, tenuiumq; partium facultatis est.

E Echidnes,



Echidnes, hoc est, viperæ carnes, cum ita ut anguillæ condiuntur, ex oleo, sale, anetho, porro, & aqua seruato omniū modo, totum corpus per cutim expurgant ita, ut elephantiafi laborātes curent. Sed quoniam nonnulli eorum, qui has carnes ederunt, vehemētissima sint cruciati siti, idcirco vitādæ sunt, quæ iuxta mare degunt, & in locis viuūt salis, quippe quæ salsam carnē habeant, quas sanè dipsadas vocant. Ergo caro viperarū facultatis est ficcantis, valenter digerentis, & modicè calefacientis: properat autem eius vis, ut videtur, ad cutim, per quam excrementa copiosa, quæ in corpore sunt, euacuat. & à cute, ceu squama abscedit, deciditq; extima cuticula, in qua & pforæ, & lepræ, & elephantes gignuntur.

*De rebus à Z incipientibus.*

ZYME, hoc est, fermentum tenuium est partium, & modicè calidum. quam ob rem citra morsum atq; molestiam, quæ in imis partibus sunt, extrahit, & digerit.

*De rebus ab H incipientibus.*

HEDIOSMVS, ab aliis minthe seu mēta nominatur, ea est facultatis vehemēter calefaciētis: & ppter humiditatē, quæ ex cultura ei accedit, mediocriter etiam ad venerem impellit: habet etiam quādam amaritiem, qua lumbricos enecat, est itidem acerba, ac proinde recētes sanguinis reiectiones cum oxycrato pota sistit. substantiam quoq; tenuium habet partium, ut si qua alia herba.

*De rebus a Θ incipientibus.*

THAPSTA acris, valēterq; excalefacientis facultatis est cum humiditate coniunctæ: quare ex alto violenter trahit, & quod traxit, digerit. id quod longiore tempore efficit.

Ther-



Thermus, id est, lupinus edi potest, & ex genere emplasticorum medicamentorū est. ceterū amarities ei innata absterget digeritq; . Ipse etiam lupinus illitus, & ex melle linctus, vel cum oxycrato epotus lumbricos interficit. quin eius etiam decoctum lumbricos expellit, & foris perfusum vitiliginem, achoras, pustulas, pforas, gangrænas, vlcera maligna iuuat: siccatur enim citra morsum. idem iecur expurgat renesq; cum ruta & pipere sumptū. elicit etiam menses & fœtus cum myrrha & melle impositū. Iam verò lupinorum farina citra mordicationem digerit, cum non liuida solū, sed etiam strumas & phymata dura sanat: in quo casu coquenda ex aceto est, aut mulsā, aut poscā. digerit etiam quæ liuida sunt, & quæcunque modo diximus præstare decoctū posse, eadem omnia farina efficit.

Therion, hoc est, sulfur omne trahentis est facultatis, estq; calidum & tenuium partium, vt etiam multis venenatorum animalium resistat. quin & pforas, & lichenas & lepras cum resina terebinthina sanat. omnes enim huiusce generis affectiones exterget, nec in profundum repellit.

Thlaspi semen acris est facultatis adeò, vt internos abscessus epotū rumpat, menses cieat, fœtū corrumpit, & per sedē infusum sanguinolenta euacuans ischiadicis prodest.

Thridax, id est, lactuca, humidū frigidumq; olus est, non tamen extremè: proinde ad calidas inflammationes accommodata est, & ad parua leuiāq; erysipelata. est etiam edulium siti aduersum. Semen verò potum genituræ profluuium cohibet, quam ob rem iis datur, qui in somniis polluantur.

Thymum calefacit & siccatur vehementer, & incidit vehementer: ideò fit, vt vrinā moueat, fœtus extrahat,

E 2 trahat,



trahat, & potum viscera expurget. educendis verò ex thorace atque pulmone humoribus confert.

*De rebus ab Incipientibus.*

**Ixos**, id est, viscū ex alto extrahit valēter humores non solūm tenues, sed etiā crassiores, eosq; diffundit ac digerit. est etiam ex eorum medicamento-  
rum genere, quæ non protinus admota calefaciunt, sed quæ tempus velut thapsia, ad id postulant.

Ios violæ folia aqueam & subfrigidā essentiā superantem possident. quocirca & per se, & cum polenta illita calidas inflammationes leniunt.

**Iôs**, id est, ærugo, acrem qualitatem habet, estque digerens, detrahens, & detergens, non tenerā modò, verū etiam duram carnem: siq; pauculum eius multo cerato admisceas, id quod ex utroque conflabitur, citra morsum absterget.

**Hippuris**, hoc est, cauda equina, qualitatem habet adstringentem cum amaritie. proinde valēter simulq; sine mordicatione exiccat: itaque vulnera vel maxima cōglutinat, etiam si perfecti nervi sint. Præterea iuvat etiam ramicem intestinorū. adhæc facit ad sanguinis reiectiones, & ad fluorem muliebrem, ac potissimum ad rubrū. Ad dysenterias verò & alios ventris fluxus, generosum medicamentum est herba ipsa ex aqua, aut vino pota. Eius porrò succus prodest profluuiio sanguinis è naribus, itemque ventris affectionibus profluuiio obnoxiiis, cum aliquo austero vino potui datus: aut etiam cum aqua, si fortè is, cui detur, febrim habeat.

**Isatis domestica**, qua tinctores vtuntur, siccantis valenter facultatis est: non tamē adhuc vt mordeat: est enim amara simul atq; adstringens. proinde magna vulnera in duris corporibus glutinat, etiam si in  
capi-



capitibus fuerint musculorum. illinitur quoque utiliter partibus fluxu sanguinis laborantibus: ac tumores oedematū speciem præ se ferentes digerit simul, & reprimat: & aduersus omnia vlcera maligna egregiè resistit.

Iteæ, hoc est, salicis foliis ut quispiam possit ad cruentorū vulnerum agglutinationē. eiusdem quoque facultatis est eius flos: ita enim leniter desiccatur, ut morfu vacans sit, & item adstringit. Quidam ex eo succū faciunt, seruantq; ut medicamentū morsus expers, exiccans, & ad multas res utile. Arboris etiam cortex simili facultate est, nisi quod sicciore est natura. sed hunc quidam comburūt, eiusq; cinere utuntur ad ea, quæcunq; valenter exiccari postulant. ergo clauos, quos vocant, & callos, & myrmecias aceto maceratus tollit.

*De rebus à k incipientibus.*

CALAMINTHA calida & sicca vehementer est, ac tenuiū partiū. ipsa verò per se pota sicca est: cum melicrato autem, perspicue calefacit, & sudores elicit, omneq; corpus digerit & exiccatur. quam ob rem fuerunt, qui ea ad rigores circuitu quodam repetentes vti sint: ac foris quidem adhibentes oleo incoctam, & totum corpus cum strenui frictione inungentes: intrò verò sumētes, ut dictum est nobis. Quinetiam coxendicibus quidam in morbis ischiadicis, ut singulare remedium imponūt: trahit enim, quæ in profundo delitescunt, ad extremitatem, totumq; adeò articulum excalfacit, & cutim vehementer adurit, & menstruas purgationes potui data, admodum efficaciter prouocat. utile etiam medicamentū est ad elephantiasin, eò quod digerat attenuetq; valenter, & crassos humores incidat. Qua etiam ratione cicatri



ces atras reddit splendas, & suggillata digerit. sed ad hæc efficienda præstator est ex vino cocta: ut postea illinatur, comodiorque erit viridis, quam sicca: nam siccata fit valentior, & promptius vrit. Eius autem succus lumbricos latos & rotundos infusus & epotus interficit. Iam verò etiã suspiriosos adiuuat, eosq; qui morbo regio laborant, eò quòd abstergat purgetq; iecoris obstructions. cæterum ad hæc omnia conficienda montana est efficacior.

Calamus, id est, arundo vallis. eius radix facultatis abstergetis est particeps non mediocris: eiusq; non acris. Folia autem viridia modicè refrigerant, inq; eis inest etiam abstergerendi vis. Eius verò cortex combustus abundè tenuium partium, & digerès redditur, habetque vim abstergerendi adeò, ut siccet, calfaciatq; vehementer.

Canabis semen flatus expers est, & siccans vsque adeò, ut si largius quis eo vescatur, exiccetur.

+ i. fuma-  
= via.

Capnios, id est, fumus, acris simul & amaræ qualitatis est particeps: neque etiam omnino vacat adstrictione. quam ob rem vrinas biliosas copiose promouet, & iecoris obstructions atque imbecillitatē sanat. idem siccus & læuigatus ex mulsâ & illitus ventrem laxat: siccus quoq; vino diluto perspersus stomachum roborat. *visum est p se acuit.*

Capparidis radicis cortex ex pugnantis constat facultatibus: quippe qui abstergere, purgare, incidereq; amaritiei potest: excalfacere verò, incidere digerereq; acrimonia: contrahere, densare, & constringere acerbitate. Itaq; lienes induratos, si quid aliud, iuuare hoc medicamentum potest, tum foris admissum remediis, quæ illinendo sunt, tum intrò in corpus assumptum, & in aceto, aut oxymelle coctum, aut aridum contusum, illisq; admistum: nam lentos crassosq;



fosq; humores ita sumptum perspicuè, idq; non solum per vrinas, sed etiam per secessum euacuat: ac sæpe etiã sanguinolentos humores defert. vnde & lienes, & coxarũ dolores adiuti sunt. sed & menstruas euocat purgationes, & pituitã ex capite purgat. porro vlceribus malignis cataplasmatibus modo impositus, bonum medicamentũ est. præterea dentium labores adiuuat, interim cum aceto coctus, interim cum vino, sæpe etiam solus dentibus cõmansus. Vitiliginem quoq; cum aceto digerit, & item strumas tumoresq; duos idoneis ad hæc medicamentis admixtus discutit. Nec mirũ videri debet, si huius herbæ succus amaritie sua vermes aurium occidat.

Cardami, id est, nasturtii semẽ, adurentis est facultatis particeps, vt sinapi: proinde coxendicis, capitissq; dolores, arque adeò quicquid ruborem postulat, eo excalefaciunt, sicut sinapi.

Cardamomum calidæ vehementer facultatis est, adeò vt illitum adurat. adiunctum quoque ei quiddam amaritudinis est, qua lumbricos enecat, & psoras cum aceto valenter extergit.

Casia calefacit & exiccat vehementer excrementa, quæ sunt in corpore, & instrumentis robur addit. Est verò etiam idonea menstruis purgantibus suppressis, cum excrementorum copia, crassitiesq; vetat, ne quantum satis est, euacuetur.

Caria arbor, id est, nux, habet in foliis & in germibus adstrictionem quandam: at in nucis putamine & recenti & sicco euidentem plurimamq; . itaq; ex contusis putaminibus expressum succum in melle, vt mororum, & ruborum decoquimus, & pro stomatico medicamento vtimur. Eius nucleus aridus combustus fit tenuiũ partium & exiccans, & medicamentum morsus expers. Leptocarya verò, hoc est, nuces

E 4 Ponticæ



Ponticæ frigidiores & magis austeræ sunt. in cæteris rebus sunt magnæ nuci per similes.

Castoreum calfacit, exiccat, tenuiumq; abundè est partium. est etiam accommodatissimum iis, qui ex plenitudine conuellantur ac tremunt: iis verò, qui ex inanitione hæc patiuntur, maxime contrarium. hæcque facit tum epotum, tum cuti ex sicyonio, aut vetere oleo impositum. quibus verò maiore caliditate opus est, fricari eos ex castoreo conuenit. sed iuuat etiam si quis carbonibus ipsum imponat, eiusq; suffitū inspiratione hauriat: maximè verò si humidæ frigidæq; affectiones in pulmone, aut capite constiterint. attamen lethargicæ cataphoricæq; affectiones, quibus adiuncta febris est, melius est non curare quidem aliquo dictorum oleorū macerando: sed potius ex rosaceo capiti colloq; imponere.

Cedrus calfacit exiccatq; vehementer: oleum autem quod ex ipsa fit, vehementissimum est, & abundè tenuium partium. itaque molles carnes promptè & sine dolore putrefacit: duras verò & lōgiore tempore præcipuè corpora mortuorū ficcet, & à corruptela tuetur. Nec mirū videri debet, si pediculos, lendes, & tineas, & vermiculos, qui sunt in auribus, interimat: appositaq; fœtum viuente enecet, mortuum verò eiiciat, sicut etiam facit de coitus ipsius semine, pudendo circumlita. proinde medicamentum erit partui aduersum, si sic vtaris, nulli secundū. eadem quoque dentium foraminibus instillata, dolores eorum lenit, ipsosq; dentes confringit.

Centaurii maioris radix acris est & calida & adstringens cum terrea frigiditate. Ergo sua acrimonia prouocat menstruas purgationes, fœtumq; mortuum extrahit, viuenteq; corrūpit & expellit: adstrictione verò vulnera agglutinat, & spuantes sangu-



guinem iuuat : itemq; ruptis , conuulsis & difficultati respirationis , & tussibus inueteratis prodest .

Centaurium minus siccatur valenter citra morsum . ex quo fit , vt magna vulnera glutinet , si recens illinatur . præterea vetustis vlceribus , & quæ difficulter ad cicatricem perueniunt , cicatricem inducit . Decoctum verò huius herbæ quidā ischiadicis infundūt , ceu biliosa crassaq; educens . cū tamen ita vehementer egerit , vt cruenta euacuet , tunc magis etiam proderit . Succus verò eius , qui similis facultatis est , cū ea quæ prædicta sunt , efficit , tum etiam foetum illitus euocat , & menstruas purgationes educit .

Cecis , hoc est , galla , quæ immatura est , medicamentum est admodum acerbum , habetq; plurimū essentiae terrenæ frigidae : qua ratione fluxiones resiccatur , & repercutit : contrahitq; & constringit , & roborat particulas imbecilles , omnibusq; fluxionum affectibus strenuè resistit . itaq; siccatur vehementer , & abundè refrigeratur . Altera verò galla , quæ flaua laxaq; est , siccatur ipsa quoque , sed minus . Cæterum gallæ combustæ sanguinis reprimendi vim acquirunt . carbonibus autem imponendæ sunt vsque dum igni candean , tum aceto aut vino extinguendæ .

Cera medium quodāmodo tenet calefacientium & refrigerantium , humectantiumque & siccantium . quam ob rem aliorum medicamentorum materia est . ipsa verò per se & foris imposita , ex genere est debiliter concoquentium .

Cissos , id est , hedera , ex contrariis facultatibus composita est : stringit enim & refrigeratur , estq; acris & calida , & viridis . est aqueæ essentiae tepidae participes . foliis verò eius in vino decoctis magna vulnera glutinantur , & maligna sanantur : & vlcerationes ex igni factas ad cicatricem perducit . Folia quoque

ex



ex aceto decocta lienosos iuuat. Eius flores sunt fer-  
mè validiores, vt ambustis cum cerato leuigati con-  
ueniant. Succus denique medicamentum est, quod  
naribus infusum purgando capiti est: sanatq; diutur-  
nas auriū fluxiones, & vetusta vlcera in auribus atq;  
naribus. si verò acrior videatur, cum vtendum eo e-  
rit, oleo rosaceo miscebitur. Lachryma eius pedicu-  
los interimit, & cutim pilis nudat.

Colocyntha, hoc est, cucurbita, humectat ac re-  
frigerat admodum. quocirca succus ramentorū eius  
ad aurium dolores cum inflammatione coniunctos  
cum rosaceo cōuenit. sic etiam tota illita calidas in-  
flammationes refrigerat.

Cummi, hoc est, gummi, facultatis est siccantis &  
emplasticæ, & nimirum asperitates sanat.

Conia, hoc est, lixiuium, adurentem habet calidi-  
tatem, sed tenuitate substantiæ citra dolorē vrit.

Conyza maior & minor calefacit siccataq; vehe-  
mēter. hæ in oleo coctæ remedio sunt iis rigoribus,  
qui per circuitum redeunt. earum flores vnā cum fo-  
liis terunt quidā, & ex vino potui dant ad menstruas  
purgationes egregiè euacuandas, & fœtus eiicien-  
dos.

Coriannon, siue corion, hoc est, coriandrū, ex con-  
trariis facultatib. cōstat: plurimū enim habet amaræ  
essentiæ, quæ tenuiū est partiū, & terrea, nec parum  
etiā aqueæ humiditatis, quæ tepentis facultatis est,  
obtinet. habet quoq; nonnihil adstrictionis. ex qui-  
bus omnibus agit variè.

Copros, id est, sterus caprinum, quod propriè  
*στυβάριος* nominatur, acris & digerētis facultatis est,  
ideoq; induratis tumoribus conuenit, ac non solum  
in liene, sed in aliis etiamnū particulis. Equidem ad  
tumorē in genu inueteratū iussi cataplasma ex hor-  
dea-



deacea farina & posca & hoc stercore confici atque adhiberi. & mirabile est, quantum ei profuerit. Hæc denique parandi ratio est in cæteris particulis utilissima: est tamen vi acriore, quàm ut eo in mulieribus vrbanis, aut pueris, aut, vno verbo, in corporib. teneræ carnis vtare. Cæterum stercus hoc vstum tenuiorum fit partium, non tamen euidenter acriorum. quam ob rem ad alopecias facit, & ad ea omnia, quæ abstergentia medicamēta postulant: cuiusmodi sunt lepræ, impetigines & scabies, & cætera generis eiusdem. Stercus autem bubulum ficcandi vim habet, atque etiam attrahendi: quod ostendit, cum apum vesparumq; morsus iuuat. hoc etiam stercore quidam aqua inter cutem laborātes oblinebat, & in sole exposebat. Stercore autem columbarum, quæ in pasuis degunt, ut calefacienti medicamento ad multas res assidue vtimur, adhibemusque cum nasturtii semine pro sinapi ad ea, quæ ad ruborē perducī postulant. At stercore gallinarum vtuntur quidam in iis, qui suffocant, quod fungos comederint. vomunt autem qui hoc sumunt, humorem pituitosum crassissimum. qua re statim à periculo liberantur. porro stercus ipsum in tenuem pollinem redactum, ex tribus quatuorue poscæ, aut oxymellis cyathis perspersum esse oportet. est autē hoc minus columbino calidum. Cæterum stercus crocodilorum terrestrium abstergendi ficcandique vim habet: cuiusmodi est etiam stercus sturnorum, cum oryzam solam comederint. Ut ergo crocodilorum stercus ephelidas deterget, ita etiam vitiliginem atq; impetiginē tollit. Costus exiguam planè amaram, plurimam verò acrem calidamq; obtinet qualitatem, ut etiam exulceret. quocirca totum corpus eorum, quos per circuitum rigores inuadunt, illo cum oleo ante accessionem



sionem extrinsecus confricatur . ita etiam in resolutis ischiadicisq; , & omnino in quibus partem aliquam calefacere , aut ex alto ad superficiem trahere succum aliquem oporteat , costo utimur . Valet quoque ad urinā , mensesq; prouocandos , itemq; ad rupta conuulsaq; . Laterū quoq; doloribus conuenit , latos lumbricos interficit . Ad ephelida valet cum aqua , aut melle . eidem quoque flatuosa quædam humiditas inest , qua cum vino mulso venerem excitat .

Coryledon , id est , vmbilicus Veneris , mixtæ est facultatis , humidæ , subfrigidæ , & cuiusdam obscure adstringētis , cui est etiam amari parum adiunctum . quam ob rem refrigerat ac repercutit , abstergitque & discutit . & inflammationes erysipelatis naturam imitantes , & erysipelata speciem inflammationum præ se ferentia persanat : ac stomacho ardore æstuant admodum vtiliter imponitur .

Crambe , id est , brassica , siccatis facultatis est , non tamen etiā acris euidenter , sed adeò , vt vulnera glutinet , atque vlcera maligna sanet , inflammationibusq; iam induratis , & solutu difficilib; . & erysipelati quod etiam tale sit , itemque herpeti medeatur . Sed & vis quædam abstergens ei inest , qua lepras curat . eius semen epotum lumbricos necat . ephelidas quoq; & lentigines iuuat . Caules verò brassicæ combusti cinerem faciunt admodum desiccantē , vt fermè adurendi vim habeat . qua sanè ratione eiusmodi cinerem adipi veteri miscent; , & ad dolores lateris , aut si quid tale sit , vtuntur . Fit enim valenter digerēs medicamentum .

Crithe , hoc est hordeum , siccatur refrigeratq; modicè , habetq; etiam paucillum abstersionis . Polenta verò plus multò , quàm hordeum , exiccat .

Crini , hoc est , lilii flos , tenuiū est partium . oleum quod



quod ex eo fit, digerentis, morfu vacantis, & molli-  
 lientis facultatis est, idoneū verò est vteri duritie.  
 Radix quoq; eius & folia per se trita siccant, abster-  
 gunt, & digerunt mediocriter: ita fit vt exustis, con-  
 ueniant. ergo radicē tostam, tum ex rosaceo contri-  
 tam exustis, quoad cicatrix obducatur imponunt.  
 quippe cū alioqui ad cicatricem omnibus vlceri-  
 bus inducendam medicamentum sit idoneum. quin  
 etiam vteros mollit, menstruasq; purgationes pro-  
 uocat. Folia quoq; decoquūt, & vsquedum cicatrix  
 obducta sit, adhibēt, eaq; non solū exustis, sed etiā  
 vlceribus. Porro si quis succū foliorū ex melle & a-  
 ceto decoxerit, & multò maiore succi, quā mellis  
 & aceti copiā posuerit, is probatissimū medicamen-  
 tum sibi pararit ad ea omnia, quæ citra morsum de-  
 ficcare vehemēter oporteat: qualia sunt vulnera ma-  
 gna, præsertim verò quæ capitibus muscutorum in-  
 fliguntur: & vlcera flaccida diuturna; & quæ cica-  
 trice difficulter concluduntur.

Crocus abūdē calefacit, modicē verò siccāt: ideo-  
 que concoquendi vim quandam obtinet: cui etiam  
 rei adiumento est paucula eius adstrictio.

Crommyon, id est, cepa, vehemētissimē calefacit,  
 crassæq; essentia est: quocirca admota venarum ora  
 aperit. ex aceto verò in sole inuncta, vitiligines  
 extergit. alopeciiis verò attrita cutim citius, quā  
 alcyonium, pilis conuestit.

Cyamus, hoc est, faba, est medii proximē tempe-  
 ramenti in exiccando & refrigerando, & exiguæ fa-  
 cultatis abstergentis atque adstringentis est parti-  
 ceps. ea foris imposita sine molestia siccāt, atq; in po-  
 dagra ex aqua decocta, & ita adipi suillo admixta: ad  
 neruorum autem contusiones, & vlcera fabæ farina  
 cum oxymelle imponēda: ad eos, qui ex ictu iam in-  
 flāmatione



flâmentatione tentantur, cum polenta. est etiam aptum testibus, vberibusq; cataplasma: quippe cum hæ particulæ inflâmentatione obfessæ modicè refrigerari desiderent. præsertim verò cum vbera ex lacte in ipsis concreto inflammationem contraxerunt. imò verò & lac ipsum ab hoc cataplasmate extinguitur, sicut puerorum pubes farina fabarum illita plurimo tempore impubis permanet.

Cumini semen vehementer calefaciendi vi præditum est, flatusq; discutit, & vrinam mouet.

Cyparissi folia, germina, & globuli recentes, ac molles magna vulnera in duris corporibus conglutinant. ex quo planè patet, siccandi vim in eis inesse, cui nihil insigniter acre sit adiunctum. plurimum autem amari, & multò etiam plus acerbi habet. proinde humiditates, quæ imis in partibus delitescunt, in flaccidis & putredini obnoxiiis affectionibus & sine molestia & tutò depascuntur, aliasq; trahunt. sic etiam ramicem intestinorum iuuant vel ex eo, quod siccant, & robur particulis præ humiditate laxis addunt.

Cyperi radices excalefaciunt & exiccant sine mordacitate. itaque vlceribus, quæ ad cicatricem ægrè perducì possunt, ob nimiam humiditatem mirificè profunt: habent enim quidpiam adstrictionis. & ob eam causam vlceribus, quibus os obsidetur, valde cōueniunt. quin & incidendi vim quandam eis inesse apparet, cum calculo laborantibus congruant, vrinâq; & menstruas purgationes prouocent.

Cyclaminus absterget, incidit, digerit, aperit ora venarum atque attrahit. eius autem succus hæmorrhoidas reseat, & floccis impositus atque admotus secessum valenter prouocat: eius enim ita vehemens vis est, vt abdomine illito ventrem subducatur, & pef-  
so



fo impositus fœtum interimat. Radix est succo imbecillior, sed ipsa quoque est vehemens: nam & purgationes menstruas ciet epota & admota, & arquat morbum iuuat, non modò ipsum viscus expurgans, sed etiam bilim quæ in toto corpore sit, per sudores excernens. datur autem potui pondere drachmarum trium cum passo, aut melicrato. cutim etiam detergit & alopecias & ephelidas & omnia exanthe mata curat. itemq; lieni indurato emplastri modo illita tum recens, tum arida prodest.

Cytisi folia digerentis facultatis sunt, quæ aqueæ & tepidæ mista est.

Coni fructus, quem etiam cocalum nominant, viridis totus habet cum humiditate amaritiem & acrimoniâ quandam. proinde purulentis, & quibuscûq; ea quæ in thorace & pulmone sunt, facilè tussi reii cere & expuere expedit, accommodatus est. Fructus verò ex eo esculentus, asperitates in aqua maceratus lenit.

*De rebus à Λ incipientibus.*

LAPATHVM digerentis modicè facultatis est. oxylapathû verò est mixtæ facultatis: nã cum digerenti, est etiam cuiusdam reperimentis particeps. eorum semen manifestam adstrictionem quandam obtinet, vt dysenterix & diarrhœæ medeatur, præsertim oxylapathi.

Leucoion, & fructus vniuersus abstergentis, ac tenuium partium facultatis est: magis tamen flores, & inter hos, qui sicciore sunt adeò, vt eorû decoctum menstruas purgationes promoueat, & secundas, ac fœtum mortuum pronocet: siq; bibatur, fœtum interimat: ac si quis eius virium vehementiam multa aqua admixta mitiget, is medicamentum ad inflammationem



mationem accommodatum habebit. Hoc igitur modo eius decoctū vteri inflammationes perfusum sanat, potissimū verò eas, quæ iam obduruerunt. Fructus eandem vim habet, duarum drachmarum mensura potui datus, vel etiam impositus, mensesque ciet, ac fœtum viuentē corrumpit, & mortuum expellit.

Libanotus, hoc est, thus, abundè calefacit, & modicè siccat, habetq; aliquid adstringentis, ac potius etiam album. Eius autem cortex euidenter adstringit, quam ob rem strenuè quoque desiccatur. est etiam crassarum partium, & acrimoniæ minimè particeps.

Libanotides tres similē vim habent, omnes emollientem, digerentem, abstergentem & incidentem. Succus radicum ipsarum, atque herbæ melli admixtus hebetudines oculorum, quæ ex crassis humoribus oriuntur, per sanat.

Lapis hæmatites tantum habet frigiditatis, quantum adstrictionis. Eo igitur solo vsus sum ad supercilia exasperata. si verò aspera facta sint cum inflammatione coniuncta, ex ovo ipsum diluo: si verò magis, etiam ex fœnugræci decocto. si sine inflammatione, ex aqua. Initium verò ducito semper a modicè humido, per spicillum infundens. Vbi autem is, qui curatur, eius vires fert, crassius semper identidem effcito. ac postremò ita crassum facito, vt spicilli cuspide inungas secundum subiectionem euerfionis supercilii. Idē lapis simili ratione in cote contritus, sputo sanguinis, & omnibus vlceribus conuenit. Siccus verò læuigatus, & in tenuissimum pollinem redactus reprimat excrescentia, vlceraq; oculorum ad cicatricem ipse solus perducit, attritus, vt dicebam, & infusus, aut inunctus.

Lapides qui in spongiis reperiunt, frangendi vim obti-



obtinēt: non tamen ita validam, vt lapides in vesica confringant.

Lithargyrus siccat, vt alia metallica omnia, terrenaq; & lapidea medicamenta, id tamen facit moderatissimè, & in cæteris qualitatibus & facultatibus quodam modo in medio est, neq; manifestò calefaciens, neque refrigerans. estq; particeps abstergentis & adstringentis facultatis modicè. quocirca utimur lithargyro pro materia, quam iis, quæ valentem vim habent, seu mordendi, seu adstringendi, seu aliquid aliud faciendi miscemus. inter caliditatem verò ac frigiditatem medium locum obtinet.

Lini semen modicè calefacit, estq; in medio ferme humiditatis, & siccitatis constitutum.

Litron, hoc est, nitrū, siccat & digerit. si verò intrò in corpus sumatur, multò magis quàm sal, crassos tenacesq; humores secat atq; attenuat. Aphronitrum verò nisi magna quædā necessitas cogat, deuorandū non est, vtpote quòd stomacho intensum. ac rusticus ex fungorum esu penè suffocatus eo vsus est, eique probatum fuit remedium. Cæterum intrò vsto, & non vsto nos etiam ad talia vtī consueuimus.

Lichen in petris nascens abstergentem simul, modicèq; refrigeratè & adstringentem vim habet. sed est etiam desiccans: quocirca haud mirum est, si inflammationi est aduersum.

Lotos domestica, quam etiam trifolium vocant, facultatis est modicè adstringentis, & siccantis: estq; in medio in calefaciendo & refrigerando.

Lotos arbor adstringit illa quidem modicè, sed tenuiū partium est & siccans. proinde lignorum ipsius scobs conuenit fluori muliebri, dysentericis, & cœliacis. decoquitur autem tum ex aqua, tum ex vino, prout vsus postulare videatur. neq; solū infunditur,

F



ditur, sed etiā bibitur. quin etiam fluentes pilos cohibet.

Lycium facultatē obtinet exiccantem, constatq; ex diuersi generis substantiis, altera tenuiū partium digerente, & abundè calida, altera terrena, & frigida exigua, ex qua obtinet adstrictionem. Ex quo fit, vt hoc medicamento ad diuersas affectiones vtantur: atque vt abstergente quidem, quando id assumunt, tanquam expurgans ea, quæ pupillæ tenebras offundunt: vt cōtrahente verò, cū id cœliacis, & dysentericis, ac fluori muliebri adhibent. eodem etiam vtuntur ad hypopia, & ad sedis atque oris inflammationes, vlceraq; & herpetas ac putredines, & vlcera maligna, & aures purulentas & intertrigines, denique ad vnguiū reduuias. Porro Indicum Lycium est ad omnia valentius.

*De rebus ab M incipientibus.*

MALVA, agrestis quidem, digerētis mollientisq; leniter facultatis est particeps: hortensis verò est imbecillior. earum fructus tantò validior est, quantò est ficior. Quæ verò anadendromalache, & althea nominatur, est generis eiusdem. est tamen quàm hæ, ad digerendum efficacior.

Mandragora refrigerat quidem vehementer, sed est tamen etiam caloris cuiusdam particeps. & in pomis nonnihil est humiditatis. quamobrem ea soporem afferendi vim habent. Cortex autem radicis, qui valentissimus est, non refrigerat solū, sed etiam deficcatur. quod verò intus est, imbecillum est.

Marathrū, hoc est, fœniculum, calefacit quidem vehementer, cæterū modicè ficcatur. proinde lac procreat, idq; non mediocriter. valet quoq; ad vrinam ciendam, & ad menses educendos.

Mastiche composita ex cōtrariis facultatibus est, ad-



adstringente & molliente: quocirca stomachi, ventris, intestinorum, & iecoris inflammationibus conuenit, utpote quæ calefaciat siccetq; abundanter.

Melanthium calefacit siccetq; vehementer, cum tenuium sit partium. quibus quidem fit rebus, ut calidum in linteo admotum, & assidue olfactum catarrhos sanet, quinetiam epotum flatus extinguit vel maximè Interimit etiã lumbricos, non solum esum, sed etiam ventri foris admotum. præterea lepras, clauos myrmeciasq; efficit, mensesq; ciet, qui ob crassitiem tenacitatemq; humorum fuerint suppressi.

Mel calefatit & deficcat abundè. est autè simplicis, quoad eius fieri potest, naturalis facultatis. Coctum verò minus acre & abstergens efficitur. quocirca ad sinus glutinandos eo vtuntur.

Melilotum mixtæ facultatis est: habet enim quidpiam adstrictionis, sed & digerit & concoquit: copiosior em̃ in eo calida essentia inest, quàm frigida.

Mespilorum fructus admodum acerbus est, & esculentus, & ventrem strenuè cohibet.

Mecon, hoc est, papauer omne est refrigerantis facultatis. Semen verò satiui papaueris mediocriter somnum conciliat, estq; album: quamobrem pani ipsum inspergunt, ac melle maceratū edunt. Alterius verò, cuius flos decidit, semen valentius refrigerat adeò, ut eo uti innoxie, sicut satiui, quispiam non possit.

Mali Persicæ folia & germina amarâ qualitatem vincentē habent. ex quo fit, ut in potu accepta lumbricos interimant. id quod faciunt etiam vmbilico imposita. omnino verò digerēs medicamentum est. eius verò fructus humidus est ac frigidus.

Meum calefacit vehementer, atq; abundè siccatur. proinde vrinas menstruasq; purgationes mouet. do-



lorem verò capitis creat, ac flatum gignit.

Molibdos, id est, plumbum, plurimam habet humiditatē ex frigore concretam. Si igitur mortarium pistillumq; plumbeum confeceris, in ipsumque aut omphacinum oleum, aut aquam, aut rosaceum, aut alium quempiam succum indideris, ac teras, uti poteris succo ita confecto ad inflammationes in sede cum vlcere, aut rugis, eritq; ad eas quæ in pudendis ac testibus, atque vberibus sunt, optimū remedium. valebitq; eodem modo ad alias inflammationes incipientes, quæ inguina, aut pedes, aut alios articulos obsideant. conuenit non secus vlceribus malignis, siq; ad carcinode vlcera vtaris, erit sanè mirabile medicamentum. Si verò celeriter multum succi plumbei velis colligere, conare in sole terere, aut omnino aere excalesfacto. porrò utilissimum medicamentum pararis, si quempia succum refrigerantem, ut semperuiui, ut vmbilici Veneris, ut intybi, ut lactucæ, ut psyllii, ut omphacii admiscueris. Plumbi verò bractea tenuis ganglio probè imposita & alligata, ipsum planè dissipat.

Mori fructus, maturus quidem ventrē subducit, immaturus verò vbi aruerit, medicamentum admodum restringens fit adeò, ut dysentericis, ac coeliacis conueniat. tunditur etiam, & obsoniis admiscetur. Cortex verò radice arboris purgantis facultatis est particeps, cum amaritie quadam. itaq; latum lumbricum interficit.

Myelos, hoc est, medulla, vim habet molliendi corpora, quæ obduruerunt, ac scirrhum contraxerunt. optimā verò expertus semper sum ceruinam: deinde iuniorum boum. taurorū verò & hircorum est acrior & sicciior. quocirca duritiem scirrhi speciem referentem dissoluere non potest.

Myr-



Myrtus ex contrariis substantiis constat: in ea tamen vincit terrenum frigidum. habet verò etiam tenue quiddam calidum: quocirca admodum siccatur. Cæterum folia, fructus, germina, & succus non multum in adstriptione differunt: quod verò agnatum est trunco, atque ramis tuberosum, quam myrtada quidam vocant, quò siccius est antedictis, eò adstringit siccaturque vehementius. quidam id tundunt, ac reponunt, tum vino subigentes pastillos conformant. folia item arida magis quam viridia, deficcant.

*De rebus ab N incipientibus.*

NARDI spica modicè calefacit, abundeque siccatur. ea ex essentia abundè adstringenti & acri, calida non multa, & quadam subamara constat. meritò igitur tum pota, tum foris admota iecori & stomacho conuenit, vrinasque mouet, ac morsus stomachi sanat, ventrisque fluxiones, & præterea capitis atque thoracis exiccat. valentior autem est Indica, quæ nigrior est, quam Syriaca. Celtica verò similis est facultatis, sed vrinas magis ciuit.

Narcissi radix siccandi facultatem habet adeò, vt maxima vulnera conglutinet, vel si vsque ad tendines sit facta præcisio. habet etiam abstergerendi & attrahendi vim quandam.

Nymphææ tum radix, tum semine vim habet deficcandi sine morfu. itaque profluvia ventris sistit, ac semen siue in insomniis, siue alio modo immoderatus profluens cohibet. iuuat etiam dysentericos. Quæ verò candidam radicem habet, vehementiore facultate prædita est. quocirca ex aqua macerata vitiliginis, pice verò liquida, alopecias sanat.

*De rebus ab O incipientibus.*

Oxos, id est, acetum, mixtæ substantiæ est calidæ,

F 3 & frigidæ



& frigida, atque vtriusque tenuium partium, frigida tamen calidam superat. Cæterum ubi acetum validum sit, vehementer exiccans est.

Oxyacanthæ fructus non solum cum estur, sed etiam cum potui datur, omnes affectiones, quæ cum fluxionibus coniunctæ sunt, retinet.

Opopanax mollit, ac digerit: calefacitque vehementer, & abundè siccatur.

Opos, hoc est, liquor, Cyrenaicus omnium & calidissimus est, & tenuissimarum partium, ac proinde maximè digerit. quanquam cæteri quoque calidi & spirituosi abundè sunt, hoc est, Medicus & Syriacus.

Origani omnis vis est incidens, tenuans, calefaciens & siccans vehementer. quam verò tragoriganon vocant, ea aliquid adstrictionis assumpsit.

Orobis, hoc est, eruum, siccatur quidem abundè, sed calefacit modicè, & incidit & absterget, & obstructions tollit. si verò copiosius sumatur, sanguinem per vrinas educit.

Ostrax, hoc est, testa buccinarum & purpurarum vltima vim habet admodum exiccandi. Ostreorū quoque combusta similis est facultatis. ea vtor ad diurnas ex fluxione cavitates, & quæ vix impleri carne possunt: quæ nimirum fistulosæ sunt atque profundæ, eam foris ex adipe suillo veteri imponens. & in sinum aliquid eorū, quæ talia carne implent, immitto, quale est vltimum diaphanes, quod speclarium nominat. Iam verò horum omnium cinis dentes splendidiore redditum abstergerendi facultate, tum verò etiam essentia asperitate, non secus quam pumex. ad hunc verò vsum non est necesse quæ sic vltima sunt, admodum læuigare. at si vlceribus malignis velis inspergere, ante omnia in tenuissimum pollinem redigenda



genda erunt. porro carnem excrescentem exterunt mediocriter & comprimunt. præterea cum sale vsta hæc omnia dentes efficacius abstergent: atq; adeò, vt non modò flaccidas gingiuas exiccent, sed etiam putrescentia vlcera adiuuent.

*De rebus à P incipientibus.*

PALIVRI folia & radix nō obscurā adstringēdi facultatem habent, vt etiam ventrem fluentem cohibeant: digerunt verò adeò, vt phymata quoq; curent, quæ non admodū inflāmata, calidāq; sint. Cæterum fructus tantam incidendi vim habet, vt & calculos vesicæ confringat, & pectoris pulmonisq; excreationibus auxilietur.

Pentaphylli radix ficit quidē abundē, sed minimē acris est. quocirca ad multa utilis est.

Piper nuper germinans longum est, ideoq; humidius, fructus verò qui velut omphax est, album est piper, quod est acrius nigro: illud enim est aspectu tanquam subassatum, & subexiccatum. vtrunq; tamen satis valenter calefacit & ficit.

Petroselini semen acre est cum amaritie coniuncta. proinde menstruas purgationes mouet, & vrinas copiose citat. flatus quoq; discutit: valdeque calefacit & ficit.

Peganon, hoc est, ruta, quæ agrestis est, vehementissimē ficit & calefacit. quæ verò domestica est, vehementer: eaq; est nō acris modò, sed etiā amara, atq; humores crassos & tenaces incidit attenuatq;, & per vrinas ducit. est & tenuiū partiū, & flatus excutit. quā ob rem ad inflationes accommodata est, & veneris appetitum cohibet. eadem strenuē digerit, atque ficit.

Pix ea quæ sicca est, calefacit abundē & ficit. quæ

F 4 verò



verò humida est, habet præter hæc, nescio quid tenuium partium ita, vt asthmaticos & purulentos iuuet. cyathus autē eius melli admixtæ ad lingendum datur. habet præterea vtraq; vim quandam abstergerendi, & concoquendi, & digerendi. qua sanè ratione leprosos vngues eximit ceræ mista, lichenasque detergit, ac tumores duros & incoctos cataplasmatibus indita concoquit. liquida tamen est ad omnia valentior.

Pini cortex vincentem habet facultatem adstringentem, vt impositus intertrigines pulcherrimè sanet, & potus ventrem cohibeat, & ambusta ad cicatricem perducatur.

Piceæ cortex simili modo, quo pini cortex, agit, moderatius tamen. In foliis tamen vtriusque & pini & piceæ vis est vulnerum agglutinandorum. Fuligo autem quæ ex dictis colligitur, ad pilos superciliorum, & ad angulos oculorū lippientes, erosos, & lachrymantes accommodata est.

Platanus frigidioris humidiorisque essentia est. quam ob rem eius folia viridia trita, & illita inflammationes in genibus iuuant. eius cortex & pilulæ cum adipe ad vlcera ambusta valent.

Pompholyx si lota fuerit, fermè omniū prima est, quæ citra morsum siccant, vnde ad vlcera carcinode idonea est, & item ad alia maligna omnia.

Prasium, hoc est, marrubiū, calefacit & siccatur vehementer. iecur & lienem obstructione liberat, thoracem pulmonemq; expurgat, menstruas purgationes ciat. illitum verò abstergit & digerit, & per nares arquatos expurgat. denique ad inueteratos aurium dolores facit.

Propolis vehemēter calefacit, ac valenter absterget, abundeq; trahit, estq; valenti ac tenui essentia.

Pte-



Pteleæ, hoc est, vlm̃i foliis recentia vulnera glutinantur, in eisq; abstergendi & adstringendi facultas inest: & magis in cortice, vt cum aceto lepras etiam sanat. Eandem vim radices habet: proinde earum decocto quidam perfundunt fracturas, quibus inducere top hos opus sit.

Ptereos, hoc est, filicis radix, latos lumbricos interficit, si quatuor eius drachmas in melicrato quis bibat. porro fœtum viuum interficit, mortuum expellit. Similem huic obtinet vim fœmina filix.

Pyrethri radix vrentem vim habet, qua dentium refrigerationum dolores sanat. & ante rigores periodorum ex oleo confricatur. stupidos quoq; & resolutos adiuuat.

Pyros, hoc est, triticum, foris impositum modicè calfacit, non tamen siccare aut humectare manifestò aptum est. habet verò quidpiam lentoris, & naturæ obstruentis. Amylum verò quod ex eo cōficitur, frigidius siccusq; ipso redditur. at cataplasma ex pane confectū maiore digerendi vim habet, quàm quod ex tritico fit, quippe cū panis & fermentū & salem habeat, fermentumq; facultatis sit attrahentis digerentisq;.

Pytia, hoc est, coagulum omne acris, attenuantis, digerentis & siccantis facultatis est: nam lac in ventre coagulatum dissoluit. Leporis verò coagulum omnium præstantissimū est. id sanguinem in ventre cōcretum cum aceto epotum dissoluit: facitq; id efficacius quidem cæteris, sed non tamen solum.

*De rebus ab R incipientibus.*

RADICVLA vehemèter calefacit, & abudè siccatur: semen est efficacius planta. in eis vis digerendi est. itaq; ad sugillata & alia liuida id genus vtiliter adhibentur.

Rheum



Rheum mixtæ facultatis est: habet enim quidpiã terrestræ, quod frigidum est: sed ei quoque inest caliditas quædam cum partium tenuitate coniuncta. conuulsa igitur & rupta, & eos qui nisi recta ceruice spirant, adiuvat. liuentia itidẽ & lichenas sanat cum aceto illitum, & sanguinem expuentibus cœliacisq; & dysentericis prodest.

Resinæ omnes calefaciunt, siccant digeruntque, sed aliæ magis, aliæ minus id faciunt. lentiscina verò omnib. meritò anteposita est: eam mastichen nominant: nam præterquã quòd est exiguæ particeps adstrictionis, vt stomachi, ventris & iecoris imbecillitatibus & inflàmationibus cõueniat, ei etiam inest, vt sine mordacitate siccet: minimè enim acris est, & maximè tenuium partium. cæteris præstat terbinthina, eaq; magis quàm mastiche digerit, & absterget ita, vt scabies sanet, & quæ in profundo sunt, cæteris resinis magis attrahat.

Rosarũ vis est aquea substantia calida mista duabus aliis qualitatibus, adstringenti & amaræ. earum flos etiam magis quàm rosæ, adstringit: ac proinde vim itidem habet exiccandi.

Rhypos, id est sordes è statuis digerit & emollit, & incocta phymata digerit. Sordes verò in palæstris quam *πάτον* vocant, optimũ est mamillarum inflàmationibus remediũ: nam & illarũ feruorẽ igneum restinguit, & quod influit, cohibet: & quod ibi continetur, digerit.

*De rebus ab S incipientibus.*

SANDARACHA vr̃etis facultatis est, ceu arsenicũ. ergo meritò fit, vt eam facultatibus digerentibus & extergentibus commisceant.

Satyrium humidum calidumq; temperatura est,  
humi-



humiditatemque excrementitiam & flatus participem possidet . quocirca ad res venereas incitat . idē quoque eius radix facit .

Selinon , hoc est apium calidum adeò est , vt vrinās & menstruas purgationes cieat . flatus quoq; discutit : & magis semen quàm herba .

Seris temperaturæ est frigida siccaq; modicè . Seseleos fructus vsque adeò calidus est , vt mouere vrinam copiose queat . quinetiam partium tenuitate ad comitiale morbum , & ad recta ceruice spirantes accommodatus est .

Sesamum emplasticam vim & simul mollientē habet , & modicè calidam . eiusdem facultatis est oleū , quod ex eo conficitur : & item decoctū herbæ ipsius .

Sicyos , hoc est , cucumis , qui maturus est , tenuioris essentia est : qui talis non est , crassioris . sunt tamen abstergetis & incidentis facultatis participes . quam ob rem vrinam cient , & corpus splendidum reddunt : atque etiam magis , si quis arefaciat , deinde contusum per cribrum excutiat , & pro abstergente puluere vtatur : in eo enim humida frigidaq; admodum abundat natura . quanquā si semē & radix exiccantur , non etiam humidæ naturæ sunt , sed iam modicè siccatis . Agrestis verò cucumeris succus , quam etiam elaterium nominant , qui ex fructu , itemq; ex radicibus & foliis exprimit , est ad curationes perutilis . Ergo elateriū menses ciet , & foetū interimit appositum . prodest regio morbo laborantibus in nares cum lacte infusum : quo etiā modo capitis dolores sanat . Succus verò radicis & foliorū est prædicto imbecillior . Cæterum eius radix abstergit , digerit molitq; . Cortex verò maiorem siccandi vim obtinet .

Silphii liquor calidissimus est . & tamen folia , & fructus & caules & radix strenuè non calefaciunt ,  
sed



sed omnia sunt magis essentia flatuosa, atque ideo concoctu difficilia. foris tamen imposita sunt efficaciora: & maxime omnium liquor, in quo vis admodum trahendi inest. & ex memorata eius temperie facultatem quandam detrahendi & liquandi habet.

Spongia vsta acris & digerentis facultatis est. hæc bitumine imbuta, & adhuc ardēs, vt sicca reddat, facit ad sanguinis eruptiones ex vulnere. si bitumē nō suppetat, pice illinenda est. Spōgia verò noua per se se manifestè desiccatur. id nosces, si ea sola vtaris ad vulnera ex aqua, vel oxycrato, vel vino: perinde em glutinabit, ac medicamenta, quæ sistendo sanguini apta sunt.

Spondylii fructus acris & secantis facultatis est. quocirca ad asthmata, & ad morbum comitiale est medicamentum accommodatum. sed & morbo regio affectis prodest. ac radix quoque, in qua similis facultas est, ad eadem valet. estq; præterea utilis ad callos, qui ex fistulis oriuntur. ea autem circumrasa imponenda est.

Stear, hoc est, adeps suillus est fermè omniū aliorum humidissimus. quam ob rem in actione proximè ad oleū accedit: maiorē tamen vim habet emolliendi & cōcoquendi, quàm oleum. idcirco eum admiscemus iis cataplasmatibus, quæ ad inflammationes valent. qui verò mordicationes aut in recto intestino, aut in colo patiuntur, iis potius caprinum, quàm suillum adipem iniicimus: quippe qui propter crassitiem facilius concreseat, suillus aut instar olei defluat. proinde eo potius vtimur ad dysentericos, & qui crebra desidendi cupiditate tenentur. Anserinus verò adpes sanies quæ in alto corpore mordicant, sua tenuitate magis obtundit. est etiam suillo calidior. in horum medio est adeps gallinarū. Nunc verò



rò omnis pinguedinis facultas est humectans & calefaciens: sed suilla est modice calida. taurinus verò adeps est multò calidior, & siccior. vitulinus verò minus quàm taurinus, & hœdinus minus quàm caprinus & hircinus. taurinusque minus quàm leoninus: hic enim potentius, quàm cæterorum omnium quadrupedum adipēs, digērit: nam & calidissimus & tenuissimarū est partiū. Porro omnis adeps cū inueterascit, fit se ipso calidior, & tenuiorum partium. atq; ita etiam maiore digerendi vim acquirit.

Scandix calefacit siccātq; vehementer. itaq; merito vrinam ciet, & viscera liberat obstruptione.

Scilla est facultatis admodum incidentis, non tamen admodū calidæ. melius autem est ea assata, aut elixa uti. quo sanè modo eius viriū vehementia exoluitur.

Scolimi radix calida siccaq; admodū est. copiam vrinæ fœtētis educit, si vino incocta bibatur. hac ratione fœdos alarum, & totius corporis odores sanat.

Scordion ex variis facultatibus constat: habet enim quidpiā amari acerbīq; & acris. viscera igitur expurgat, simulq; excalefacit, ac menstruas purgationes & vrinās mouet. conuulsa quoq; & rupta, & laterum dolores ex obstruptione, & frigore ortos e-potum sanat: magnaq; vulnera, & rupta conglutinat, & laterum dolores viride impositum sanat. sordida verò purgat, & cicatrice concludit.

Scorodon, hoc est, allium, & calefacit & siccāt vehementissimè, ut etiam hirudines eiiciat sic, ut nulla alia re sit opus.

Smyrna, hoc est, myrrha, de numero eorū est, que abundanter calefaciunt & exiccant: itaque illita vulneribus capitis, ea glutinat. tollit etiam lumbricos, fœtūq; necat & eiicit. inest ei vis itidē abstergendi.

Smyrnium



Smyrniū calidū & siccū vehemēter est, vrinamq; & menstruas purgationes educit.

Stœbes fructus & folia adstringentem vim, morisq; expertem habent, atque abundè siccant. quam ob rem eorum decoctum dysentericis iniicitur, & auribus purulentis: & vulnera magna conglutinat. cum vino autem austero hæc facit euidentius: nam valenter deficcat omnes humiditates, quæ præter naturā sunt. Folia verò viridia illita vim habent sanguinem fluentem sistendi. iuuantq; illita oculorum suffusiones ex ictu obortas.

Styrax calefacit, mollit, concoquit: quam ob rem tussibus, catarrhis, destillationibus raucitatibusq; prodest, ac menstruas purgationes seu potus, seu ad motus elicit.

Syca, hoc est, ficus aridæ modicè calefaciunt: habentque partium tenuitatem quandam. his duabus qualitatibus idoneæ sunt ad duros tumores concoquendos, quos etiam statim digerunt. Cæterum ficus caprifici facultatis sunt acris ac digerentis: sic etiam domesticarū arborum primæ ficus, quas grossos nominant.

Schinos, hoc est, lentiscus, ex aquea essentia leniter calida, & terrea frigida non multa cōpositus est. siccatur igitur abundè. in differētia verò caloris & frigoris est quodammodo medius. similem porrò habet in omnibus eius partibus adstrictionem. Si verò succum ex viridibus eius foliis exprimas, similem is quoque temperaturam habebit. quam ob rem epotus dysentericas cœliacasq; affectiones sanat: & ad sputa sanguinis, & sanguinis fluores ex vtero, & ad sedem vuluamq; procidentem est accōmodatus.

Schinu anthos, hoc est, schini flos, modicè calefacit, & moderatius adstringit. nec planè à tenuitatis natu-



natura seiunctus est. proinde lotiū ciet, menstruasq;  
purgationes educit. quinetiam inflammationes eas  
iuuat, quibus iecur, venter & stomachus obsidetur.

*De rebus à T incipientibus.*

**TEREBINTHI** cortex & folia, & fructus adstrin-  
gendi quid obtinent. sed & abundè calefaciūt. humi-  
di verò adhuc, siccāt mediocriter: aridi verò, abundè,  
& magis etiam fructus. ideoq; vrinam ciet, & leni-  
bus prodest.

Teutlon, hoc est, beta, nitrosæ cuiusdam faculta-  
tis est particeps. proinde absterget, digerit, & per na-  
res purgat. cocta verò nitrosam vim deponit, fitque  
eius facultatis, quæ inflammationibus aduersatur,  
leuiterque digerit. sed ad detergendum, & ad dige-  
rendum validior est alba: nam nigra nescio quid ad-  
strictionis adiunctum habet, idque in radice magis,  
quàm aliis in partibus.

Telis, hoc est, scœnum græcum, abundè calefacit,  
& modicè siccāt: quam ob rem inflammationes fer-  
uentes iritat: minus verò calidas, & magis duras di-  
gerit.

Tithymali omnes vincentem habent acrem cali-  
damq; facultatē. inest verò eis etiā amarities. liquor  
autem est validissimus, deinde fructus, & folia. Sed  
dictarum quoq; facultatum radix est particeps, non  
æquè tamen. Ipsa autem aceto decocta dentium do-  
lores sanat, maximè verò eos, qui dentibus erosus  
contingunt. liquor verò inunctus pilos tollit: quia  
verò vehemens est, ideo oleo cōmiscetur: siq; id as-  
siduè fiat, radices pilorum adustæ penitus interibūt,  
corpusq; ipsum glabrum reddetur. eadem facultate  
verrucae, myrmecia, vngues oculorū, & thymos au-  
ferunt impetiginesq; & scabies detergant.

Titanus,



Titanus, hoc est, calx, viua quidem vrit vehementer adeò, vt crustam inducat: extincta verò statim crustam quidem & ipsa facit, sed post vnum aut alterum diem: si verò spatio temporis restincta fuerit, id non omnino faciet: calefaciet tamen, carnemq; eliquabit. si lauetur, morsum in aqua deponit: & facit id quod *νοτιάει*, hoc est, lixiuium vocant. siccatur autem hæc sine morso. siq; bis aut ter, aut sæpius lota fuerit, morsus omnino expers efficitur, ac strenuè citra morsum siccatur.

Tragacátha similem gummi vim obtinet emplasticam, & acrimoniam obtundentem, & pariter atq; illud deficcatur.

Tribolus in terrestri superat adstringens & siccans: in aquatili verò, aqueum. ambo autem ortui in inflammationum, & omnino influxibus omnibus aduersantur. Terreni verò fructus tenuium partiū est, ideoq; epotus lapides, qui sunt in renibus, frangit.

Trychnon, hoc est, solanum esculentum, quodq; in hortis nascitur, omnes norunt, eoq; omnes vtuntur ad ea, quæ refrigeranda sunt, atq; adstringentia.

*De rebus ab Y incipientibus.*

HYDROPIPER calefacit quidem, sed nõ æque, ac piper. & tamen herba adhuc virescens vnà cum fructu illita, sugillata, & tumores induratos digerit.

Hyosciamus, hoc est, altercum, ad curationes valet, cuius fructus & flos candidus est: vehementer enim refrigerat.

Hyssopum calefacit & siccatur vehementer, estq; tenuium partium.

*De rebus à φ incipientibus.*

PHACTI, hoc est, lentes, adstringunt, nõ tamē valēter. in calore & frigore mediū locum tenent. abundè  
verò



verò siccant. atq; ipsarum quidem corpus siccant, cohibetq; aluum, & decoctum prouocat.

Phacos, id est, lens, quæ palustris dicitur, humidæ est abundè, frigidæq; naturæ.

Phoenix, palmarû fructus, præsertim dulcis, non exiguæ caliditatis est particeps. cæterum non solum foris impositus roborat, siccant, contrahit, stipat, & densat, sed etiam vt cibus assumptus.

Phycos, hoc est, alga, humens adhuc & viridis ex mari sumpta abundè refrigerat, & modicè adstringit.

*De rebus à X incipientibus.*

CHALBANE, hoc est, galbanû, facultatis est emollientis & digerentis, abundèque siccantis, & vehementer calefacientis.

*Deijs, quæ à Ψ incipiunt.*

PSIMMYTHIVM, hoc est, cerussa, emplasticâ vim & refrigeratè habet. Phycos autem conseruans cerussæ frigiditatem, assumpsit partium tenuitatem.

*Deijs, quæ ab Ω incipiunt.*

ΩON. oui album & tenue, quo etiâ ad oculos vtimur, est medicamentû morsus omnino expers. ouis recens natis vtendum est. ouû temperatura est paulò frigidius, quàm vera temperies. itaque eo non solum ad oculos vtendum est, sed etiam ad alia omnia, quæ medicamēta postulant, quæ nihil penitus mordeant: qualia sunt omnia ani & pudendorum vlcera maligna. Porro vitellus ouorum aut elixatorum, aut assatorû morfu vacat. Crudo verò ouo, toto vtimur admisto rosaceo ad palpebrarum, aurium, & mamillarum inflamationes, quæ vel ex ictu, vel ex alia quauis causa euenerint: aut in neruosis corporibus sint, vt in cubito, vt in tendinibus digitorum, vt in articulis,

G



culis, idq; in pedibus & manibus. Iam verò ad rupta ouum crudum protinus impositum utile est, siue molli lana solum eius album excipias, siue etiam cum vitello commiscens applices: nam & mediocriter refrigerat, & citra morsum deficcat.

*De iis, quæ media sunt inter calefacientia, & refrigerantia Cap. II.*

MEDIA autem inter ea, quæ calefaciunt, quæq; refrigerant, sunt hæc: adiantum, asparagus, myacanthinus, muscus, qui etiam splanchnon dicitur, glycyrrhizæ succus, oleum dulcissimum, præsertim ex oliuis drupis factum, cera, faba, pinei nuclei esculenta pars, aqua macerata: lycium, lotus, siue trifolium, citri cortex, filicis radix, lentiscus, lens, terra Chia, cadmia, lithargyrus.

*De iis, quæ calefaciunt Cap. III.*

CALEFACIUNT autem hæc. Viticis folia & semen modicè calefaciunt, viticæ fructus & folia, amygdalæ dulces, anagallis utraque, aloë, anthemis, quæ etiam chamæmelum dicitur, aphace, absinthium, cuius succus calidior est. rubi fructus maturus, pæoniæ radix, oleæ bacca matura, fermentum, brassica olus, lini semen, folia fœniculi, spica nardi, celticaq; est imbecillior, mustum, eruum, triticum foris admotum, resinæ omnes, piceæ arboris magis quam terebinthina, & hac magis etiam strobilina. mediæ inter has sunt pinea, & abiegna: at cyparissina est etiam acris facultatis. sesamum, schinu anthos, palmulæ fructus, & magis etiam dulcis. vitis albæ, quæ bryonia dicitur, radix. spinæ albæ radix, aristolochia, asphodeli radices, & earum combustarum cinis magis: daucus qui pastinaca quoque nomine gaudet, chamædaphne, dracontii radix magis quam ari, oleum dulce vetus, helenii



lenii herbæ radix, cicer, serpyllum, viscum, lybisticum, ferulæ semē, sagapenū, satyrium, apium, sinon, styrax, carnes viperarum, adeps, pinguedines, saliuæ. Abundè verò calefaciunt pulegiū, lauri folia, & potius etiam baccæ: minus verò cortex radicis. dictamnium æquè, ac pulegium, elelisphacum, erysimum, lanæ vltæ, zinziber, cardamomū, liquor, & omnium maximè Cyrenaicus, silphium, pili combusti, sal, & qui laxus est magis quàm alius, sanguis, fel, amurca, anethū, minus verò quod viride est: artemisia vtraque, balsamū, elaphoboscum, crocus, thus, chia mastiche, mel, vinum, pix, polium, quod minimū est, melystophyllum, marrubium, propolis, cucumeris agrestis succus, quem elaterium vocant, scandix, scilla, scolimi radix, myrrha, terebinthi cortex, folia, & fructus, fœnum græcum, chamæleontis vtriusq; radix, chamæpitys, ocimum, quod vehementer calefacit, & item abrotanū, & magis etiam vltum: lolium, ægyri flores, & resina, acorum, amomum, amaracus, ani, anethum vltum, anisi semen, iuniperus, & eius fructus, asari radix, sabina, elleborus vterq; epithymum, calamintha, menta, thymū, cannæ vallis cortex combustus, caroum, casia, cedrus vtraque, cnici semen, conyza maior, & minor: nam quæ grauius olet, ea est imbecillior, cuminum, thuris fuligo, fœniculum, melanthium, mei radices, ruta domestica, rododaphne, vinum satis vetustum, origani omne genus, opopanax, petroselinū, radicula, sampsuchus, smyrnium, trifoliū, quod alii asphaltion vocāt, hyssopum, galbanum, chamædryes. Vehementissimè autem calefaciunt hæc: adarce, euphorbium, thapsia, cedreæ oleum, costus, cepa, sinapis, ruta sylvestris, allium, struthii radix, tithymalorum liquor, sed minus calefacit eorū fructus, & item folia. sed & quæ

G 2      cunque



cunque adurendi vim habet, ea calefaciunt.

*De iis, quæ refrigerant. Cap. IIII.*

MODICE refrigerat graminis radices, & herba, al sine citra adstrictione, pira cataplasmatibus modo imposita, atriplex sine adstrictione, acacia non lota, balauustum, rubi folia, & germina, & fructus immaturus, & item flos, auena, muscus marinus, acini, glaucium, glycyrrhizæ succus, oleæ germina, & bacca immatura, & flos, oleum omotribes, helxine, quæ & perdicium appellatur, panicum illitum, lactuca, violæ folia, & succi, & cortices, dulcibus exceptis: eiusmodi enim aquea sunt intemperata, persicæ fructus, platanus, citrii caro, amylium, quod ex tritico fit, rhamnus, rosaceum, sordes ex palæstra, seris, triboli ambo, palmæ ramorum succus, cerebrum, & succus qui ex eo fit, terra Samia, Cimolia, lapis hæmatites, naxiæ cortis scobs, plumbago, plumbum ignem non expertum, & item combustum, cerussa, sandix, caseus tener, & recens concretus. Abundè autem refrigerant acacia lota, plantago, eiusque fructus, blitum, galla immatura, cucurbita, poma, armeniacæ fructus, fungi, acerbæ vux succus, rhus, cucumis, pepo, solanum hortense, lenticula palustris, alga viridis, quæ humens etiamnum è mari fit euulsa, psyllii semen. Vehementer autem refrigerant hæc: semperuium vtrumque, portulaca & ipsa, & eius succus, mandragora, citrii pars acida, quæ semen conuestit, altercum, cuius semen, & flos candidus fit. At vehementissimè refrigerant cicuta, papauera omnia, & eorum liquores.

*De rebus exiccantibus. Cap. V.*

MODICE autem siccant graminis radices, adiantum, semperuiua ambo, ægyri flores, & resina, spinæ albæ radix, sambucus, & ebulus, vitis albæ, & bryonia



niæ radix, aparine, pira cataplasmatibus more illita, magis verò sylvestria, quæ achrades nominatur, anthemis, quæ etiam chamæmelum dicitur, arum, artemisia utraq; , hordeum magis quàm farina fabarû, quæ ex fabis facta sit, è quibus cortex fuerit detractus. polenta verò ex hordeo magis quàm ipsum hordeum, crocus, thus, fœniculum, vinû quod mustû sit, asparagus myacanthinus, aspalathus, bulbus illitus, panicum, cui etiam melinæ nomê est, si illinatur, isatis, gummi, brassica si edatur, siq; foris imponatur, lili folia, & radix, filix fœmina, amyllum ex tritico, resinæ omnes, hypericon, lithargyrus, testa, & magis testa clibanorû, coagulum, sordes, adeps taurinus magis quam cæterorum animalium, ouorum assatorum vitelli, seridis omnia genera, cucumeris maturi semina, & radices arefactæ, fœnum græcum. Abundè verò siccant viticis folia, & semen, sanguis, amaracus, aspalathum, amurca, anethum, plantago, eiusque semen, balsamum, acini, elaphoboscum, milium, aristolochia, & magis rotunda, hastulæ regiæ radix, & potius eius cinis, aphace magis quàm lens, thuris cortex, lycium, fœniculi folium, mei radices, nardi spica, nardus gallica, vinum, eruum, opopanax, pix, radícula, cardui radix, myrrha, lentiscus, terebinthi cortex, folia & fructus, & præcipuè cùm aruerint. alga viridis adhuc & humens è mari desumpta, galbanum. Vehementer verò siccant abrotanû, & magis etiam vstum acacia, acorus, aloë, ami, anethû vstum, anisum, iuniperus, asari radix, & magis etiam combustæ cinis, absinthiû, sabina, balauustum, ruborû fructus immaturus, atque arefactus magis hoc facit: simili quoque modo eorum flos, pæoniæ radices, lauri folia, & magis baccæ, minus verò cortex radicis, quercus partes omnes, & magis fagi, & pruni, elle-



borus vterq; , epithymum , thymum , salicis corticis cinis, nepita, arundinis vallaris cortex vstus, caroū , casia , cedrus vtraque , conyza maior & minor : nam quæ grauiorem odorem exhalat , quæq; humidis in locis prouenit, imbecillior est. spinæ albæ radix, thuris fuligo, melanthium, citrii pars acida , quæ sub semine est, vinum peruetustum, acetum, cum acre sit , nymphææ radix , quæ verò radicē habet candidam , ea est vehementior . origani omne genus , papyrus combusta, minus tamen quàm cinis chartarum, pentaphylli radix , & liquor etiam magis, ruta domestica, polium minus, melissophyllum, marrubiū , rhus, sampsuchus, stæbes fructus , & folia, trifoliū , siue asphaltiō, hyssopū , chamædrys, chamæleonis vtriusq; radix, chamæpitys, sal, nitrum, gypsum, & vstum magis, omnes cadmiæ , & omnia mettallica, & lapidea: scoria omnis , quæ verò ferri est, maximè. stercus omne , anserum verò & accipitrū inutile est , propter acrimoniam , & item aquilarum . carnes viperarum, caro cochlearum, capita menularum sale conditarum combusta , cornu ceruinū & caprillum combustum, corium vetus veteramentorum vstum , ostreorum & purpurarum testa combusta, sepia testa , lanæ vstæ, cinis cancrorū, garus, salugo piscium sale conditorum . Vehemētissimè autem siccant hæc : oleum cedrinum , lixiuium verò omnium maximè exiccat & absterget , quod ex ficulno cinere , & tithymalorum fit, fereq; adurentis est facultatis . brassicæ caules vsti valenter siccant , vt iam etiam adurētis facultatis sint participes, sinapis , ruta syluestris, allium .

*De iis, quæ citra morsum siccant . Cap. VI.*

SICCANT aut citra morsū hæc: vrticæ semē & folia, aloë, amurca, & magis ea, quæ decocta est , vtraq;  
ana-



anagallis, plátago, auena, quæ etiã illita digerit, oleũ dulce, quod si lotũ ad proportionẽ sit, minimẽ omnĩũ erit mordax, fermentũ, quod etiã trahit ex alto, digeritq; lupinus amarus, eiusq; farina, in qua vis est itidẽ digerendi, cauda equina, validẽ, isatis validẽ: salicis folia & flos cum adstrictione quadã. sunt qui ex eis succũ exprimãt, ac medicamẽtũ morſu vacãs, ad multa vtile cõſeruẽt: nil em̃ ad plures vſus accõmodatius eſt quã medicamẽtũ morſus expers, exiccãs & adſtringẽs leuiter. nucis membrana arida cõbuſta habet etiã partium tenuitatẽ: nuces, Ponticæ nuces ſimili facultate ſunt præditæ, participesq; ſunt frigidæ eſſentiæ, miliũ, centauriũ minus, valde: & itẽ eius ſuccus. ceraſi arboris gummi, lilii folia & radix, & oleũ quod ex eo conficitur, faba foris impoſita, cypariſſi folia, germina, & globi noui & teneri, cyperi radices, pinei nuclei eſculẽta pars aqua macerata, nymphææ radix, defrutũ, pentaphylli radix tragacantha, lota: nam lotio ei ad hoc adiuumento eſt, ſiquidẽ redditur efficacior. lemnia, cadmiæ lotæ, pompholyx aſſiduẽ lota, calx extinãta, & lota, ſtrenuẽ: oui albũ & putamen omnino morſu vacat: ſimilem quoque vim habet eius vitellus, ſed aſſatus minus mitigat.

*De rebus humectantibus. Cap. VII.*

MODICE humectat aſſine, bugloſſum, glycyrizæ ſuccus, lactuca, violæ folia, perſicę arboris fructus, fungi, roſaceũ verò magis quã ipſum oleum. abundẽ verò humectat portulaca & ipſa, & eius ſuccus: itemq; atriplex: blitum, cucurbita, mali Armeniacæ fructus, cucumis, pepon, lenticula paluſtris.

*De rebus aqueã humiditatẽ habentib. Cap. VIII.*

HABENT autẽ aqueam humiditatẽ acacia, alſine, portulaca, plantago, atriplex, rubi folia, blitum, mu-



scus marinus, glaucium, lactuca, viscum, violæ folia, cucurbita, umbilicus Veneris, cicuta, leuce arbor, malua domestica, meconium, mala præcocia, fungi, platanus, cucumis esculentus, totus lentiscus, tribolus, lenticula palustris, psyllii semen, plumbum.

*Quæ sint media inter siccantia & humectantia. Cap. IX.*

**MEDIA** inter ea, quæ siccant atq; humectant, sunt graminis radices illitæ, oleum dulcissimum, & quod potissimum ex oliuis drupis factum fuerit.

*De roborantibus. Cap. X.*

**CORROBORANT** autē casia, galla immatura, stœchas quæ & viscera omnia, & vniuersâ animâtis habitudinē roborat, palmularū fructus foris impositus, & intrò assumptus, & absinthium.

*De concoquentibus. Cap. XI.*

**CONCOQUUNT** hæc, amomū magis quàm acorū, & asari radix. vua passia domestica, cera, ladanū, gluten quo ad libros agglutinandos vtuntur, crocus, thus, pix, Aegyptia mastiche, rosaceum oleum, myrrha, styrax, galbanum, alica, butyrū, œsypus, adeps suillus magis quàm oleum.

*De rebus suppurantibus. Cap. XII.*

Ex iis, quæ perfunduntur, vtilissima est ad pus gignendum aqua temperata: aut hydrelæum: ex iis verò, quæ irrorantur, oleum temperatum: itemq; quæ illinuntur, vt quod ex triticea farina, & hydrelæo constat, & panis: hæc q; ritè & moderatè coquenda sunt: nam quod plurimum coctum fuerit, eis inflamationibus cōuenit, quæ ægrè maturantur: quod verò minus, iis quæ valde calidæ feruentesq; sunt. & quod plus olei acceperit, iis cōueniet, quæ difficiliter con-

co-



coquuntur: quod verò minus, aptum erit feruentibus. & cataplasma ex pane accommodatum est inflammationibus, quæ vix maturantur: in eo enim & sal & fermentum est. at panis ex triticea farina calidioribus aptus est. ex ipsa præterea triticea farina ac pane erit aptior ad pus gignendum, qui purus fuerit. Præterea quæ medicamenta inflammatis vlceribus adhibentur, ea ad pus faciendum valent, qualia sunt anserinus vitulinusq; adeps, butyrum, thus, pix, & resinæ eliquatæ nimirum cum oleo quodam. atq; hoc quidem loco ad feruentes inflammationes ex rosaceo sunt eliquandæ, ad alias verò, ex aliquo calefacienti, quale est vetus, & Sicyonium.

*De rebus emollientibus. Cap. XIII.*

INTER emollientia medicamēta sūt adeps caprilus, & gallinaceus, sed hic imbecillius, & modicas duritias emollit. validior gallinaceo est anserinus, & caprino hircinus. sed & taurinus validus est. sed minus hircino. magis quàm hi digerit atq; mollit leonis & pardi adeps, & hyænæ. quinetiā abundè mollit ceruina medulla, post hanc magis vitulina: eaq; præstantior est, quæ ex ossibus, quàm quæ ex spina excipitur. Huius quoq; generis est, sed valentius emollit thymiama, ac magis quod pingue, nouumq; est. itemq; styrax, galbanū, & bdellium Scythicū, quod est etiā nigrius, & magis resinofum. ex prædictis anteponenda sunt ea, quæ recentia sunt: nam quæ inueterarunt, sunt acriora, siccioraque. Cæterum emollientia debent esse salis expertia, cum sal vehementer exiccet. Iam & oleum Sicyoninum ex horum est genere, & item liliaceum, & quod est ex oliuis dulcissimū, præsertim quod fit ex baccis drupis. ad hoc valent etiam hæc: anthemis, siue chamæmelum, althea,



thea, cucumeris agrestis radix in oleo decocta, agrestis maluæ folia cruda, & cocta. quæ verò anadendromalache nominatur, validius, & earum semē itidem valentius. libanotides tres, Chia mastiche, terebinthina, & magis Colophonina, quæ Chia est perfimilis, opopanax, sordes ex statuis, sordes ex palæstra, strigmentum balneorum, & butyrum.

*De rebus aperientibus, purgantibusq; meatus. Cap. XIII.*

OBSTRUCTIONE liberāt, purgātq; meatus corporis hæc: agaricū, acaliphes semen, amygdalæ amara, eiusq; arbor, radices ari, pulegium, dracūculus, daucus, qui pastinacæ nomen habet, gentianæ radix valde, elenii radix, erysimi semen, cicer, eupatorium herba, sine insigni caliditate, caricę pingues, thymū, nepita, prunorum gummi, leucacanthæ radix, tres libanotides omnes, melanthiū, oxyacanthæ fructus, ruta, peucedani liquor, & radix, stœchas, chamædrys chamæpitys, & cætera omnia, quæ vincentem in se qualitatem amaram habent: nam & nitrū, & aphronitrum, & salis spuma, & oliuæ, & item alia quæcunque cum esculentis poculentisq; sumūtur, eiusdem sunt facultatis: statim em̄ vis eis indita est attenuādi crassos glutinososq; humores adeò, vt nulla inuenire medicamēta queas, quibus accommodatius pituitosos viscososq; humores, & pus in thorace, pulmoneq; incidas atque attenues, & deniq; educas. iisdem quoq; vis inest iecoris obstructions, & mediocres lienis expurgandi: nam validiores vehemētiora medicamenta postulant, qualis est cortex radicum caparis, & similia.

*De rebus abstergentibus. Cap. XV.*

VALENT ad abstergendū & ea, quæ meatus obstru-  
ctio-



Etione liberant, crassosq; humores incidunt, & ea, quæ deinceps numerabuntur, vt caprinum stercus, vltum, & non vltum, testa omnium eorum, quæ testa operta sunt, & sepiarum, erinacei vtriusque cinis, serum lactis, mel, vitis agrestis racemi: domesticæ verò minus: vitis albæ, quæ & bryonia, radices, amygdalæ esculentæ, & earum arbor, vtraq; anagallis, abunde: anemonæ omnes, aristolochia longa, plantaginis folia, ac magis arida, arum, asparagus corruda, vva passa sylvestris, radix hastulæ regiæ, semen atriplicis, absinthii succus, bulbus illitus, vtrunque veratrum, elxine siue perdicium, salicis fructus, arundinis val-laris radix, & folia, abunde, citra acrimoniâ: itemq; folia, & cortex combustus, modicè: centaurium minus, eiusq; succus, hordeum, modicè: lilii folia & radix læuigata, mediocriter: fabæ caro, modicè: lichen in petris nascens, lycii totus frutex, leuce arbor, lotus seu trifolium, meum, vtriusq; nymphææ radix, pix, platani cortex & radix, magis ptissana, terebinthina plus quàm mastiche, sagapenum modicè: cucumis maturus, magis verò quàm caro, semen & radix arefacta: cucumeris agrestis radix, myrrha, struthii radix, beta, tithymali, & magis eorum liquor quàm planta, phu, chamædrys, alcyonia omnis generis, armeniacum, terra Selinusia, Chia & Samia, mediocriter, & Cretica: ærugo cum multo cerato mista citra morsum absterget: cadmia, pumex igne expertus, & nō expertus, lithargyrus modicè: testa, & magis clibanorū, cornu ceruinum, & caprinum combustum.

*De rebus urinam cientibus. Cap. xvi.*

VRINAM verò mouēt hæc: apium, petroselinum, fœniculum, daucus, smyrnii & anisi semen, ami, assarum, acorus, asparagus regius, palustris, oxymyrstinus



nus, & oxyacanthinus, bdellium Arabicū, bryonia, chamædaphne, cicer, & magis arietinum, serpyllum, thymum, carous, & eius etiā semen, caucalis, costus, vmbilici Veneris folia, vnā cum radice in cibo sumpta, cuminum, cyperi radix, nardi spica, gallica nardus, polium, ruta, fefeli, cucumis, qui esculentus est, melopepo, sinum, scandix, scordium, pastinaca, præsertim verò eius semē. Shini flos, terebinthi fructus, trifolium, quod etiam asphaltion nominant. hyperici fructus totus, phu, chamædrys, chamæpitys, absinthium, idque maximè expurgat biliosa, quæ in venis insunt. Sabina verò sanguinè per vrinas euacuat. erythrodani radix vrinas crassas copiosasq; & cruentas quandoq; ciet. Fumus vrinas multas, biliosasq; promouet. Eruum largius sumptum sanguinem per vrinas ducit: cardui radix vrinæ graueolētis agit copiam, si quis ex vino decoctam bibat: ideoq; fædos axillarū & totius corporis odores emendat, eiusmodi succum expurgans. vinum tenue & aqueum, dilutum vinaceorum, quod fæcis nomine appellant.

*De rebus thoracem, pulmonesq; expurgantibus. Cap. xvii.*

QVAECVNQVE vim habet obstructione liberandi, de quibus antè diximus, huc faciunt: itemque tota nux pinea viridis, pitydes, butyrum, castoreum ad carbonem suffitum & per inspirationem attractum: maximè enim humiditas, frigidasq; affectiones, quæ in pulmone, & cerebro consistunt, iuuat. spica verò nardi fluxiones capitis atq; thoracis exiccat.

*De iis, quæ renes purgant. Cap. xviii.*

OMNIA, quæ diximus valere ad incidendum, sunt huiusmodi: præterea verò etiam plantaginis radices foliaq;, ac magis semen: alparagus, myacanthinus, & præ-



DE VIRT. SIMPL. LIB. II. 109  
præcipuè radices, & semen, pæoniæ radix, cicer, &  
amygdalæ.

*De iis, quæ cutem rarefaciunt. Cap. XIX.*

CUTIM verò raram faciūt chamæmelum, althea,  
oleumq; quod ex eo conficitur. non minus hoc præ-  
stat. sed ex erratico cucumere oleum fit ad hoc va-  
lens. quinetiâ vetus oleū est generis eiusdem: item-  
que abrotanum vltum.

*De iis, quæ ora uasorum aperiunt. Cap. XX.*

CYCLAMINVS, anemonæ omnes, allium, cepa,  
fel taurinum, irini, & amaricini subsidencia: quæ etiâ  
hæmorrhoidas aperiunt.

*De iis, quæ cutim condensant. Cap. XXI.*

CONDENSANT verò cutim aqua frigida, sèperui-  
ua, portulaca, tribuli virides, psyllium, lenticula pa-  
lustris: herbas em hoc loco intelligo: quibus si mo-  
dicè quispiâ vescatur, id consequetur, vt cutim con-  
densent: si verò liberalius, non solùm cōdensabunt,  
sed torporem etiam afferent. at si plurimūm quis ea-  
rum sumat, non modò torporem, sed necem quoq;  
inducunt.

*De iis, quæ attrahente vim habent. Cap. XXII.*

FACULTATIS attrahētis sūt anemonæ omnes, v-  
traque anagallis, dictamnū, cicer, thapsia violētè, Cy-  
claminus, propolis validè, fermentū, stercus omne,  
at columbinum abundè trahit, sagapenū, liquor cy-  
renaicus, & Medicus, silphii liquor, & radix sparthi,  
quo vites ligant, itemq; fructus & succus ramorum  
generosè. terebinthina magis quàm aliæ resinæ. sul-  
fur



fur quoq; & nepita illita trahit. & item costus in læ-  
uorem redactus cum oleo succos ex alto trahit. vi-  
scum validè attrahit, idq; non tenues solùm humidi-  
tates, sed etiã crassiores, easq; diffundit ac digerit.

*De iis, quæ per halitum digerunt. Cap. XXIII.*

DIGERVNT autè per halitum hæc, abrotanũ, aga-  
ricum, adiantum, vrticæ semen, foliaque admodum,  
sambucus atq; ebulus, ammy, anthemis siue chamæ-  
melum, anisi semen, aristolochiæ radix, & rotundæ  
magis: asphodeli radix, eiusq; magis cinis, atriplex  
leuiter: bulbus, buphthalmus magis quàm anthemis,  
herba Sabina, cuius nonnulli pro cinnamomo du-  
plum adhibent: muscus, qui etiam splanchnon voca-  
tur: ibiscus vel althea. Est etiam huius generis mal-  
ua agrestis, eiusque radix & semen eodem modo est  
efficax: oleum dulce: vetus oleum ex lichno, elxine,  
thapsia, arundinis vallaris cortex vstus, abundè: ca-  
sia, lilii folia & radix, trita, & oleum quod ex eis con-  
ficitur, cytisi folia, ladanum, lapsamene illita, lapa-  
thũ modicè, libanotides tres, mercurialis, Chia ma-  
stiche, sed Aegyptia magis: mel, persicæ arboris ger-  
mina & folia, cytrii semen & folia, rhododaphne, il-  
lita, prima ficus, opobalsamum, citra manifestum ca-  
lorem: liquor cyreniacus vehemētissimè: paliuri fo-  
lia & radix, opopanax, ruta, pix, mellissophyllon, mar-  
rubium cataplasmatibus modo impositum: cataplasma  
ex pane magis, quàm quod ex tritico conficitur, fer-  
mentum, radiœula, eiusq; semen: terebinthina magis  
quàm quæ mastiche nominatur: & hac etiam magis  
tēdina: oleum rosaceum: sordes è statuis, lutum ex  
palæstra, sampsuchus, cucumeris erratici radix, & e-  
laterium, myrrha, ex caricis quæ pinguiore sunt, ca-  
pri-



DE VIRT. SIMPL. LIB. II. III

prificorum ficus, fici domesticæ prima ficus, beta citra calorem: sed alba valentius id facit. galbanum, o-  
cimū cū illinitur: sal combustus, magis quā qui  
ignem expertus non est: & hoc etiam magis flos sa-  
lis, spumaq; nitrum, aphronitrum, alcyonia omnia,  
terra Samia, quæ si illota sit, modicè discutit: ærugo,  
caseus ex acido lacte, modicè: butyrum modicè: om-  
ne coagulum, omnis finus, hyssopum, modicè: car-  
nes viperarum valenter, quæ etiam excrementa ad-  
cutim euocantes pediculorū copiam gignunt in iis,  
in quibus mali succi redundant in corpore: adeps  
leonis magis, quā aliorū omniū quadrupedū. tau-  
rorū verò minus: at suillus citra morsum, minus ve-  
rò vitulinus. inueteratus verò magis quā prius:

ossa combusta abundè: lanæ vstæ: deniq;

erinaceorum combusto -

rum cinis.

LIBRI SECVNDI

F I N I S.





ACTENVS primus nostræ doctri-  
næ expositus est modus: nūc al-  
terū aggressi, faciles expedi-  
tasq; curationes earū affectio-  
nū exequemur, quæ præter natu-  
rā sunt, & item acutissimorum  
morborū, in quibus non tutum  
est medicum morari, deniq; eo-  
rum, qui facile tractari, & corrigi sine artificis opera  
posse videantur.

*De morbis publicis. Cap. I.*

PUBLICOS, cōmunesque morbos vocant, qui  
vno & eodē tēpore multis accidūt: quorum vt origo,  
sic etiam cōmunis est causa, vt aquæ vitiatæ potio,  
nimix ærumnæ, consueti labores omīssi, inedia, ex-  
pletiones, cūm fames vagatur, aut cūm summa est re-  
rum omniū abundantia. regionis quoq; natura com-  
munes sæpenumero morbos inuexit: quippe quæ in-  
terdum palustris est, interdum barathrū habet pro-  
pinquū, quod sæuum perniciosūq; halitum exha-  
lat. atq; hæc quidē assiduē cōtingere cōsueuerunt.  
at aer, qui nos ambit, qui tum calidior, tū frigidior,  
tum siccior, tum humidior, quā est, efficitur, natu-  
ras nostras assiduē cōmutat: nam neq; in alias cau-  
sas omnes simul incidimus, neque in eis totos dies  
versamur, verū aer nos circumstans & omnibus est  
foris circumfusus, & intrō per inspirationem attra-  
hitur. ex quo necesse est pro aeris naturæ immuta-  
tionib. animātiū quoq; corpora cōmutari. quod qui  
cognorit, is non modō qui morbi in quaq; constitu-  
tione sint futuri, præsagiet, sed etiam instituta victus  
ratione



ratione immoderati circumflui aeris temperaturæ contraria, ne fiant, prohibebit. Corpora igitur, quæ iam morbo alicui ex propria intemperie sunt vicina, ea à simili aeris temperatura deprehenduntur: quæ verò temperaturam aeri contrariam habent, ea præter quàm quòd ab aere non læduntur, sunt etiã meliora, cùm temperiei immoderatione contraria corrigit immoderatio. hoc qui norit, is valetudinẽ tuebitur, contraria corporibus inducens, partim refrigerationib. vtens, si ita fors ferat, partim calefactionibus, vel aquæ perfusionibus refrigerans, & ocio, & alimenti penuria, & potu largiore: operimẽto autem calefaciens, & alimento liberaliore, & potu parciorẽ. Si item pyram quis incendat, is non parum aerem, qui hactenus humidus fuerat, ad calidum siccumque poterit permutare, vt Acronem Agrigentinum fecisse commemorant.

*De febrium ephemerarũ curatione. Cap. II.*

MAIOR pars eorũ, qui febris corripiuntur, præsentia medici indigẽt: & tamen sunt qui etiam sine medico salutem consequi possunt. Qui igitur ex lassitudine in febrem inciderunt, oleo copioso molliter perfricandi sunt, & lauandi: qui verò ex siccitate, minus quidẽ fricandi, sed lauandi sæpius: qui ex curis, mœrorib. & vigiliis, rarius lauãdi, sed liberaliore oleo, & tepido, cui nulla insit adstrictio, nõ diu fricandi: qui ex vltione, ii ab initio refrigerantib. curandi sunt, & plus lauãdi, nõ tamẽ ex multo oleo, neq; diutius sunt fricandi. Refrigeras autẽ esto rosaceũ & omphacinũ salis expers: hæc em̃ posita vel in aqua gelida, vel niue circumdata refrigerant. cæterũ caput ea parte, qua sinciput est, refrigeratibus perfundendum est, vt oleum frigidum ex alto per lanam effundatur. cùm hæc ad declinationem vsq; facta fuerint,

H agrotus



ægrotus ad balneū deducetur. Sed & qui ex prefri-  
 ctione febricitarit, in declinatione lauabitur: si verò  
 defluxio subsequatur, refrigerandi quidem sunt, sed  
 non tamen lauandi priusquam fiat cōcoctio. At qui  
 ex vstione febricitant, etiam si defluxio adsit, lauan-  
 di. à balneo amborum capita iisdem madefacienda  
 sunt, atque eorum qui ex calore, refrigerantibus, qui  
 verò ex frigore, calefacientibus. sunt autem mode-  
 rata quæ calefaciant, quale est irinum & nardinū vn-  
 guentū: iisq; post balneū in declinatione vtendum  
 erit. Quibus verò meatuū cōstipatio febrim attulit,  
 iis balneū dulcium aquarū, frictiones, exercitatio-  
 nes rarefaciētes, & victus ratio dulcibus succis gi-  
 gnendis idonea, cōueniunt: contra verò eosdem læ-  
 dunt vel maximè quæ adstringunt, quæ refrigerant,  
 quæ meatus obturant, quæ denique cutim exiccant.  
 Qui ob inedia febri iactātur, eos vbi prima acces-  
 sio declinarit, in balneum adducito, oleumq; repi-  
 dum largè perfundito, ac mitissimè confricato, &  
 diutissimè in calida solii aqua detinebis. vbi æger lo-  
 tus fuerit, in quiete continendus, vt vires reficiat,  
 tum iterum in balneum introducito: mox vbi exie-  
 rit, & aquā biberit, ptisanæ cremorem dato, & quan-  
 doq; etiam lactucam. posterius verò aliquē piscem,  
 ex iis, qui molli sunt carne, ex albo iure paratum of-  
 fert. Cæterum his omnibus febribus ea victus ra-  
 tio generatim conuenit, quæ faciliè cōcoquatur, nul-  
 loq; pacto meatus obstruat. Atque iis quidē qui ex  
 vstione atq; ira febricitant, refrigerans & humectās  
 diæta apta est, cui etiam modica calefaciendi vis sit  
 adiuncta: iis verò quibus molestia, mœrores, & vi-  
 gilia febrim excitarint, cum humectantibus adhi-  
 bebimus ea, quæ somnum sint cōciliatura. ac fatiga-  
 tis diæta instituat, quæ magis alat: refrigeratis ve-  
 rò,



rò, quæ sit paucioris alimenti: cæteris, quæ medio-  
 cris sit. Vinū omnibus antedictis, nisi iis, quibus ca-  
 put dolet, datur aquosum & tenue, iis qui ex densa-  
 ta cute laborant, nisi hic morbus vehemens sit, sine  
 plenitudine, vinum quoq; dabitur, at quorū est mi-  
 rum in modum densata cutis cum plenitudine, iis vi-  
 num interdiciendū est. Iratis verò cūm omnino sunt  
 expertes facti perturbationis, vinum dandum: cūm  
 verò non plenè cessauit affectio, non tutum est dare.  
 Qui ex bubone febrim contraxerint, lauandi sunt,  
 cūm accessio declinabit, habita prius vlceris ratio-  
 ne, ex quo bubo est exortus. vinum iis dandum non  
 est prius, quàm bubones soluti fuerint. sunt etiā vi-  
 ctu tenuiore alendi. A frigido verò potu iuuantur  
 omnes, qui acres fumososque succos coaceruant: &  
 fanescunt, cūm aliquo febrium ephemerarum gene-  
 re laborant, cūm ei potioni sint assueti. At eo tempo-  
 re huius potionis vsum ordiri non est tutum: nōnul-  
 los etiā eorū, qui sic febricitāt, in prima accessione  
 nutrire est necesse: nam in naturis amarā bilim gene-  
 rantibus habitus biliosi fiunt. Horrere autem inci-  
 pientibus panem ex vino diluto si dederis, horro-  
 rem statim sedabis, & febrim prohibebis. vbi horror  
 cessauit, febrisq; aduenerit, eo tempore cibus nō est  
 offerendus. cæterū cūm declinarit accessio, statim  
 nutrimentum dandum est, neq; expectandum, vt ad  
 integritatē ægrotus perueniat: nam in squalidis ha-  
 bitibus non planè cessabit accessio prius, quàm bal-  
 neo, & victu humectāte vtaris: in temperatura enim  
 amaram bilim gignente febres etiam ex incoctione  
 accenduntur, cūm alimentum ex nidore corrumpat-  
 ur. vbi ergo partes fuerint corruptis euacuatae, in  
 febris declinatione lauare, atque alere cōueniet: ha-  
 bita prius ventriculi ratione. at si nimia sit facta ina-



nitio, viresq; iam deflexæ sint, non est expectanda lauatio, sed cibus dandus: & tamen eo quoq; tempore prius ventriculo est consulendum. Si verò non etiam venter fluat, oleo & absinthio ei succurrédum est: at si morsus, aut dolor aliquis subsequat, purpuræ peniculus calidus & siccus, aut madens ex oleo, & nardino vnguento & vehementer expressus imponetur. Si verò os ventriculi sit imbecillius, nardino mastichen tritam indemus, ita vt sordium spissitudo fiat, tum intinctam ex eo purpuram admouebimus. hæcque calida imponenda sunt omnia: quippe cum tepida robur exoluere consuescant. Fluente autem adhuc aluo pro nardino vtendū erit melino recenti. sed hoc etiam ceratū erit idoneum: capit enim ceræ & nardi pares portiones, aloes ac mastiches octauam partem. Si verò calidus ventriculus sit, tunc pro nardino vtitor melino. Sunt item accommodata medicamenta, quæ ex œnanthe, & ex hypocistide, & balauistiis, & palmularum carne conficiuntur. Cibus verò dandus est, fluente quidem adhuc ventre, polenta ex aqua, quæ interdum vehementer calida sit, interdum verò ex succo mali punici, vel pirorū, vel pomorum. Sin venter non amplius excernat, alica erit idonea, quæ ita vt ptisana parata sit, acetumq; habeat, & pisces saxatiles ex albo iure, & aliquis autūnalia fructuum adstringens vel solus, vel cum pane. sed hos fructus magis etiam aluo fluente dabis. postea verò præcordia, omnemq; ventrem perfundes. Vbi venter moueri incipiat, eius adiuuāda actio est per ea, quæ imponuntur, aut infusione auxiliando, succurrendoq; moribus, & aliis flatibus, si modò vlli ægrotū exerceant. ac vehementibus quidem moribus inedere, si oleum infundas, in quo aliquid adipis anserini, aut gallinacei, aut caprini, aut

suilli



suilli sit liquatū, quodq; ceræ modicū capiat. Flatus verò discuties oleo, in quo ruta, & apii semē, & cuminī, & fœniculi sint incocta. euacuata autē aluo, alendus est confestim æger, iis amotis, quæ adstringunt.

*De tertiana vera curatione. Cap. III.*

Non deerunt tibi in febribus intermittētib. remedia, quibus etiam sine medico possis ægrotantibus auxiliari. ac tertiana quidē febris acutissima est simul, & non maligna: quæq; intra duodecim horas cessat, exquisita tertiana, quæ hoc tempus excedit, non exquisita nominatur. Exquisitam autem sic curabis, quia originem ducit à bili redundante, & mota, humectare ac refrigerare ægrotum conuenit. euacuandusq; is est, bilim per ventrem, & per vomitus irritando. Sed hoc ipsum per se in exquisitis tertianis contingit: at tu per vrinas, & item per sudorem operam dabis, vt biliosa euacues. quam ad rem apii & anethi decoctum potui dabis, lauabisq; aqua calida & dulci: hoc enim non solum bilim discutit, sed etiam sua qualitate iuuat maximè: quippe quod sua facultate refrigeret atque humectet. Lauato autem sine nitro oleū calidum perfundens, tum in balneū perducito, ac permittito vt tandiu lauent, quādiu eorū voluntas ferat. Qui balneis valde oblectantur, si bis lauari permittas, iuuabis. vinum in principio nullo modo dabis: progressu verò temporis album, tenue, aquosum, & modicum. vbi verò morbi solutio proxima videatur, plus dato. Cibi autem exquisitis tertianis conueniunt, qui refrigerent atque humectent. ergo ex oleribus apta sunt blitum, atriplex, malua, lactuca, & cucurbita. ex aliis autem rebus in principio quidem ptissanæ cremor, & sorbitio ex alica, deinde verò saxatiles pisces, & ex volati

H 3 libus



libus quæ molli sunt carne: & alæ eorum, quæ huiusmodi non sunt: itemq; pedes porcellorum, & cerebrum: paruorū verò porcellorum caro discocta dari potest. Ex fructibus verò permittere poteris, vt iis vescantur, qui non difficulter cōcoquuntur. vsus autem omnium calidorum & acrium circuncidendus est. ac plerosque ita nutries. Qui verò non viuunt in delitiis, eos succo ptisanæ vsque ad crisin ales.

*De quartana febris curatione. Cap. IIII.*

QUARTANA verò & longior, & minus periculosa suapte natura est. qui ea laborant, non debēt sub initio valido vllo medicamento cōmoueri, neq; vacuari vehementer. victus ratio instituenda est ex iis quæ flatus expertia sunt, venterq; est molliendus rebus cōsuetis. à carnibus suillis ægroti abstineant, itemq; ab edulis glutinosis, & crassos succos gignentib. ac deniq; ab omnib. iis, quæ refrigerāt, atq; humectāt. vtantur vino albo, tenui, calefacienti. Ex volatilibus vescātur iis, quæ neque in stagnis, neq; in paludibus degunt: piscibusq; qui facilè concoquuntur, & nihil glutinosi habent: & salsamento, & sinapi. atque etiam piper per se iuuabit. id verò in tenuem pollicem redigendum est, & aqua calida ad fordium spissitudinem temperatum bibendum est. à frictionibus autem & ambulationibus non sunt arcendi. à balneo verò si possint, omnino abstinere est melius. atq; ita in initio tractandi sunt. in statu verò tenuiore victu alendi sunt: ac longā quies imperanda: hypochondriaq; perfundenda: iisq; cataplasmata imponēda, quæ laxēt, quæq; molliāt: deinde sic vtendū iis, quæ vrinā cieant. Cū verò declinatio apparebit, purgandi sunt medicamēto, quod nigram bilim ducat. ea enim redūdās in corpore hunc morbum parit, deinde



inde theriaca danda, aut aliud ex iis, quæ sunt experientia cōprobata, quale est longè probatissimū, quod habet, liquoris Cyrenaici, piperis, myrrhæ, foliorum rutæ ana drachmam vnā. hæc terenda sunt omnia, mīscendaq; ac melle attico, quod satis sit excipienda, deniq; ad duorum obolorum magnitudinem ante inuasionem danda. Hoc medicamentum si quis initio dederit, is sæpenumero ex simplici quartana duplicem, aut certè maiorem, & difficiliorem, itemq; ex duplici triplicem fecerit. Cæterum curat omnes rigores, qui per circuitū redeunt, qui à crassīs glutinosisq; humoribus oriuntur, agaricus & calamintha ex melicrato pota, & oleo incocta, quo oleo totum corpus strenuè confricetur. ad quod simili modo facit costus, & pyrethrū, id quod etiam stupidos & resolutos iuuat. quinetiam rigores sedat viticis semen in oleo pari ratione decoctum, & baccæ lauri, granumq; Gnidium ex oleo & nitro.

*De quotidiana febris curatione. Cap. V.*

QUOTIDIANA febris & longissima est, & nō valet periculo. ea fit à pituitæ redūdātia, curāda est primis diebus oxymelite, iisque quibus vrina vbertim cieatur, ac cæteris omnibus, quæ ad incidendum valeant. deinde autē ventriculi habenda est ratio. tum vomitus ex radícula citandus, & medicamētis vtendum, quæ pituitam vacuent. Cætera quæ ad victus rationem pertinent, perspicua sunt: siquidem calefacere & incidere opus est. quoniam verò mihi status & declinationis venit in mentem, scire debes artificem oportere omnia morborum tempora cūm ex vrina, tum vel maximè ex pulsu cognoscere, tibi verò satis esse, si in ægrotantibus per circuitum, statum ex eo internoscas, quòd accessiones in eisdem tempo-

H 4 ribus



ribus & symptomatibus maneant: declinationes verò, quòd tempus accessionum breuius reddatur, & magnitudo multitudoq; symptomatum minuatur.

*De febribus colliquantibus. Cap. VI.*

CVM humor similis flauæ bili per ventrem excernitur, magis tamen rufus fit, & foedioris odoris, habetq; strigmenti crassitudinem, atq; oleosum aspectu est, tum scire cõuenit carnem pinguem recensq; compactam à febris ardentissima, vehemētissimaq; colliquari: siq; malum inueterarit, etiam aliquid ex solidis partibus liquefcere. quæ res facit, vt eiusmodi febris sit omniũ difficillima. Ex quo liquet, remediis vtendum esse, quæ extinguant, aquamq; valde frigidam potui dandam esse, & cataplasmata item refrigerantia imponenda esse & hypochondriis, & thoraci. sed & epithemata esse debent refrigerantia, & item alimenta generis eiusdem.

*De animi defectionibus. Cap. VII.*

IPSA defectionis animi res vna est quidẽ, sed tamẽ causas plures habet, & singularum propriæ sunt curationes & suæ. sed eatenus hoc tempore de eis dicemus, quatenus satis sit ad homines instituendos, vt ijs accessionib. quæ repenti & improviso accidunt, remediũ adhibere perdiscant. Iis igitur qui ex cholera, ventrisq; fluxionibus, & alijs immoderatis inanitionibus animo linquntur, aqua aspergenda est, naresq; & os ventriculi confricandum, digitisque in os coniectis, aut pennis vomitus citandus, brachia & crura pluribus vehementioribusq; ligamētis vincienda, & superiora in ijs euacuationibus, quæ inferius fiũt: & inferiora cū superius repit inanitio. His etiam dissolutionibus vinũ frigida temperatũ auxiliatur. Balneũ verò ad defluxiones in ventriculum accom-



accomodatissimum est: ijs verò qui ex sanguinis fluxu aut sudoribus animo linquntur inimicissimum. tales enim refrigerationem adstrictionemque, non laxationem postulant. ideo vinum frigida dilutum est eis idoneũ. sed nec vinculis excipiendi sunt: nec vomitus eis imperandus, nec omnino vllus iniungendus est motus: refrigeratione .n. densationeq; opus est. iccirco flatus frigidos eis paramus, & domus aerẽ immutamus ita, vt myrti ramulos, vitisq; palmites inspergendo ad frigidam, atq; adstringentem qualitatem traducamus. atq; ijs quidem ex tempore ita succurritur. At eos, qui ex plenitudine animo deficiunt, & fricare plurimũ & calefacere, & ligare artus oportet. abstinendiq; sunt ab alimento, vino balneq; si febrim habeant, solumque melicratum dandum, in quo organũ vel hyssopum, vel pulgium, aut thymum incoxeris. exhiberi quoq; oxymel potest: simili quoq; modo curamus eas, quæ ex vtero deficiunt, præterquàm quòd oxymel non damus. artus tamen ligandi sunt & confricandi, & adhibenda fomenta: atq; ijs quidem, quibus multa fit excretio, mammis: quibus verò sursum vulua trahitur & reuellit, inguinibus & femoribus. Odoramenta quoq; admouenda sunt, sed naribus fœtida, vtero verò suauia & calefaciẽtia, & laxantia. Si verò ex imbecillitate stomachi fiat animi defectio, ei parti superdabimus, quæ eidem indere robur queant: qualia sũt ex palmulis, vino, polenta, & croco, aloe, & mastiche. madefaciemus autem absinthite oleo & mastichino & melino & nardino, & item vino. Si verò calida affectio sit atq; exustio, antedictis miscentur refrigeratĩa, vt cucurbitæ, vt lactucæ succus, aut solani, aut omphacij. sed ijs etiã strenuè prodest confrictio partium extremarum. Si meliusculi postea hi  
sint,



sint, eos qui exusti fuerint, protinus ad balneū perducito. Qui verò frigoris alicuius sensum habet, iis dato medicamentum, quod ex triplici piperē constat, vel ipsum piper per se, & absinthiū in potu propina. Si verò distractio ex vitiatis mordacibusq; humoribus subsequatur, aquā calidam potui dato, aut hydrelæum, & vomitū ciecto. Si verò difficulter quis vomat, ei calefacito prius partes, quæ ad stomachum sunt, manusq; & pedes: si ne ita quidem euomat, digitos aut pennam in gulam coniciat. at si ne hoc etiam modo vomitus iritetur, oleum calidum bibat: hoc enim persæpe vomitu non excito ventrem iritat, estq; vtilissimum. quamobrem si id non fiat, nos usu rerum, quæ imponuntur, adiuuare negotiū debemus. Vbi huiusmodi homines in meliorē sint statum redacti, absinthii comā in melicrato coctam bibendam dabimus. & partes omnino firmabimus cum iis quæ foris superdantur, tum verò etiam iis, quæ intrò assumuntur. non tamen initio faciendum est, sed mox ubi vitiati humores fuerint euacuati. Si verò exolutio ex copiosa, frigidaq; pituita in stomacho collecta fiat, particulam oleo absinthite plurimū perfundes, melicratumq; in quo hyssopū, aut tale aliquid coctum sit, aut oxymel, aut piper dabis: hoc enim casu maiorem vim incidendi habere debent auxilia omnia. Cū verò ex vehemēti perfrictione quempiam anima deficiat, omnibus modis calefaciendo succurres: nam & vinum aqua calida temperatum dabis, & alimenta calefacientia, & ad ignem perfricabis. contraria administrabis in iis, qui ex nimio calore deficiunt, quiq; in aere suffocante versati sunt, & in balneo diutius morati. quos quidē corroborare quamprimū debes, aquam gelidam potui dando, & flatum ciendo, atque eos perflando, & stomachum frican-



cando. Quibus peractis vinum & alimenta exhibebis. si ob inflammationis exuperantiam, aut ex febribus malignis quispiam exoluatur, cum incipit frigus inuadere, debes dare operam, ut pedes calefiant, & fricentur vehementius re calida, extremaq; vinculis excipiantur: ægerq; à somno, cibo & potione omnino abstinendus: atque ita incolumis seruabitur. Qui periclitantur, ne ex siccitate in animi defectio cadant, frustum panis ex vino dabis, aut alicuius modicum: nam si multum dederis, difficulter concoquent, & ita celeriter exoluetur. Si verò propter obstructionem alicuius principis partis animi defectio exoritur, oxymel, aut mulsam incocto pulegio, aut origano, aut hyssopo, & alimenta, quibus maior incendi vis inest, dabis, tum fricabis, & artus vinculis constringes, vterisq; iis, quæ ad urinam ciendam valent. vbi meliusculi sint, vinum album, tenue, non ad modum vetus bibant. Si ob repentinam copiosamq; euacuationem exolutio accadat, satis erit vbi admotis odoribus vires recollegerint, sorbitionibus, quæ facile concoquantur, eos alere. Si ex nimio gaudio, aut mœrore, aut ira, aut metu, aut trepidatione defectio animi consequatur, odoramenta admoueto, nares contrectato, atque ita reuocatos ad vomitum impelles. Si ex colica affectione, aut alterius partis dolore maximo exoluentur, tunc vsu fomentorum & frictionum ad suum statum reuocabuntur.

*Curatio eorum, qui ex sudoribus exoluntur. Cap. VIII.*

**SVDORES** qui hominē exoluunt, cohibet terra Samia, lythargirus, gypsum, galla, scissile, myrtus, oleū ænanthinū, rosaceum, melinum, lentiscinū: itemq; manna & amyllum ex oui candido illita.

**Cardiacos**



## Ad cardiacos. Cap. IX.

CARDIACOS iuuat, si stomachus illinatur, rubi folia cum exigua cerati aut panis portione. vel myrti folia, vel clauiculi vitis, vel plantago cum pane, aut cerato modico: vel mala cydonia, vel palmulæ. clysteri quoq; infunditur vtiliter ptissanæ cremor, si in ea cocti sint trunculi. sed eorum quoq; extrema cerato liquido, cum sinapi læuigato vtiliter inungunt.

## De fame ingenti. Cap. X.

INGENS fames oritur à frigiditate, aut indigētia, aut viriū imbecillitate, quæ ab externo frigore contrahitur. eius verò essentiā adiuuat etiam fames, quæ antecedit: quæ tamen non vsquequaq; perdurat. iis ergo qui in itinere, aut aliàs ingenti fame vexantur, odoramentis auxiliaberis, præsertim carniū suillarum assatarū, quas naribus admoueamus, aut etiam hoedinarum, aut aliarum, quæcunq; nidorosa sunt. extremæ quoq; partes constringendæ, capilli vellificandi, genæ comprimendæ. reuocatis verò ex malo panē ex vino temperato, aut aliquid aliud ex iis, quæ reparare vires citò possunt, offeremus.

## De cholera. Cap. XI.

CHOLERAM prohibere quispiā potest, si quotiescunq; nimis expletus sit, antequam cibos iterum ingerat, vomitum cieat. & vomitu iam cōmoto cholera quis prohibebit, si sumat melicratū, aut aquam tepidam, & ita euomat, tum ventrem oleo foueat, lanisq; conuoluat, longioremq; consueto somnū dormiat. At cum iam cholera quempiam occupauit, factaq; est inferne, & superne valida euacuatio nō modò corruptorum humorum, sed alterius quoq; materiæ corporis simul extractæ, tum si vehemētes moriones consequantur, erunt potu melicrati temperan-



randæ: si leues sint, obtundendæ sunt aqua, & non cohibenda est excretio, modò ne nimia sit. At cùm immoderata vacuatio facta est, periculumq; conuulsionis imminet, ægerq; sine pulsu est, & extrema frigida, & sudor frigidus erumpit, tunc artifice opus est. & vix etiã qui in hoc sit statu, poterit à medico præfenti cõseruari. si medicus non adsit, facienda erunt quæcunq; poterūt omnia, vt extremæ partes fasciis aut lana vinciuntur, vt partes refrigeratæ fricentur mixtis oleo, cera, piperis modico, & nitro: aut irino vnguento, cui horū aliquid accesserit, aut sicyonio cum castoreo: quandoquidem hæc in conuulsionib. iuuat. deinde verò alendus ægrotus est. si vomat, iterum dandus cibus vsquedum contineat. vel post cibum dare aliquem fructum cõuenit eorum, qui stomachum roborant, vt pomum, aut pirum, aut racemum, aut aliquid generis eiusdem. vinum autem ita affectos iuuat vel maximè: nam cùm somnum inducat, sæpenumero spem salutis affert. Si verò nimius calor in pectore, & hypochondriis subsit, refrigeranda erunt rosaceo imbutis pannis. Polenta quoq; maximè trita ex rosaceo & sapa erit inspergenda: atque etiam vinum frigidum erit eis dandum.

## De dolore. Cap. XII.

CVM pars aliqua corporis dolore vexatur, causam studiose perquire, an ab aliqua re externa dolor fuerit excitatus: pleriq; enim in somnis læsi sunt, nec meminerunt: non rarò etiam in repentinis conuulsionibus, & cùm aliquod membrum non ritè collocatum haberent. Præterea membra refrigerata distensionibus, & conuulsionibus correpta vehementissimis doloribus cruciatur: postremò verò in dolorem cadunt ex fluxione, quæ cõtinuò ad ipsa repit. Si nul-

la



la harum causarū subit, unde dolor possit oriri, antegressa ægrotantis victus ratio spectanda est: si. n. maiore ocio quàm cōsueffet, vitam transegerit, siq; cibis se expleuerit, cūm minimè assuetus esset, aut si vsus est iis, in quibus valde nutriēdi vis inest, siq; vlla euacuatio, quæ prius solita esset corpus inanire, nunc suppressa sit, si inquam hæc vel omnia, vel eorum aliqua adesse conspiciantur, causam doloris esse multitudinem suspicandum est. Itaque euacuatione opus est, eaq; aut per venæ sectionem obeunda, aut purgationem, si humorum redundans malitia subesse videatur. Cūm verò nihil tale sit, quod dolorem creet, deriuatione vtendū, vt materiā à loco, quem dolor obsidet, abducamus: velut si in capite sit, per nares, aut palatum: vel reuulsione, vt in contrarium locum multitudinem reuellamus, quod fiet adhibita frictione ex medicamentis acribus, & artubus deligatis. Si nulla inde vtilitas subsequatur, planum est in affecta parte impactum esse id, quod molestia afficit: quocirca medicamentis digerendū est. Si ex flatibus dolor existat, ferendum, & esculentis poculentisq; vtendum est attenuantibus, vt corpus quod affectum est, rarefaciamus, id quod fomentis, irrorationib. & cataplasmatibus cōsequemur. Si in causa doloris sit tumor præter naturam, ei tumori adhibendum erit remedium. Si humor mordax dolorem pariat, ei infensissima erunt calefacientia, atq; attenuantia: accōmodata verò si curare velis, quæ molestū humorē educant, idq; faciāt rebus citra morsum abstergentibus: si hoc fieri non poterit, adhibe quæ temperare dolorem possint: si ne hoc quidem queas efficere, iis vtere medicamentis, quæ stuporē inducant. etenim medicamenta, quæ re vera dolorem leuant, ea & tenuium partium, & modicè calefacientia



tia esse debent, neq; ullam adstrictionis partem habere: quale est oleum anethinum: quod valet ad euacuandum, concoquendum, & leniendum omnem in particulis dolentibus morbum. At quæ solum dolorem sedantia nominantur, totum corpus refrigerant, & sensus stupidos reddunt, ac propensionem in somnum afferunt: & ægrotantis particulæ similes mortuis fiunt, & causas doloris facientes non sentiunt. & plerique ex horum usu assiduo partes ita refrigerarunt, ut nullum postea adhibere remedium potuerint, siq; paulò plus eorum medicamentorum ebibissent, mortem sibi ipsi attulissent.

*De simplicibus vlceribus. Cap. XIII.*

CVM simplex vlcus solum diuisio sit, si quis partes diuisas fascia in orbem circumducta committat, diductæ partes sine vlllo alio negotio in vnum conducentur. Si vero tanquam exultum alterum vlcus labium in obliquum versum sit, inde incipienda est deligatio, & in contrariam partem adducendum: cum in vtranq; partem labia deducta sunt, principium deligandi ab utroq; sumendum est, atq; ita labia in vnum adducenda: nam cum nihil intra oras inciderit labiorum, ut pilus, aut arena, aut oleum, aut fordes, aut aliud huius generis, vlcus omnino coalescet. At si vlcus magnum sit ita, ut partes diductæ in vnum penitus duci non queant, aut sanies sit ibidem accumulata, aut dolor adsit, tale vlcus ex sola coniunctione conglutinari non potest, opusq; est exiccante medicamento, quod sanie ibi collectâ consumat, & prohibeat, ne alia præterea confluat. Ex liquidis igitur optimum est vinum. sed & posca, & item mulsa ad idem facit. Inter cætera verò vulnus glutinant folia quercus illita, itemque salicis, & brassicæ, semen & folia, succusq;



succusq; & cortex austerioris, atque acidioris plantaginis, papyrus posca, aut vino imbuta, & in orbem circumdata. Recentia verò glutinât pini & piceæ folia. vlmī folia, & cortex recens ad modum ligamenti obuolutus: spongia noua ex aqua, aut posca, aut vino. caseus recens ante læuigatus. Extrinsecus autem adhibentur folia lapathi, aut vitis, aut betæ, aut lactucæ. caseus verò ex acido lacte cōfectus etiam maiora glutinat eodem impositus modo. sed pira quoque glutinât. & maiora vulnera glutinant achrades, & fluxionem cohibent. cauda equina verò illita nervos etiam incisos iungit: isatis satiua in duris corporib. cochleæ caro læuigata cōglutinat vulnera, quæ cum neruis incisis, & contusis sint, idque in duris corporibus. ei tamen miscenda est in puluerem redacta aranea, quæ farinam excipiat è muro molæ vicino. Ad idem facit myrrha ex aqua illita, vel thus. terrestres lumbrici etiam præcisos nervos conglutinant, pentaphylli folia cum melle, allia combusta, illita. Ad vlcera autem inueterata facit anagallis cum cerato, hordeum combustū, & cerussa cum cerati myrtei triplicata portione. Ad vlcera capitis myrrham aridam insperge, nec madefacito. celeriter enim in vnū conducit: vel aloen aridam, aut aristolochiam ex aqua tritam, idq; ossa quoq; committit. aut thus & myrrham pari portione contere, & cum melle & vino decoque, donec mediocrē spissitudinem acquirant: tum linamentum inungens applicato.

*Ad uulnera, quæ cum dolore & inflammatione affligunt. Cap. XIII.*

Ad huiusmodi autem vulnera valet malum puni cum dulce vino incoctum, tritumque, & illitum: est enim



enim hoc mirabile, & ad vsus plurimos accommodatum: nam & ad vlcera capitis & pudendorū, & ad ea, quæ in toto corpore dolorem pariunt, & item ad oculos inflammatos facit.

*De canis ulceribus.* Cap. xv.

CAVVM vlcus humidum, sordidumq; est. proinde fit, vt medicamenta velit modicè siccantia, atq; abstergentia. huiusmodi autem sunt thus, & hordeacea farina, fabaceaq; & crui. itemque iris, aristolochia, cadmia, panax, & pompholyx. Cùm verò medicamentum quod ad creandam carnem adhibitum est, nihil proficit, erit transeundum ad aliud hoc modo. Si maior sit sordium copia, vlcusq; humidius, scire conuenit, medicamentum minus siccasce, quàm par erat. ideo melle adiecto intendendū esse: si purum & sine humore videat, plus quàm oportebat, exiccasce: itaq; olei & cerati mistione remittenda vis erit. Vsu etiam quandoq; venit, vt cùm medicamentum vehementius est, pars aliqua carnis liquetur, vlcusq; sordidum, & humidum perinde videatur, ac si medicamentū, minus quàm debuerat, exiccarit: sed huiusmodi vlcus, dum absimitur, magis cauum redditur, labia intumescūt, rubetq; ipsum, & inflammationis est particeps. & sæpe æger morderi se perspicuè sentit. id verò, quod minus fuit à medicamine exiccatum, nihil tale habet. putredo igitur lignorum, præsertim eorū, quæ modicè adstringendi & abstergendi vi prædita sunt, qualis est etiam vlmus, vlcera hæc purgat, eaq; vbi purgarit, carne implet. Anemonæ quoq; appositæ idem efficiunt, & pini cortex dera-  
sus, contritusq; cum cerato, quo linamentum oblinas, & caua vlcera impleas, præsertim verò recentia. ea enim implet. sed purgat eadem cùm sordida sunt,  
I marrubium



marrubium cum melle, aristolochia cum melle : oli-  
uæ sale conditæ illitæ .

*De vlceribus , quibus cicatrix inducenda  
est. Cap. XVI.*

CVM carnem vlcerum, quæ ad cicatricem perdu-  
cenda sunt, ita exiccamus, atq; adstringimus, vt non  
solum id, quod præter naturam superest, per halitum  
digeramus, sed etiã id quod est secundum naturam  
attingamus : vlceris extremitatem cuti similem effi-  
ciemus, eiq; cicatricem inducemus. Valent autem ad  
hanc rem galla immatura, & malicoriũ modicè exic-  
cantia . Quæ verò citra adstrictionem morsumq; sic-  
cant, ea etiam cicatricem inducunt, vt myrrha, spu-  
ma argenti, & ostrea cõcremata : hæc nanq; inspersa  
ficcant. atque hæc etiam ad cicatricem sæpenumero  
perducunt, pini cortex cum myrteo cerato, hederæ  
flos cum cerato, lilii radix cum rosaceo . vetera autẽ  
cicatrice includit viscũ cum thure, ærugo & diphry-  
ges paribus portionibus cum myrteo cerato .

*De vlceribus, in quibus caro supercrescit. Cap. XVII.*

CARO, quæ vlceribus supercrescit, tollitur medi-  
camētis iis, quæ valēter ficcāt, cuiusmodi est asij lapi-  
dis flos, & testacea omnia cõbusta modicè auferunt,  
cohibentq; excrecentem carnem. Simili quoq; mo-  
do erinacei vtriq; cum toto corpore concremati, &  
diphryges inspersum, itemq; atramentũ sutorium,  
& squama æris inspersa .

*Ad vlcera, quæ in summa cute sunt, ad intertri-  
gines, ad abrasa, ad mueterata vlcera,  
ad teneram cutim. Cap. XVIII.*

ARGENTI spumæ chrysidis drach. l. ceræ drach.  
mæ



ma x x. resinæ siccæ ex picea drachmæ x i i. olei he-  
mina & semis. argēti spumæ in oleo coctæ ceram &  
resinam addito. Vbi ad emplastri crassitudinem co-  
xeris, ab igni auferto, in pilamq; conijcito, mox cū  
emollieris, vtitor. Sed cutis abrasa non amputanda  
est, sed in suum locum restituenda: & foris etiam ali-  
quod medicamentum accommodatum imponendum:  
ita enim, licet cutis abrasa iam nigrescat, sæpe con-  
glutinat. At si vlcus nudū carne sit, cicatrix difficul-  
ter inducitur, cū & erodatur, & sordidum sit. Cæ-  
terū abrasa ab inflāmatione tuetur rhus rubrū tri-  
tum cum melle illitū, & iunci rotundi coma crema-  
ta, & cum melle superdata.

*Ad intertrigines, quæ ex calceis fiunt. Cap. xix.*

AD intertrigines verò, quæ ex calceis efficiūtur,  
valet pulmo agninus, & suillus, & caprinus. itemque  
corium vetus è soleis vstum. sed hoc inflāmata non  
iuuat. sedata verò inflammatione, prodest: hic enim  
cinis siccandi vim habet, cepam cum adipe gallina-  
ceo trito, gallamq; adurito, contundito, & illinito. &  
acaciam aceto madefacito, atque inungito.

*Ad ambusta. Cap. xx.*

AMBVSTA medicamentis egent, quæ citra euidē-  
tem calorem, aut frigiditatem abstergant. ergo terra  
Chia, & Cimolia, & terra omnis levis illita ex aceto  
non valde acri vel aqua admixta egregiè facit, & pu-  
stulas excitari prohibet. itemq; ouum integrum cru-  
dum statim impositum, lana molli exceptū ad idem  
valet: id enim & modicè refrigerat, & sine mordica-  
tione siccat. vel atramentum scriptorium illine, vel  
thus album aqua dissolue, & inunge. aut lenticulam  
coctam, tritāq; impone. Cū verò iam pustulæ ex-  
citatae



citata fuerint, rhum cum polenta tere, & cum aceto cataplasma impone. calcem viuam cerato admisce, illitamq; linteolo superdato. partes autem vlcerae porris tritis oblinuntur. Columbinū stercus linteo inuolutum combure, donec in cinerem redigatur, eoq; ex oleo dissoluto vtere. Mirabiliter autem facit pini aut piceae cortex, aut adiantum siccum laeuigatum, aut myrti folia combusta, tritaq; . quæ singula etiam cum cerato iuncta faciunt. Ad vstiones vero ex aqua calida prius quam pustulae prodeant, aqua oliuarum sale conditarum continuè inspersa facit, & ipsæ oliuæ contusæ imponuntur. aut alumen scissile ex aceto coteritur, & illinitur. aut gluten taurinum cum aqua copiosa eliquatum obline.

## De exanthematibus.

## Cap. XXI.

EXANTHEMATA ex crassis humoribus in cute infixis, ac magis cum superior pellicula defior est, exoriuntur. hoc modo oppressi per cutim euacuandi sunt: nec procul est in altum attrahendum, ut per aluum, aut vomitus fiat euacuatio. Nemo tamē cogitet, me nunc consulere, huiusmodi humores non esse per aluum educendos, quia in quibus humorum plenitudo fixa est, adhiberi purgatio debet. quod si quis nō faciat, sed prius discutere aggrediatur, obstruet potius, quàm humores per cutim euacuabit. Humorū autem qui cuti sunt impacti curatio adhibenda est ex adurentibus & calefacientibus. præsertim verò cum lata fuerint exanthemata: siquidem ea humorem neque tenuem, neq; calidum, sed abundè frigidū, crassumq; esse indicant. Lauri igitur tenerorū foliorum rutæq;, & mannæ thuris pares portiones conterito, atq; oleo diluta illinito. vuam taminiā frige, ac tere, itemq; thus cum oleo dilue, atq; inunge. betam tene-



neram coque, tere, & superda. ceræ drachmas viii. sulphuris tantundem. salis drachmas vi. Arida conterito, eisdemq; olei mediam heminam affundito, & omnibus simul, & emplastro ex iis confecto vtitor. sed coctioni adhibenda diligentia est, quippe cum valde præstans sit medicamentum.

## De pruritu.

## Cap. XXII.

EXCITANDI autē pruritus sunt, cum ex alto euocare humores oporteat: prohibendi verò, cum partes prurientes in periculo sunt, ne aut scabie, aut lepra, aut aliquo alio maligno vlcere corripiantur. Prohibentur autem medicamētis repellentibus, vel etiam pruritum tolerando, neque contrectando: siquidem ita quoque sedari pruritus consuevit. Pruritus verò quos scabies excitarit, aqua marina calida, aut aceto calido perlue, aut agrestis cucumeris decocto simili modo. vel vitis veteris corticē in fistili frigito, conterito, & locum scabiosum butyro prius illitum eo cortice perspergito. deinde somnū imperato. hocq; medicamento vsquedum homo sanescat, vtitor. Iam verò opium cum liquido cerato inunctum pruritus, & pustulas, psidracia nomine, mitigat.

## De pustulis, quæ phlyctæne vocantur.

## Cap.

## XXIII.

AT phlyctænas acuta acu, qua humoris defluxus est, perforare, oportet, deinde humorem leuiter exprimere, & cutim obductam sinere. Si foramine occluso iterum pustula impleatur, ea erit eodem modo pertundenda, & cōprimenda cutis. atq; ita compressa seruanda est, donec id, quod sub ea vlceratum est, ad cicatricem perducatur. Sed antequàm pustulæ erumpāt, coctam lenticulam cum aqua læuigato, atque illinito: aut mali granati virgulta cinere cali-



do tepēfacta superdato, locumq; torrefacito. Si ruptæ fuerint, vlcusq; excitatū sit, adeps suillus liquefactus cum argenti spuma læuigata illinitur, eiq; imponitur: aut lilii radix aqua incocta & contrita cum cerato adhibetur.

*De ulceribus, quæ iterum rumpuntur.*

Cap. XXIII.

QVAEDAM vlcera sunt, quæ inducta cicatrice nō ita multō pōst, sæpe iterum inflāmatione tentantur, atque rumpuntur: nam osse aliquo affecto quandoq; caro circumdata ad cicatricem facillè perducitur, & sanitatem planè adepta videtur: sed cū validus humoris defluxus paulatim ex osse in alto corrupto delabitur, tum inflammatio, & pus suboritur, à quibus obducta cicatrix deraditur. Horum igitur vlcerum curatio in eo posita est, vt tantūm exicemus, quantum valeat vt os affectum decidat. Sinus aut ossium cauos facillè replebis, si papaueris sylvestris, & ficulnea folia læuigata cum polenta & vino illeueris, aut si hyosciami feminis & atramenti sutorii par pondus contriueris, & imposueris. Peucedani verò radix ossium squamas celeriter disungit.

*Ad vlcera maligna, quibus agrè cicatrix inducitur, & inueterata.* Cap. XXV.

MALIGNA vlcera, quæq; difficulter ad cicatricem perducuntur, itemq; inueterata & putrida Lemnium figillum vehementer adiuuat. eius vsus quantitas ex malitia vlceris æstimatur: nam ad vlcus, quod fœtidum est, admodumq; flaccidū & sordidum, lemnia ex aceto acerrimo diluitur ad luti spissitudinem. utimur eadem ex vino, aut aqua, aut oxymelite, aut posca, aut mulsæ, aut quoquo modo vsus postularit, ac commodatumq; medicamentū erit, si quis eam in pila plum-



plumbea pistillo plumbeo confecerit, rosaceum, aut immaturū oleum affundens, aut semperuiui succum, aut cotyledonis, aut lactucæ, aut psyllij, aut omphacii: ut sit tanquam succus quidam: habebisque optimum medicamentum ad carcinode, malignaque vlcera, ad pudendorum, testium, & mammarum inflammationes, & item ad sedis vlcera, & rugas eminentes. porrò autem centaurium minus recens inueterata vlcera, & quæ difficulter cicatricem recipiunt, ad cicatricem perducit, & maligna vlcera sanat. itemq; cupressi folia & germina, & globuli noui, & teneri, qui etiam humores in flaccidis, & putridis affectionibus in profundo demersos sine molestia, & tutò depascunt. Cyperi radices vlcera, quibus propter nimium humorem iuduci cicatrix agrè potest, mirum in modum iuuant. Cucurbitæ aridæ combustæ cinis vlceribus humidis inflammationis expertib. ac putrescentibus, præsertim verò iis, quæ in pudendi præputio sunt, cōuenit. simili quoq; modo prodest anethi radix. Plantago etiā malignis vlceribus, defluxionibus, & putredini cōuenit. Isatis fatiua omni maligno vlceri strenuè resistit, licet putrescat, & depascatur. Si verò vehementior, quàm ut ægri natura ferre queat, esse videatur, eius foliis læuigatis adde vel panem, vel hordeaceam farinam, vel frumentaceā, vel polentam pro ratione affectionis, quæ in vnoquoq; existat. Iis verò quæ propriè testacea dicuntur, utimur ad cauitates diuturnas, quæq; agrè carne implentur, quæ ex defluxionib. fiunt, & fistulosæ, ac profundæ sunt. Lanæ autem combustæ carnes flaccidas vlcerum celerrimè liquefaciūt. Platani verò cortex combustus, & inspersus vlcera, quæ ob nimiam humiditatem flaccida, sordidaq; sunt, sanat. Peucedani radix arida malignis vlceribus illita

I 4 præstantissimum



præstantissimum medicamentum est: nam & purgat, & carne implet, & cicatrice concludit. Aloe vlcera, quæ vix ad cicatricem perueniunt, eaq; potissimum, quæ in sede & pudendis sunt, curat. Est item ad earundem partiû inflammationes utilis ex aqua dissoluta. Vlcerà verò antiqua sanat cera in sole emollita, quæ multû squamæ æris, aut chryfocollæ adiunctû habeat, eaq; linteo illinenda, adhibendaq; est, cuius spleniû non est cõtinenter auferendum. Ad chironia autem facit hoc, quod habet squamæ æris drachmas x. ceræ tantundem, aluminis drachmas ii. Ceram calefacito, atq; emollito, & arida in pollinẽ redacta excipito, iisq; linteo impositis vtitor. Ad effera autẽ vlcerà valet malicorium læuigatû, & combustum. aut alumen scissile vstum, tritumq; inspergito, aut hoc vtere medicamento, quod capit hyssopi drachmas i i i i. vuæ passæ tantundem, nitri drachmas i i. Locus melle prius illinitur, tum hæc applicant. Putrida verò vlcerà & depascentia valentiorib. medicamentis egêt, qualia sunt hæc: chalcitis, auripigmentum, calx: hæc enim non secus quàm ignis, vrunt. & quandoq; fit, vt his à morbo superatis, ad ignem deuenire oporteat. Marrubium quoq; ex vino coctum illine. aut eruum læuigatû cum melle imposito. Oliuæ teneræ foliis in vino coctis, & contritis vtitor ad eundem modum. perfundenda autem est aqua marina calida.

*Ad vermes, qui in vlceribus comperiuntur. Cap. xxvi.*

VERMES, qui in vlceribus putrescētibus sunt, calaminthæ succus tollit.

*De carbunculo. Cap. xxvii.*

CARBONES fiunt ex sanguine, qui melancholicus, fer-



feruescensq; effectus sit, & cutim comburat, quocir-  
ca cum crusta oriuntur, pustulis, quæ phlyctenæ di-  
cuntur, vlcus præcedentibus, vt in ambustis fit: fe-  
brimq; acutissimam, & celere periculum afferunt.  
Cum pruritus adest, quandoq; plures pustulæ erum-  
punt parvæ, frequentes, cōtinuæ, milio similes, qui-  
bus ruptis vlcus cū crusta fit, cuius crustæ color mo-  
dò cinereus est, modò niger. reliqua caro circunda-  
ta redditur mirum in modum flāmea, & nigrum co-  
lorem contrahit, splendetq; non secus quā bitu-  
men, atq; pix, ac talis quidem est bilis exquisitè atra.  
Hāc affectionē curātes à venæ sectione exordiemur,  
per quā vsque ad animi defectionem euacuabimus.  
post verò sanguinem detractum non erit incōmodū  
scarificare, idq; altioribus plagis propter succi cras-  
sitiem. Loco affecto imponenda sunt quæ modicè re-  
pellunt, ac digerunt, quale est cataplasma, quod ex  
plantagine, & lenticula cocta constat, cui mica pa-  
nis in clibano cocti, & non admodum puri sit adiun-  
cta. super vlcus verò aliquod vehemens medicamen-  
tum ponemus. Tale est quod ad Andronem refertur,  
sapa irrorantes ad sordium spissitudinem. Sedata au-  
tem illa quasi flamma, vlceri perinde atque aliis ci-  
catricem inducemus. Veteres nuces oleosæ ad car-  
bones faciunt, cyparissi q; folia, & germina, & no-  
ui, ac teneri globuli cum polenta: vua item passa  
eiectionis acinis, & contrita, & caricæ coctæ in vino,  
atque contusæ.

De cancro.

Cap. XXVIII.

CANCRI quoq; ex atra bile feruēti oriūtur, ea si  
acrior sit, vlcus affert. ideo colore sunt nigriore quā  
inflammatio, sed sine caliditate. venæ tamen magis,  
quā in inflāmationibus implentur, ac distendun-  
tur,



tur, neq; ita rubra sunt, sicut in inflammationibus: earumq; color humoris colorē prae se fert. propter cuius humoris crassitiem cancer insanabilis est: quippe qui neq; repelli, neq; digeri queat, neq; etiam totius corporis purgationibus cedat, mitioraq; medicamenta negligat, à vehementioribus autem magis exacerbetur. Possumus tamen initio prohibere ne cancer augeatur, melancholici humoris purgatione inita prius, quàm in affecta particula sit impactus. Euacuabimus autem vel aliquo simplici, ut epithymi drachmis quatuor, in sero lactis, aut mulsis datis: vel hiera, quæ nigrum veratrum acceperit. Loco autem affecto impositum in ulceratis sine molestia prodest hoc medicamentum, Solani succus molli linteo duplici, aut triplici in eo intincto, copiose impositus: extrinsecus quoq; lana molliuscula eodem succo imbuta applicatur, adhibita diligentia, ne arescant hæc, quod fiet, si succū assidue assundas. Valebit etiam ad cancrum ulceratum id medicamentū, quod ex pompholyge constat. Victus autē ratio ægrotanti apta instituat ex ptissanæ cremore, seroq; lactis. Vescatur item ex oleribus, malua, atriplice, blito, & cucurbita, piscibusq; saxatilibus, & omni auium genere, præterquàm earum, quæ in paludibus degunt.

*De sanguinis coitu subter cutem, quod ecchymoma dicitur. Cap. XXIX.*

CUM caro ab aliquo pondere incidente contusa sit, venæque parvæ, quæ per eam diditæ sunt, ruptæ fuerint, sanguis profunditur, quasi transcolans. isq; sub cute collectus facit id, quod ecchymoma vocatur, cute adhuc integra. Nobis ergo propositum est, concretum sanguinē per halitum digerere, idq; celeriter prius, quàm nigrescat. sed sub initio adstrin-

gen-



gentia digerentib. admiscenda sunt, quòd tunicæ venarû cõtundant, ideoq; densationis indigeât. at post hæc solis digerentibus sine adstringentibus vtimur, ac principiò quidẽ ecchymomata scarificamus, tum reliquam curationem adhibemus. Cæterùm de numero ecchymomatum sunt quæ sugillata nominantur, & liuores ex plaga cõtacti, & inter vngues sanguinis concursus ex ictu. Pellis autẽ pecudis recens detracta eos, qui flagris cæsi sunt, potius quàm cætera omnia, vno die, vnaque nocte persanat. Præterea hydropiper vnà cum suo semine illitum sugillata, & tumores qui obduruerunt, discutit.

De ruptis & conuulsis. Cap. xxx.

RVPTA cū ecchymosi, hoc est, sanguine, qui in loco contuso collectus sit, omnino fiunt. Curantur autem medicamentis modicè calefacientibus: tale est acopon, quod ex nigra populo cõficitur, quæq; sunt generis eiusdẽ. In ruptis verò, quæ altius intra corpus delitescent, medicamentorum vis intendenda est, & acriora, quæque magis incidunt, adhibeantur. talibus autem cucurbitulæ vsus prodest. siq; totum id, quod sub cute coiuit, celeriter sit discussum, rupta caro facilè coalescit. si inueterarit, sordesq; subnascatur, ruptio coire nõ poterit: sed labia tantummodò inter se propè admouebuntur, vt paruo momento facilè separentur, & medius locus aliquo humore impleatur, & ecchymoma continenter quodammodo existat, & primo simile, nisi quòd hoc celerius quàm illud digeritur, cõstatq; ex tenui sanie, cū illud esset è sanguine. Conuulsa autẽ fibris quibusdam distractis fiunt, solumque leniri postulant, quoad dolor sit sublatus: cõglutinari enim non possunt. Aristolochia autem rotunda ruptis & conuulsis,



sis, vt si quid aliud, conuenit: itemq; centaurii maioris radix, eiusq; succus, & rheum, & costus, & bdellium in oxymelite potum.

*De luxatis, & contusis. Cap. XXXI.*

LUXATIS verò, & contusis prodest lana succida, spōgia quæ sit aqua & oleo mixtis imbuta, & supdata, bulbi teneri elixi cū melle, aut cum cerato, sal tritus, farina cum melle. viticis folia, & sal, & nitrū tostā & læuigata cum cerato. Vtere etiam aquæ perfusione, vel marinā calefacito. Sedata verò inflammatione, atque doloribus, partes luxatas fricabis.

*De rebus spicula, furculos, spinasq; educantibus. Cap. XXXII.*

SPICULA, arundines, spinas, & furculos euellunt anagallides utræq; aristolochia rotunda, ammoniacum cum melle, alterci semen læuigatum, atque illitū. Arundinis verò radices cōtunde, & melli admixtas in linteo largè illine, imponeq;, & alliga: extemplò enim educunt.

*De affectionibus unguium. Cap. XXXIII.*

REDVVIAS exiguas etiamnum incipientes comprimit galla cū melle, easq; prohibet cōfirmari. Vbi verò factæ iam sint, consilium est, carnem, quæ præter naturam excreuerit, medicamentis morfu vacantibus absumere, & liquare. Ad reduuias autem valet aurium sordes, & lycium. quæ pus confecit, acup perforanda est, humorq; exprimendus, tum sponsia aqua imbuta imponi debet. aut lenticula trita ex aqua superdanda est, aut rosæ siccæ, aut virides tritæ, & aquæ perfusæ illinendæ, aut polenta trita admouenda. Interim verò caro est ab omni parte vnguis lintei ramentis abducenda. cæteros vngues contusos myrti punicæq; foliis teneris tritis illine. At vngui-



guibus subcruentis farinam pice admixtam adhibe. Ut vngues malè affecti decidant, sulfur tritum suillo adipe exceptum applica. Scabri verò ut abscedant, utitor medicamento, quod habet visci quercini, sandarachæ, fœnigræci ana vncias duas. cantharidum, thapsiæ singulorum vnciam. aceti quantum satis est. Ad idem facit fæx arida cum cerato vngui adiuncta. aut caro ficuum contusa seminibus abiectis. aut vnguem pice subunctum sulfure & sandaracha tritis pari pondere illinito. vnguis autem diligenter est radendus, ad æqualitatem redigendus, ac vincendus, vtendumq; iis, quæ ad vngues abscedentes faciunt.

*Ad pterygia digitorum. Cap. xxxiiii.*

Ad carnis verò incrementum, quod vnguis partem operit, (pterygion vocat) thuris lachryma trita imposita, & alligata valet, vel eruum tritum eodem modo: vel thuris infecti drachmam, & sandarachæ duplum tere, & radici vnguis applicato, diligenterque inspergito, supra verò linamenta sicca ponito: hoc enim pterygia celeriter exiccat. Est aliud itidem præstantissimum, vehementer faciens ad ea, quæ etiam maligna sunt. habet autem gallarum, malicorii acidi, squamæ æris rubri, & caricarum combustarum pares portiones. eas tere, melli admisce, ad vnguenti spissitudinem redige, linamenta intinge, bisq; in die impone, & liga, neq; vngas, neq; madefacias. Si verò humor subsit, eum spongia vino perfusa abstergeas.

*De vlceribus articulorum. Cap. xxxv.*

Cum articuli sint partib. carnosissimiores, ideo fit, ut cum vlcerati sunt, siccioribus medicamentis indigeant. Ergo Polyide pastillus ad sordium spissitudinem ex vino subactus, & cætera quæ equè desiccant,



desiccant, accommodata sunt. marina quoq; & muria saepe irrigando articulos, melius affici conspeximus. Quocirca in articulis vtendum est iis, quæ maiorem etiam exiccandi vim, quàm vinum, habeant.

*De sanguinis profluvio. Cap. xxxv i.*

PROFLUVIO sanguinis remedio est appositus situs partis cõuulneratæ. talis est, qui sursum vergit citra dolorẽ: nam qui deorsum vergit, dolorẽq; affert, is sanguinem non fluentem ad profluvium etiam ciebit. Cùm ergo vulnerata pars est, ac sanguis fluit, statim digitum ori vasis, ex quo sanguis effluit, admovento, leniterq; & sine dolore comprimito: ita enim grumus fiet, & sanguinis fluxus cohibebitur. si ita non sistatur, vtendum erit iis medicamentis, quæ supprimendo sanguini sunt: inter quæ præstant quæ obstruunt, quæ emplastica nominantur, iis quæ crustam inducunt: interdum enim vbi crusta excidit, ne iterum sanguis effluat, periculum est. Optimum autem est hoc, quod etiam ad sanguinem è membranis cerebri fluentem facit, thuris pars vna, aloes dimidiũ, albo oui subigitur ad mellis consistentiam, deinde leporis mollissimis pilis excipitur, tum vlceri toti liberalissimè superdatur, tum fascia alligatur: cuius fasciæ primi quatuor, aut quinque amplexus super vas profluens injiciendi sunt, inde ad radicem vasis ducendi, tertio die erit soluendum. Siq; medicamentum tuto adhuc vlceri adhæreat, aliud rursus in orbem superimpones, & nõ secus quàm linamentum, quod ex pilis constat, madefacies, ac pari modo deligabis. Sin sua sponte linamentum excidat, radicem vasis digito blandè cõprimens, quatenus nihil defluat, hoc leniter auferes, aliudq; impones, & quoad vas carne implebitur, ad hunc modum curabis.



bis. Quæ verò crustas gignūt, vbi crusta decidit, magis nudam partem, quàm eius natura ferat, derelinquunt. & persæpe cū crusta excidit, profusio sanguinis subsecuta est, quæ suppressi difficulter potuit. & tamē sæpenumero iis medicamētis, nō secus quàm ferramētis igni cādētibz, vti cogimur, vbi ex putredinis erosione sanguinis est exorta profusio. Cæterū isatis satia partibus, ex quibus sanguis fluit, superdata egregiè sistit. Idem faciunt gallæ combustæ, & cū adhuc ignitæ sunt, aceto aut vino extinguunt. gypsum misceto oui cādido tenui, itemq; farinam triticeam puluerulentam, qualis hæret parietibus. ita enim medicamentū conficies, quod ad sanguinis profluvia valebit: idq; leporis pilis, aut re aliqua pariter molli excipiendum erit. Ad sanguinis autem profusiones, quæ ex ore, aut thymis, aut lenticine, aut verrucis, aut hæmorrhoidibus fiunt, foliis porri confusis vtere: aut rhun rubrum, aut acinos, aut capitula punici mali cōtundēs impone, aut spongiam nouam pice cruda intinctam adure, & tusa vti-  
 tor: hoc enim valde efficax est. Sanguinis verò fluxionem ex ore cōprimit os colluendo frigidum decoctum rosarū viridium, aut siccarum, aut clauiculorum vitis, aut lentisci foliorum, aut myrti, aut rubi, aut malorum cydoniorum, aut punicorū, aut acinorum, aut lenticularum. Iis etiam vtendum erit infelsibus frigidis, qui sedi atque vtero conueniunt. Cæterū victus ratio iis, quos sanguinis fluxus exercet, ex adstringentibus, atque incrassantibus instituat: huiusmodi autem sunt alica, farinaq; pura decocta, & item cochleæ, caseus tener, bulbi cocti, pisces aslati, palmulæ, vinum nigrum austerū, lenticula, polenta, ouorū vitelli, pira, achrades, mala cydonia, sorba, mespila, & quæ his sunt consimilia. Ad san-  
 guinis



guinis autem fluxum ex naribus faciunt platani globuli exiccati, quos re aliqua ex seris confecta confriabis, semenq; proiicies, & lanuginem collectam in vase fictili nouo repones, & cum vsus postulabit, eam in puluerē redactam per calamū inspirabis. frontem autem & nasum gypso, aut luto figulari oblines. Valet ad eandem rem porri succus lana, aut linamento exceptus, & naribus inditus: & manna succo porri coacta, & imposita. Extrinsecus autem nasus illinendus est oliuæ foliis teneris læuigatis: & suffitum excicuta super molli cinere narib. admouebis: & spongiis aut lanis aqua frigida imbutis meatus vtriusque pinnae naris oblitue, cruraque & brachia vincies, ac frontē, & tempora oblines iis agglutinantib. quæ ad oculorum defluxiones faciunt. Si verò grumi aliqui subsint, cum sanguinis adhuc profusio est, eos par erit exprimere, & protinus iterum vti medicamentis sanguinem comprimentibus, & narium chartilaginem, sub ipso osse duobus digitis pollice, atq; indice comprimere. In his autē profusionibus, & iis, quæ ex intestinis hūt, prodest porri succū pondere duūm cyathūm potui dare, aut lauri tenera folia cōtusa in oxymelite. aut thuris & lauri pares portiones læuigatas dabis. aut farinam puram, & thus, & gummi paribus portionibus cum aqua teres, & dabis.

*Ad cicatrices, stigmata, & uibices.*

*Cap. xxxvi.*

**CICATRICES** nigras tollit inūctum oleū, in quo bryoniæ albæ, & nigræ radix incocta sit, donec succum reddat. itemq; nepita vino cocta, lythargyrus oleo rosaceo candido lota. Cicatrices verò, quæ ex impetigine sunt, atque etiam alias concolores reddit adeps asininus illitus. erucæ semen læuigatum cum



cum felle caprino, aut bubulo, aut ouillo illitū: cūq;  
inaruerit, auferendum est. succus quoq; erucæ her-  
bæ illicitus cum lithargyro utilis est. Maculas autem,  
quæ stigmata nominantur, exterit ranūculus illitus,  
aut capparis folia, aut cerussa cum aceto illita. sed  
hoc spatio temporis maculas aufert. Ad vibices con-  
colores statim facit oleum liliaceū continuò inun-  
ctum.

*De nervis uulneratis.* Cap. XXXVIII.

NERVVS propter sēsus excellentiā, cum vulnera-  
tur & dolore, & inflāmatione maiore, quā alia cor-  
ripitur. quorūcirca cutis vulneratio aperta est seruan-  
da, vt sanies per ipsam effluat: vulneriq; adhibenda  
medicamenta sunt, quæ dolorem leniant, & aditum  
effluxui patefaciant. Ergo calidam aquam, quæ cæte-  
ris inflammationibus idonea est, his esse aduersissi-  
mā sciendū est, & accōmodatius ad has esse, vt oleo  
tenuium partium, & experte omnis adstrictionis ir-  
rorentur. Ex medicamētis autem apta est resina, aut  
terebinthina, eaq; per se ipsa in pueris, in mulierib.  
& in iis, qui molli carne sunt: in cæteris verò cum eu-  
phorbio. itemq; propolis & per se, & cum euphor-  
bio emollita: si verò duriora sint corpora, cum ali-  
quo oleo subtiliore. in nervis autem inflāmmatis &  
putrescentibus cataplasmate vti poterit quispiā eo,  
quod ex farina hordei, aut fabarum, aut erui in lixi-  
uio stillatitio, aut oxymelite cocta, confectum sit. ce-  
rato verò vti poterit hoc, quod habet ceræ vncias  
tres, euphorbii vnciam, aut fimi columbini in durio-  
ribus corporibus, olei vncias duas. Conuenit etiam  
Basilicum medicamentum, quod nitrum recipit, aut  
calcem viuam, aut euphorbiū, aut sulfur viuum, aut  
stercus columbæ syluestris, vt in tetrapharmaci li-  
K bram,



bram, horum alicuius vncias duas iniicias : hoc enim egregiè ad nervos vulneratos, ac præcipuè pūctim, facit. Iam verò in agro, vbi tibi nihil suppetit, poteris recentem pinguemq; propoli vulneri applicare, aut fermentum propoli mixtum, aut liquorem thymali fermento additum. Cataplasmatibus autè ex lixiuio stillatitio, atq; oxymelite, & farina fabarum, aut erui, aut cicerum, aut lupinorum amarorum, aut hordei, aut etiā polenta nō solū cum nervi inflammatione tentantur, sed etiam statim in ipso initio vrendum est. At si nervus non pūctus sit ille quidem, sed planè cæsim sit vulneratus ita, vt cutis quoq; subiecta sit diuisa, vt nudus nervus, & per directum, & non per transuersum diuisus conspiciatur, tum nullo ex iis medicamentis, in quibus euphorbium sit, quæq; non minus sunt acria, vti oportebit: quippe cum nervus nudatus horum vim, quæ vehemens est, ferre non queat. Igitur æstiuo tempore calcem sæpe lotam, & oleo copioso dilutā cape. Quam etiam ad rem facit id, quod ex pompholyge constat, quodq; ex melle cōficitur, in rosaceo liberaliore eliquatum. Cæterum nihil horum vulnus debet cōtingere: cum enim nervus sensus vi præstat, tum verò frigida temperatura est, & cum parte cæterarum omnium principe est continuus. Sed ne oleo quidem huiusmodi vlcus irrigare oportet: sit enim sordidū. ergo sanies tantū abluenda est molli lana specillo circumuoluta. Si omnia ex sententia nobis succedant, etiam uiuo dulci citra periculū madefacere poterimus. Vbi verò nervus, qui denudatus erat, fuerit contextus, linamenta aliquo medicamento, quod angustis vulneribus aptū sit, intincta, quale est, quod ex euphorbio, aut fimo columbino paratur, extrinsecus circumducere oportet ita, vt sanas etiam partes largè comple-



plectatur. Cùm verò transuersum vulnus est, maius periculum conuulsionis imminet: sed quatenus curandum est, eodem modo progrediemur. Victus autē adhibeatur tenuior, quies imperetur, lectus mollis esto. oleo calido copiose vngantur alæ, caput, & ceruix. Si vulnus in crure sit, inguina sunt potissimum multo oleo perfundenda vsque ad spinam, caput, & ceruicem. Si nerui contusi sint, cumq; eis est contusa cutis, & exulceratio subsequitur, cataplasma ex farina fabarum, & oxymelite conuenit. Si verò contusioni dolor accedat, pix liquida miscenda erit. At si citra cutis cōtusionem eueniat, oleo calente, cui digerendi facultas insit, perfundere assiduè oportet. Si totus neruus præcisus sit, periculum nullum imminet, sed membrum mutilum, mancumq; reddetur: sed curatio eadem, quæ cæteris quoq; vlceribus, adhibebitur.

*De liquefacto medicamento, quod nervis punctis conuenit. Cap. XXXIX.*

MEDICAMENTVM aut liquefactum, quod ad nervos cōpunctos, & à rabiosis morsos facit, accipit acetum sextarium vnum, picis pinguis libram vnam, opopanacis vncias tres. Opopanacem verò aceto solutum multum læuigabis, picem liquefactam, mixtamq; incoques. Est autem hoc medicamentum ad nervos compunctos accommodatum, utpote quod os cōpunctionis conuiuere non sinat: quemadmodum etiam in iis, qui à bestiis rabiosis morfi sunt, prohibet ne vlcus cicatrice concludatur. verum duris solum corporibus conuenit: nam si in mulieribus, pueris, aut iis, qui molli sunt carne, uti hoc velis, cum puncti fuerint, erit aliquo digerente, ut amaracino, aut opobalsamo, aut oleo vetere liquefaciendum.

K 2 Ad



## Ad articulos relaxatos.

## Cap. XL.

Succurrit articulis relaxatis acaciæ succus aqua dilutus, & superfus, aut rubi, aut myrti, aut malicorii, aut lentisci, aut vlmī radicū corticis decoctū cōgruit: aut malicorium illitum, aut myrti folia cum myrteo cerato imposita.

## De inflammatione. Cap. XLI.

INITIUM inflātionis est, cū pars impletur sanguinea substantia: incrementum cū id quod fluebat, cessat, quod verò in particula est, incipit putrescere, caloremq; præter naturam affert, fusioq; & flatus gignitur, & particula magis quàm prius intenditur: status verò, cū pus iam consistit, labores verò maiores ægrum vexant: declinatio denique, cū id, quod fluxit, digestū est, & moles, ac tensio est diminuta. In principio autem admouemus ea per se, quæ vim habent repellendi: in incrementis hæc minui-  
mus, digerentiaq; addimus: in statu repellentibus & digerentibus pari pōrtione utimur. Si verò dolor sit vehemens, lenientibus opus est. in declinatione solum digerētia adhibemus, nihilq; adiūgimus, quod vim adstringēdi habeat. Parietaria igitur ad omnes inflammationes tum in principio, tum in incremento accommodata est. simili quoq; modo glaucium. Atriplex verò & malux hortenses incipientibus, & augescentibus, ac veluti feruescentibus. conueniunt: declinantibus verò, & duratis, & refrigeratis, sylvestres magis idoneæ sunt. Lactuca & cucurbita calidis illitæ prosunt. Ad eas verò quæ ex defluxione oriuntur, semperuiua, & utriq; tribuli valent: at durescentibus brassica conuenit.

De



*De affectione, quæ ex defluxionibus gignitur. Cap. XLII.*

CVM particulam aliquã sine manifesta causa præcedente inflammatio repente obsedit, id quod affectionem eam gignit, defluxio: ipse verò morbus affectio ex defluxione nominatur. In principiis harum inflammationum curandum est, vt rectè curatio adhibeatur. totum ergo corpus euacuationibus idoneis inaniendum est: pars verò inflammata superfundenda, illinendaq; est non calefacientibus, humectantibusq; medicamentis, sed iis, quibus defluxus repellatur: quodq; in affectam partem decubuit, inaniatur, visq; & robur particulis malè affectis afferatur. Superdandum ergo est cataplasma, quod ex semperuino, mali punici cortice, in vino cocto, & rhoë, & polenta adiunctis constat: hocq; & huic similibus, cum dolor vehemens non est, vtendum. Vbi verò particula cum defluxione dolorem sentit, tum ne aqua quidem calida, aut oleum, aut cataplasmata ex farina sunt adhibenda: hæc enim omnia defluxionibus inimica sunt. Cæterum doloris vehemētia lenienda est medicamento, quod ex passo, rosaceo, modica cera, lanis sordidis, quæ æsypi multum habeāt, conficiatur: quæ per æstatem frigida, per hyemem verò calida excipiuntur, atque admoventur ita, vt superiores partibus affectis locos spongia vino austero, aut posca frigida imbuta comprehendant. Si ex horum vsu immutatio oriat, & pus nō subsidat, emplastro, quod ex chalcitide conficitur, aut alio simili ex iis, quæ valent ad fluxiones, vtemur. Lanam verò puram vino austero imbutam super medicamento foris accōmodabimus. atque hoc quidem modo inflammationes ortæ ex defluxione curabuntur. Eas verò, quæ ex ali-

K 3 qua



qua occasione excitantur, si calefacias atque hume-  
ctes, nihil lædes. siq; ad puris confectionē eas velis  
adducere, farina triticea hydrelæo incocta illines.  
Siq; vsus interdum postulabit, vt scarifices, id etiam  
ex vsu facere poteris: sed si eas, quæ ex defluxionib;  
ortum ducunt, scarifices, præsertim in principio, cau-  
sam afferes alicuius magni mali.

*De abscessibus, quæ apostemata dicuntur. Cap XLIII*

IN abscessibus autē si puris eruptio impediri nō  
posse videatur, panem in hydrelæo coctum illines,  
aut farinam hordeaceam eodem modo paratam im-  
pones. particulam verò aqua, in qua altheæ radix in-  
cocta sit, fouebis. Cū autem tumor difficulter ad  
suppurationem perueniat, difficulterq; discutiatur,  
cataplasmate, quod ex caricis fit, vtendū erit. oportet  
autem caricis pingues, dulcesq; aqua incoque-  
re, atq; eliquare, & aquā melli tenui similē reddere,  
quandoq; etiam farinam hordeaceam addere, quan-  
doq; verò panem ex tritico puro: siq; tumor discuti-  
atur minus quàm par sit, tum cum caricis hyssopū,  
aut origanum incoquetur. si vim maiorem velis effi-  
cere, decocto salem adiicito. Sed diligenter est ani-  
maduertendum, ne dum vehementius exiccas, pars  
in duritiem callescat. Si quid tale fortè videas, cum  
aqua radicē agrestis cucumeris, aut altheæ, aut bryo-  
niæ incoques: quibus dracūculi radix valentior est,  
& ad digerendū accommodatior. ergo eam quandoq;  
per se coques, quandoq; caricis addes, farinamque  
vnā cum adipe admiscebis. Digerit quoque adian-  
tum, itemq; anethinum oleum, quod etiam crudos  
humores, incoctosque tumores maturos reddit: pix  
duros, crudosq; tumores omnes cataplasmatibus indi-

ta



DE MORB. CVRAT. LIB. III. ISE

ta magisq; ea, quæ liquida est, concoquit. Medicamentum compositum, quod abscessus iam coctos sine labore expellit, ut sæpe in splenio pus inueniatur: qui verò cocti adhuc non sunt, perfectè digerit: capit autem lapidis pyritæ drachmas xii. ammoniaci læuigati tantundem, farinæ fabarû drachmas senas. Excipe resina liquida, pelliq; illitum impone. splenium verò ne auferas prius, quàm sponte sua decidat. Sed hoc medicamentû non ita multò antè parandum est, quippe quod aridum confestim reddat.

De strumis, & phymate. Cap. xliiii.

FARINA lupinorum amarorû aceto, aut oxymelite, aut posca incocta non solùm liuores, sed & strumas, & phymata sanat. Medicus quispiam in iis, quorum durum corpus erat, bubulo stercore ex aceto, ad strumas, & tumores obduros, totos oblinēs vsus est. Phymata verò discutiūt trita, & illita hæc: adiantum, atriplex, parietaria, althææ radix vino incocta, ammoniacum cum melle emolitum, & superdatum, viscû cum resina, & cerato, salicis folia cum cerato. Rumpunt phymata lupini amari, propolis cum aceto illita, cucumeris syluestris radix, terebinthina excepta, capparis radix eodem modo, nitrum cum fermento, aut ficubus. Abscessus internos rumpit marina cum mulsa pota. Strumas autem discutit calx viua melle, aut sordibus, aut oleo, aut adipe suillo excepta. lolii item farina cum fimo columbino, & linî semine vino incocta. caprificorû grossi agrestes, aut domestici illiti: qui etiam concretionem omnem digerunt.

De fistulis. Cap. xlv.

RADIX spondilii circumrasa & imposita callos fistularû adimit. idem facit veratrû nigrum biduo, aut

K 4 triduo



triduo impositū . eliquant etiam æruginis drachmæ  
duæ, ammoniaci tantundē . Colyria ex aceto & aqua  
conficiuntur ad fistulas accommodata . itemq; amurca  
cocta, & in collutione adhibita . Sory crudum & cō-  
bustū cum vini diluti, aut mellis portiuncula ad col-  
luendum adhibitum . omphacium quoq; colluendo  
carnem procreat .

## De bubonibus .

## Cap.

## XLVI.

IN ortu bubonum si totum corpus succis æquabi-  
liter redundet, aut malitia humorū detineatur, dif-  
ficilis curatio est: & tamen adhibenda est ea, quæ in  
affectione, quæ ex defluxione oritur, exposita est no-  
bis: si corpus exquisitè sanū sit, facilis . totum autem  
crus calefaciendum, & humectandum est, ut dolore  
vacans efficiatur: ipsiq; vlceri imponendum est lina-  
mentum lotum in rosaceo, aut aliquo oleo relaxan-  
te, quod tetrapharmaco calido sit intinctū: totusq;  
artus carpto lanæ oleo imbuto obuoluendus est: fo-  
ris verò vlcus emplastro calido illinendum, aut fari-  
na triticea, aut hordeacea, aut ex vtraque cum olei  
portiuncula. Glandulam verò inflammatione tenta-  
tam in principio lana oleo calido imbuta lenire o-  
portet, non autem ut quidam faciunt, sale adiuncto .  
eo .n. postea utimur, cum artus à plaga vexatus fue-  
rit lenitus, & cum dolorem vlcus non affert: quibus  
quidem rebus glandularum plerunq; soluitur inflā-  
matio . sæpe etiam augetur, & ad suppurationem du-  
citur . ergo cum ille quasi feruor inflammationis se  
remiserit, lenientia sunt omittenda, atque vtendum  
digerentibus: paulatim à digerentib. ad ea, quæ con-  
sistētia liquida sunt, transeundo, qualia sunt, quæ ce-  
rati speciem referunt, similia ijs, quæ linamentis car-  
ptis excipiuntur, quæ enmota vocātur . In ijs autem  
vi-



vitare oportet durorum vsum emplastrorum: quippe quæ particulas distendant, & ad inflammationem iterum vi adigant. cùm satis puris sit, particulaq; ad suppuracionem peruenit, non statim diuidemus, vt quidam facere solent: sed dabimus operam, vt eam materiam medicamentis digeramus. ac lutum quidem impositum tumores inguinum celeriter digerit. Cæterum bubones, qui ex prolapsu, & vlcusculis & doloribus contrahuntur, periculo vacare: alios, præsertim verò eos, qui febribus superueniunt, malos esse, existimandum nobis est.

*De erysipellate, hoc est, igni sacro. Cap. XLVII.*

HVMOR crassus, atque acer, qui influit, erysipelas modò cum vlcere, modò sine vlcere conficit. hoc curandum est primùm medicamento purgante, quod bilim educat: deinde refrigerantibus repellendum est quod influit: atque à refrigerantibus ad digerentia prius quàm particula liuescat, aut nigrescat, progrediendum. Postulant autè erysipelata ea, quæ refrigerant, cum humiditate, nec adstringât: huiusmodi sunt semperuiuum, portulaca, psyllium, lenticula palustris, vmbilicus Veneris, solanum, altercum, lactuca, beta, & glaucium. Cerata quoque ex aqua admodum frigida huius sunt generis. admiscetur etiam eis opij parum, aut succi papaueris, cicutæq; & mandragoræ: & composita medicamenta conficiuntur.

*Ceratum refrigerans. Cap. XLVIII.*

CERA, quæ purissima sit, oleo eliquatur, ceratūq; liquidum fit. hæc refrigerata manibus in pila emolimus, aquam frigidam affundendo, quantum eius capere ceratum possit. melius autem est oleum roseum ex omphacino oleo sine sale. debetque oleum aut triplum, aut quadruplum ceræ esse. Si verò pa-  
rum



rum aceti tenuis & perlucidi velis addere, medicamentum liquidius, frigidiusq; parabis. atque id non modò erysipelati conueniet, sed etiã hecticis febribus, & inflammationibus pudendorum incipientibus, antequàm depascens aliqua affectio partes obsideat. herbæ quoq; refrigerantes cum tenui polenta abundè refrigerant. itemq; palmulæ pingues eiectionis earum membranulis, & teneræ factæ decoquendo, deinde læuigatæ, & impositæ. Si verò sicciore videatur, cerato antedicto ad consistentiam vsq; admiscebis. Sedata autem inflammatione, antequàm particula liuida fiat, cataplasma ex hordei farina imponendum est. Si verò iam liuor occuparit, incisa cute cataplasma superdandum, locusq; perfundendus aqua calida dulci, sed & marina, aut muria interim proderit. quandoque etiam hæ aquæ cataplasmatibus admisceantur.

## De herpete.

## Cap. XLIX.

HYMOR quoq;, qui herpetem facit, acer est: siquæ flaua bilis impermixta influat, vehemēti acrimonia herpetem exedentē gignit, qui continuā cutim erodendo occupat: qua de re affectio ipsa herpes nominatur: si verò cum pituita misceatur, alterius herpetis, qui militaris dicitur, quiq; eminentias milij similes in cute excitat, causa est. ergo qui prius totū corpus purgat, deinde repellentia partibus affectis applicat, is herpetem rectè curat. at qui primo loco utitur ijs, quæ cuticulæ cicatricem inducunt, is cuticulam quidem sanat, cæterum non vetat, quin de integro priori similis oriatur affectio. Ergo corpus euacuandum est, ut in erysipelate diximus. particulis tamen affectis non eadem imponenda. postulant quidem refrigerantia nō secus quàm erysipelata, sed humectantia non ferunt: eisq; refrigerantia, & siccantia con-



conueniunt. Itaque neque lactuca, neque lenticula palustris, vt refrigerantes & humectâtes offerendæ, sed in principio vitis capreolus, & rubum, & plantaginem oportet illinere, eis deinde lenticulam admiscere. interim verò & mel, & polétam, & cataplasma, quod supra ad inflammationes ex defluxione, amoto semperuiuo, conscriptum fuit. Exulcerata verò medicamentis sunt inungenda, quæ ad herpeté valent, vt pastillis passo, aut vino tenui nō vetere, aut posca diluta resolutis. De his autem vlceribus inueteratis Musæ & Andronis pastillus conuenit. at herpeté qui extimam solūm cutim exulcerat, nisi valde inueteratus sit, nullo horum vngere oportet: nam & vehementiora sunt, & magis quā oportet, siccant. Ergo ad huiusmodi herpetem facit glaucium, huicq; similia, præsertim ex aqua subacta. Si morbus nihil remittat, aceto diluta adhibeātur: siq; succo plantaginis, aut solani soluta imponas, nō mediocriter auxiliaberis. aut lini semen torridum in uino & oleo coquito, & contritum imposito. aut terram Cimoliam solani succo subactam inungito: aut lithargyri drachmas quatuor, porri succi heminæ dimidium, succi solani tantundem læuigata illinuntur.

## De scirrho. Cap. L.

SCIRRHVS ita vt os, durus est, & sensu vacās. isq; sanari non potest. at qui obscurū sensum habet, medicamentis digerentibus curatur. Sed quæ digerunt, & confertim vacuant, & non molliunt, ea primis quidem diebus diminuere tumorem videntur, sed tamē quod restat, insanabile fit: quippe quum id omne, quod tenuium erat partium, sit digestū. ex quo conficitur, vt ea medicamenta aptiora sint, quæ molliāt simul & digerant. Inter mollientia autem sunt adeps,

&amp;



& medulla ceruina: itemq; adeps taurinus, hircinus, & vrsinus, & ammoniacum, bdelliumq; & styrax. horum vsu duritiā dissoluemus, & digerentibus vtēmur, qualia sunt fœnū græcum, finus caprillus cum posca. Componitur etiam medicamentum quoddā à medicis, quod ad vtranq; rem facit: hoc est ad scirrurum dissoluendum, & ad digerendum est accommodatum.

De œdemate. Cap. LI.

**PITUITÆ** fluxio œdema facit. is tumor laxus est, cēdens, & qui digitis impressis cauatur, & sensus est expers. curatur, spongiā poscā imbutā cum ligamēto leniter stringente imponendo. Initium verò deligandi ab inferioribus partibus ducitur, & ad superiores partes progrediendo desinimus. spongia verò noua sit. si talis non sit ad manus, ea quam habeas nitro exterges, & melius etiam, lixiuio quod stillatitiū vocant. Si horum vsu tumor non subsidat, paululū aluminis miscendū erit. Valet ad idem molliissimum ex lucerna linamentū hoc eodem humore imbutum & impositū. glaucium quoq; utile est. Si verò inueterarit œdema, particulam oleo prius inungens, deinde spongiā ex lixiuio impones, arctiusq; cōstringes, atq; ita tumori medeberis. Isatis etiam satiuā tumores hosce mirabiliter digerit, & comprimit. Idē præstat terra omnis pinguis, & magis etiam Aegyptia.

Ad tumorē gutturis, qui bronchocœle dicitur, itemq;

ad aquosum ramicem, qui hydrocœle, & ad

ramicem intestinorum, qui enterocœle.

Cap. LII.

Ad gutturis tumorem: & aquosum ramicem quidam potissimum vtuntur bdellio, quod saliuā hominis



nis ieiuni diluunt vsq; adeò, vt emplastri habeat cōsistentiam. Cupressi autem folia & germina & nuces nouæ teneræq; ramici intestinorum profunt: nam & siccant, & robur humidioribus, laxatisque corporibus addunt.

*Ad dothienas, hoc est, furunculos. Cap. LIII.*

DOTHIENES ex crassis fiunt humoribus: eos digerit, cōcoquitq; triticum commāsū, & superdatum. Idem facit Aegyptia mastiche. itemq; vuas passas eiectis granis terito, sali q; trito paribus portionibus addito, & resinæ admiscens imposito.

*Ad epinyctidas Cap. LIIII.*

APIVM cum polēta illine, brassicæ folia trita impone. hyosciami folia trita ex melle applica. solanū per se, & cum cicuta viridi admoue, aut oliuæ folijs cum aqua coctis vritor. Vuas passas ademptis acinis tundito, easq; splenio illitas imposito. adiantum ex melle tritum adhibeto. Cæterum cauere oportet acrimia, acida, salsa, fomenta, balnea, & solem.

*De verrucis, myrmecio, & similibus. Caput LV*

VERRUCAE conuellentur medicamentis vehemēter vlcerantibus: putrefaciētibus verò interimentur. Ergo corticis salicis vsti cinis clauos, callos, myrmecia, & verrucas, itemq; pterygia, & thymos aufert. Stercus autem ouillum aceto dilutum ad verrucas, myrmecia, thymos, furunculos duros, & clauos facit. grossi cocti tumores duros discutiunt: crudi verò myrmecia, thymosq; expellunt. Plumbi autem lamina tenuis rectè imposita gāglia, ipsum planè abolet. Condylomata verò cōprimunt oliuæ flores cum aqua illiti: aloe cum passo inuncta, pentaphylli radix illita: cydonia cum pane cocta, aut cum polēta: myr-

ci



ti folia combusta cum cerato: propolis antè emollita, & imposita. Condylomata quoq; & ficos aufert auripigmentum illitum, calx viua, & fæx visco excepta, & vt spleniũ superdata. Maximos verò ficos tollit ærugo ferri cum vino dulci inuncta: seminis anethi combusti cinis: alumen scissile tritum cum aceto: alumen liquidum cum pane & vino, & apio. Iam verò cinis palmitum ex aceto illitus & ficos aufert, & chymos, & condylomata sanat, & prohibet ne iterum augeantur.

*Ad perniones. Cap. LVI.*

MARINAM tepidam perfunde, vel decocto betæ, vel lenticulæ, vel erui, vel radicis asphodeli. Facta perfusione lenticulam vino incoctam tere, atq; illine. aut aceti fæce obline, aut bulbum recentè vino mixtum impone.

*Ad digitorum, totiusq; pedis rimas.*

*Caput LVII.*

RIMAS digitorũ, & totius pedis pice liquida obline. cancrum fluuiatilem, aut marinum ad carbones vrito, testam abradito, ex oleo terito ad mellis spissitudinem, scissuris prius absterfis instillato. Bene facit etiam scillæ medulla ex oleo feruefacta, & ex terebinthina leuigata: & cornu ceruinum crematum, & seuo caprino exceptum. Calli verò prius sunt circumpurgandi, deinde imponenda medicamina.

*De leuce, alphi, melane, lepra, & scabie.*

*Caput LVIII.*

VITILIGINEM, quæ leuce nominat, gignit sanguis pituitosus, & glutinosus, qui lōgo spatio tēporis colorem mutarit in albidiorē. Alphorum similis origo est, non tamē tota caro patitur, sed extima solū  
cutis



cutis. Ab humore autem pituitoso alphi albi sunt: melas verò à melancholico. At humor qui lepram gignit, ad imas vsque partes penetrat: scabies verò magis superficiem occupat. Ergo si calcem lotam & exiccata habeas, tantumq; aquæ ei admisceas, quantum satis sit, vt mediocris fiat crassitudo, & inungas, certè curabis. Sed alphi sunt inungendi medicamento magis liquido, crassiore verò scabies, lepra denique crassissimo. Dracunculi radix cum aceto illita alphos sanat: vtrunq; veratrú idem facit: lupinorum quoque amarorum decoctum perfusum, eorumq; farina ex aceto, aut melle illita: radicum capparis cortex cum aceto: lilij radix cum melle: cepa cum aceto in sole illita: crocodili terrestres fimus: Simili quoq; modo sturnorú, cum oryzam solam comederint: sepiæ testa concremata. Ad scabiem verò facit vua taminia, vterque elleborus: lupini amari, vt supra dictum est: cardamomú cum aceto, lilij radix cum melle, resina terebinthina & sulfur: cuius nos fecimus periculum: cicer, stercus caprinum. Lepras verò expellunt ambo anemonæ impositæ, vtrunque veratrum, & albæ vitis radix.

## De impetigine. Cap. LIX.

CVM sanies tenuis, acrisq; humori crasso cõmiscetur, tum impetigines excitantur, quæ faciliè in scabiem, & lepram transeunt. quamobrem medicamenta postulant, quæ valenter exiccent. ergo quibus nihil affertur auxilij ab ijs medicamentis, quæ mediocriter siccant, & exacerbantur ab ijs, quæ siccant vehementer, eas impetigines *ἀγπίας*, id est, feras vocât. Utendum igitur in ijs est medicamentis quæ abundè sint efficacia, nec tamen vehementer erodant. Cicer autem ad impetigines facit, & vtrunq; veratrú, prunorum



norum gummi in pueris prodest, lichen in petris nascens, pix cerato mixta, sulfur cum resina, quod probatū fuit: hominis saliuā in pueris apta est. sed cutis affecta debet digito saliuā intincto continenter cōfricari. Valet quoq; crocodili terrestris finus, itēq; sturnorum, cū solū orizā pascuntur. Ad impetiginem verò recentem, quæ mentum, aut aliam faciei partem obsideat, multa tritici granā capiuntur, & incudi cuidam ignitæ imponuntur, humorq; inde emanās adhuc calidus sumitur, atque eo impetigines inungunt: quo solo remedio pleriq; sanati sunt, aut malux agrestis fructum tenerum collige, cōtundeq; & succū exprime, & serua. hoc impetigines assidue illine. Ad inueteratas impetigines vtor his, quæ subijciam: viticis ergo folia contunde, parum aceti adde, atque illine. aut capparis folia trita ex aceto superda.

*Pastillus ad impetigines. Cap. LX.*

CAPIT autē pastillus ad impetigines accommodatus glutinis figulini drachmas **IIII**. thuris drachmas **II**. aceti heminx dimidium (in quibusdā verò codicibus scriptum est, pares portiones.) aceto soluta illinuntur.

*De inflatione. Cap. LXI.*

SPIRITVS flatuosus, crassusq; & vaporosus est materies inflationum. sed causa etiam adiuuans earū est corporis dēstitas, vt spiritus nō expiretur. Quo circa curationis consiliū eò totum dirigitur, vt densata rarefaciamus, & spiritum crassum attenuemus. id quod medicamentis, quæ tenuium partium sint, efficietur. At si musculi ex contusione inflati sint, digerere necesse est, sed cū ea quæ digerūt, plerunq; sint acria, ex eorum vsu musculos indignari contingit,



git, eorūq; dolores intendi. ergo leniētia sunt digerentib. admiscenda. In hac aut musculorū affectione lenit & decoctū, & ipsum hyssopū cum exiguo oleo: digerūt verò acerū, & lixiuiū stillatitiū. Ergo in principio vtendū est decocto cum olei atq; item vini portiuncula: quod calidum lanis succidis excipiat: cumq; particula refrigeranda non sit, curandum est, vt calor perpetuò conseruetur. Vbi æger lenitus sit, acetum, nitrumq; , deinde verò lixiuium stillatitium miscebitur. postremò digerentia medicamenta sunt adhibenda, vt inflatio subsidat: quale est hoc quod deinceps describā. Sordes è gymnasio feruefacias, ac primū percolato, vt mundæ fiant: & rursus in lebetem conicias, calcemq; viuam tritam, vt farinam inspergas, donec luti fiat spissitudo, atq; vtitor.

*Ad elephantiam. Cap. LXII.*

MIRABILE auxiliū affert iis, quæ elephātiāsin patiūtur esus viperarum: quas qui edere velit, ad hunc modum parabit: primū enim caput & caudam ad quatuor vsque digitos abscindet, interioraq; omnia abiiciet, & cutim auferet: corpus verò aqua perluet, deinde in sartagine non secus quā anguillas, ex albo iure condiet. Ius album fit aqua copiosa imposita, exiguoq; oleo & porro & anetho addito: planum enim est carnes viperarum eò vsq; coquendas esse, dum planè teneræ reddantur. Est etiam accommodatum id medicamentum, quod ex viperis conficitur, quod theriacen nominant: id enim copiose bibere, æger debet. ac si cui cordi sit, cutim eodem inungat. qui hæc omnia faciunt, quandoq; eis euenit, vt squama ex cuti excidat, qualem in serpentibus senectam appellamus. Ad hunc etiam morbū vtimur sale theriaco, & nepita. sed hoc prodest, non solum quia te-

L nues



tenues humores egregiè digerit, sed etiam quia laniem attenuat, & crassos humores, ex quibus elephas oritur, incidit, & secat: non tamen absolutè in quibusvis hominibus ab his remediis incipiendum est: prius .n. omnino purgamus, & quandoq; etiam incidenda vena est.

*De uenenis, & de iis, quæ uirus iaculantur*  
*Cap. LXIII*

DE uenenis neque tutum est indefinitè scribere, neque memoriæ literarum cōmendare omnes curationes, neq; nocumenta, quæ quisq; ex eis nasci dicit: siquidē qui hæc doceat, causam scelestis præbebit, ut multa mala faciāt. At quæ cōmuniter auxiliari creduntur iis, qui medicamentum mortiferum biberunt, ea scribere me operæ precium puto. Itaq; iubendum est iis, qui medicamentū sumpsērunt, ut statim sine vlla mora iniecta plurimum olei cum aqua continenter bibant: postea ciborū omne genus dandum vsq; ad satietatem, & vomitus imperandus: ita enim vel medicamentum simul eiicietur, vel superatum à reliqua multitudine, hebetiorē vim habebit. Si venter post vomitum aduratur, hydrorofaceum potui dabis, & iterum vomitū imperabis. dato etiam theriacam ex vino, quæ sola potest uenenis resistere. Si ea tibi non suppetat, baccas iuniperi nouem, rutæ folia viginti tere, & ad bibendum propina. dato chamæptiyn herbam cum vino. cæteroqui à vino abstinendus omnino æger est. extremæ partes interim contrectandæ sunt. Si verò descendisse venenum videatur, quod ventrem inferiorē morfu vexet, atq; iritet, clysteribus acribus erit vtendum: in quibus sit mel copiosum, & aphronitrum, aut aliquid aliud eorum, quæ aluum magis subducunt.

Com-



Commune remedium. ad omnia lethalia  
medicamenta. Cap. LXIII.

CAPIT hoc remedium galbani denarios quatuor, myrrhæ denarium. Tere, & vino dulci dilue, ac potui da. Aliud. Rutæ folia viginti, iuglandes regiæ duæ, salis grumus, caricæ duæ comedendæ offerantur. quibus qui vescatur, ei nullû lethiferum medicamentum nocēbit. Huc facit etiam origanum, quod cum gallina decoquatur, donec flaccida sit reddita, cuius iusculo vtendum est. itemq; opobalsamû cum lacte muliebri, aut aqua datum.

Ad eos, qui à fungis strangulati sunt.

Caput

LXV.

QVI à fungis strangulati sunt, adiuuantur oxymelite cum nitro epoto. gallinarum domesticarum oua cum oxymelite: eaq; dantur trita ex aqua. radiculae quamplurimæ tostæ ad comedendum exhibentur. aut vini facem combure, & tere, & ex aqua potui dato.

Ad eos, in quibus lac coagulatum est.

Cap.

LXVI.

Hos curabis, si acetum potui dabis, aut passum, multum coaguli cum aqua fontana. aut silphiû & sulfur paribus portionibus tere, & ex posca bibendum præbeto.

De hirudinibus.

Cap.

LXVII.

QVI hirudines deuorarint, ijs acetum quam acerrimû potandum dabis, aut muriâ. sed ijs etiam vtendum est, quæ aluum soluunt: siquidem hirudines vnâ cum excrementis exire per anum consueuerunt. Ad eas valet anagallidis succus epotus. & thymum tritum cum aceto acri in potu sumptum. at nos allium comedendo hirudines eiicientes, nullius eorum, quæ

L 2

modò



modò dicta sunt, indigemus.

*Adictus uesparum, atque apum. Caput LXVIII.*

MALVAE folia tere, & ictis à vespis, aut apibus impone. aut sesami folia, aut ipsum sesamum illine.

*De scolopendra. Cap. LXIX.*

MYRIA acri fouendus locus est, qui à scolopendra ictus sit. aut cinerem cum aceto eidem impones.

*De mure araneo. Cap. LXX.*

AD plagam verò, quam mus araneus attulit, alliū cum membranulis suis terito, & cuminum pari pondere ex oleo dilue, & plagam obline, & loca adiacentia inunge. Si verò cutis rupta sit, vlcusq; extet, muria erit perfundendum: & hordeum vltum vlceri imponendum: sed vlcus nō rumpeatur, nisi mus araneus qui morsum inflixit, prægians sit.

*De iis, quos homo, canis, & simia mordit. Cap. LXXI.*

SPONGIAM aceto imbutā impone: aut fœniculi radicē contunde, & cum melle admoue: aut irin Illyricā cum melle: aut ficū, aut amygdalas amaras tere, & superda: aut salem, aut lythargyrum læuigabis, & applicabis. Ad ea verò, quæ iam suppurata sunt, eruū læuigatum cum melle facit: ad teruida verò lithargyrum tritum ex aqua inunge.

*Ad rabiosi canis morsum. Cap. LXXII.*

CANCROS viuos in patella æris rubri impositos vre vsquedū ad leuorē faciliè redigantur. Vrendi autem sunt post canis exortum, cum Sol in leonē transiit, Lunaque est decima octaua: & medicamentum: conficiendum. In cancrorum autem partes decem, gentianæ quinque, & thuris pars vna coniiciuntur.  
datur



datur hoc potui ijs, quos rabiosus canis momordit, usque ad quadraginta dies quotidie ad mensurâ cochlearij magni aquæ inspersum. Si verò post aliquot dies curandû suscepis eum, qui morsus fuerit, duo cochlearia dato. ipsi autem vulneri applica medicamentum, quod capit picis brutiæ libram vnam, aceti acerrimi sextarium vnum Italicum, opopanacis vncias tres. his qui vtetur, is semper à cane rabido morsos seruabit. Cæterû nepita arida ad morsus animalium venena iaculantiû valet, cum facilè ex imis partibus corporis omnem circumiacentem humiditatē ad se trahat. Iam betonica vlceribus illita cunctis bestiarum morsibus medetur. Simili quoq; modo super linteo vlceri apposita. in potu verò iuuat agrestis rutæ semen: coagulum nouelli lepōris: betæ radice sucus: quæ cum vino sumenda sunt.

*Quomodo viperæ citra periculum capi possint. Cap. LXXIII.*

Si quis manus suas radiceis dracōtij succo inûgat, is viperas capiet, nec molestiâ vllâ sentiet. Sed quorū hæc ad te scribimus, qui & theriacæ ex viperis cōfectæ periculum fecisti, & nosti etiam ab ea statim iuari eos, quos bestia virus eiaculantes, & venenum relinquentes momorderint. Theriace tamen debet optimè parata esse, summaque diligentia, & magno usu, exquisitaq; experientia cōfecta: eaq; quæ imponuntur, propria vi, suaq; virtute prædita esse, vt neq; propter ætatem, neque propter sexum sint imbecillia: qualis esse solet quædam theriace, quæ à plerisq; per solam experientiam conficitur, & venditur, solumq; aurex nomen habet, cæterum ab antedicta actione longè abest: quorum alterum ex ignoratione contingit, alterum verò ex eo, quòd multa simplicia

L 3 medi-



medicamēta, quæ magni æstimantur, in eam induntur. Sed tu non ignorabis quænam sit optima theriaca, neque item cæteri, qui tui similes medicinæ studio tenentur: semper enim à nobis, & ab ijs, qui æquè ac nos eam conficiunt, accipietis quæ res fecit, ut eius confectionem hoc loco non esse describendam censuerim, cum difficillimum esse intelligā, optimā eius apparandæ rationem exponere: atq; adeò, ut ne medici quidem ad hunc experientiæ gradum peruenire posse videantur.

## LIBRI TERTII

FINIS.



**C**VM morborum pertractatio finē sit consecuta, tempus iam est, vt locorum affectorum curationes exequamur. itaq; à capitis affectionibus initium dicendi sumemus.

*De capitis doloribus, atque inflammatione. Cap. I.*

**C**APITIS dolores, qui ex æstu oriuntur, curantur, si totum sinciput rosaceo salis experte inungas. qua in re cauere debes, ne posteriorem partem capitis, quæ ad occiput est, contingas: cum caput ea parte non facile exuratur: cumq; inde ortum ducat spinalis medulla, ne aliqua noxa consequatur. Si rosaceum tibi non sit ad manus, omphacino vti poteris. In pueris autem mulieribusq; & ijs, quorum mollis caro est, chamæmelinum erit idoneum. Vbi autem refrigeratione, non tamen vehementi, opus est, hæc refrigeranda sunt, tum adhibenda. id quod faciemus, si in aqua gelida vas statuamus, aut in niue, si nix adsit. Sed si hæc nobis non suppetat, oleo rosaceo addenda erit aceti quarta pars. Si caput vehemēti æstu conflitetur, admiscebis succū semperiui, aut portulacæ, aut lactucæ, aut psyllij, aut acrostæ ex immaturis vuis expressam: itemque id, quod ex cucurbitæ ramentis expresseris. Dolores autē, quos frigus excitauit, curabis sinciput oleo rutaceo, aut laurino perfundēs. Si maiore calore opus sit, modicum euphorbij oleo adicies, caputque nardino vnguento & amaracino oblines, ac frontem, nariumq; & aurium meatus aliquo calefaciente inunges. Sunt qui plantam quoq;

L 4 pedum,



pedum, & anum inungant. at vbi capitis dolor ex calida frigidave intemperie inueterarit, caput radendum est, ijsq; quæ diximus, & item emplastris & ceratis vtendum ita, vt calidas intemperies refrigeremus ijs, quæ ad erysipelata curanda valent: frigidas refrigeremus calefacientibus medicamentis, quale est simplex, quod ex euphorbio conficitur, in quo est vna euphorbij vncia, ceræ vnciæ tres, & olei lib. vna. Dolorem verò capitis ex acri humore in ore stomachi collecto, & vapores ad caput mittente curabis euacuatione, quam vomitib. facies, vt molestus humor educat. Si euomere ager nō possit, statim alendus est alimento, quod facile concoquat, idoneumq; stomacho sit: & ad moderatā quantitatem. Sequenti die absinthium potui dandum, & deinde victus ratio ita instituenda, vt diligenter obeat concoctionem: tertia verò quartave hora tantum panis offerendum est, quantum satis sit, vt vsque ad balnei horam ferat. Si verò quis panem per se non queat edere, ei oliuas, aut vuas, aut palmulas, aut aliquid tale dabis: è quorum numero id eliges, quod melius esse experientia didiceris. Pessima autē affectio est, cum vitiosi humores in ventriculi tunicis sunt infarcti, quos picra ex aloë euacuare opus est. At si calor vnà cum spiritu flatuoso dolorem capitis crearit, in principio repellemus solū vsu refrigerantium: deinde verò repellentibus lenientia, & concoquentia medicamenta admiscebimus: tum aliquid digerens atq; attenuans addemus repellentium vim paulatim diminuens ita, vt plurimū sit quod attenuet, digeratq;: parum verò quod leniat, & concoquat: paucissimum deniq; quod repellat. sæpenumero enim fit in meatibus constipatio spiritus flatuosi, vel etiam crassorum, glutinosorumq; succorū: eaq; tanta est, vt uix lon-



longo temporis spatio ille obex ibi interiectus dissoluatur. Si ex febris vehementia caput doleat, neq; crisin ostendat, ei medeberis, si admoueas quorum qualitas, facultasq; refrigerans est: quale est oleum, & oxyrhodinum, & capita papaueris oleo incocta. Qui ex nimio vini potu caput dolent, refrigerantibus curandi sunt: vapores enim qui caput molestia afficiunt, sunt calidi. itaque rosaceum non admodum frigidum admotum satis est. sed & quies, & somnus profunt. Vesperis autem lauandi sunt, & cibis boni succi, ac non calefacientibus alendi. huiusmodi sunt cremor ptisanæ, sorbitio ex alica, oua sorbilia sine garo, lactuca, quæ refrigerat, & optimi succi est. & brassica, siquidem ea vapores siccet: simili quoq; modolens. potus verò esto aqua omnino. Si stomachus subuertatur, malum punicum sumatur, itemq; pomum coctum, aut pirum. Somnus postea imperandus est. à somno lauandus æger est aqua calida diu perfusa, atq; iterum dormiendum, aut quiescendum, & secundo lauandum, & eodem modo cibus offerendus. Si verò meliusculus esse ægrotus incipiat, neque aquæ potum ferre queat, iube vt vinum aquosum dilutius bibat, vescaturq; piscibus saxatilibus, & quorum mollis caro est: itemq; pullis columbinis sine garo coctis: bibat verò vinum, & ius simplex ex aqua solum, & anetho, & parua porri portione confectum, cui etiam post coctionem quæ satis sit, modicum salis sit impositum. Si quæ reliquæ vaporum, aut humorum permanserint, perseueretq; constipatio, & dolor, rosaceum non erit præterea dandum, sed chamæmelino modicè calido vtendum, deinde verò irino. postea verò his miscendum modò amaracinum, modò verò nardinum. In ijs autem qui ex plaga, aut casu dolore capitis vexantur, scire oportet, nihil ab inflammatione



matione differre. Siq; intra caluariam inflammatio pertingat, is capitis dolor non vacans periculo iudicabitur. Ergo curationis initium à venæ sectione & clysteribus sumendum est: fatusq; ex sponsia adhibendi, & carptus ex lana molli, qui oleo calido imbuti sint, imponēdi: & cetera facienda erūt omnia, quæcunq; ad inflāmationes fiunt, Ad puerorum verò adustiones, quæ siriaſes dicuntur, vtiliter syncipiti imponuntur cucurbitæ ramenta: aut cucumeris qui pepo est, cutis quæ carni adiacet: aut succus foliorum solani hortensis cum rosaceo.

*De cephalæa. Cap. II.*

Inueteratum verò, ac solutu difficilē capitis dolorem, quiq; paruis de causis exacerbetur, vt æger neque sonum, neque vocem altioſem, neq; vehemētiorem splendorem ferre queat, cephalæam nominant. Videndū autem est, vtrum ex plenitudine, an ex obstructione, an verò ex inflammatione oriatur: nam dolores aggrauantes, multitudinem indicant: erodentes, vaporum aut humorum acrimoniam: pulſantes, inflammationē corporis membranosi: si grauitas etiam adſit, multitudinem intra mēbranas contentam. Si igitur copia vaporū, aut humorum in causa sit doloris, si ob totius corporis expletionem eueniat, totum corpus euacuando cephalæam curabis: si ex imbecillitate illius partis lenienda pars est, & materia in totum corpus reuellenda, itaq; affectæ particulæ remedium afferes. reuelles autem clysteribus, deligationibus, & inferiorum partium frequentibus frictionibus. quandoq; etiam sanguinis detractiōe euacuabis. parti verò ipsi medeberis, cū reuellentibus vsus fueris, si perfusionibus, in quibus repellendi vis sit, vt aris. postea verò euacuātibus, tum roboran-



borantibus. Repellit autem oleum omphacinum, & rosaceum, & oxyrhodinū, & quod ex papaueris capitibus, quodq; ex germinibus oleaginis teneris, & item quod ex hederæ corymbis mentaq; viridi conficitur. Cumq; plenitudo frigidior, crudiorque sit, hæc tepida imponenda sunt: at cū illa sit calidior, ac biliosior, hæc frigida adhibenda. vim autem digerendi habet oleum calidū, & magis quod vetus est, & item anethinum, & ficyonium. Si multitudo crassior sit, spondyliū, aut serpillum, aut pulegij comam, aut nepitam, aut mentam incoquens euacuabis: hæc enim præter quàm quòd multitudinē euacuant, robur etiam particulæ afferunt. quocirca eis ad perfectam vsq; sanationē vti conuenit. si verò etiam vsus postulabit, purgatio quoque per nares, & sternutamenta obiri poterit. atq; etiam in balneis fricari caput linteis asperis expediet, & salem cum nitro ac sinapi sine oleo superaspergere.

## De hemicrania.

## Cap. III.

NONNULLI sunt, quib' dimidiū capitis dolet. idq; oritur vel ex vaporum, vel ex humorum, vel ex utrorumq; influxu. In primis ergo aut purgandi sunt, aut mittendus sanguis. tum remedijs localibus vtendum. fricare quoque ex linteis, aut digitis manus opus est dimidiū frontis, præsertim verò quā musculus temporis est, idq; ante horam accessionis. Post accessionem verò medicamenta adhibenda, quæ hemicranica nominantur. Si quæ in dolore caloris sensus appareat, ijs, in quibus refrigerans aliquid insit: sin secus, ijs, quæ abundè calefaciant. vtrisque verò aliquid ex ijs quæ robur addunt, misceatur, quòd facultatē adstringendi habeat. Optimum autem vnguen calefaciens est id, quod recipit euphorbij vnciam vnam, ceræ



cerae uncias tres, & olei alicuius tenuium partiū libram vnā. hoc vnguine media pars frontis cum temporis musculo inungenda est: hoc enim ad frigidas affectiones est accommodatissimum, vtpote quod vel semel in balneo illitum dolorem omnē sepe numero abstulerit. Iuuat ita affectos oleum, in quo parum euphorbij iniectum sit, in aures instillatum: satis enim erit si in olei libram, euphorbij vnciæ dimidium iniicias.

*Ad eos, qui caput mobile habent. Caput IIII.*

Qui caput mouent, si stœcadem ex aqua, aut ex hydromelite bibant, sanescunt.

*De alopecia, & ophiasis. Cap. V.*

Cum alopecia, & ophiasis cōmunē originis causam habeant, cōmuni quoq; medendi ratione curantur. atque ophiasis quidem nominatur affectio, quia serpentis, quem ὄφις vocant, speciem, figuramq; repræsentet: alopecia verò inde nomen inuenit, quod vulpes, quæ ἀλώπηξ dicitur, hoc malo sepe corripitur. Oritur autē plerunq; ex vitiosis humoribus capite cōtentis: sed malitiæ speciem ipse capitis color indicat: quippe albidior pituitosum, nigrior melancholicum humorem, pallidior flauam bilim arguit. Ea ergo humorum malitia inanienda est vel catapotijs ex aloë, & colocynthide, vel hiera, cuius suprâ feci mentionem: si melancholicus humor redundet, elleborum nigrum ei miscebis: si amara bilis, scamoneam: si pituita, nihil ad miscebimus, sed totum corpus euacuabimus, tum caput apophlegmatismis inaniemus, & auxilia, quæ malitiam humorum probè discutiant, quæ sint etiam tenuis substantiæ, imponemus. Si verò remedia cum discutiente facultate



te vim etiā habeant sanguinis extrahendi, vt est thapsia, erunt præstantissima. ergo caput radendum est, tum fricandū. mox vbi frictione vsus fueris, diligenter cutim considera: si enim post breuem frictionem pars rubescat, tum affectionem facilè sanabilem puta: si verò post adhibitum medicamentū hoc fiat, caue ne cutis plus quàm par est, ex vehemētia medicamenti sit excalefacta. idq; nobis perspicuū facit cutis, quæ magis flaua videatur: est enim periculū, ne si sæpius eo medicamento vtamur, cutis exuratur. Ergo necesse est vel ad aliud transire, vel si eo vti velimus, eius imminuenda vis erit cerati, aut adipis admixtione. Cæterum hæc omnia remedia in aere calido, in sole, cum ventus nullus fiat, adhibeātur: si hyems sit, in balneo. Iam verò omnib. remedijs, quæ ad has affectiones sunt accommodata, calidius euphorbium est, deinde thapsia, tum sinapis, & nasturtiū. Alio verò modo limnitis est nullo inferior, deinde adarcium, tum sulfur vernicarium, & vtrunq; veratrum, & erucae semen, & oleum laurinum, & vtraq; alcyonia cōbusta, & arundinis radix, & cortex combusti. pix quoq; & cedria, & sterces muris, & adeps anserinus, & amygdalæ amaræ totæ vstæ. cum vltus verò postulabit, potentioribus, liquidum ceratum, imbecillioribus verò oleum laurinum, aut picem liquidam admiscebis. Ex his autē affectionibus inueteratas & sanatu difficiles potētioribus, incipientes verò, & facilè medicabiles imbecillioribus remedijs curabis.

*De capillis fluentibus.* Cap. VI.

CAPILLI fluūt vbi cutis rarefacta est, & alimētū, quo nutriuntur, ad eos non accedit. Curationis ergo consilium eò dirigitur, vt sangui extrahatur, & cu-



cutis laxa paulatim densetur, & quibusdam medicamentis cōstringatur. huiusmodi sunt ladanum, atq; oleum lentiscinum, quæ per se faciunt: vtrunq; enim vim habet attrahendi & cogendi, vt nullum præstantius ad fluentes capillos medicamentum, quàm quod ex ladano, oleoq; lentiscino constat, excogitari posse videatur. Perspicuū autē est abrais crinibus spissius medicamentum imponendum esse, tōsis verò, liquidius. Si verò abundē crines decidant, maiorēq; raritatem subesse existimemus, vtile erit pro lentiscino myrteum oleum ladano admiscere. vtiliter quoque nardinum vnguentum quandoq; addetur, vt in frigida ætate, & hyberno tempore. Antequàm verò caput medicamento oblinas, fricandum est. sæpenu-mero autem capilli ex ægritudine defluunt: in quo casu victus ratio adhibenda est, quæ vires reficiat. quæ quidem plerosq; sine vsu medicamentorū planē curauit. Quandoq; etiam pili sine ægritudine cadunt, ad quorum curationem vtimur iis, quæ præposuimus: aut sambucum combure, ceratoq; admisce, & vtitor: id enim augebit, densabitq; comam, vt ne amplius decidat. Vel melanthiū combure, cum aqua tere, & vbi volueris pilos nasci, ibi inunge: maximè verò in superciliis, aut palpebris. Si verò propter loca ambusta pili ceciderint, folia ficulna vsta & trita, atque illita erunt ad pilorum ortum accōmodata.

*Ad ea, quæ capillos corrumpunt, eosq;  
pulchros faciunt. Cap. VII.*

TRES sunt eorum, quæ capillos vitiant, differētiæ: quæ pilos euellunt, quæ attenuant, quæ denique omnino eos auferūt. Sed horum vsus periculosus est: quia sæpe non solū inunctas partes pilis nudant, faciuntq; vt reliquum tempus glabræ maneant, sed  
etiam



etiam in causa sunt, vt totū corpus nudum pilis red-  
datur, itaq; perseveret. aliorum duorum vsus est tu-  
tus. Ergo ex iis quæ partes glabras tutò faciunt, vti-  
le est lixivium stillatitium, itemq; arsenicum, sanda-  
racha, & calx viua. aliquid autem eorum quæ vehe-  
menter vlcérant, alicui imbecilliori miscendum est.  
Quæ verò pilos attenuant, ea abstergentem vim ha-  
bent. inter quæ mediocria sunt hordeum, fabarum &  
erui farina, aphronitrū, nitrumq;. Valentia verò quæ  
magnos, duosq; pilos attenuant, sunt nitrum com-  
bustū, testa fictiliū, clibanorumq;, pumex non vltus,  
& ignem expertus, testa buccinarum, purpurarū, &  
aliorum ostreorum concremata, & sepiæ testa etiam  
non combusta: alcyonia, veratrū, & bryoniæ radix.  
Si quis hæc facere odorata voluerit, cyperum, & me-  
lilotum, & rosas siccas, & amomum, & iunci odorati  
flores addat, vrticæ agrestis semē tere, oleo addito  
perfricabis, & pili decident. Melle crudo obline quē  
volueris locum in modum dropacis, & pili non am-  
plius prodibūt. Psilothrum verò hoc modo fit: Cal-  
cis viuæ læuigato partes duas, auripigmenti partem  
vnā: hæc in pilam plumbeam conicito, & aquam  
aut ptisanæ cremorem affundens tere: cumq; nigra  
fient, calefacito, & illinito. Oryzam, aut fabas expur-  
gatas, aut ptisanam aqua incoquito, hacq; pro aqua  
vtitor, tum auripigmentum, & calcem viuam admi-  
sceto, & coquito psilothrum, vt mos est: deinde ve-  
rò ei adde myrrhæ vnciam vnā, mastiches vnciā  
vnā, pumicis crudi vnciæ dimidium, atq; vtitor.

*Vt canī non nascantur. Cap. VIII.*

FACIES autē ne canī exoriātur, si cucurbitā agre-  
stem capias, eam pertundas, & interna diligēter pur-  
ges: tum oleo laurino impleas, addasq; hyosciamū,  
&



& auripigmentū non trita, & vnum diem ita dimit-  
tas: denique semel in anno vtiliter vngas in pueris,  
& pulchros, densosq; capillos gignent. Nucis cor-  
tex vstus, tritusq; ex vino illinitur. loti arboris folia  
cum cameli stercore misce, & cum oleo obline: fla-  
uos enim crines faciet. lupinorum cortices cum ni-  
tro per dies decem macerato, tum crines eo abster-  
geto. decoctū scobis loti arboris ad idem valet. Ni-  
gros capillos faciunt detergendo hæc: dilutum gal-  
larum, acramenti sutorii, & malicorii, ladanum cum  
myrteo vngvine. serius id facit oleum ex oliua agre-  
sti, quotidie illitum. & magis etiam myrtinum infu-  
sum. facit autem vt serius pili in locis consuetis na-  
scantur, lachryma vitis cum oleo inuncta: & humor  
emanans è viridi farmeto, quod comburatur. itemq;  
fabacea farina illita.

## De porriginē.

## Cap. IX.

PORRIGO ex vitiatis oritur humoribus. nostrū er-  
go consilium esse debet, vt abstergentibus, digeren-  
tibusq; medicamentis eos absumamus: corpore ta-  
men prius expurgato, si mali succi sit plenū. Sed qui-  
dam cum caput roborare vellent, antedictis aliquid  
eorum, quæ adstringunt, admiscuerunt.

## Ad porriginem. Cap. X.

FVREVRVM sextarium mediū in duabus aquæ hæ-  
minis macerato, deinde confricabis, per colum traii-  
cies, sucumq; coques cum aceti media hemina ad  
vini spissitudinē, eoq; caput illines: postea caput a-  
qua lauabis, in qua beta, aut fœnum græcum, aut lu-  
pini cocti sint. Pro vngvine autem irini vnguenti fa-  
cibus vtor. Sed hoc vt accommodatiore, efficacio-  
req; vtendum est, quod habet terræ Cimoliæ, sulfu-  
ris ignem non experti pares portiones, quæ trita ex  
aceto,



aceto in balneo illinuntur: tum aqua calida abluuntur. sed hoc non solum in balneo, verum etiam alibi uti poteris, cum omnes habeat vires, quibus ad affectionem depellendam opus est: lithargyri, rutæ, olei, aceti quartam partem heminae tere, & caput illine. id enim fuit nobis experimēto satis comprobatum.

*De pediculis. Cap. XI.*

SAEPENVMERO pediculorum copia in profunda capitis cutē generatur, cum superuacanei, modiceque calidi humores subsistunt. ergo medicamenta siccantia, quaque vacuare, & trahere apta sunt, adhibere oportet. cedria pediculos & lendes interimit. Idē facit hederæ lacryma, & vux taminia partes duæ, sandarachæ & nitri vtriusque pars vna, ex aceto, atque oleo caput vngito. aut oxylapathi radices eodem modo in oleo. & veratrum album: aut staphide agria & nitro ad pares portiones in balneo utitor: aut marina, aut muria pura cum aceto caput perfundito.

*Ad vlcera capitis manantia, quæ achores dicuntur, et ad fauos. Cap. XII.*

QUI achor nominatur, in cute capitis consistit, tenuiaque habet foramina, per quæ tenuis modiceque viscosa sanies effluit. Huic similis affectio est ea, quæ fauus appellatur. maiora tamē habet foramina, quibus humor melli similis continetur. eò igitur dirigere consilium oportet, ut humores, à quibus oritur, euacuemus: quique adhuc eò fluunt, capitis totiusque corporis euacuatione prohibeamus, ut in alopecia dictum est nobis. Cum verò parua affectio est, sæpe remedia foris adhibita sufficiunt. huiusmodi sunt quæ crassitiem humoris secant, & digerunt. Nonnulla autem medicamenta, cum nullum excrementum in toto corpore est, achores incipientes curant: eaque adstringendi,

M gendi,



gendi, & repellendi vim habent, vt myrtus, eiusque bacca, & pineus cortex: nonnulla verò ijs auxiliantur quæ in superficie sunt, & mediocres, eaq; digerunt, abstrigentque sine calore, qui sensum moueat, nec quicquã habent, quod iritet. talis est beta, & plumbum vstum. Nonnulla verò ita vehementem vim habent, vt valde crassos, glutinososq; humores, à quibus originem ducunt achores, euacuare, & quamuis iam obduruerint, dissoluere possint. huius generis est chalcitis, & vini fæx, & calx viua. acetum verò in omni tempore ad achoras vtile est vel maximè, si quidem incidit, digerit, ac repellit. debet autem id esse exquisitè acre, neque vllam habere vini qualitatem. huic adiungens aliquid metallicum, achores curabis. Sed initium ab imbecillioribus ducere conuenit, ac maximè cùm dolor eos comitat. Hanc ad rem vtile est Creticũ, terra Samia, pompholyx, spodium & litargyrus. si hæc non agat, impone medicamentum siccum ex charta aceto dilutum. Si id medicamentum quod ex charta conficitur, tibi non suppetat, chartam per se combures, aceto imbues, & vteris in ijs, qui dura carne sunt. Si achor inflammationis sensum inuehat, aut ei dolor sit coniunctus, planum est eum sedandum in primis esse. idq; concoquente, molli ente, & liquido & morsus experte medicamento, quale est id, quod ad sedis inflammationem dolo remq; pertinet.

*De oculorum turbatione. Cap. XIII.*

OCULORVM turbationes ex fumo, aut æstu, aut puluere exortas, aut quod defixis oculis splendore aduersum quispiam intuitus sit, facile sedabis, si iubebis, vt à fumo æger discedat, caputq; operiat, ne à sole contingatur, atq; in vmbra vadat. Cæterum ab oculis



oculis puluerem abluat primùm quidem aqua tepida & dulci, deinde verò etiam frigida. à splendore verò auertat oculos, tum oculis valde conuiueat: ita enim turba omnis sedabitur, nec re vlla erit præterea opus. sed cibus erit parcior, potus verò propter æstū, largior. Si verò somnus arctior & profundior irrepit, lippitudo, quæ subesse videbatur, concoquetur. quam ob rem non erit à balneis abstinendū, sed diligentior victus ratio instituenda erit. Si lippitudo aliqua incipiat, quies imperanda est, palpebræq; aliquo medicamento ex rosīs, aut croco inungendæ: pleriq; enim non sunt horum remediorum indigentes. lemas verò in oculis, & agglutinationes, quæ per noctem fiunt, purgat, remittitq; rectè tum posca, tum aqua frigida per se. & aliquid siccum, quod ex oculis leniter lachrymas excutiat. sed ventris etiam subductio eosdem iuuat.

*Ad inflammationem, doloremq; oculorum.*

*Cap. XIII.*

CVM inflammatio & dolor oculos obsideat, si medicus adsit, facito vt ipse medeatur: si non sit, tu ea quæ possis facito, vsquedum medicus accedat, ne quid difficilius contingat. Ergo à cibis ægrum abstinabis, eiq; quietem imperabis: dabisq; operam vt lucem vitet: atque ne sonis, aut aliquo alio motu dolores intendantur. tum pedes contrectabis, & extremas partes quandoque vinculis excipies: hæc enim dolorem leniunt. Porro ad inflammationes faciunt violæ folia imposita, & muliebre lac recens cum ouo & rosaceo foris admotum.

*Ad oculorum fluxionem. Cap. XV.*

SI fluxio oculum infestū habeat, medicamentum agglutinans fronti superdabitur. Ergo thus tritum &

M 2 triti



triticeam farinam oui candido excipias, atque adhibebis. prodest autem caput tenere in sublimē elatum, & quiescere, & extrema deligare. At si fluxio falsa, & acris sit, erit reddenda dulcis infundendo lac, & oui candidum. lemæ autem leniter, molliq̃ue spongia auferuntur. Si magnus defluxionis impetus sit cum dolore coniunctus, cataplasma hoc imponito, quod habet rosarum siccarum drachmas quatuor, croci drachmam vnā. excipiuntur dulci meliloti decocto.

*De senum hebetudine. Cap. xvi.*

HEBETVDINES, quibus senes corripī solent, frictionibus, gestationibus sedabis: itemq̃; moderata vitus ratione, vsuq̃; acrium, & caput pectendo, & absinthij ante cibum, & thymi, origaniq̃; & aceti scillitici potione, & oculorū inunctione ex ijs, quæ oculorum afferre claritatem dicuntur. conueniet etiam sternutamenta quotidie ciere, gutturq̃; inungere, & pituitam reijcere.

*De hordeolo palpebrarum. Cap. xvii.*

HORDEOLVM verò, quod in palpebris nascit, fortu ceræ albæ discuties hoc modo: cera liquata afferenda est, & specillo calida loco admouenda. sed idē discutit galbanum, quod ex modico nitro imponatur.

*De nyctalope. Cap. xviii.*

NYCTALOPES curātur, si iecur hircinū afflaueris, & interim dum affatur, sanīem quæ liquitur, collegeris, eaq̃; oculos inunxeris, & ipsum iecur comedendum dederis. præterea asininū finum exprime, eoq̃; succo oculos vnge. Dicuntur autem nyctalopes, qui per diem clarè vident, sed nocte appropinquante deterius cernunt.

Ad



*Ad oculos ex plaga subcruentos.**Caput XIX.*

Si oculus ex ictu subcruentus sit factus, in principio, cum adhuc inflammatio locum occupat, sanguis columbæ calidus, aut turruris locum expurgat. & ite si foueas spongia, quæ modicum salis acceperit, modò tamē ne tunica oblæsa sit. si enim sit læsa, ex aqua sola fouendus oculus est. benefaciet quoq; lana, quæ ouo & rosaceo sit imbuta, quam leuem oculo admoveas. stæbes etiam folia viridia illita iuuant, & brassicæ folia imposita. Si malum inueterarit, hæmalops dicitur: ac tum quidem hyssopi coma terenda est, & in linteo panno ligata in aquam feruentē coniicienda, & postea oculis admouenda: sanguis enim consequetur, vt ipsum ex linteo possis exprimere. Si verò ex plaga œdema cōstitierit, fouendus locus est spongia cōtinenter, tum spongia noua aceto madens imponenda. Cum tumor inueterarit, sinapen tritā cum aqua appones assidue, & auferes.

*Ad pilos palpebrarum oculos iritantes.**Caput XX.*

QVIDAM pilos palpebrarū, qui oculum infestant, vulsella euellunt, sed paulò post dolore ægrum excruciant, cum plures subnascantur, & pungant. ergo prius quàm euellantur, præstat eos pilos naturalibus pilis agglutinare pice & gummi. Bene etiam erit habere paratū medicamentum, quod habet mastichen, ceram, thus, & picem siccam. hæc autem in vnum redigenda sunt mandendo, vt diligenter ex omnibus vnum fiat: tum in pastillos conformanda sunt, & reponenda. vbi verò vsus postulabit, specillo igni candente medicamentū excipietur ita, vt liquefiat, atque ita pili agglutinabuntur.

M 3 Ad



*Ad lippitudines ex niue. Cap. XXI.*

SPECILLI cuspidē in rosas cōijce, vt coloretur, eoq;  
oculos inungito, triticum super ferro igni candente  
afflatur, eoq; cum vino palpebræ inunguntur.

*Ad palpebras, in quibus vel rari, vel nulli pili sunt.*

*Cap. XXII.*

MVRIS fel, hirci stercus ad hanc rē faciunt. & de-  
fluuio quoque palpebrarum prosunt, & pilos redu-  
cunt.

*Ad vlcera oculorum. Cap. XXIII.*

CROCVM in muliebri lacte macerabis, ac teres,  
tātumq; gummi albi addes, quantum satis sit ad cro-  
ci consistentiam. colyria confice, & vttere cum mulie-  
bri lacte intillando.

*Ad albugines, obscuritatem, suffusionem, hebetudinem,  
caliginem, epicaumata, acutum aspectum, ptery-  
gia, & albugines tingendas. Cap. XXIIII.*

ALBUGINES celeriter sanat nitrum cum oleo læ-  
uigatū diligenter, & inunctū. eas etiam attenuat om-  
nis anemonæ succus. Obscuritatem verò omnem &  
suffusionem incipientem curant vulturis fellis partes  
duæ, succi marrubij, mellis Attici, singulorū pars vna:  
aut fel ursinum cum duplo aquæ. Exacuit autem aspe-  
ctum capnij succus, siquidem non paucas lachrymas  
trahit. Libanotidis autē radicis & herbæ succus mel-  
li admixtus omnes hebetudines, quæ ex crasso humo-  
re fiunt, curat. facit ad idē marrubij succus cum mel-  
le. lactucæ agrestis liquor facit etiam ad sordidam o-  
culorum exulcerationem, cui epicauma nomen est,  
cum mulieris lacte subunctus. Medicamentū clari-  
tatem visui comparans. Mali granati granorū suc-  
cum exprime, & in vas atticum conijce, ac linteo cir-  
cunda:



cunda, & ad solem expone, donec ad mellis spissitudinem redigatur. & pari portione mel adde, & extratum in vas picatū repone, & serua: id enim inueteratum fit melius. Vbi dormitum iturus sis, eo leuiter oculos inunge. atque hoc pictoribus, sculptoribus, aurificibus, senioribusque conueniet. Aliud.

Fel hyænæ Attico melli admisce, & vtere. hoc hebetudines cohibet, & incipientes suffusiones diffundit: sed si inueteratum sit, erit melius. Pterygium verò si magnum sit, ac durum iam effectum, medicina ex manuum opera petenda erit, & medicus adhibebitur. at si molle & paruum, curabis liquore ægyri cum duplo mellis inungens. Sepiæ testa combusta & sali fossili mixta pterygium absument. Albugines verò tinges, si mali granati dulcis carnem teras, paulatim aquæ modicum instillando, multumque læuigando, & postea oculos illinendo. vel alterci succo dies quindecim inunge: hoc enim tingit, & intra annum abolet omnino.

*Ad pulchras palpebras faciendas. Cap. xxv.*

IN pueris autem, & ijs qui molles sunt carne, facit hoc, quod capit stibij drachmas xvi. plumbi drach. viii. croci drachmam, florum rosarum, myrrhæ, nardi Indici, piperis albi, thuris masculi, singulorum drachmam vnam, ossa palmularū numero xxx. omnia in vas fictile coniiciuntur, diligēter assantur, deinde in mortario teruntur, tum opobalsami cochlearia duo induntur, simulq; conteruntur. ea deniq; siccabis, atque vteris.

*Ad rupta in oculo. Cap. xxvi.*

LAPIDEM hæmatitē in cote deteres cū lacte muliebri, eoq; per diem sæpe oculum inunge. Aut viticis folia cum aqua & polenta tere, atque impone.

M 4 Ad



*Ad palpebras crassiores, subcruentas, & granorum  
mili j plenar. Cap. xxvii.*

PALPEBRAS inuerte, ac specillo calido læuigabis.  
aut folijs ficulnis & melle subunge: aut vinum auste-  
rum melli admixtum illine.

*Ad scabiem oculorum. Cap. xxviii.*

PVNICI dulcis, acidiq; succū coque donec mellis  
spissitudinem acquirat, eoq; inunge.

*Ad palpebras lepra affectas. Cap. xxix.*

PALPEBRAS verò quas lepra obsideat, sanabit fi-  
culnus liquor illitus. vel vitior salis spuma.

*Ad palpebras duras, & que difficulter mouen-  
tur. Cap. xxx.*

MEDVLLAE vitulinæ & ceræ pares portiones cū  
rosaceo liquabis, atque vtéris. aut terebinthinæ par-  
tes septem, lithargyri partem vnā cum oleo & ce-  
ra eliquato, & in pannum emplastri modo imposita  
admoqueto.

*Ad ea, quæ in oculos cadunt. Cap. xxxi.*

AQVAM, aut lac infunde, & collue, vel melle, oleo-  
ue inunge ita, vt lachryma excutiat. aut iube vt in  
aquam aspiciat, aut in uinum. Quæ autē in oculo in-  
sident, resina recenti contingens auferes, idq; capil-  
lo humano potissimū, aut si hoc non possis, suilla  
feta. quæ verò infixæ inhærent, & oculum lædunt,  
vulsella auferenda sunt. Quæ denique sub palpebra  
delitescent, euelluntur inuersa palpebra, tum lacte lo-  
cus colluitur.

*Ad pediculos palpebrarum, & ciliorum.*

*Cap. xxxii.*

PEDICVLOS palpebrarū & ciliorū curant cū mel-  
le,



le, aut vino sandaracha, & vua taminia inunctæ.

*Ad ægilopas, & chalaſia. Cap. xxxiii.*

**ÆGILOPES**, in quibus in profundo non corruptū est os, curāt chamæmeli folia cōmāducata, & imposita. vel ægilopis, qui in tritico nascit, succus cum triticea farina illitus. plantaginis folia cōmansa, & illita. Vbi verò ruptus abscessus sit, regiæ nucis internā pars cōmansa imponitur, aut etiam columbæ fimus læuigatus & thuri admixtus vsquedum ad cicatricem perueniat, imponitur: in lapidem enim coit, ac permanet ibidem. Propolis verò & terebinthina cum alica teritur, & in splenio imponit. aut alumen scissile, quod plurima terebenthina exceptū sit. Chalaſia verò digerunt grossi cocti illiti. itemque folia ficulna.

*De affectionibus aurium, de difficili auditu, & de surdis. Cap. xxxiiii.*

**HVMOR** quidā in meatibus auditus constipatus in causa est, vt difficulter homines, & nihil audiant. ergo colluere plurimis diebus oportet paribus albi aceti & aquæ portionibus, iisq; cum nitro læuigato feruefactis: deinde verò colluere aqua calida sola: tum infundenda erūt ea, quæ ad difficilem auditum valent, qualia sunt hæc: nigri ellebori radicem cum aceto ac melle tere, in aures inde, ac medicamētum ibi sine dies quinq; . aut cardami quod satis est, & nitri parum, eaque carne ficuum eiectionis granis excipe, ac colyrium, quod meatui auditus cōueniat, facito: idq; triduū intus habe: id enim sordes educit abunde, & statim leuabitur.

*De aurium dolore. Cap. xxxv.*

**AURIUM** dolores si à frigore oriātur, calida statim curāt. Ergo cepa & alliū, quæ in oleo ferbuerūt, infundenda



infundenda sunt, atque ita dolores curantur, itemq; paucissimum euphorbij plurimo oleo mixtum: aut piper diligenter tritum. amaracinum quoque iuuat, & nardum optimū est. aut rutaceū ex oleo tenuium partium & non adstringente factum.

*De aqua, que auribus continetur. Cap. xxxvi*

Si aqua in meatu auditus contineatur, oleum cōtinenter infundere conuenit. idq; colluendo, & lana molli abstergendo, & iterum infundendo. Lenit autem molestiam oui candidum & tenue, & lac muliebri: quæq; adhibentur calida sint omnia. ita affectos iuuat adeps anserinus. Si quis autem ei pedi innixus, qui eius partis sit, quæ patitur, saliat, caputq; quodāmodo decliue teneat, humor qui in aure est, facile excernetur: ad summam verò si quis aurem affectam alteri præbeat, ut ore exugat, ita quoque surgendo humor educetur. At si qua inflammatio adsit, nardinum vnguentū cum exigua tetrapharmaci portione infundendū est. Si magnus sit dolor, opus erit adhibere, quæ sensibus stuporē afferant: miscebimus enim cum lacte muliebri & oui cādido papaueris liquorem. sed & castorium addemus. atque ad vehementiores quidem dolores, par pondus: ad leuiore verò, duplum. Decoctum autem esto sapa liquida, & cum uti volueris, in eodem decocto leniatur, ac resoluiatur. Sed præstat hoc medicamentum longo antè tempore confectum seruare. Cæterū cum dolor vrget, meatus ipse audiendi tangendus non est, sed specillo, cui lanæ mollissimæ hapsus inhæreat, fouendus. atque eodem modo curabis, ut medicamentum tepidū in aurem effluat ita, ut ad auris foramē specillum medicamento intinctū admoueas: & cum id intrarit,



trahit, lanam mollem superimponas, qua initiū meatus, totaque auri contegatur: fouebisq; nardino, quod parum admodum tetrastaphylaci acceperit. Si æstas sit, aut calor ægrum occupet, locus rosaceo foueatur. At si suspiceris crassum, aut glutinosum humorem, aut spiritum flatuosum in auri esse, miscebis aliquid eorum, quæ obstructionem tollunt. hanc verò causam summo artificio subesse cognosces, si quæ morbum præcesserūt, quæq; eo tempore adsint, animo diligenter voluas: nam si frigus antecessit, spiritus flatuosus morbum gignit: si victus ratio ex rebus mali succi instituta fuerit, atque ex rebus constiterit, quæ gignere flatum solent, caputq; gravitate opprimat, causa morbi in crassos succos referenda est. Vbi causa aliqua tibi nota fuerit, nitrum, & aphronitrum medicamenti admisce, quæ ad auri affectiones parantur. addes etiam utrumq; veratrum, amygdalas amaras, ex aristolochiis eam, quæ tibi sit ad manus, cucumeris sylvestris, & bryoniæ radices, itemq; asari, & dracontij, casiamq;, & centaurium minus: hæc enim & meatus expurgant, & quæ intus compacta sunt, attenuant. Inflammationes verò, quæ mites sunt, & pulsus expertes, facile curantur: imponitur enim oxyrhodinum tepidum, & glaucium cum aceto. sed glauciū in cote medicinali fricandū est.

*Ad inflammationes, & laxos tumores, qui in extremitate auri sunt.* Cap. VI.

INFLAMMATIONES verò, quæ in superficie aurium, iteq; laxi tumores, & rubores, qui vel ex defluxu, vel ex ictu facti sint, curantur lenticula in aqua decocta, atq; cū melle trita, & imposita. vel anserinus adeps & butyrum & myrrha miscentur, imponunturq;.

Ad



*Ad aures vulneratas, & purulentas.*

*Caput*

*XXXVIII.*

VLCERATAS autē, purulentasq; aures glaucio cum aceto curabis. si defluxio comitetur, pastillis, qualis est is, qui ad Andronem, quiq; ad Polyidem auctorem refertur. Si verò etiam citra vehementem dolorem pus procedat, nihilominus eisdem vtitor. si hæc remedia non efficient quod satis sit, vehementibus vtetur: vt ferri recrementū in tenuem pollinem redigitur, atque in aceto acerrimo decoquitur ad strigmenti, aut mellis consistentiam. Ad aures autem ex plaga vlceras medullā calidi panis terimus, & myrrhæ dimidium miscemus, atq; imponimus. hæc neq; alliganda sunt, neque vbi imposueris, assidue auferenda.

*Ad aures fractas, & relaxatas, ad earum fluxum sanguinis, ad tinnitum repentinum, & ad lapillos, aut fabas, aut quid tale, aut parua animalia qua in aures inciderint.*

*Cap. XXXIX.*

AD aures fractas, myrrham, mannā, thus, terrā nigram, aut Samiam probè in vnum compone, & ad cerati crassitudinem redige, atq; impone nullo modo locum iritans. aut sulfur viuum, aut thus cum pice liquida in splenium indita impone. In quibus verò aures relaxatæ sunt, cape terrā figularem, auresq; ea intrinsecus implebis, cum inaruerit, solano & cerussa illine donec resideat. Si verò sanguis ex auribus fluat, ut grumos non faciat, porri succum & acetum miscebis, atque infundes. aut mali granati aceto incocti succum exprime, & infunde. Si sanguinis fluxus perseveret, rubi gallarumq; in aceto decoctarum



rum succum exprime, ac simul misce, & instilla. Ad  
 repentinos verò aurium sonitus acetū cum rosaceo  
 infunde. aut cuminum & oleum ad mellis spissitudi-  
 nem redige, atque infunde. aut succum radicis cucu-  
 meris agrestis. Si tinnitus perseveret, ægrum reclina-  
 bis, & nitrum crudum, tritum in aurem impones, &  
 acetum acre tepidum infundes. Ad sonitus verò qui  
 ex morbo orti sunt, vbi absinthii decocto foueris,  
 oxyrhodinum infundes: aut raphani succum cum ro-  
 saceo: aut porri succum cum lacte mulieris, aut cum  
 rosaceo. aut sylvestris cucumeris folia teres, suc-  
 cumque exprimes, eumque infundes. At si lapillus, aut  
 faba, aut aliud generis eiusdem in aurem inciderit,  
 alligabis specillo carptum lanæ, eamque terebinthi-  
 na intinges, aut aliqua re glutinosa, & in aurē demit-  
 tes, ac leuiter euelles. Si minus sequatur, naribus in-  
 des quod sternutamentum excitat, sed os & nares ob-  
 turabis: nam impetus ille qui fit, efflabit rem, quæ in-  
 ciderit. id verò erit faciendum assidue, donec res, quæ  
 in aure est, excidat: nam si maneat, aurisq; inflamma-  
 tione tentetur, conuulsiones consequetur. Si animal  
 aliquod inciderit, scāmoneam aceto dilues, aut suc-  
 cum absinthij, aut peucedanum, aut sulfur & nitrum  
 cum succo raphani, & instillabis.

*Ad vermes, qui in auribus sunt, & cetera*

*omnia, quæ in aures sunt ingressa.*

*Caput*

*XL.*

Ad vermes autem aurium, & reliqua omnia, quæ  
 in meatum audiendi sunt ingressa, acetum oleumque  
 mixta instilla, aut capparis succum, aut nepitæ suc-  
 cum, aut veratrum album cum vino infunde.

*Ad aurium sordes*

*Cap.*

*XLI.*

NITRVM tostū in aurē immittes, tum acetum in-  
 stilla-



stillabis, & lanam appones, itaq; fines per totam noctem. die sequenti aqua & oleo calido collue.

*Ad aures humiditas.* Cap. XLII.

MISY combustum in panno læuigatū insufflabis. aut gallas eodem modo teres, combures, atque vteris. aut alumen asslabis, læuigabisq; , & oleum infundens insufflabis.

*Ad carnem, quæ in auribus supercreuit.* Caput XLIII.

CARNEM, quæ nimium in auribus creuerit, celeriter aufert fax cū calce viua, & lixurio stillatitio, ad strigmenti crassitudinem redacta, & ex lana & specillo imposita.

*De parotidibus.* Cap. XLIII.

QVEMADMODVM in aliis partibus inflammatis vtimur repellentibus, nō ita in parotidibus facimus, sed contra, attrahentibus: cū demus operā, vt humorē qui lædit, celeriter ab imis partibus ad cutim trahamus, & naturam adiuuemus, quæ per abscessus febrim curat. In quo casu si natura fatis idoneo impetu feratur, nos quiescimus, totumq; illi negotium permittimus. tantummodo autem lenimus, & cōcoquimus humores ibi collectos: qui vbi in pus versi fuerint, in id incumbimus, vt discutiātur. Si verò durities appareat, attrahentibus addimus mollientia. At moderatās parotidas, in quibus neq; plenitudo est, quæ confluat, neque violentus dolor, neque supurationis suspicio, facile curabimus. idq; faciemus fomētis ex muria, & cataplasmatibus, ac medicamentis, in quibus maior sit vis digerendi: qualia sunt Mnassæi, & ex succis, quod *διαχυλῶν* vocatur: & item cerata molliora, & quæ ex butyro, atque œsypo conficiuntur, buccinæq; combustæ, & purpuræ, & ostrea, quæ



quæ adhibentur iis parotidibus, quæ iam duræ factæ sunt, atque inueterarunt: ex iis enim medicamentum fit, quod non solum dolorem, morsumq; nullum affert, si quis eorum cinerem melle diluat, sed etiã multo magis erit tale, si veterem suillum adipem salis experte villis eiectionis admisceat: ita enim citra omnem dolorem, & molestiam omnes inueteratas inflammationes, quæq; ex affectione quam gignit defluxio, oriuntur, discutiet. Iam verò ad eas, quæ iam duræ factæ sunt, accommodatæ sunt caricæ in marina, aut muria coctæ. Simili quoq; modo amarorum lupinorum farina cum melle cocta, cui parum calcis viuæ accesserit: qua cataplasmatibus modo est vtendum.

*De narium affectionibus, de ozena, & polypo. Cap. XLV.*

COMMVNIS ozenarum, polyporumq; curatio est, vt primum siccemus, caputq; roboremus: eiq; imponamus aut medicamentum ex anemona, aut quod ex cochleis constat: cuius hic est apparatus: capit enim myrrhæ, thuris singulorum vnciam vnam, cochleas integras ducentas, alba ouorum duo. omnia in mortario conteruntur, ac miscentur, tum illinenda sunt linteo superimposito, ac sinenda per dies nouem. atque ita vtitor remedijs, quæ foris loco admoventur. In polypis verò vt mur eo medicamento, quod ex punice constat: est enim valde efficax. Ad quod faciendum capienda sunt mala punica austera, acida, & dulcia pari numero & portione: totaque cum adhuc recetia sunt, & matura, tundenda, frangendaq; & ex eis succus exprimendus, & in vas stanneum coniiciendus. prius autem est modicum decoquendus, si liquidior quam par est, videatur. quod verò ex ijs relictum est, quod firmum, durumq; est, diligenter contundendum



contundendum est, atq; iterum in pila læuigandum, ex eoq; colyria conficies, quæ simili ratione naribus ægrotantis conuenient: nam in meatu naris, in quo polypus est, accommodantur. hocq; medicamentum & sine mordicatione, & sine vlla affectione, quæ per cōsensum afferatur, idem, quod medicamenta acria, efficiet, ac longiore temporis spatio polypum absument. At si polypus humidior, flaccidiorq; tibi videatur, maiorem puniceorum austerorum copiam in medicamento pones: si durior, dulciorū. Si colyrium molestiam, cruciatumq; afferat, & omnino accendatur, præcidendus vsus erit. & quo tempore colyrium nō adhibet, succo expresso, vt diximus, vtemur, locumq; ipsum affectum, & internā oris partem, quā foramen in palato naris habet, aut penna, aut lana, quæ specillo obuoluta sit, illinemus. Diphryges quoq; longiore tempore polypum cōsumit. Si cui autem propter mollitiem corporis hæc mordacia videantur, tunc rosæ tritæ imponētur: ipsæ enim mollia, humidaq; corpora mirificè iuuant. Est etiam planum hæc assidue admouenda esse: quādoquidem ab humore colluuntur, atque humectantur.

*Ad ulcera, quæ in narium meatibus insunt.*

*Cap.*

*XLVI.*

VLCERA quæ nariū meatus obsident, curantur pastillis Andronis & Polyidæ, quæ vino quandoq; dulci, quandoq; austero, & sæpe etiam aceto diluta imponuntur. Verum si humor per meatus acrior effluat, vlcera quidem difficilia curatu sunt, cæterum tetro odore vacant. At si acrimonia, putredoq; adiuncta fluenti humori sit, ozænæ exoriuntur. eas curabis nepitæ succum effundendo, aut mel in nares conijciendo, naresq; dilatando, ac sternutamētis ramenta vlceris



ceris educendo. Vel album veratrum in puluerē rediges, faciesq; vt æger naribus inspirando quamplurimum eius possit, attrahat. quod cū fecerit, amurca cum melle locum cōtinges, meatusq; chalcitide, aut atramento sutorio cum melle. si vetusta vlcera sint, acre acetum adde.

*De destillatione, & grauedine. Cap. XLVII.*

HVMORES ex capite destillantes, si negligant, multorū esse malorū causæ solent: nam vel gurgulionem inflamment, & tonsillas, idq; mediocre est malum. aut gignitur raucitas, quæ in gutture diuturnā affectionem parit. idq; non exiguū malum putatur. Ac nonnulli etiam inuenti sunt, qui ex destillatione sanguinem per sputum reiecerint: pusq; collegerint, ex quo tabidi euasere, & vox læsa sit. ergo destillatio omnino curāda est tum pauciore cibo, tum minore potu: & irini facibus synciput illinendū est, & abstergendum decoctione rutæ, atque oleo laurino, siquidē hæc concoquunt, & crassum reddunt id, quod destillat. Prodest etiam capite obuoluto esse, & nunquam supinū dormire: quippe cū in ijs, qui ita dormiunt, humor in arteriā facile comportetur. Oportet autem assiduē gargarizare ex adstringentibus, vel rosas aqua decoquendo, aut rhin, aut lentiscum, aut id facere posca. Non pessimè autem feceris, si destillationem in nares deriuaris: atq; odoris quidem vt melanthio, & aniso, ijs verò quæ infundantur, vt melanthio trito cū aceto: aut succo betæ, & anagallidis: humorem enim illuc confluens pulmonem periculo eximit. At grauedo, si parum molestiæ afferat, facile sistetur irini, lauriniq; usu: & olei, in quo lini semen, & ruta cocta sint, & capitis obuolutione, parcioreq; victus instituta ratione.

N Ad



*Ad frequentia Sternutamenta, & grauedinem. Cap. XLVIII.*

MELANTHIVM aridū ī linteo ligabis, manibusq; confricabis. puluerem, qui in linteo remanebit, plurimum iube ab ægrotante per odoratum trahi. Vel thymum adipe inuolutum sub cinere tege. vbi affatum senties, tere, ac iube vt naribus odor attrahatur. aut myrrham in vino odorato dissolues, eaque crassissima nares illine.

*Ad sugillata. Cap. XLIX.*

SVGILLATA fouēda sunt meliloti, fœnugræciq; decocto: tū resoluendum est Nili colyrium ex rosīs eodē decocto, & illinendum. his peractis, solius fœni græci decocto fouēdū, & colyrium, quod ex myrrha fit, inungendum. Hac sanè ratione sugillata, nisi penitus inueterata sint, curabis: ad ea enim vtendum est ijs, quæ strenuè digerunt, quæ mox describemus.

*Ad sugillata incipientia. Cap. L.*

SVGILLATA quæ etiam nū incipiunt, sanat nouellus caseus impositus: aut fabacea farina cū melle diluta: aut oui vitellus cū melle simili modo. Ea verò, quæ iam inueterarūt, nigraq; sunt facta, curat raphanus impositus, qui tunc auferendus est, cū morsum incipit excitare. aut radix ari imponi poterit, quæ etiam melli admixta superdatur. Sugillata autem quæ cum inflammatione sunt, fouebis aqua calida, tum cataplasma admouebis ex lentibus coctis, tritisq; cum melle. Si incisa cutis sit, in ipsam diuisionē pones aliquid eorum quæ ad cruenta valent: extrinsecus verò pones ea, quæ faciunt ad sugillata, in quibus præcisa cutis non est.

*Ad uaros. Cap. LI.*

TVMOR durus, exiguusq; est, qui varus nominatur.



tur. is in faciei cute exoritur. postulat autem auxilia,  
quæ molliant, quæq; digerât. Ergo mellis attici cya-  
thum aceto acerrimo paribus portionibus admisce-  
to, ac diligenter varos inûgito digitis confricando.  
aut alumen accuratè læuigabis, terebinthinaq; exci-  
pies, & vbi emollieris, impones. Ad eos autem, qui  
inueterati sunt, & in callum declinarunt, cape sapo-  
nis Gallici drachmas **IIII.** ammoniaci drachmam  
vnam: aqua dissoluantur, & ad cerati crassitiē redigā-  
tur, tum illinantur, & vbi horæ spatium transactum  
fuerit, tepida aqua abluantur. Aliud. Nitri gummi  
albi par pondus aceto dissolue, tereq; diligenter, &  
pastillos confice, & in vmbra eos sicca. cū vti volue-  
ris, eos aceto dissolue, & illine. vbi inaruerint, sapo-  
ne eos absterge. hoc etiam medicamentum facit ad  
eas affectiones, in quibus tuber est. & item ad pruri-  
tus faciei.

*Ad eos, quibus in mento fiosa eru-  
ptiones fiunt. Cap. LII.*

**LITHARGYRI**, misyos par pondus tere, & illine.  
aut gluten fabrilē cū rubrica illine. Aliud valde stre-  
nuum. Elaterij, salis fossilis pares portiones misce, &  
imponere liquidum specilli cuspide ita, vt medicamen-  
tum ingrediat. vbi id indideris, vngendus locus est  
lini semine, quod ex aqua sit læuigatū. Si vlcera per-  
humida sint, vt ex eis aqua pura effluat, vtendum erit  
Andronis pastillo. Ad exāthemata verò, quæ in men-  
to erumpunt, cape ferrum igni candens, superque eo  
lignum paliuri pone, humorem qui inde emanat, ex-  
cipito, atq; illinito. aut myrti baccas tritas ex  
vino illine. aut atramentum futo-  
rium cum aceto læuigatū  
imponere.

N 2 Ad



*Ad ephelidem, maculas, & lentigines.*

VITIS agreſtis racemi curât ephelidas, & maculas, & quæcunq; ſunt generis eiufdē, quæ in cutis extremitate exoriuntur. Amygdalæ autē amaræ ephelin auferunt, itemq; amygdalę arboris radices coctæ, atque illitæ. coſtus quoque cum hydromelite ad ephelidas facit: braſſica verò & ad ephelida, & ad lentiginem, & ad cætera, ad quę mediocri abſterſione opus eſt. ſepiæ teſta cremata ad ephelidem & lentiginem valet.

*Quæ faciem ſplendentē, tenſamq; reddant, quæq; bene coloratam præſtent, & uetent ne à ſole exuratur: & quæ exuſtionem ſanent. Cap. LIII.*

CUCUMIS, qui edendo eſt, ac maturus ſplendidū corpus reddit: præſertim verò ſi quis eius ſemen ſiccauerit, deinde contuderit, & per cribrum traiecerit, & purgamento vtatur. Crocodili quoque terreſtris fimus faciem illuſtrat, tenſamq; cutim reddit. eius ſimilis eſt ſturnorum, cū ſolū oryzam comederunt: hæc abſtergunt etiam ephelin. Iam verò cucumeris agreſtis radices incidito, ac torreto, & in aqua decoquito, terito deinde: hoc enim extentam & candidam faciem reddet. Simili quoq; modo bryoniæ radices oleo incoctæ, & illitæ faciem ſplendore perfundunt. itemq; erui farina ex vino odorato leuigata, & impoſita. vel ſimilæ ſuccum percolabis, humoremq; effundes, & ei quod reliquum erit, veluti fæx, oui candidum admiſce, redigeq; ad mellis ſpiſſitudinem, hocq; faciem inunge, ſi in ſole ſis moraturus. Si facies viſta à ſole fuerit, multa aqua gelida perlue. Terra Chia illita conciliat ipſa quoq; faciei vnu-



venustatem, & bonitatem coloris. & toti etiam corpori. Scobs etiam cupressi, & ilicis, quæ in eodem rameto ferueat, eaq; totum corpus illinatur. Vt autem ne à sole quisquam vratur, & si vltus sit, sanetur, facit bulbus albus cum melle tritus, atque illitus.

*Ad fædos alarum odores, & hircos.*

*Cap. LIIII.*

VT axillarû tetros odores auferas, myrram cum alumine inungas, aut crocomagma, aut rameta cum alumine, & vino odorato. præterea cardui radicem decoctam potui dato.

*Ad tetrum oris odorem. Cap. LV.*

Os verò odoratum reddes, si iridem vino antiquo odorato macerabis, eoq; vino os assidue collues, atque in ore paululum tenebis. Fædum verò oris odorem tollit vinum purum cum myrrha, quo os colluatur. & vini flos tritus, mandunt nonnulli iridem, aut anisum, aut simile quidpiam.

*Ad labia fissâ. Cap. LVI.*

GALLAM immaturâ tere, atq; excipe terebinthina, aut hyssopo, aut melle, atque illine. Si fissâ altius fuerint, seuo caprino expurgato, aut medulla bubula, aut adipe anserino subunge.

*De affectionibus dentium, & ad dentes*

*mobiles. Cap. LVII.*

CVM dentes propter senectutem mobiles, laxiq; sunt, tum parum auxilij capiunt ex rebus adstringentibus, & gingiuas à quibus continentur, constringentibus. Si ex alia causa moueantur, coniectandum est, vtrum propter nimiam humiditatem is neruus, qui in eorum radices peruenit, sit relaxatus. quo in casu medicamentis vtendum est siccantibus. Ergo rotun

N 3 dum



dum alumen cum duplos salis est dentibus aspergendum. Aut vlmī corticem in vino decoque, & iube vt in ore cōtineāt. Sed dentium quoq; foramina ex destillatione acrium humorum sunt. ex quo patet ad hæc etiam opus esse malitiam humorum exiccātib. At si humiditas multa sit, capiti consulemus, vel etiā totius corporis habebimus rationē. Si pauca sit, solis auxilijs contenti erimus, quæ foris applicantur. Atq; in principio quidem vtemur repellentibus, vt id quod influit, cohibeamus: cū sæpe euenerit, vt ex horum vsu ante inflammationem æger ad bonam valetudinem sit redactus. Verūm si adsit inflāmatio, adhibebimus ea, quæ citra morsum calefaciūt, & euacuant. Si dolor per hæc non fedetur, quæ vehementer calefacient admouebimus, quale est piper, & fex combusta, & pyrethrum, & euphorbium: ex quibus aliquid in dentis foramen est coniiciendum. Quandoque etiam vsu venit, vt cū præ nimio dolore vigilæ oriantur, iis vtendū sit, quæ torporē inducunt.

*Ad dentes corosos itemq; molares, & ad eos, qui liuidi sunt, ac dolent. Caput LVIII.*

An dentes exesos cape gallam tritā licio, aut terebinthina exceptam, atq; illine. loco autem prius repurgato, piper, aut cachry opio excipe, & in exesam partem impone: aut pyrethrum cum myrrha: aut liquoris Cyrenaici & piperis æqualem portionē cum galbano. Ad molares verò erosos melanthium torrefacito, contunditoq; cum aceto acerrimo, & exesam partem asperge, & non amplius exedetur. veratrum nigrum ad erui magnitudinem cum melle cocto impone. Qui verò liuidi facti sint, si id ex defluxu humorum vitiatorū patiantur, siccantibus, sicut etiam



etiam erosos, curabis. Si dentes citra gingivarū inflammationem doleant, quandoq; corpus ipsum dolorem continet, quandoq; verò neruus, qui corpori inferitur. ex quo fit, vt vehementiora postulent remedia, siue repellere, siue digerere quispiam doloris causam velit: eaq; siue succus, siue spiritus flatuosus esse videatur: quamobrem quamplurima ex ijs remedijs ex aceto acerrimo parantur.

*Ad dolores dentium, & de iis, quos frigus oblaesit, quiq; mobiles sunt. Caput LIX.*

PLANTAGINIS radices cōmansæ, & decoctæ ad os colluendū: aut myrti virgulæ cum aceto coctæ: aut pentaphylli radix vino cocta: aut galla in aceto multum cocta: aut veratrum nigrum cum aceto, quo os colluatur: aut capparis radicis cortex. Ad dentes verò, qui ex frigore dolent, pyrethri radix facit. & vini fæx, terebinthina, hyssopum, vua taminia, pulegium cum oxymelite, alterci semen, & folia cum aceto, aut lacte asinino, vt os colluat: quod etiam laxos dentes cōfirmat. Extrinsicus autem fouebis saccellis, in quibus sal, aut miliū, aut panicum sit. ipsum verò dentem fouebis hoc modo: origanicas oleo feruenti intinges, & super dolentem dentem pones.

*Apophlegmatismi pituitam euocandes in dentium doloribus, Caput LX.*

PITUITAM è capite educit vua taminia p se, & cū pulegio cōmansa. aut allij spicas quinq; myrti nigræ pauca folia cum aceto agita rudicula tædina, & coque vsque ad medietatem, idq; dato ad os colluendum, & in ore continendum: deinde os latè aperiendum, vt pituita possit effluere.

N 4 Quomodo



*Quomodo dentes, atq; adeò ipsos molares sine  
dolores eximas. Cap. LXI.*

FARINAE triticeæ denariū vnū cape, & cū liquore tithymali temperabis, ac dentes ea circundabis: supra autem hederæ folia impones, & per horam ita fines, tum auferes: nam dens per se ipse cōminuetur.

*Ad dentes imbecillos, aut molares, & contusos, & ad  
eorum stuporem. Cap. LXII.*

MEL & ceram pari pondere aqua calida in sole emollies, picis dimidium admiscebis, dabisq; ad mastigandum. Si aridum hoc medicamentum sit, parum olei addes. mastiche etiam cōmansa bene facit. quibus autem dentes mutuò sese contundunt, tanquam id ex mollitie patiantur, indurandi sunt adstringentibus medicamentis. Ad dentium verò stuporem facit portulaca, & item eius succus, aut oleum ore contentum.

*Ad infantes dentientes. Cap. LXIII.*

CVM infantes dentes emittunt, & dolore vexantur, eorum gingiuarum lacte canino illinendæ sunt, aut leporis cerebro: quod valet etiam si esui detur. Si ægrè dens exeat, cypero cum butyro, & oleo fusino ubi exoritur dens, illines.

*Medicamentum, quod à dolore dentes tuetur, eosq;  
roborat, facitq; vt decori dentes sint.*

*Cap. LXIIII.*

TITHYMALI radices in vino vsq; ad dimidias coquito, & bis in mense os colluito, & nunquam dolorem senties. Optima quoq; ad tuendos dentes à doloribus, ad eosq; confirmandos, & ad pulchritudinem



nem eis comparandam ea, quæ subscribam, quibus dentes abstergantur. Caput ergo leporis combure, in puluerē redige, eoq; dentes deterge. itemq; salē, & mel læuiga vsquedum cerati speciem acquirat, & puro linteo illigata combure, tum modicū iridis adde, & deterge.

*Quæ dentes splendidos, illustresq; faciunt,  
& flaccidas gingiuas siccant.*

Cap. LXV.

DENTES illustrat cinis nō admodū læuigatus ostreorum, buccinarum, & purpurarum: pumex, testa clibanorū eodem modo. Sed si cum sale comburantur, dentes maiore efficacia detergent: & gingiuas humectas, flaccidasq; siccant. Sepiæ testa non combusta, & trita simili modo dentes nitore perfundit. itemq; ceruinum, & caprinum cornu dentes nitidos facit, & gingiuarum humiditatem exiccat.

*De gingiuarum affectionibus, deq; iis, quæ inflammatione dolent, quæ defluxione grauantur, quæq;*

*exese sunt, & de caruncula, quæ ex gingiuis inter dentes exoritur, quæ ἐπὶ πρὸς*

*αὐτῶν dicitur. Cap. LXVI.*

OPTIMUM remediū est ad gingiuas inflāmatas, & dolentes oleum lentiscinū purum, quod calidum in ore teneatur. esto autem oleum recens factum, & in duplici vase calefiat: id enim sine asperitate reprimat, & sine morſu digerit. quibus rebus opus est ad inflāmationes vel maximè. huc faciunt etiam ea, quæ ad dentium dolores suprā fuerūt à nobis descripta. sed magis propriè valet ad hoc acetum, in quo hyosciami radix cocta sit. Ad gingiuas vero, quæ defluxione infestantur, exeseq; sunt cum tumore, atque dolore,



dolore, alteq; morbus eas depascatur, valet hæc fomentatio: specillo lanam alligabis, oleo feruenti intinges, & gingiuis admouebis vsque dum adæquentur, & partes circulo adiacētes candidæ fiant: ita em̄ prohibetur ne vltius serpat, quod depascit, & quod ex sana carne exesum erat, nutritur. postea verò vteris dētifricio, quod constat ex galla in tenuissimum pollinē redacta, quantum acētabuli magnitudo est, cum myrrha, quātum fabæ impleat magnitudinem: his tritis siccisq; vtitur. Ad carunculam verò ē gingiuis enascentem adhibe atramenti sutorij, & myrrhæ pares portiones, quibus modicū aluminis sciissilis adiungatur.

*Ad cruentas gingiuas. Cap. LXVII.*

SVMVM cruentarū gingiuarum remedium est, alumen liquidum cum duplo aloes impositum: aut alumen & myrrham tenuissimè conterito, & ex melle illinito.

*De oris affectionibus, deq; inflammatione & aphthis. Cap. LXVIII.*

CVM oris inflammatio est, si totum corpus plethoricum, aut redundās malis humoribus videatur, tum venæ sectione, & purgationibus vtimur, clysteresq; & cibi, potionisq; abstinentiam imperamus: si neutrum horum subit, statim ad ea remedia confugimus, quæ loco foris admouentur. Itaque in principio reprimimus ijs quæ adstringunt, & refrigerant: quale est quod ex moris conficitur, cui omphacium accesserit: aut flos rosarū, aut ipsæ rosæ siccæ, balau-  
stium, malicorium, gallæ immaturæ, alumen, rhus, glaucium, & decoctum myrti atq; aluminis sciissilis, deinde verò satis est confectio ex moris, quæ crocū, & myrrham acceperit, vt inflammatio cōcoquatur.

Cum



Cum verò iam ipsa concocta fuerit, digerentibus opus erit. addemus igitur aphronitrum, & nitrum, & sulfur viuum, id quod est omnium validissimum. quandoque autem sapam, quandoque verò mulsam ei admiscebimus, in qua mulla incoctum sit origanum, aut hyssopum, aut pulegium, aut thymum, aut satureia, aut nepita. Inuenta enim medicamenta, quæ mediæ facultatis sint, eò fuerunt, ut cum usus postularer, ea misceremus, quæ accommodata essent. In statu autem inflammationum rarò utendum est medicamentis, quæ ad os pertinent. sed tamen os colluendum est, ac gargarizandum ijs, quæ inflammationis vehementiam leniant: quale est decoctum caricarum, & decoctum furfurum, & oleum lentiscinum, quod in duplici vase sit reperfactum. Sed ipsum medicamentum, quod quia ad os pertinet, stomaticum nominatur, in statu potest colluendo ori adhiberi, si modò mulsæ dilutiori, & defrato calido misceatur: si verò hæc non adsint, aquæ calidæ. Quæ ego memoravi omnia, ut tu ex ea materia, quæ tibi facile suppetat, cōficere medicamentum queas. Ex vlcerebus autem, quæ in ore sunt, quæcunque flaccida sunt, postulant egregiè siccantia medicamenta: quale est diphryges, tum per se, tum cum melle, aut vino mulso. Prodest etiam Musæ pastillus, & succus rhu, & omphacium. Verum vlcera oris simpliciora curari possunt ijs medicamentis, quæ ori apta inscribuntur, ut quod ex moris est, & rubis, & cætera. quæ verò oris vlcera abundè humida sunt, & prope ad ossa accedunt, periculum est, ne syderentur. ideo fit, ut vehementissima medicamenta exigat. ergo aliquem ex prædictis pastillis in puluerem redigimus, atque ita siccum imponimus: nam ex humore, & calore earum partium, quæ ore continentur, putredo statim fit: quamobrem validissimis medica-



dicamentis uti ad huiusmodi vlcera plerunque cogi-  
mur. validissima autem sunt, quæ crustam excitare  
possunt æquè, ac cauteria. Vlcerationes verò, quæ in  
superficie oris oriuntur, aphthas nominant, ex ple-  
runq; in infantibus nascuntur: quibus remedium ut  
plurimum adhibetur ijs, quæ modicè adstringunt.  
quandoq; etiam inueterascunt, aut temporis diutur-  
nitate difficulter curantur, cum putredinem genue-  
rint, & affectionem excitarint, quæ à serpendo & de-  
pascendo *φομὴ* vocatur. Ergo infantibus qui iam ci-  
bos comedunt, lentem cum modico panis, & medul-  
la vitulina, aut ceruina dare cōuenit: cibisq; miscen-  
da erit portiuncula malorum cydoniorum, & alio-  
rum, quæ adstringendi vim habent, ut pirorum, sor-  
borum, & mespilorū. Siq; aphthæ ignitæ sint, lactu-  
ca erit cibus addenda. at si infans nondum possit co-  
medere, nutrici hæc dabis. sed conueniet etiam in-  
fantes medicamentis illinere. Si aphthæ subrubræ  
sint, in principio imponentur ea, quæ modicè refrige-  
rant, & adstringunt: tum utendum erit ijs, quæ ci-  
tra morsum digerunt: si subflauæ sint, ijsdem quidem  
opus est, sed magis refrigerantibus: si subalbidæ, &  
magis pituitosæ, abstergentibus: si nigræ, ijs quæ stre-  
nuè digerunt. In adultis autem, & quorum dura sunt  
corpora, satis est misy cum vino adstringenti. Si vl-  
ceratio subsordida sit, cum uino mulso terendum mi-  
sy est. Quæ verò validiora postulant remedia, quàm  
misy sit, cum vino & uino mulso utile est ea terere.  
hæc autem efficacia sunt: at mediocria, & præcipuè  
in principijs affectionum sunt, omphacium cum  
vino mulso, & rhus eodem modo. in pue-  
rulis verò sufficit flos rosarum,  
& ipsæ itidem rosæ  
siccæ.

De



*De columellæ affectionibus. Cap. LIX.*

CVM inflammata columella est, auxilijs reprimētibz vti oportet: eaq; esse facultatis adstringentis opus est. Siq; mediocriter sit defluxio, mediocris adstringens esse facultas debet: si vehementer, acerba. ergo collutiones lenes, vt sunt quæ ex palmulis tum aqua sola decoctis fiunt, tum verò etiam melle adiecto: itemq; decoctum rosarum, capreolorū vitis, ruborum, lentisci, & terebinthi, & cyderi, & hypocistidos. Sed his agit vehementius decoctū myrti, & cydoniorum acerborum, & cimarum ilicis, & phagi, balanorum, & mespilorum, & fructuum cornorum. Maxime autem strenuè hæc: gallarum, rhu, balaustiorū & malicorij decoctum. Hæc autem vel singillatim, vel cuniunctè coquenda sunt, & ex aqua gargarizandum. eisdem quoque ficcis in puluerem reductis gurgulionem attingere oportet, & paulatim attrahere tum supra, tum foras linguam versus. Medicamenta verò sicca & in læuorem reducta cochleario inspergantur: his enim remedijs gurgulio in suum statum est omni ratione adducendus, nec ad eum incidendum properare debes. Cùm verò gracilis, cruentusque fuerit quandoque redditus, qualis fieri solet longo temporis spatio, tum præcidendus est. postquam sectus fuerit, solo diphryge erit vtendum, vsquedum cicatrice vulnus includatur: siquidem id cicatricem exquisitè arctam, strictamque inducit. & in hac parte, & item in cæteris omnibus, quæ fuerint vlcera.

*De tonsillarum inflammationibus. Cap. LXX.*

TONSILLARVM inflamationes, durosq; tumores, quoc *ἀντιάδας* vocāt, exprimere oportet aliquo medicamento, quod iuuare possit digitos illinendo. in glandulis autem vel maximè hæc curandi conuenit ratio:



ratio: cū enim ea loca laxa sint, & fistulosa, facillè suscipiunt humorem influentem, fiuntq; eminentiora, atque inflantur. Cū verò tempore conuenienti inflammatio cōcocta iam sit, glandulæq; plenæ sint alicuius humoris glutinosi, medicamento stomatiko admiscebimus nitrum, aut salem, aut aliquid tale, & pituitam vacuabimus. At si fauces ipsæ inflammatae sint, neque hoc medicamento vtendum est, neq; propter carnis mollitiem exprimendum.

## De angina.

## Cap.

## LXXI.

Cū ab angina quispiā suffocatur, scire cūuenit in periculo rem esse: maiusq; periculum imminere si inflamatio intus infixæ sit, vt nihil foris appareat: & multò etiam maius, si ambas tonsillas oblideat inflammatio, atque vnà gurgulio sit affectus: par enim est totum corpus quamprimū sanguinis missione euacuare. Si æger non sit ad mittendum sanguinem aptus, scarificandæ erunt tibiæ, & permittendum, vt quamplurimū sanguinis effluat: eritq; acribus vtendum clysteribus: continendusq; æger in inedia. tum collo superdabis medicamentum, quod vim attrahendi habeat: si enim materia, quæ in illis particulis est fixa, extrahatur, vt tumor foras se prouat, omnino spes erit, hominem seruatum iri. Præterea succus ptissanæ ad gargarizandum dari debet tenuis mellis admixtus, itemque decoctum caricarum. & quod ex hyssopo, origano, & marrubio cōficitur: ita enim humores illi glutinosi & crassi, qui in eis partibus impacti sunt, digeruntur. Mirabiliter autem ad anginam facit stercus caninū album siccatum, & in puluerem redactum, ac per cribrum traiectū, deinde melle dilutum, atque illitum. idq; est huiusmodi, vt nullum inueniri medicamentum præstantius, aut efficacius  
ad



ad anginas queat. sed oportet canes ossa solum comedit. Præterea si plura lina, præsertim verò quæ ex purpura marina colliguntur, viperæ collo imponas, eamq; ijs linis suffoces, tum vnum ex illis collo appendas alicuius, magnum adiumentum affert tonsillis, & reliquis omnibus malis, quæ molestia collum afficiunt.

*Ad spinas, & ossa deuorata. Cap. LXXII.*

Ossa autem, quæ deuorata sint, itemq; spinas, quæ gulæ inhæserint, aufert spongia, aut caro incisa, & lino appensa, quam vi adacta deuorare conabitur is, qui malè affectus est. tum derepente extrahenda spongia est, aut caro eo lino, per quod fuit demissa: ita enim quod infixum erat in gula, simul extrahi consuevit. danda est etiam panis teneri medulla ad deglutendum. itemq; ficus siccæ commansæ.

*De medicamentis stomaticis, de tonsillis inflammationis, deq; uulæ, aut alterius alicuius partis inflammatione. Cap. LXXIII.*

MEDICAMENTVM simplex ex moris fit hoc modo: succi mororum hemina quinque, decoquatur ad strigmenti crassitudinem. tum adde mellis libram vnam, & simul coque ad mellis consistentiam. Cum uti uolueris, in principijs admisce, ut dictum est, repellentia: in statu, concoquentia, & lenientia: in declinatione, digerentia. Eodem etiam modo ex succo corticum nucis medicamentum ad os accommodatum conficies: & item ex multo vuarum austerarum, & ex succo puniceorum, & cæterorum fructuum austerorum, ex quibus exprimi succus potest. Si succus crassus videatur, mel aptè miscere conueniet: si liquidior, prius decoquendus erit. Cæterum pirorum, pomorumq; succus, & aliorum etiam quamplurimorum fructuum autumnalium



autumnaliū pares mellis portiones capit. at eorum, qui valde acerbi sunt, qualis est corni fructus, interdum duplum mellis, interdum triplum. Iis ergo, qui medicamentosas qualitates ferre non queunt, si mediocribus inflātionibus aut tonsillarum, aut vix, aut alterius partis corripiantur, sufficiunt succi eorum fructuum, quos modò memoravi. & item rhus obsoniorū. Ad maiores verò inflammationes opus est succo punicorum austerorum, aut malorum cydoniorum: aut utroq; inter se melle, ut diximus, cōmixto, fitq; moderatū medicamentum. sed pręstantius erit, si tota punica in frusta seces, & in multo decoquas: nō solū enim repellendi, sed digerendi quoque vis inesse in medicamento debet, si quid durum appareat. quamobrē prędictis, cū ad medium decoctionis peruenerint, iniicies pulegium, aut hyssopum, aut origanum, aut nepitam, aut thymum: deinde per colum trajicies: sic enim idoneū medicamentum confeceris.

*Ad putredines, quę in ore sunt. Cap. LXXIIII.*

CHARTAE cōbustę partes tres, auripigmēti pars vna. his tritis vtitor. supra autem linamenta rosaceo intinge, applica, atq; exprime. Aliud, quod ad magnas oris, aliarumq; partium putredines valet. chalcitidis pars vna, calcis viux tantundem, auripigmenti dimidium, trita misce, eisq; vtere. Si os exarescat, & deglutiri saliuā non possit, ficus in vino austero, mero coquito, datoq; decoctum calidum ad sorbendum: si nequeat, tu paulatim infundito.

*De vlcerebus asperę arterię. Cap. LXXV.*

VLCERA, quibus aspera arteria obsidetur, ut iterna ipsius tunica occupetur, curabis, si foris aliquod ficcās medicamētum imponas. sed æger supinus esse de-



debet: tum ei dandum liquidum medicamen, quod ad huiusmodi vlcera valeat in ore continendum, & paulatim sumendum ut in gulam influat, quo artetia aspergatur.

*Ad uocem abscissam. Cap. LXXVI.*

BRASSICAE succū melli admixtū decoque, ac lābendum præbe. Aliud, quod etiam ad tussēs valet: Lini seminis combusti, & cribro traiectione, passularum pinguium, ei ectis acinis, pineorum nucleorū tostorum, auellandarum repurgatarum pares portiones laeuigabis, melleque excipies, & ex hoc dato cochlearium, quod sub lingua teneatur, ubi vox abscissa sit. Glycyrrhizæ denarij octo, myrrhæ denarij viginti quatuor, terebinthinæ denarii sex, tragacanthæ denarij duo de quadraginta. quæ sicca sunt, contunde singula separatim, & per cribrum traice: refinam vero in mortariū impone, & contunde sicca effundendo, tum in vnum redige, ac catapotia confice ad fabæ Aegyptiæ magnitudinē, & in vmbra siccato. cum usus postulabit, vnū, aut duo sub lingua tenenda dabis, idque quod liquitur, deglutiatur. Hoc autem medicamentū celerrimè conficiendū est, dum contunditur: quippe quod quamprimū exiccescat.

*De tussi, & difficultate respirationis, & grauedine, & destillatione, & raacitate, deq; sputis, quæ ex thorace, & pulmone reieclantur. Caput LXXVII*

Tussis causa est hūor, qui à capite fluit, vt in destillationibus fieri solet. vel is, qui aspera arteria continetur, vt in pleuriticis, & peripneumonicis vsu venit. fiunt etiam faucium, arteriæq; asperitates. atque asperitas quidem arteriæ est causa tussis, & item quæ

O de



bibētibus, comedentibusq; nobis in eam incidunt,  
 & intemperies frigida instrumentorū spiritus. Sed  
 qui ex intemperie tussiunt homines, id mediocriter  
 faciunt, nihilq; reiectant: atque ita sine vi, vt non so-  
 lūm continere se possint, & spiritū cohibere, sed sæ-  
 pe etiam ei affectioni remediū adhibere spiritus cō-  
 tentione, qua partes refrigeratas calefaciant. Huius-  
 sce autem tussis signa sunt, vt ad repentinas inspira-  
 tiones à refrigeratione, quæ intenditur, iritentur.  
 Cū igitur leniter inspirent, & in calida domo inha-  
 bitēt, tum vel nihil, vel parum certē tussient. Tusses  
 autem quæ cum titillatione coniunctæ sunt, manife-  
 sto sunt inditio, fluxionem à capite prouenire, atq;  
 in arteriam, & pulmonē comportari. Si nihil expua-  
 tur, scire conuenit, in quod fluit, esse tenue: si quid  
 reiectetur, contrarium. Itaque tussim ex tenui fluxu  
 & ab asperitate ortā curabimus: si incrassabimus vsu  
 eius medicamenti, quod ex capitibus papaueris fit,  
 aut alicuius eorum, quæ à leuando dolore *ἀνὰ δύναμι*  
 vocantur. eam verò quæ ex crassitudine & asperita-  
 te, & glutinoso humore insidente orta est, tollemus  
 attenuantibus. ergo centaury minoris radix difficul-  
 tates respirationis, & tusses inueteratas sanat. melan-  
 thium curat destillationes, si in linteo calidum de-  
 tur ad perpetuū odorandum. Styrax tusses, destilla-  
 tiones, grauedines, & raucitates iuuat. Medicamen-  
 tum ad lingendum aptum facies hoc modo: Nuces  
 pineas, cū maximè pingues sint, hoc est, cū cir-  
 cum circa multū habent suæ resinæ ibidem adiacen-  
 tis, coque in aqua cum marrubio recenti. huic deco-  
 cto adde mel ad moderatam proportionem, & iterū  
 decoque donec fiat tam spissum quàm mel: hoc quæ  
 ita confectio vtitor ad ea, quæ ex thorace, & pulmo-  
 ne expuuntur.

De



De sanguinis reiectione, & cum sanguis in  
grumos coit. Cap. LXXVIII.

IN sanguinis reiectione primum periculū in ni-  
mia euacuatione est positum. ergo statim subuenire  
sanguinē reiectionibus poteris ijs, quæ subiungam:  
tota enim affectio medico, qui eam curet, committē-  
da est. portulaca esui data iuuat: efficacior autem est  
eius succus epotus: balauustum, rubi fructus, & flos.  
membranosa quercus pars, quæ inter corticē & trun-  
cum intercedit, quæq; sub glandis putamine est: quæ  
præcipuè decocta vtitur. Fagi quoq; & ilicis eadem  
pars ad idem valet. est autē efficacius radicis althææ  
decoctum. Menta ad recentes reiectiones facit. cē-  
tauræ maioris drachmæ duæ dantur: ac febricitan-  
tibus quidem cum aqua, ijs qui febrem non habent,  
cum vino punicorum, lentisci foliorum succus. Sa-  
mīus aster ad omnes simili modo valet: itemq; Lem-  
nium sigillum. Ad sanguinis verò grumos facit coa-  
gulū potui datū, & thymū, ac satireia cum aceto.

## Aa asthmaticos, &amp; purulentos. Cap. LXXIX.

ARISTOLOCHIA rotunda cum aqua epota asth-  
maticis, hoc est, anhelantibus. cū spiritus difficultate au-  
xiliatur. Centaurij maioris radix, spondylii fructus,  
& radix, nepita, hyssopum, iris, melanthium, asello-  
rum qui sub hydriis morantur, sextarium in vas ficti-  
le conijcito, & ad carbones torreto, vbi igni candens  
sit effectum, asellos terito, ac melle cocto excipito.  
dato autem ante cibum mistrū vnum ad lingendum.

Aliud. Scillæ crudæ succum exprime, paremq;

ei mellis portionem misce, ad carbo-

nes coque, & ante ci-  
bum da.

O 2

Ad



*Ad pleuriticis, & lateris dolores. Cap. LXXX.*

IN pleuriticis si fomentis dolor non solvatur, totum corpus erit euacuandum, vtendumq; fomentatione, minimè periculosa, quæ morsus expers, & humida sit, qualis est, quæ ex aqua dulci, & oleo in vesicis conficitur. Aegrotis autem huiusmodi medicamenta dabimus, quorum vis modicè attenuans sit, cum loca affecta adhuc obfideat inflammatio. Quæ verò magis attenuant, vel etiam quæ plenè ipsas coquant, in declinationibus inflammationum offeremus. Mediocria in his sunt ptissanæ succus, & mulsæ. valentius verò vrticæ semen: & cum modicū mellis acribus herbis, vt origano, hyssopo, & nepitæ, & pulegio, & iridi misceatur. Lateris verò dolores sine febris sanat bdellium, & costus, præterea caules brassicæ in cinere vrimus, eisq; vetustum adipem miscemus, & ad laterum dolorem vtimur. & aliud etiā adhibemus, quod sit generis eiusdem, cum medicamentum sit, quod egregiè discutiat, & digerat.

*Ad diuturnos thoracis dolores. Cap. LXXXI.*

CUM diuturnis dolorib. thorax citra febrim detinetur, palmulæ pingues cum foeno græco decoquendæ sunt, succusq; exprimendus, tū melli copioso admiscebimus, postremò ad carbones iterum coquendus vsque ad crassitudinem mediocrem, eoq; multum ante cibos vtendum.

*Ad mammas, & lac, quod eis continetur.**Cap. LXXXII.*

LVTVM efficaci remedio est mammis inflāmatis, si eis imponat: sed si siccius ribi videatur, ipsum cyprino,



prino, aut rosaceo oleo emollies. Cum verò lac, post partum editum, in mammis coagulatum sit, perutile ad id extinguendum erit totum ouum crudum, quod mixto rosaceo imponatur: idq; non solum in mammis inflāmatīs, sed etiam in alijs quamplurimis corporis particulis facit. Sordes verò ex palæstra, est mārmarum medicamen. nam quod in eis igneum est, restinguit, & reprimat id quod influit, & discutit quod eis continetur. Fabarū farina cataplasma est ad māmās, & ad testiculos idoneum: siquidem hæ partes cū inflāmatione tentātur, modicè refrigerari desiderāt, præsertim verò cū lac fuerit coagulātū. Naxiæ autē cotis scobs prohibet ne māmā virginum ante tempus inflentur, & testiculos emendat. māmās autem ob lactis copiam intumescētes, lenticula in marina decocta atque illita, vel menta cum polenta, aut muria in fotu adhibita curabis. Post hæc autem extinguunt quæ subiungam: farina fabacea tum per se, tum cum polenta illita, Cimolia cū aceto, aut aqua inuncta, lac muliebre cum succo cicutæ: aut cicutæ folia illita, muria in fomento. eadem sedat māmās, in quibus lac in grumos coiuit, sed non in fomento. Menta cum polenta imposita, crocus cū lacte inunctus, itemq; farina fabarū sola, vel cum polenta superdata: cydonia cocta cum melle. non finit autem lac coagulari in ijs, quæ enixæ sunt, si grana ceræ decem numero ad milij magnitudinem quotidie deglutiantur.

*De oris ventriculi affectionibus. Cap. LXXXIII.*

QUI canino appetitu tenentur, hoc est, qui fame iugiter, ac sine vlla intermissione torquentur, ijs vinum copiosum de numero eorum, quæ abundè calefaciunt



faciunt, vt magnū remedium dandum est. huiusmodi autem vinum est fulvum, & rubrum vacans adstrictione: & hi appetitus ex fame excitati à stomachi frigiditate proueniūt, vt meritò à tali vino fedētur. Qui ita affecti sunt, cū ad prandium accedunt, primum dandi sunt cibi pingues, & oleosi, & item alia omnia ex oleo copiosiore parata, & in quibus nihil austerum, aut acerbum sit. mox verò imperādum est, vt vinum eis, etiam si non sitiant, detur: hac enim ratione fames statim lenietur, & tractu temporis ita vitam ducendo sedabitur. Singultientibus danda est ruta cum vino tenui, aut nitrum cum mulsa, aut apiū, aut cuminum, aut acetum scilliticum. aut nepita, aut assarum, aut nardum celticum, hæc q; vel singula perse, vel mixta. Castoriū verò conuenit iis, quibus multitudo, aut frigidi, glutinosi q; humores singultū excitant: dandum enim potui est cum posca: atque etiam cuti cum sycionio, aut vetere oleo impositum prodest. Cū verò ex repletionē humorum oritur singultus (nam plerunq; ex hac causa nascitur) indiget violenta euacuatione, quæ sternutamentis affertur. Nausea excitatur, cū ventriculus ad vomitum propellitur, nimirum vbi à multitudine prægrauetur, aut morsu infestetur, aut denique vitiosis succis obsideatur. Quidam autem turbantur, sed nihil vomunt, in quibus succus is, qui molestiā affert, neque multus est, neque in spatio ventriculi, sed tunicis contrinetur: atque in aliquibus, vt aqua in spongia, in aliquibus verò ita est impactus, vt vix dissolui queat. Curatio tria potissimū postulat, concoctionem, attenuationem, & euacuationem. ergo humores, qui magis pituitosi & crudi sunt, quiete, inedia, & somno cōcoquantur. ex alijs, qui tenuiores sunt, & modicè infarcti, vomitibus eiiciuntur, qui tum expiissanæ



ptissanæ cremore, aut mulsa, tum ex aqua sola provocantur. At qui glutinosi crassiq; sunt, & ita ventriculo infixi, vt auelli difficulter possint, ad eos opus est medicamento, quod humores attenuet. Cùm autem humiditas vitiosa ventriculi tunicas occupat, eam picra ex aloë vtiliter purgat: adstringentia verò egregiè lædunt: veluti etiam vbi copiosa humiditas sine malitia humorū sit, ac veluti mador quidam existat, quiq; sola quantitate affligat, adstringentia vtilissima sunt: medicamentū verò ex aloë confectum omnes, qui eo vsi sunt, ad marcorem perduxit. In ijs autem, qui affectionem esse frigidam animaduertent, addenda erunt calefacientia adstringentibus. Esse autem affectionem frigidiorē satis magno argumento erit, si sitim æger non sentiat: cùm enim æger non sitiat, neque os ventriculi æstu torqueatur, planè patet non esse affectionem calidam. Iam verò oris ventriculi inflammationes, & item iecoris adstringentia misceri postulant: nam si relaxantibus solum vtamur, ægroti vitam in periculo cōstituemus. quamobrem siue oleum, siue cataplasma locis malè affectis imponatur, admiscere oportebit aliquid, cui facultas insit adstringēdi, vt absinthiū, aut nardinum vnguentum, aut melinum, aut cydonium, quod simul incoquatur.

*Ceratū, quo assidue vtimur. Cap. LXXXIIII.*

CAPIT ceratum ad cōmemoratas affectiones accommodatum, cæræ albæ vnciam vnam, nardi hyberno tempore denarios octo, æstiuo autē seprē, aloes, mastiches, vtriusq; denarium. Si maiore adstrictione opus sit, vt præ imbecillitate ventriculus continere cibum non possit, adde parē omphacij portionem. & vt omphacium, ita etiā absinthij succū, & quan-

O 4 doq;



doq; vtrunq; admiscemus. & tertio itidē loco hypocistidos, cœnanthesq; & rhois succum: deinde cerati multitudo augēda est ita, vt aliorū quātitati p portione respondeat. Si verò inueterascit, indurescitq; inflāmatio, magis varia medicamenta, quæq; aroma ta rec piant, & mollientiū, & digerentium quidpiam habeant, quale est, quod ex meliloto conficitur, applicare oportebit. Viridis iaspis stomachi os attingens, stomachum iuuat: huiusq; rei magnum sanè experimentum dedit: conficiendus autem torques est, itaq; collo aptandus, vt iaspis os stomachi attingat. In calida autem stomachi intemperie, vt ardeat cum dissolutione, vel vt anima deficiat, vel quoddam cibi fastidium vrgeat, ex quacunq; occasione, præterquam à febris, aquam frigidam cum omphacij succo, aut cydoniorum decoctum, aut clauiculorum vitis, vel feminis cucumeris, vt octo semina trita, cum aqua dabis: aut mentæ ramulos tritos potui dato. extrinsecus verò vesicam aqua frigida plenam stomacho impone, aut niuem adhibe, aut ramenta cucurbitæ. Catapotium sitim æstuātibus sedās. Cucumeris satiui feminis drach. octo, tragacanthæ drachmæ sex. soluitur tragacantha albo ouorum crudorum recentium: cumq; fuerit dissoluta, diligenterq; contrita, cæteris addatur, omnibusq; cōmixtis catapotia fiant, & in vmbra siccentur, & tenenda sub lingua dentur: humor verò qui ex eis fiat, deglutiatur. Hoc verò, & aliud, quod deinceps addam, cum refrigerat, tum verò etiam firmat stomachū humescentem, cum humida calidaq; affectione obsidetur. Aliud. Foliorum rosarum viridum drachmæ sex, dulcis radicis drachmæ quatuor, nardi Indici tantundem. excipe omnia vino dulci, catapotiaq; confinge, & dato sub lingua continenda. vel dissolue ex aqua frigida, &



& catapotia ad ciceris magnitudinē confice. Iis autē qui refrigerati sunt, & in quibus pituita propter crassitudinem calefieri, disseccariq; postulat, cōuenit hoc, quod sequitur: Corticis radicū fœniculi vnciæ sex, acetī sextarius, aloes vnciæ tres. radices in aceto coquūtur, cumq; coctæ fuerint, & expressæ, abijciūtur, mel deinde affunditur, & decoquitur, tum aloē cōmiscetur, danturq; huius cochlearia tria ex aqua. idque nonnulli sine aloē conficiunt. quibus autem cibus accessit, hoc accommodatum est: Piperis drachmæ quatuor, seminis anethi drachma vna, cumini quatuor. hæc terito, & dormituris cochlear vnum ex vino diluto dabis. Iis verò qui atramentum bilim gignūt, & stomachus flatu læditur, spongas aceto acerrimo imbutas, præsertim verò in accessionib. impones. Si dolor perseuerarit, alumen liquidum cum are trito, melle exceptum superdabis. ei verò cuius stomachus distentus, ac flatus plenus sit, nepitæ decoctum, refrigeratum aqua sub dio, addito modico mellis, & piperis drachma vna offeres.

*Ad stomachi subuersionem. Cap. LXXXV.*

**FACT** autē ad stomachi subuersionē hoc medicamentum: Mali granati acidi nucleorum succi partes tres, mentæ succi pars vna. cōiectas in vas fictile semper mouendo coque: cumq; in vnū coiuerint, ab igni aufer, & cum vti velis, dato mistrum ante cibum.

*De flatu ventriculi. Cap. LXXXVI.*

**GIGNUNTUR** autē in ventriculo flatus ex humoribus, aut cibus, qui à calore tepido in vapores dissoluntur: refrigeratio enim quia attenuare, dissolvereq; suapte natura non potest, flatus nullos excitat, calor autem vehementior non solum attenuat, atq; dissoluit, sed etiam digerit. ergo flatus procreationem



nem impedit. at imbecillus calor fundit & cōmutat quidem alimentum, sed minus quā oportet. itaq; ex eo flatus gignūtur. quocirca calefacientibus medicamentis eos oportet attenuare, vt si oleo cuminum, aut apij, aut dauci, aut spondylii semē incoquerimus. Si cum affectione sit coniuncta frigiditas, rutam, baccas lauri, melanthiū, fœniculumq; oleo incoquemus. tum bitumen, & oleum laurinum admiscebimus. Sed si inflammatio dolores comitetur, loco eorū quæ calefaciunt, relaxantibus vtemur: anethum enim incoquemus, & anserinū adipera, & galinaceum addemus. Ad eos autē qui flatu torquentur, facit polij fasciculus coctus, & in potu sumptus: aut etiam nepitæ decoctum mellis portiuncula, aut piperis adiecta. atq; hæc quidem, cū dolor vehemens vrget, imponenda sunt. at cū moderatus est dolor, sufficiunt fomenta ex milio, aut pānis lineis. eucurbitula quoq; ampla, quæ vmbilicum ex omni parte comprehendat, sæpenumero laborantes morbo liberat. Iam castoreū in potu sumptum ex posca, & foris ex oleo sycionio impositum iuuat, etiam si flatus sint tales, vt circa vmbilicum intestina torqueantur. rotunda autem aristolochia dolores eos curat, quos obstructio, aut crassitudo spiritus gignit, eos verò qui excitantur à ventris obstructione, aut crassitie, vinum meracus à cibo sumptum sanat: siq; somnus accesserit, eos perfectè sedabit.

De colicis.

Cap.

LXXXVII.

QUIBUS in colo, atque intestinis mordax humor insidet, ij à calidis alimentis, medicamentisq; læduntur: & à cibis abstinentes exacerbantur: vsu autē temperatarum rerum in meliorē statum rediguntur. ergo in primis clysteri vtendum est ex mulla, aut succo

co



co ptillanæ, cibiq; offerendi boni succi, quiq; difficulter corrumpatur: fugienda verò quæ attenuant, & calefaciūt. Cæterum humores aut euacuadi sunt, aut temperandi. cūm neutrum horum facere queas, ad vsum eorum, quæ stuporem inducunt, confugiendum est: in ijs enim qui in hac sunt affectione cōstituti, nō solūm dolor leuatur ijs, quæ sensibus stuporem afferunt, sed etiam ijsdem magnopere iuuantur, si humorum tenuitas incrassetur, & eorundem caliditas refrigeretur. Cūm autem humores, ex quibus dolor oritur, crassi, glutinosiq; sint, nullo pacto offerenda erunt, quæ stupefaciunt: videntur enim releuari illi quidem interim dum obstupefaciētia adhibentur, cūm solus sensus stupefiat, sed tamen postea deterius afficiuntur, cūm humores magis incrassentur, & difficiles ad excernendum reddantur. Hos ergo curabimus non vsu quidem eorū, quæ vehementer calefaciunt, siquidem ab ijs dolores augent, cūm humores fundantur, & flatu impleātur, sed incidentibus citra vehementem calorem, & flatus expertibus. & quoniam allium est maximè omniū flatus expertis, si febris non adsit, id dabimus, & theriacā. atq; ita affectiones huiusmodi egregiè iuuabimus. at si febris hominem occupet, fomenta ex milio adhibebimus. & in oleo tenuium partium aliquod semen incoquemus eorum, quæ sunt flatus expertia, tum per colum traijcientes, & oleo adijcien tes adipem anserinum, aut gallinaceū ad proportionem clysteri inijciemus. si per hæc dolor non sedetur, iterum imponemus, oleoq; miscebimus castorij & opij vtriusque non maiorem quantitatem, quā ad fabæ magnitudinem: quam in olei heminam ponamus. Hoc autem medicamento possit quis floccos lanæ imbuere, & quamplurimū queat in anum indere. sed flocci val-

de



de sunt filo alligādi, vt cū oporteat, facillē euellantur. Lupinum stercus datum, præcipuē autem quod candidum est, ex aqua, aut vino tenuis consistentiæ colicos summopere iuuat: idq; non solum in accessionibus, sed etiam in interuallis: hoc enim vel perfectē morbum sedat, vel mitiorem reddit, facitq; vt in longius spatiū temporis differatur. melius autem est, si in terrā stercus non cecidit, sed in virgulto aliquo, aut herba residens cōperiatur. atque etiam ossa in eo inueniuntur, quæ ab animali non fuerunt concocta, quæ trita, & potui data ipsa quoque colicis profunt. Cū purius & mundū reddiderimus, dandum est mixto sale, & pipere, aut aliqua re suauī. ac mirabile est, quā perspicuē proficit, si lumbis apponatur. sed stercus debet in licio, quod ex lana alicuius animalis à lupo morfi factum sit, extensum cuti imponi. Si lanæ eorum, quæ à lupis demorsa sunt, tibi non suppetant, poterit appendix ex loro ceruino confici. præterea verò corydis auis ius sumptum eodem iuuat.

*Ad dysentericos, & celiacos. Cap. LXXXVIII.*

DYSENTERIAM, hoc est, tormina intestinorū, etiā depascentem Lemnium sigillum & epotum, & infusum curat: prius enim abluenda est vlceratio mulsa meraciore, deinde muria, tum Lemnia terra ex plantaginis succo infundenda. potui verò danda est posca diluta, & lac caseosum, quod conficitur lapillis ignitis coniectis, donec concoquatur, & plurima seri pars absumatur. estq; præstantissimum dysentricorum, & omniū, quibus defluxiones acres aluum exercent, remedium. Stercus caninum tritum lacti sic parato misce: facies enim medicamentum ad dysentericos accommodatissimum. sed canis nihil, præter ossa,



ossa debet comedere: sic enim foedum odorē nō exhalat, & candidum stercus est. Alui quoq; defluxiones exiccat ouum ex aceto coctum, & māducatum. si misceri velis aliquid eorum, quæ ad dysentericos, & cœliacos valent, in sartagine ad ignem fumi expertem assatū dabis: magnopere enim homini laboranti proderis. Vtilissimum verò est omphacium, rhus rubrum, eiusq; succus, cinis cochlearū omnium assatarum, malicorium, galla, acini, mespila, myrta, corna. cochlearum cum testa combustarum cineris partes quatuor, gallarum partes duæ, piperis pars vna, in puluerem redigantur, & inspergātur obsonijs, vel ex aqua, aut vino albo diluto potui dētur. iuuat hoc mirificè dysenterias, in quibus vlcus putridum nōdum est. portulacæ succus epotus dysentericis conuenit: & item plantaginis succus, rubique fructus & folia, radice althææ decoctum, & ad dysenteriam, & ad fluorem alui efficax est. ad idem egregiè facit cauda equina ex aqua, aut vino epota: simili quoque modo eius succus.

*Ad alui fluorem, ad cœliacos, stomachicos & nephriticos. Cap. LXXXIX.*

DIARRHOEAM verò, id est, alui fluore, sanat adiūtum, paliuri folia, radix pinus, cortex piceæ, lenticula bis cocta, & priore aqua abiecta. acini autem cuiusq; affectioni ventris & intestinorū ex defluxione ortæ valde profunt. Spica nardi, oxyacathæ fructus esui datus, & epotus, spina alba cœliacos, & stomachicos iuuat. mori fructus intempestiuus exiccatus medicamentum efficitur, quod abundè adstringit: itaq; valet ad dysentericos, cœliacos, & omnes alias affectiones, quæ ex defluxu nascuntur: id enim contunditur, & obsonijs inspergitur, quemadmodū  
etiam



etiam ixiæ fructus. aut etiam ex aqua, aut vino si quis malit, potui dabitur, sed per se magis idoneus est. rubi quoq; fructus exiccati, & repositi conueniunt.

*Ad lumbricos. Cap. xc.*

LUMBRICOS rotundos satis interimit absinthiū, abrotanum, nepita, cardamomum, brassicæ semen, menta, lupini amari, qui vel imponantur modo cataplasmatibus, vel ex melle deligantur, vel ex posca in potu sumantur. melanthium verò non solum manducatum, sed etiam foris aluo illitum lumbricos enecat. idem faciunt folia persicæ ventri superposita. Ascaridas verò tollunt hæc, quæ intra corpus infunduntur, vt nepitæ succus & cedria. Latos verò occidit mori radicis cortex, filicis radicem drachmæ quaternæ in mulsa exceptæ. vel chamæleontis albi radix ad quantitatem quartæ partis heminæ cum vino austero. eosdem quoque necat costus.

*De morbo tenuioris intestini, quem ἰλεον, hoc est, voluulum nominant. Cap. xci.*

VOLVULVS morbus cum difficilis est, tum verò si quis in eum incidat, raro euasit. ac maximè mortiferum esse eum scire conuenit, qui foetidus nominatur, in quo vel stercus euomitur, vel foetida est exspiratio. quandoque autem huiusmodi ructus fit, quandoq; verò totius corporis odor teterrimus excitatur. qui hoc morbo tenetur, mirificè iuuantur, quamuis etiam stercus iam vomant, si frusta panis calida in oleo comedant: seruabuntur enim etiam si iam suffocentur. Ad eos autè qui frequenter vomunt, cibumq; non continent, rhus & cuminum in eodem tritum in senis oxymelitis cyathis ad pòdus denarij vnus bibendum offeres. aut foliorum, aut clauiculorum vitis succum potui dato.

Ad



*Ad sedis affectiones, inflammationem, & cūm  
procidit. Cap. XCII.*

GALLAM flauā decoque, & in puluerem redige, ac sedis inflammationes, anumq; procidentē illine. Si opus sit valētiore remedio, in vino: si mitiore, in aqua decoquito. Succus quoque lentisci ad sedem, & ad vterum procidentē valet. Aliud: Pini corticis drachmæ octo, cupressi globulorum siccorum drachmæ duæ, plumbi tantundem, vino austero deterge omnia, & tritis vtor.

*Ad arduentes sedis dolores. Cap. XCIII.*

AD arduentes autem sedis dolores oui affati vitellum tritum vino albo & rosaceo cerato exceptū illine, & cataplasma impone, quod ex pane puro trito, cui aqua & rosaceū, & oui vitellus affatus adiungatur, factum sit. Aliud: Rosarum drachmæ tres, ouorum affatorum vitelli numero duo ex vino albo lauiuntur, & cerato rosaceo excipiātur, eoq; ita vtor.

*Ad pruritus sedis. Cap. XCIII.*

SEDIS verò pruritus tollit cimolia in puluerē redata, ceratoq; myrteo excepta, atq; illita. ad idem etiam valet terra Cretica.

*Ad sedis, pudendiq; rimas, & de hæmorrhoidibus. Cap. XCV.*

AD ani, & pudendorum fissā, & ad hæmorrhoidas ramenta cineris sordidi linteorum combustorū, & amyllum ad pares portiones terito, & succum foliorum oliuæ admisceto, & illinito. Hæmorrhoidas verò nimias cohibet aloë imposita, aut squama ferri, aut plubum vstum ex posca perfusum: & item perfusio spissamentorū vnguēti. Aperit aut hæmorrhoides



des edulium ex allio & alijs plerisq; cōfectum, quod *μυρωτόν* vocant, si quis eo vescatur, & amaricinū, atque irinum vnguentum illitum. cohibet verò confestim hoc, quod habet acaciæ rufæ drachmas quatuor, plumbaginis tantundem, tragacanthæ tantundem. combusta hæc læuigato, ac misceto, & aqua diluta in linteum inde, atq; impone. tollit autem hæc, morrhoidas mirabiliter hoc medicamentū: cicutæ, aridæ drachmæ *IIII*. hyosciami expressiois drachmæ *IIII*. aluminis scissilis drachma vna, cerato rosaceo excipiuntur. Præterea acidi punici cortex tritus, & ex aceto impositus ad idem valet. Si verò hæc morrhoides interius delitescant, medicamentū forma glandis impone. Mirabile est etiam hoc quod sequitur: Sandarachæ, auripigmenti, aluminis scissilis, singulorum drachmæ octo, his ægrum aptè præparatum & locatū obline: ita enim hæmorhoides arefactæ, & de sede turbatæ, in semihora morientur, ac decident. inijcitur autem lixiuium stillaticium, & ceratum in orbem applicatur, sitque id vel sub sole, vel ad ignem.

*De iecoris affectionibus. Cap. xcvi.*

Cum inflāmatio iecur obsidet, tum dolor, & febris omnino comitatur. Ergo si corpus repletum sit, euacuetur, & quod in sanguine superfluit, venæ sectione in cubito dextri brachij reuellatur. Pro cibo autē in principio ptissana danda est, vt medicamentum verò oxymel dilutius temperatū, & apii decoctum. Vbi verò iam concocta fuerit inflāmatio, asafro, & nardo gallico, & petroselino, & iunci odorati flore vti poteris, & item iis, quæ aluum subducunt, vt vrtica, mercuriali, & epithymo: in declinationibus verò, etiam polypodio. Euacuatio etiam clysteribus



ribus peragenda: atq; in principio ex mulsa cum fa-  
le, & nitro: cūm adest declinatio, hyssopum, origa-  
num, aut colocynthida addere potes: nam ad hoc  
viscus, quod faciliè indurefcit, opus est abstergenti-  
bus. Cūm dolor sine febris vrget, scire conuenit, ob-  
structionem vehementem à crassis, glutinosisq; hu-  
moribus ortam in viscere factam esse. Scirrhum au-  
tem incipientem possit quispiam sanare: inueteratū  
verò nullo modo. Si in aqua inter cutem scirrhus o-  
riatur, longiore tempore interibunt. qui verò cura-  
ri possunt, ij medicamentis calefacientibus, & at-  
tenuantibus, quibus mollientia mixta sint, curantur. Ie-  
cur autem imbecillum reddunt intemperies, quæ &  
difficillimæ sunt, & satis varias ac difficiles sympto-  
matum formas inducunt: & quæ eiusmodi sint, vt ne  
ab ipsis quidem medicis tractari faciliè queant. Viti-  
cis autem semen iecur scirrhu affectum iuuat. Ob-  
structo verò iecori prosunt plantaginis siccæ radi-  
ces, fructus, & folia, myacantha, & præcipuè semen,  
ac radices. lauri radice cortex trium obolorum pon-  
dere cum vino odorato epotus: eupatorium, quod  
etiam particulæ robur addit: lupinorum amarorum  
decoctū cum pipere, & ruta epotum: idem facit eo-  
rum farina illita, & capnium post hæc impositū. spi-  
ca nardi pota, & extrinsecus imposita: iris: pistacij  
fructus, marrubium, amygdalæ, dracuntij radix ex-  
purgat viscera omnia. crassosq; ac glutinosos hu-  
mores attenuat agaricum. anthemis aut chamæme-  
lum est præcordiis propitium. Sed præstāt omnibus  
cichorea & seris in calida iecoris intēperie, ac sum-  
mopere prosunt, firmitatemq; eidē addunt, ipsumq;  
abstergūt. dabis ergo cichorij, aut seridos succi cya-  
thum vnum cum aquæ cyathis tribus, & vnum atti-  
ci mellis cochlear addes. Horum autem non solūm

P succus



succus utilis est & recens, & exiccatus, sed etiam folia sicca studiose contusa, tum potioni inspersa. quæ si quis etiã cocta bibat, ei valde proderunt. Cùm verò intemperies calida non est, sed iecur sola obstructione laborat, herbæ ex vino albo & tenui potæ mirum in modum iuuant. iecur lupinum diligenter teritur, daturq; eius drachma vna ex vino dulci. quod sui magnû admodum experimentum dedit. conuenit enim omni intemperiei, vt quod ex proprietate substantiæ, & non qualitate vlla agat. Cùm verò nō obscura febris est, melius est id ex aqua dare: & multò etiam melius cum aliquo ex succis antedictis, vt ex succo seridis. Philonis quoque medicamētum mirabile in hoc casu est, & quandoque semel datum calidam iecoris intemperiem curauit.

*Compositum medicamentum, quod aperiendi vim  
habet. Cap. xcvii.*

Hoc medicamentum capit amygdalarum amararum denarios tres, cumini, seminis apij, singulorum denariû. dato cochlearium ex vino. Alius pastillus. Anisi, seminis apij, asari, amygdalarum amararum, purgatarum, absinthij, singulorû drachmas quatuor excipe aqua, trochiscos conforma drachmæ vnus, non febricitantibus cum vino diluto, febricitantibus verò ex hydromelite dabis.

*De aqua inter cutem. Cap. xcviij.*

AQUA inter cutē fit vel propter excedentem iecoris frigiditatem, vel ex frigidi sanguinis multitudine, quæ in tota mole corporis redundet, vel ex quibusdam aliis partibus valde refrigeratis, quæ iecur non secus quàm ipsæ sunt, afficere possunt: nisi enim refrigeratum iecur sit, hydrops effici non potest. Simul autem iecur afficitur, cùm lien, ventriculus, &  
inte-



intestina, præsertim verò ieiunum, itemq; cum pulmo, renes, & septum transversum fuerint refrigerata. Fit etiam hydrops ex immoderata hæmorrhoidum euacuatione, & fluxu muliebri, atque etiam ex menstruis purgationibus suppressis. eius autem tres species sunt, quarum vna ascites nominatur, in qua humor tenuis ea loca implet, quæ infra thoracem sita sunt: altera tympanias est, quæ eadē loca flatu implet: tertia dicitur hyposarca, in qua totum corpus intumescit, & cadaueri ferè simile redditur. Hydropticorum verò curatio non est omnino, & cuiq; famulis, indigetq; artificis præsentia. ego tamen quædam subiiciam, ad curationē accommodata, quæ tu quoque possis efficere. Stercus igitur bouis gregarij siccum diligenter tere, in posca coque, modò farinæ hordeaceæ, sulfuris quartam partem insperge, & super totius ventris capacitatē impone. aut caprinum ster-  
cus in vrina pueri, aut caprarum ad luti spissitudinē ventri applicata summè eos purgat. dabis etiam potui decoctum radicis nepitæ, aut apij, aut corticis radicis ari, ex vino. aut cucumerem syluestrem vino au-  
stero triduum macerato, & cyathum vnum dato, & ita progrediens ad tres vsque cyathos præbebis. vel squamæ drachmam vnā medulla panis excipe catapotia confinge, ac da. Vehementer autem aquam educit hoc epithema, scænuigræci vnciæ quatuor, farinæ hordeaceæ vnciæ tres, stercoris columbini vnciæ quatuor, resinæ frictæ libra, axungię veteris lib. duæ: quæ liquari possunt, liquantur, alijsq; prius in aceto tritis affunduntur. his vtitor.

## De morbo regio. Cap. xcix.

Si quando per crisin arquati sunt, facilè sanescunt vsu balneorum, ex aqua dulci factorum. & frictionū

P 2 cum



cum oleo aliquo, quod digerendi vim habeat, quale est chamæmelinum, anethinum, liliaceum, & amaracinum. Si verò ex iecoris obstructione in morbum regium, aut arquatum aliqui cadant, si quis prius obstructione iecur liberarit, deinde medicamento utatur, quo bilis euacuetur, is facile, & citò laborantem curabit. Cōueniunt aut arquatis ex iecoris inflammatione omnia, quæcunq; inflammationes sanant. cæterum semen atriplicis arquatis prodest, iteq; nepita, & cyclamini radix: siquidē viscus expurgat, & bilim, quæ in toto corpore est, per sudores excernit. id verò quod potui datur, vsque ad drachmas senas cum passo, aut mulsa esse debet. sudores quoq; adiuuandi sunt. Aliud. Cicêrum sextarius in fasciculum adianti, quantum manu capere possis, & asparagorum palustrium radicum manipulū, & aquæ heminam coniiciatur, decoquatur, & humor percolet, ac febricitantibus detur cum aqua, non febricitantibus verò cum vino. sed dato etiā potui lichenes in petris, aut fistilibus nascentes, ex hydromelite. marrubij succus per nares icterum purgat: similiq; modo elaterium in naribus cum lacte infusum. Cū autem reliquæ partes corporis in suo statu sint, oculi verò pallidi maneant, dato aceti acerrimi cochleariū, quod in balneo per nares attrahatur: ita enim magna vis biliosa effluet. aut melanthiū in aceto acri macerabis pridie, ac sequenti die iterū cum aceto læuigabis, & per nares in nasum infundito, facitoque ut æger exugat, & absorbeat. quandoq; etiam in oleo vetere melanthiū læuigabis. Aliud experientia valde comprobatum. Rafanorum viridium cum folijs succum cape, eiusque dato ieiunis cyathum vnum, aut duos in balneo calidariū ingressuris: videbis enim bilim effundi. Aliud, cuius magnam experientiam accepimus.



pimus. Aphronitri drachmas duas in vini aminæi cyathis sex, per totam noctem sub dio contine: & da potui triduo, aut quatrduo.

*De lienis affectionibus. Cap. C.*

CVM lien inflammatione occupatur, scirrhu statim cōtrahit, sanguine qui in venis est, propter crassitiem impacto. ergo opus est medicamentis attenuantibus, quæ non manifestò calefaciant. quibus etiam aliquid adstringentium admiscendum est: vt particula firmata propriam actionem seruet. Hanc autem vim habere suapte natura videt flos salis, qui i vesica appositus lienis scirrhus curat: post cuius vsum valentioribus vti remedijs oportet. Compescit autem sine molestia lienem cortex radicū cappareos, sed nihilominus induratū lienem iuuat foris impositus, quàm in potu sumptus in aceto, aut oxymelite, cum aridus in puluerem redigitur: ita enim epotus crassos, tenacesque humores, & quandoq; etiam cruentos, atque eos non modò per vrinam, sed etiam per aluū euacuat. Idem facit minoris centaurij succus extrinsecus positus, & epotus, & cyclaminus viridis, & arefcens, si illinatur, violæ albæ radices cum aceto, acorum, ammoniacum, caprinum stercus illitum ex posca, cum farina hordeacea: albæ vitis radix potui data, & foris cum ficubus applicita. lupinorū amarorum decoctum cum ruta, & pipere in potu acceptum: eorum quoque farina illita: aqua in qua ferrum igni candens sæpe extinctū sit: hanc febricitantibus per se dabis, non febricitantibus, cum vino. Cinerē cochlearum cum aceto illine, aut capparim aceto maceratam, tritam, & cyprino cerato exceptā impone: aut facem ex acri aceto applica. Cataplasma autem adhibe, quod capit fœnigræci yncias iiii. fa-



rinæ hordeaceæ vncias tres, seminis cardamomi vnciam vnam, ficuum pinguium libram vnam, verbenaæ vnciam. ficus autem aceto acerrimo perfunde, & adactis viribus contunde in mortario, & cætera misce: omnibusq; in vnum redactis vtitor.

*De vesica, & renum affectionibus, deq; lapillo. Cap. CI.*

SEROSVM excrementũ tenuissimo sanguini in venis cõmixtum renes suapte natura in se trahunt. vbi ergo meatus, per quos tale excrementũ attrahitur, magis quàm par est, fuerint dilatati, verisimile est cũ tenui sanguine crassiorem quoq; materiam in renes importari. Siq; renes magis igneã, acremq; tẽperaturam naçti sint, necesse est crassiorem illam materiã excalefactam, & siccatam in arenæ, lapillorumq; totius speciem referentium, formam concreescere. Ex quo fit, vt lapidem frangentibus & incidentib. citra perspicuã caliditatem medicamentis vti oporteat: cùm enim maior caliditas magis exiccet, calculorum, aut arenæ cõcretionem adiuuabit. accommodata igitur sunt hæc: regionum asparagorum radices, rubiq;, vitrũ combustum, graminis radix, adiantum, bdelliũ, lauri radicum cortex, altheę semen, cicer arietinum, præsertim verò nigrum, cerasi arboris, & pruni gummi, cyperi radix, paliuri fructus, tribuli fructus, lapis spongiarum, acetum scilliticum, malux agrestis radix. Apii autem radicem in vino coque, humoremq; exprime, atq; eius cyathos binos, & aqux tãtundem potui dato. Cæterũ lapides qui in renibus sunt, in declinante ætate: qui verò in vesica gignunt, in puerili fieri consueuerunt. Medicamentum verò, quod calculosis inspergitur, sit hoc modo: balsami fructus, lapidis spongiarum, pulegii ficci, malux agrestis seminis



minis pares portiones cōtundito, cribratoq; , & cochlear vnum ex duobus vini diluti cyathis dato. At renum & vesicæ inflammatio præcipuâ curationem postulat: cū enim serosum excrementū per eas partes purgetur, sequitur, vt si id acre, & biliosum in toto sit corpore, nullo eorum, quæ vrinā cient, vt debeamus: nocebunt enim, vtpote mordaces succos partibus inducentia. Si verò nihil tale subfit, neque malitia humorum in toto corpore sit, mulsa dilutior potui dabitur: ea enim inflammationes soluit, citra morsum humores impactos euacuans: nam & incidit, & attenuat, & rarefacit. atq; id quidem quod de mulsa exempli gratia diximus, ad omnia quæ attenuant, & incidunt sine mordicatione, transferri potest. & quemadmodum particulis omnibus inflāmatīs quies cōuenit, ita has quoq; in quiete esse melius est. sed cū quiescere non possint, quia ipsa vrinæ sint instrumenta, perexiguam admodum portionem dare oportet, vt quo longiore tempore fieri possit, conquiescant. Id præterea videndum est, totūne corpus acrium excrementorum sit plenum, nec ne: nam si ita sit, quò plures humores ad renes & vesicam ferātur, eò magis cōualescent, potusque copiosior erit offerendus, acrimoniaque minus obtundenda, præsertim nobis, quæ mordicationes obtundunt, cōmiscentibus. in tempore verò inflammationum cataplasmata, & medicamenta, & irrigationes ex oleo, & cætera omnia, quæ iustificationes solvunt, adhibere oportet. Ad renum autem, vesicæq; affectionem inflammationis sensum referentē vtere hoc, quod habet seminis lini drachmas duas, anyli drachmam vnam. dato cochlear moderatū ex aqua bibendū. Dolores verò circa ilia, horrores inæquales per interualla, febresq; inordinatæ accidunt ijs,

P 4 qui



qui abscessum habent in renibus: quo abscessu concocto pus per urinam excretū adesse vlcus testatur, quod celeri indiget auxilio: si enim ad cicatricem nō citō perducatur, difficilem curationem reddit. Vlcera verò quæ in renibus, quæq; in vesica sunt, ex situ, actione, proprietate eorum substantiæ, & facultate discernuntur. Ex situ ad hunc modum: cū vesica patitur in pube, imoq; ventre dolor sentitur. at renibus affectis, lumbi posterius dolent. Ex actione, difficultas urinæ, eiusque suppressio fit, cū vesica morbo causam affert, sed renibus laborantibus urina sine impedimento it. Ex corporis proprietate, carnes fibrosæ ex renibus excernunt, squamæ verò membranosæ ex vesica ulcerata. Ex ipsa deniq; facultate, quia in ulcerationibus vesica vehementi dolore cruciatur, renes verò obscure dolent, & quasi ponderis sensum in lumbis afferunt. in meatibus quoq; urinæ exulceratio quandoq; oritur, pusq; & sanguis mingitur: sunt enim hi inter renes & vesicam collocati. si verò exulceratum pudendum sit, pus & sanguis citra urinam excernuntur. Ad abscessus renum, & vesicæ: seminis lini, seminis cucumeris, seminis papaveris albi, tragacanthæ, singulorū drachmæ duæ, amyli drachmæ quatuor. pastillos confice, & da. Ad vlcera vesicæ cum inflammatione: nuclei pinei numero viginti, cucumeris sativi seminis grana xl. amyli, nardi, singulorum drachma, seminis apij drachmæ quinque. nardum & apium decoque, tum ex decocto duos cyathos præscriptis admisceto. Antidotus ad eos, in quibus pus fluit. amygdalarū amararū drachmæ duæ, seminis cucumeris drachmæ quatuor, papaveris albi seminis tantundem, tragacanthæ drachmæ duæ, seminis maluæ tantundem, baccarum myrti nigrarum drachmæ duæ, amomi drachmæ quatuor, nu-



nucleorum pineorum drachmæ quatuor, ouorum vitelli assati duo, mellis sextarius. datur ex hoc cochlear cum vino diluto. Ad eos, quibus ex vesica sanguis effluit: aluminis sciscilis drachma vna, tragacanthæ drachmæ duæ, gummi obolus vnus. dato ex passo.

*Ad vlcerationes pudendi, sedis, vteri, & vesicæ. Cap. CII.*

PVDENDORVM, aniq; vlcera, quæ sine inflâmatione sunt, medicamēta valde exiccantia postulant: quale est id, quod ex charta combusta fit, anethumque vstum, & arida cucurbita cremata. humoris verò expertibus ac recentibus vlceribus etiam aloe arida in puluerem redacta & applicita bonum medicamentum est: sed omnium maximè dolorem lenit, & nihilo tamen minus efficax est pompholyx. Si vlcera humida sint, pini cortex per se, & lapis hæmatites conueniet. Si verò etiã altè descendant, prædictis manna miscbitur. Vteri autem vesicæq; exulcerationes iisdem remedijs curantur, sed opus est instrumentis, quibus intromittantur. atque ex medicamentis, quæ insperguntur, aptiora sunt ea, quæ sicciora sunt, vt crocus, & pompholyx, & aloe rosaceo mixta, tum plantaginis, aut alio etiam simili succo excepta. Ad scroti, & pudendi affectiones. ad dolores scroti, pudendiq; paribus butyri, ac resinæ portionib. vtitor. vel lini semen cum aqua decoque, additaq; myrrhæ, & resinæ decima parte, illine. Ad pudendum verò intumescens facit hoc: vitis folia triginta, thuris drachma vna, cerussæ drachmæ quinque. tere omnia, atque illine. Vtere etiã marinæ frigidæ perfusione, & quiete, & colis deligatione. Si vlcera in scroto ex sudoribus gignantur, gallam tritam, aut alumen insperge. Ad excrefcentia verò, quæ thymia dicuntur, elaterium



rium infunde, piri semen cōtritum impone, aut menularum capita cōtere, & illine, & hircino felle obline. Rimis verò pudendorum prodest resina tricta cum rosaceo, in pila plumbea cum oleo contusa.

*Ad inflammationem testiculorum. Cap. CIII.*

Si testes obsideat inflammatio, vuam passam eietis granulis, & cuminum trita imposito. aut hordei farinā aqua mulla incoquito. aut vitis folia tenera trita cum polenta superdato. aut cuminum tritum cum butyri & resinæ pari portione eliquata adhibeto. Testiculos verò vlcere aphthis simili correptos terra Cimolia ex aqua obline, sineq; siccescere, & aqua calida ablue, tum myrto arida trita, & modico smyrnio trito insperge. Carnem verò in testibus excrescentem cinis sarmentorum cum nitro & aqua subactus, atque illitus curat.

*De priapismo. Cap. CIIII.*

PRIAPISMVS est auctio pudendi stabilis in longitudinem, & in orbem tumefacti, sine rerum venerearum appetitu. est aut flatus ventosus, qui membrum tumefacit, ex humoribus glutinosis & crassis à magna caliditate genitus. Planū verò est, non opus esse membra calefacere, sed leniter refrigerare cerato rosaceo, cum aqua conquaflato, & ex chamæmelino pudendo & lumbis imposito. Victus autem ratio, medicamentaq; adhibenda sunt, quæ vim attenuandi citra manifestam caliditatem habeant. vtendum etiam est ijs, quæ suapte natura ad hoc valent, & experientia nobis cōmonstrauit. Itaq; nymphæa in potu danda est, itemq; viticis semen, ac ruta viridis obsonijs miscenda, sed hæc quia abundè calefacit, in principio dāda non est, sed post aliorū extenuantiū vsum. Qui euacuatione vti velit, id vomitibus faciet: euacua-



uationes enim quæ per inferiores fiunt, sæpe vicinas partes fluxione tentant.

*Quæ res ad usum rerum venerearum excitent,  
& tensum priapum reddant. Cap. CV.*

AD hoc facit semen vrticæ, bulbus, semē rapi, dauci radix, & eius semē modicè, menta, costus unā cuncta vino mulso stimulant, satyrium, æruca, cicer, faba, bolyphodes, nuclei pinei, orminū, semen anisi, radix ari, quæ cocta esui datur. partes renibus scincorum adiectæ potui dantur, ut quæ ad intendendum potendum valeant. oua perdicis ad res venereas stimulant: porri semen in vino sincero potum, vulpini testes epoti ad cochlearis quantitatē sine ullā noxa, & non fallacem intentionem priapo parant.

*Quæ res venereas cohibeant. Cap. CVI.*

SUPPRIMERE coeundi appetitū viticis semē frictum, & non frictum, & folia, & flores crediderunt: ac non solum esui, potuiq; data, sed etiā in lecto substrata. cohibet simili modo ruta. lenticularum verò decoctū sedare impetus existimatur, & item portulaca in cibo sumpta, & lactucæ semen epotum.

*De gonorrhæa, & pollutione, quæ in somnis fit. Cap. CVII.*

LACTUCÆ semē epotū feminis humani fluorē, qui gonorrhæa dicitur, cohibet. quocirca datur etiam ijs, qui in somnis semen emittunt. Ad idem valet cannabis agrestis fructus, si largè potetur. plumbi lamina lumbis imposita iuuat eos, quibus dormiētibus pollutiones contingunt. nymphææ radix, & semen cohibet genituram, & pollutiones somniorum emendat, & item in vino nigro austero potū corrigit eos, qui alioqui nimio impetu ad usum rerum venerearum



rum trahuntur. anethi quoq; semen idem facit.

*Ad urinam non continentes. Cap. CVIII.*

QUI continere urinam non possunt, ijs vesicam caprinā, aut ouillam combustam potui dato ex posita, idq; vesperi cum siti vrgentur, & somnum imperato. Valet ad eandem rem aquilæ cerebrum ad ciceris magnitudinem cum pari anserini adipis, & gummi portione, quæ omnia simul bibantur, vel concreta comedant. Leporis testiculos in vino odorato feruefacias, ac potui dabis: ita enim salutē ægroto comparabis. præterea nepitam, & myrrham in vino ante cibum bibendum da. illinatur quoq; pudendū creta Cimolia cum perdicij succo. atque ita hominem seruaris.

*Ad affectiones uteri. Cap. CIX*

AD suffocationes, quæ ex utero fiunt, accommodatum est agaricum ad drachmæ pondus cum vino datum, & plâtaginis fructus, & succus ex vino: vnguis cochlearum epotus, acetum scilliticum, quod absorbeatur. Olfacta verò suffocatas excitant hæc: bitumen, castoreum, galbanū, pix liquida, cedria, accensum & restinctum ex lucerna linamentū naribus admotum, capilli combusti, ruta, filphiū, cepa, & alliū. Suffitus præterea fiunt ex lapide gagate, vngue purpurarum, bitumine, castoreo, galbano, filphio, cornu ceruino. ano autem ruta cum melle lana excepta imponitur.

*De ciendis menstruis purgationibus. Cap. CX.*

SI prouocare menstruas purgationes velis, triduo aut quadriduo ante tempus statutum, in quo moueri per se deberent, venam secabis, aut scarificabis, & ita ab vno pede parum sanguinis detrahes: postridie verò eius diei ab altero pede sanguinem mittes eodem



dem modo, interim attenuante victus ratione instituta. initium quoq; curationis potest ante quinque aut sex dies sumi. vbi verò à talo euacuaris, dato castoreum cum pulegio, aut nepita: hoc enim summè purgationes ipsas mouebit. sed & pulegium, & nepita decocta in mulsa, & item arida & contusa, atq; in puluerem redacta egregiè prouocant. idem facit nepita mulsa perspersa. huius autè potionis tempus accommodatum est post balneum, cum nondum quicquam comederūt. Sed efficacius, & valentius his est dictamnium & herba Sabina: quæ eodem modo dare conuenit. Vtiliter quoq; datur hoc tempore picra, quæ capiat aloes drachmas centum, & aliarū rerum singularum drachmas sex. Ampeloprasa etiam mouent, cum à frigido, crassoq; humore detinentur: & cicer, & lupinorū amarorū decoctū cum myrrha & melle adhibitum: & lupinorum farina cataplasmatibus modo imposita: & thymum, & capparis radicis cortex, & casia. cum à multitudine crassitieq; simul excrementorum purgatio cohibeatur, centaurei maioris radix, & minoris succus appositus, fœniculū & melanthium eā prouocāt. Cum verò extenacitate & crassitie humorū suppressa est, valet petroselinū, porrum, apium, allium, smyrniū, styrax potui datus, & appositus, raphanus in cibo, adiantum, amomum. Ad infusus verò valent in aqua decocta actæ folia, artemisia, dictamnū, daphne, conyza, qua etiam secundæ illinūtur, & menses cientur. artemisia autem multa hypochondriis superdata mirum in modum purgationes educit, atque adeò, vt etiam fœtum expellat. irinum quoq; vnguentum porri succo dilutum ad idem facit, & cyclamini succus cum elaterio, & farina lolii, & medulla ceruina, galbanūq; amoniacumq; & oleū ad pares portiones, hisq; opo-

panacis







cutim excrementa educantur adhibita totius extremitatis frictione, & inunctione ex ijs quæ idonea iudicemus. Ad fluorem autem muliebrem facit portulaca esui data, & eius succus epotus, rubi fructus, & flos, ea quercus pars quæ sub cortice trunci est membranosa, & quæ putamini glandis subest: ijs enim decoctis vtuntur vel maximè. sed fagi, ilicisque pars eadem efficacior est. cauda equina maximè rubrum fluorem ex aqua, aut vino epota curat. lentisci fructus frictus cum vino potus. Rubrum quoq; cohibet Samius aster, Lemnium sigillum, lentisci radicis decoctum, ceruinum cornu combustum cum posca, papaueris nigri semen cum vino, flos rosarum cum posca, caprinus finus cum thure admotus: est enim is lanis excipiendus, atq; imponendus: lycii quoq; cum lacte adhibitum: interna gallarum pars cum thure, & aqua eodem modo. Præterea ad infessus, & ad epithemata ventri interiora applicanda conueniunt adstringentia.

*Ad vuluæ inflammationē, dolores, vlcerationes, mordicationes, pruritus sinus muliebris, ad eandem procidentē, & item ad ea omnia, quæ ad conceptiones, & fœtus pertinent. Cap. CXII.*

Ad vuluæ inflammationes & dolores valent ad infessus faciendos ambæ artemisæ, daphne, iris, casia, maioris centaurij radix, albæ violæ flores sicci, præsertim in diuturnis: malua, melilotum, liliorum flores, ficus aridæ cum fœno græco, aut ptissana, fœnum græcum, lini semē. In suffituverò valent hæc: viticis semen, casia, bdellium, ladanum, myrrha. admota verò hæc. althææ radix cocta in mulsæ, mixta suillo adipi recenti,



recenti, ac terebinthinæ. fœnigræci succus mixtus adipi suillo, aut butyro recenti, lilij radix tosta cum rosaceo, & eius etiam flores cum cerato, & medulla, & adipe, hyssopum cum butyro, & mulsa. Ad ulcerationes autē vulvæ facit amurca cocta, illita cum cerato. aut lyciū eodem modo, aut succus acaciæ. Mor-dicationes verò, & finuum pruritus sedat portulacæ succus infusus, lini semē in posca decoctum, itemq; fœnum græcum, tragacantha cum aqua. Vulvam autem procidentem comprimit acaciæ expressio, aut rubi succus, aut lentis-ci, aut rhois rubri succus illitus, & violæ folia emplastri modo imposita: & aristolochia trita cum aliquo eorum, quæ adstringunt: & ipsius decoctum, vt in eo infideatur, & ne subuaporatur, aut decoctum gallarum, aut malicorij, aut lentis-ci ad infessus faciendos. Conceptiones verò adiuuat pastinacæ semen epotum, eiusq; radix esui data. apposita verò iuuant amyliū cum medulla, ante coitum, leporis coagulum cum butyro. vulpinum ster-cus cum rosaceo in passio adhibitum, & vbi hoc illitum fuerit, mulier viro misceatur. iam verò artemisiam tritam admoue, & concipiet. perungatur anserino adipe, & resina terebinthina duos dies, tertio verò in concubitu sit, & marem cōcipiet. mercurialis semen, aut succus in pefso, & mercurialis masculæ semen post conceptionem statim appositū aiunt efficere, vt mas in lucem producat. fœminæ verò mercurialis semen si admoueatur, fœminam partu edi. Scribunt etiam seruari id, quod conceptum, & coagulatum sit, admoto lapide, qui in terra Samia inuenitur. idem fieri aiunt à lapide aetite appposito, & agrestis malvæ radice. sed sideritis herba fœtum apposita seruat.

Ad



## Ad partum difficilem. Cap. CXIII.

LAPIS iaspis feminib. applicadus est, aut cyclami  
ni radix arida eodem modo. adiantu tritum cum vi-  
no, oleoq; , aut aqua potui data: aut bulbos amaros  
tere cum passo. aut suillum lac in posca bibat, quæ æ-  
grè parit. pulegij fasciculum in aquam mitte, in eaq;  
mulier infideat.

## Ad mulieres, ne concipiant. Cap. CXIIII.

VT ne mulier concipiat, facit filicis radix. aut the-  
lypteris ex sapâ potui data, salicis flores, & folia,  
brassicæ flores cum vino post conceptionem. sed an-  
te coitum ne cõceptus fiat, admouetur menta læui-  
gata, & virile pudendum eius succo illinitur. brassi-  
cæ flos contritus post cõceptum in pessio imposi-  
tum agglutinari, congelariq; geniturâ non finit. pe-  
lecini verò semen ante concubitu in vuluam in-  
fundatur.

Ad ventrem disruptum, & mammas, & femora, &  
coxendices, & vmbilicum prominentem.

## Cap. CXV.

COCHLEAM marinâ sublongam cremato, ac teri-  
to, eiq; oui candidû appone, aut lac ouillum admi-  
sce, & illine. Aliud. Specularem lapidem contun-  
de, & tere ex aceto, cumq; balneû ingreditur ægro-  
tus, antequàm se vngat, per viginti dies illinatur, &  
consanescet. Vt autem alius rugas non contrahat  
propter partus, & fœtus in lucem editos, Cimolix  
& mannæ pares portiones cape, oui candido excipe,  
& cum cyprino cerato illine.

Ad coxendicis excrefcentia, tumoribus similia.

## Cap. CXVI.

MEDVLLAM panis & melâteriam compone, & ad  
Q moue



moue : & quod vitii inerit , corriget .

*Ad vmbilicum prominentem. Cap. CXVII.*

GALLAM cōbure, tere cū aqua, & appone. Vmbilicum verò magnū ex partu, pulchrū facies, si marsupium membranofū vitelli ouorū in linteo inuoluas, tum mannā oui candido excipias, atque illinas, & in vmbilicum imponas, & alliges, itaq; diu teneatur.

*De pedum, articulorumq; doloribus.*

*Cap. CXVIII.*

IN podagricis, cæterisq; morbis, qui ex defluxione humorū fiunt, particulas imbecillas defluxionē recipere necesse est. sed fieri etiā potest, vt si totū corpus excrementis vacet, particulae nullo pacto à defluxione lædātur, cū nihil omnino superuacuaneū insit, quod in membra comportatū ægritudines parere consuevit. siq; nihil tale defluat, nec etiam nasci inde morbos est planè perspicuum, ergo defluxio prohibenda est. id quod fiet corpus ita parando, vt excrementis vacans reddatur tum moderatis exercitationibus, tum concoctionibus alimentorum : & otium fugiendo, & ne quis ad satietatē comestationibus se potionibusq; expleat : præsertim verò ante cibum : hæc enim neruos lædunt nō secus, quàm res venereæ, quæ etiam non mediocri ad podagram gignendam sunt adiumento. quocirca antiquis temporibus pauci admodum in podagram inciderunt. Curatio igitur eorum, qui morbo correpti sunt, ab euacuatione debet incipere : tum repellentia adhibenda, si manus, pedesq; defluxione tententur : at si coxendicis articulum defluxio obsideat, à repellentibus abstinendum : cū enim ipse satis profundus sit, facilè quoq; intrò noxium excrementū detruditur. quo in casu opus est remediis ad ischiadicos accom-

mo-



modatis. Cùm verò sanguinis copia solùm doloris  
coxendicis causa sit, vena in talo, aut malleolis inci-  
sa satis erit ad dolorē quamprimū sanandum: quem-  
admodū si quis ante totius corporis euacuationem  
acribus ad coxendicem medicamentis vtatur, mul-  
titudine ibi conculcata, affectionem sanatu difficil-  
limam reddet, incrassabitq; & materiā quodammo-  
do superassabit. ergo in quibus hic error inculca-  
tionē huiusmodi fecit, maxima cucurbitula coxen-  
dici admoūda est: purgatioq; clysteribus ex colo-  
cynthide, & cæteris generis eiusdem tentanda. Er-  
go scire conuenit, eos qui temperatā vitam ducunt,  
quiq; diæta vtuntur, neq; in pædragricis doloribus  
inueterarūt, posse leuari, si ineunte vere aut per ve-  
næ sectionem, aut purgationem euacuentur: at eos,  
qui multo se vino obruerunt, quiq; comestatio-  
nibus se expleuerunt, nihil ab euacuationibus præ-  
sidii esse capturos: rursus enim breui temporis spa-  
tio intemperatè viuentes crudos humores coacer-  
uabunt. In doloribus autem articulorum, in quibus  
iam tofi constitierint, artus ad pristinū statum redire  
nullo modo possunt. ergo vulpes viuas, alii mortuas  
in oleo coquunt, alii hyænas, & discutiens oleū effi-  
ciūt, tum in peluim cōijciunt, iubentq; in id arthri-  
ticos totū corpus cōtectos se demittere, & in eo diu  
manere. qua ex re magnū fructum ferunt, cū ma-  
teriem omnem, ex qua morbi origo est, euacuēt. sed  
vitiosa viuendi ratio eos iterū eadem explet mate-  
ria. Ad inflammationes verò benefacit fabarum fa-  
rina ex aqua decocta, cui suillus adeps accedat. alba  
rum quoq; violarum radices cum aceto curant in-  
flammationes, quæ in articulis obduruerunt, caseus  
acerrimus, & vetustissimus decocto carnis suillæ  
dissolutus, & in pila probè in vnum conductus tofos

Q 2 arti-



articulorum impositus dissoluit: cū enim defluxio sine vlla sectione rupta sit, singulis diebus partes, in quibus tofus est, sine molestia implet. Aliud. Platani folia viridia leuigata, & imposita eas inflammationes, quæ in genibus sunt, iuuant.

*Epithema dolorem sedans podagricis, & arthriticis, quæ  
vtantur, cū vrget accessio.*

Cap. CXIX.

Hoc epithema capit liquoris papaueris, croci, singulorū drachmas quatuor, tere cum lacte bubulo, aut caprino, addeq; panis medullam, ac diligenter iterum tere, vt facilem ac lenem tactum habeat, & rosaceo affuso emollias, atque imponas, & cataplasmata tuēdi causa folijs betæ, aut lactucæ foris reges. quādoque etiam opium & crocum læuigantes rosaceo cerato excipimus, & in lintheum coniecta imponimus. Ad ischiadicos verò faciunt cataplasmata ex farina lupinorū amarorū, quā aceto, aut oxymelite, aut posca decoquunt. nonnulli verò nepitam imponunt, vt strenuum remedium. Capparis quoq; radicis cortex coxendicis dolores iuuat, si idoneis cataplasmatibus mixtus foris apponatur: siq; intus assumatur. garum etiam & muria ex piscibus sale conditis clysterib. iniecta, humores ischiadicos lædentes reuellit, & per intestina euacuat. vtūtur autem ea potissimū muria, quæ ex siluris, & mænulis sale conditis sit. semen thlaspeos per sedem infusum cruenta euacuatione, quam molitur, iuuat. simili quoque modo centauriū tenue. sed in his consulendus medicus est. Hactenus ergo curationē adhibere poterit etiam is, qui morbum ignorarit. sed aliorū quoq; habenda ratio est, & quæ contingunt medico indicanda sunt prius, quā magnus aliquis, & sanatu difficilis,



facilis, aut certè immedicabilis morbus fiat: multa enim antè nobis indicant, quid futurum sit, vt soni, vt strepitus, vt cōuulsiones quarundam partium, vt inferioris labri tremor, vt vox interclusa, vt obliuio, vt grauis halitus, vt somni profundiores quàm consueuerint, vel leues, & visis pleni, & cùm ab incubo sæpe suffocatur, & ad res venereas immoderata, frequensq; cupiditas, & cùm non semel, aut bis cadunt, quandam fore apoplexiam, hoc est, morbum attonitum, aut etiàm morbum comitiale, aut cùm fluxio in partem aliquam decumbit, quam paraplegiã vocant, aut melancholiam, aut insaniam prænunciant, de quibus rebus oportet certiores facere medicum, eumq; aduocare quàm celerrimè, vt medicinam faciat. ipse enim vel sectione venæ, vel medicina purgante propinata, vel utroq; præsidio vtens, vel alia adhibens, quæ opportuna iudicabit, ne morbus fiat, impedit. Cæterùm suffusiones oculorum hebetudo præcedit: & quædam quasi præcurrentia ante oculos sese ostendunt, vt culicēs, aut pili, & alia quædam, & capitis dolor. quæ sunt etiã significanda medico: siquidem is purgationem adhibebit, & victus instituet rationem accommodatam, aliisq; rebus, quæ iuuare hominem possint, vtetur. lassitudines etiã, quæ per se hominibus irrepunt, & somni profundi, aut imaginũ pleni, aut vigiliæ, aut sudores post somnum, & sitis insolita, & ciborum auersio, februm indicia sunt omnia. quæ cùm nota & explorata habeat medicus, ea faciet, quæ conuenient. quæ item in thorace eueniunt, nisi quis ad medicum perferat, periculum erit, ne aut ad sputum sanguinis, aut ad supurationem perueniat. nigra itidem vrina quandoq; calculum esse renes obsessurum prænūciat: idq; potissimum in senibus. sed si id resciscat medicus, quædam

Q 3 dam



dam inueniet, quæ senem illum ab hoc malo tuebuntur: nam & renes purgabit ijs, quæ vrinam cient, & iubebit ne sese extendat, néue exerceatur: sed utatur equitatione, gestationeq; ijsq; nec multis, nec diu. Cumq; aliquis dolor in aliquo articulo, exempli gratia, pedis, sentiat, negligendus non est. quamuis enim nobis segniter id transeuntib. sedatus fuerit, mox tamen reuertetur, & diu hominem maiore malo afficiet, & sanari difficulter poterit. Præstat ergo in principio dolorem curare, cum adhuc facilis curatio est. Sæpe etiam nobis suspectæ esse debent cruditates, & alui fluores, & inflationes, medicique earum admoneri: nam tacetibus nobis sæpenumero graua, difficiliaq; contingunt: qualis ea affectio est, quæ flatuosa nominat, quæq; ex timore & nimio mœrore oritur, quam melancholiam vocant. Sed plurima sunt, quæ propter negligentiam ad id mali progressa sunt, quod vinci nullo modo possit. quamobrem nihil aut paruum, aut magnū, quod præter consuetudinem accidat, est silentio prætereundum. Verum quia coniunctorum medicamentorum facta est à nobis mentio, deinceps eorum descriptiones coniungentur.

*Quæ ceræ mensura sit oleo adhibenda. Caput CXX.*

Si vnguina, quæ à lassitudine leuanda, nominantur à medicis ἄκοπα, velis conficere, oleum ceræ quadruplum impones: si liquidum ceratum, ut in fracturis fieri solet, duplum: si medicamentū emplastri modo, vtriusq; par modus esse debet, si aer nos ambiens sit moderatus: sin autem cera vetus, aut arida, aerq; frigidus fuerit, paulò plus olei erit addendum: sicut contrà, si cera fuerit pinguis, aerque calidior, paulò minus



minus olei debet esse. hæc verò paulò minor portio est duodecima pars medij excessus, qui inter vtrâq; partem sit interiectus: nam vndecim & tredecim olei vncijs ceræ libra admisceri potest.

Πάννυχρον, hoc est, liquidum medicamentum.

Cap. CXXI.

ADIPIS suilli recētis eieētis mēbranis vnciæ quadraginta quatuor, ceræ vnciæ viginti quatuor, lithargyri vnciæ sex, cerussæ tantundem, eliquata aridis misceantur: tractu enim temporis consistent.

Tetrpharmacum basilicum. Cap. CXXII.

CERÆ, resinæ frictæ, picis siccæ, sæui taurini, singulorū libra vna. Vt autē celerius concoquat, & carnem creet, addimus thuris modò tres vncias, modò quatuor.

Medicamentum δια χυλῶν, hoc est, ex succis.

Cap. CXXIII.

LITHARGYRI pondo duo, ceræ vnciæ octo, olei pōdo sex, scœnugræci, lini seminis, ebisci, quæ etiam althea dicitur (nā & agrestis malua althea nominatur) psyllij, cucumeris agrestis, omnium ptiffana decoctorum succi pondo duo. coque vsque dum non inquinent, postea vtor.

Malagma Mnasei. Cap. CXXIV.

LITHARGYRI libræ duæ, ceræ libra, axungia veteris libra, resinæ frictæ vnciæ sex.

Emplastrum ex melle.

CERÆ libra vna, adipis anserini vnciæ sex, olei veteris libra vna, lithargyri tantūdem, terebinthinæ vnciæ duæ, alij habent, vna: mellis libra vna.

Q 4 Em



*Emplastrum ex chalcitide Galeni, quod Phœnicium  
dicitur. Cap. CXXV.*

SVILLI adipis vetusti, salis expertis, pōdo duo, olei vetustissimi pondo trita, lithargyri tantundē, chalcitidis vnc. i i i. Chalcitidē cōtunde, ac per tenuissimū cribrū trajicies, tū ī pilā cū tribus olei libris pones, ac diligēter teres vsq; dum optimē læuigentur. tum lithargyrū per tenuissimū cribrū traiectam, & in alia pila in tenuissimum pollinem prius redactam adjicies. psyllium verò multo tempore post chalcitida: præsertim vero in sole conficies, vt oleum liquidū maneat. postremo loco adeps adjicit, cumq; exquisitē omnia læuigaris, in cacabum mitte, & coque, spatha ex ramo palmæ versans: ex quo ramo cortex viridis exterior auferendus est, vt suam humiditatem medicamento possit impertiri. & ad coctionem satis erit vnus palmæ rami, vt ex crassiore eius parte spatham faciamus, alteram verò, quæ continua erat cum ea, ex quā spatha effecta est, poliamus, & purgemus, vt candida fiat: quamq; in frusta dissectā, & contusam medicamento indamus. atque eo quidem tempore tenuia frusta iniicientur, cum medicatmēum ad moderati cerati consistentiam peruenierit. cæterum pars spathæ, aut rudiculæ, quæ iam à medicamento fuerit arefacta, præcidenda, & abiicienda est: & reliqua vtendum, vt eius humiditatem medicamentum recipiat. idq; bis, & ter faciendum erit, si rudiculam exiccatā intueberis. Est etiam perspicuum palmæ ramum debere esse recens ab arbore cæsum, & eodem die, quo medicamentum cocturus sis, vt sit succi plenus: cumque tandiu coxeris, quandiu digitos non inquinet, ab igni auferes. & emplastro vteris ad vulnera cruenta, & quæ cicatricem

aggrè



ægrè ducunt : & cum oleo liquatû ad omnia inflam-  
mata adhibebis . sed medicamentû esto paulò plus  
quàm oleum , dum eliquatur .

*Ex pompholygè. Cap. CXXVI.*

POMPHOLYGIS, lithargiri, cerussæ, singulorum  
vnciæ quatuor, ladani vncia, acaciæ denarij duo,  
olei myrtini vnciæ octo, ceræ tyrenicæ quod satis  
sit, & item oua abiectis vitellis.

*Ex meliloto.*

NARDI gallici drachmæ decē, cyperi, cardamo-  
mi, iridis, myrrhæ, ammoniaci thymiamatis, singu-  
lorû drachmæ octo, meliloti drachmæ viginti quin-  
que, terebinthinæ drachmæ quinquaginta, ceræ no-  
uæ drachmæ centum, cyprini heminæ dimidiû, ace-  
ti quod satis est. quidam guttæ ammoniaci ponunt  
drachmas centum.

*Musæ pastillus. Cap. CXXVII.*

PASTILLVS musæ:aluminis scissilis, aloes, myrrhæ,  
atramenti sutorij, singulorum drachmæ duæ, thuris  
drachmæ octo, capitulorum punici mali drachmæ  
decem, gallarum immaturarum drachmæ octo, pas-  
si quantum satis est.

*Polyidis. Cap. CXXVIII.*

CAPITVLORVM mali punici drachmæ sexdecim,  
myrrhæ drachmæ octo, aloës drachmæ octo, alumi-  
nis scissi drachmæ quinque, thuris drachma vna, a-  
tramenti sutorij drachmæ tres, fellis taurini drach-  
mæ sex, vino dulci excipiuntur.

*Ex charta, aridas ad nomas.*

*Cap. CXXIX.*

CHARTÆ cōbustæ, æris vsti, plumbi vsti, & loti,  
squamæ stomomatis vt omnium par modus sit. sul-  
furis ignem non experti dimidium : læuigato.

Rosacæi



*Rosacei confectio. Cap. CXXX.*

ROSACEVM sine vlllo vasculo parare cōuenit, ro-  
sis solū in oleum omphacinum, & omotribes con-  
iectis. at sine sale cōficitur: quoniam sal calefaciens,  
minus idoneum rosaceum reddit.

*Acopum ex populi floribus. Cap. CXXXI.*

Ex populi floribus adhuc conuiuētibus modius  
Italicus in quindecim, aut viginti libras olei alicui-  
us tenuium partium, & non adstringentis immitti-  
tur. accōmodatiūsq; fiet, si florem modicē cōtūsum  
in oleum cōijcies, siq; medicamentum quotidie di-  
mouebis, præsertim cum sol feruebit, ac in domo ca-  
lida, celerius, & magis populi qualitas atq; vis in o-  
leum migrabit. itaque post duos treis ue menses po-  
tes expresso, atque abiecto flore, & oleo per linteum  
percolato, ipsum habere oleum, quod citra morsum  
per halitum discutiat. quinetiā ceram & resinam li-  
cet iniicere. ergo satis erit ceræ quartā partem, resi-  
næ verò duodecimam addere. Si verò oleum quod  
expresseris, crassius videbitur, satis erit vel quintam  
ceræ partem, vel quandoque sextā adijcere. Præstat  
autem id coquere in vase duplici, aut certè igni len-  
to, qualis prunarum est. Medicamentum hoc aptis-  
simū est ad omnes lassitudines seu sponte ortas, seu  
alia quoq; ratione contractas: & succos, quicunque  
non admodum crassi, nec lenti in cute carneq; resi-  
dēt, euaporant, ac digerunt.

*De alijs oleorum digerentium generibus.**Cap. CXXXII.*

OLEVM quoq;, quod ex chamæmelo fit, digerit  
tū per se, tum multò magis iniecta cera, & resina ad  
eandē mēsurā. sed digerit etiā anethinū: idq; vel per  
se, vel si co quispiam cum cera, & resina vtatur. dan-  
da



da quoq; opera est, vt in vase duplici anethinum etiam incoquatur: vtiliusq; fuerit, si anethum viride sit. Si præterea betæ albæ radices in oleo coxeris, idq; quod diximus, feceris, medicamentū digerens tibi pararis: quale etiam ex cucumeris agrestis radice, althææq; , ac bryoniæ conficitur.

*Pastillus Andronis.* Cap. CXXXIII.

ALUMINIS scissilis, myrrhæ, singulorum drachmæ i i i i. atramēti sutorij drachmæ duæ, thuris drachmæ octo, cyperi drachmæ decē, aristolochiæ drachmæ xii. aliqui drachmæ octo, gallarum omphacitidum drachmæ octo, passi quod satis est.

*Confectio ex capitibus papaueris, quæ δ'ιὰ κωδύων  
dicitur, Galeni.* Cap. CXXXIIII.

IN vnum aquæ sextarium capita papaueris decem immitte. Si capita humidiora sint, macerētur vnum diem, vnamq; noctem: si duriora, & sicciora, etiam diutius quàm vnum diem. ac melius quidē est, neq; iam indurata accipere, neque valde mollia: fugiendaq; sunt, quæ ex perhumidis locis accipiuntur. inijce verò in aquā ea capita, vt dixi, quæ sint magnitudinis mediocris: cū & maiora, & minora indi queāt: ita enim proportio seruabitur. coquendi terminus tibi erit, cū tota capita flaccida fuerint reddita. quod vbi erit, exprimentur capita, atque abijcientur: aquæ autem addetur mellis dimidium mensuræ totius, & ad ignem fumi expertem ad attici mellis consistentiā coquetur. decoctio verò in aqua pluuiæ, aut fontana facienda est. vsus eius in ijs est, quibus somno est opus: quibus etiam sæpenumero confessionem ex opio dare cogimur. hoc autem medicamento potissimū indigent, quibus tenuis defluxio à capite ad asperam arteriam destillat, quæ propter



per insequentes tusses dormire non finit. In hisce autem medicamentum est ex sapa parandum: quam ad rem satis coquitur, cum capita papaueris fuerint ad aquæ medietatem decocta. huic etiam, dum coquit, radix glycyrrhizæ addenda est. Si verò copia defluxus à capite delati in pulmone consistat, confectio ex melle accommodatior erit. ergo ad id quod vrget, animum adhibens, ubi in somnum vertitur æger, id demum quod ex melle constat, aut quod sine melle confectum est, dabis: & aliquando vtrunque permiscebis. Datur hoc moderata mensura ad duorum satis magnorum cochlearium magnitudinem. augebis autem, aut minues habita ratione corporis magnitudinis, ætatis, anni temporis, & regionis: in his enim omnibus, frigidioribus minimū dabis: calidioribus, plurimū. habita verò etiam ratione quantitatis, qualitatissq; defluxionis, te plus, minusq; daturum est planè perspicuum.

*Mysterium dolorem sedans. Cap. cxxxv.*

VALET hoc medicamentū ad eos, quos tussis exercet, ad tabidos, ad coeliacos, ad dysentericos, & ad alui fluorem. capit autem hæc, croci, castorei, asari, alterci seminum, opij, styracis, singulorum drachmas quatuor, easq; melle excipito, atq; vtitor. quidam verò habent alterci dimidium.

*Philonis medicamentum. Cap. cxxxvi.*

CROCI drachmæ quinq;, pyrethri, euphorbij, spicæ nardi, singulorum drachma vna, piperis albi, alterci, singulorū drachmæ viginti, opij drachmæ decē.

*Picra Galeni. Cap. cxxxvii.*

ALOES drachmæ centū, cinnamomi, spicæ nardi, xylobalсами, mastiches, asari, croci, singulorū drachmæ sex. Ego verò aloës drachmas nonaginta, croci  
verò



verò quinq; conijcio, itaq; vtor. datur drachma ex aqua.

*Catapotia purgantia ex aloë, Galeni.*

Cap. CXXXVIII.

COLOCYNTHIDOS pars vna, aloës & scamoneæ, singularum partes duæ, succi absinthii pars vna,

Hiera. CXXXIX.

INTERIORIS colocynthidis drachmæ viginti, chamædrios, agarici, singulorū drachmæ decē, sagapeni, opopanacis, singulorū drachmæ octo, petroselinī, aristolochiæ rotundæ, piperis albi, singulorum drachmæ tres, spicæ nardi, cinnamomi, croci, myrrhæ, polii, singulorum drachmæ quatuor. melle diluito, datoq; ad summum drachmas quatuor.

*Diospoliticum, Cap. CXL.*

CUMINI, piperis longi, vel albi, rutæ, nitri, omnium par modus, atque ita magis ventrem soluit. cū verò pari aliorum ponderi dimidiū nitri miscetur, non ita subducit. maceretur autem cuminū in aceto acerrimo, deinde continuò tundetur. aut etiā prius frigatur in vase fictili, quod perfectè coctum sit, sunt verò & rutæ folia modicè siccata. his quatuor aliquando mel despumatum additur, aliquando nihil, sed sola arida reponuntur, ac ptissanæ cremori, & aliis, quibus maximè conuenire videntur, cibis iniciuntur. Sumitur & medicamentū hoc & ante, & post cibum: ad quem vsum id quod mel accepit, est etiam iucundius.

*Simplex ex tribus piperis generibus, Cap. XCLI.*

AD cuiusq; trium piperū drachmas quinquaginta satis est addere anisi, thymi, zinziberisq; singulorum

+ tartar  
ex snia,  
dreæ Ces  
pini Arch  
tri Romi:  
7. c. 17. pr  
xis. Idq  
to magis p  
cet. At d  
riero uid.  
Matthioli  
ad. i. Dios



rum drachmas octo. herbarū autem coma cum floribus, abiecto eo quod lignosum sit, imponenda est. deinde omnibus simul cōtusis, & per tenue cribrum transmissis, mel optimum, ac diligenter despumatum admisceatur. Hocq; medicamentum dari poterit semel, aut sepius quotidie, & manè, & ante, & post cibum, atque etiam dormitum euntibus. datur autem cochlearii pleni mensura: ac paruis quidē corporibus, parui: maximis verò, maximi cochlearis.

*Medicamentum ex calamintha. Cap. CXLII.*

ACCIPITO calaminthes, pulegii, petroselini, feseleos, singulorū drachmas xii. seminis apii, cacuminum thymi, vtriusque drachmas quatuor, libystici drachmas sexdecim, piperis drachmas duas de quinquaginta. atque herbarum quidem quicquid lignosum, durumq; est, id abiiciatur: capiantur autem extremitates herbarum cum virentissimis foliis, & floribus. hæc omnia simul tundenda, ac tenuissimo cribbranda sunt cribro, melq; optimum, & accuratè despumatum admiscendum. Usus eius erit post matutinam frictionem, ante exercitationē, & balneum. licet etiam sine melle admixto siccum medicamentum conficere, & salis vice ad obsonia uti. possumus idem in ptissanam coniicere pro aceto, vel in eiusmodi aliquid pro pipere. Sed potest etiam cum melle obsoniis admisceri. post cibum tamen nunquam neque hoc medicamentum, neq; aliud vllum, quod ad validiorem distributionem faciat, erit assumendum.

*Medicamentum ex succo malorum. Cap. CXLIII.*

QVOD ex succo malorum conficitur, accommodatum



tum est ijs, qui non appetunt, quiq; non rectè con-  
coquunt. eius autem confectio est hæc: malorū cy-  
doniorum, quæ maiora dulcioraq; sint, succi sextar-  
ios duos, his optimi mellis tantundem miscebis, a-  
ceti sextariū vnum, ac dimidium. hæc vbi ad arden-  
tes carbones modicè coxeris, spumamq; detraxeris,  
zinziberis vncias tres, piperisq; albi vncias duas im-  
mittes: deinde ad carbones ignitos iterum coques,  
vsque dum mellis fiat spissitudo. Hoc medicamen-  
tum non modò salutare est ijs, quibus ventriculus,  
sed etiam quibus iecur inualidum est. constat etiam  
inter omnes, hoc ieiunis dandum esse ad mystri ma-  
gnitudinē. quanquā nihil etiam lædit, si à cibo sum-  
ptum fuerit. cōmodè etiam dabitur, si quis pransus  
sit prius, & ante cœnam id sumpserit. maximè autem  
tempestiuè dederis, si duabus, aut tribus ante cibum  
horis obtuleris. At si cui venter intemperie calida  
laborat, aut bili quouis modo abundat, huic auferri  
piper, ac zinziber debet, ac succus malorum cum a-  
ceto, ac melle tantum coctus modo præscripto dari.

*De oxymelitis apparatus. Cap. CXLIIII.*

OXYMELI cōficies hoc modo: Cū melli optimo  
ad carbones arduentes spumam abstuleris, in ipsum  
immittes aceti tantum, quantum satis sit, ne gustan-  
ti nimis acidū, nec dulce videatur: ac denuò ad pru-  
nas coques: quoad amborum qualitates in vnum re-  
ductæ planè sint: nec gustanti acetum adhuc crudum  
appareat, inde ab igni auferes. cumq; vti voles, aquā  
ei miscebis, sic temperans, vt vinum. sed satius erit  
de modo ex sumentium gustu facere iudicium. ipsa  
tamen prima eorum cōmixtio, quo plurimis idonea  
sit, ita est faciēda, vt vni parti aceti, mellis, à quo de-  
tracta spuma sit, dimidiū adijci oporteat. Cum aqua  
verò



verò statim oxymeli conficies hoc modo, melli quadruplum optimæ aquæ miscebis, deinde modico igni coques vsque dum spumare desinat. Conficitur sanè oxymeli etiam tribus statim ab initio cōmixtis ad hunc modum, aceti vni parti additur mellis duplum, & aquæ quadruplum: hæc q; ad tertiam, vel etiam quartam partem, spuma interim ablata decoquantur.

# QVARTI, ET VLTIMI

LIBRI FINIS:

# AC DEO HONOR, ET

GLORIA.



# OBSERVATIONES IOAN.

BAPTISTAE RASARII, IN NOVEM

*Oribasij libros ad Eustathium.*

IOAN. BAPTISTA RASARIUS

Io. Laurentio Massatio, Medico. S. P. D.

**C**VM de nouem Oribasij librorum ad Eustathium editione mecum ageres, antequam in Cyprum ab ista maxima, nobilissimaq; insula euocatus proficiscereris, ea potissimum ratione ad id mihi persuadendum utebaris, ne tardare studia multorum. Sed cum uterq; nostrum in magna spe esset, fore, ut cum primum mea interpretatio in lucem esset prolata, nonnulli fortasse, apud quos iidem libri diligentius descripti delitescerent, de eis edendis cogitarent: nostram tamen adhuc inanem fuisse coniecturam perspicimus. quam ob rem cum antea summo studio huius opusculi exemplum perquirebam, ut cum meo accurate conferrem: tum uero hoc tempore quod pertinet ad delendas multas maculas, quas Oribasius librariorum culpa susceperat, non esse celandum diutius existimaui: nactus enim uetustum codicem sum, ex quo ea sumpta sunt, quae mox sequuntur. doleo ab eo uolumine tertium abesse librum, in quo sperabam multa esse emendaturum: scis enim quam multa sint in eo deprauata, ut in conficiendis medicamentis uel liquida, uel arida saepe desiderentur: et potiora una atq; eadem plerumq; nota significantur. Nam quod

R

Paulus



Paulus Aegineta ita scripsisse Oribasium insinuat, id ego librariorum incuria factum putò. uerum quod hactenus usu non uenit, forsitan aliquando consequemur. tu interim qui summa cum humani generis salute, & singulari tua cum laude medicinam facis, hisce locis emendatis fructuere, atq; idem de libris ad Iulianum propediē expecta. Cura, ut ualeas, et me, ut facis, ama. Venetijs, Calend. Mart. MDLVI.

**Q**UOD legitur libro primo, capite tertio, Aliax verò citra robur, &c. Verus codex ita habet: τὰ δὲ ταχέα χωρὶς δ'τονίας, καὶ βίαις ἐστὶ, id est, aliax verò celeres citra robur, & violentiam peraguntur.

Cap. v i. Quicūq; etiā molles carnes habet, &c. v. l. καὶ ὅσα μαλάχια, id est, quicūq; etiam spinā nō habent, qui μαλάχια nominantur. Paulò post. Coire enim cum excrementis malum est. In vetere libro sic legitur: κακὸν δὲ καὶ ἐπὶ περιττώμασι μίσγεσθαι. i. coire etiam cum excrementis malum est. ut hoc sit aliud tempus, non autem ratio reddita eorum, quæ suprà sunt dicta. Et item paulò post. Et alui fluxus recētes, siquidem diuturnos quandoq; venus siccāt. v. l. sic, καὶ διάρροιαν ἐξαπινσάν: τὴν δὲ κεχροτισμένῳ ἐστὶν ὅτι τὰ ἀφροδίτια ξηραίνει, hoc est, & alui fluxus repentinus: siquidem inueteratos quandoq; venus exiccat. Et ita etiam apud Aëtium legitur.

Cap. xvi i. vbi de aloë agitur, hæc sunt verba: Pertransit enim, neq; cibos corrūpit: præterea neq; sitim, neq; famē inducit. V. c. sic: διαχορεῖ γὰρ, καὶ τὰ σιτία οὐκ ἀφανίζει. πρὸς δὲ, καὶ ἀδίψον ἐστὶ, καὶ ἀσιτον, id est, pertransit enim, neque ciborum vim hebetat. præterea sitim non inducit, & ad sumendum cibum nos red-



reddit promptiores. Atq; ita etiam legitur apud Orib. vii. Collect. cap. xxvii.

Eodem capite de scamonea, Pituitam & bilim vehementer educit, datur eius puræ drach. vna ad summum. v. l. sic habet: ἄγει δὲ φλέγμα, καὶ χολὴν ἰσχυρῶς ἄκρατον, ὅσον γο ἅ. τὸ πλεῖστον. i. pituitā & bilem purā valenter educit vna eius drachma ad summum. itaq; habet Orib. vii. Collect. xxvii. Paulò infrà, Purgatione cessante, vtilius erit in lecto recubere. V. l. melius hoc modo: ἡκούσης δὲ τῆς κατάρσεως. i. purgatione procedente, & non ληγούσης, vt antea legébatur.

Cap. xxi. Aut anethi radix excalesceta. V. l. sic: ἡ ἀνήθη τῆς ῥίζης κεκαυμένης, id est, combusta anethi radix.

Cap. xxi. Succus Cyrenaicus. legendum est, Liquor: atque ita deinceps cūm Cyrenaici, aut Medici, aut papaueris, aut panacis succi fiet mētio, si ὁ πὸς græcè legatur, Liquor, semper erit dicendum: vt à nomine χυλῶ, qui exprimitur, & ille manat, distinguatur.

Cap. xxvi. Si verò nitri parum addas, abscessus rūpet. in v. c. legitur προσβαλὼν δὲ νίτρου ὀλίγον, ρύσσει κόλπους, id est, sinus rumpet.

Cap. xxxi. Si pustulæ eruperint, lana rosaceo &c. V. c. pro lana habet ὀθώνην, id est, linteolum.

Cap. xxxiii. Ceterū qui affectiones cognoscere non possunt, sæpe quod cōuenit, perficiunt, &c. ita legitur apud Galenum ιι. κατὰ τόπους: sed Orib. habet aliter hoc modo: πολλάκις δὲ οὐκ ἀννοῦσι τὸ δρόνοι μὴ διαγιγνώσκοντες τὰς διαθέσεις. i. sæpè enim quod par est nō perficiunt ij, qui affectiones nō cognoscunt.

Cap. xxxv. Helenij radix æquè ac fimus columbarū syluestrium, quo admodū frequenter vtimur. V. c.



IN ORIB. IX. LIBROS

tus codex sic distinguit, ἐλενίου ῥίζα ὁμοίως. Τῇ κού-  
ρω τῶν νομάδων περιερῶν πάνυ συνεχῶς χρώμεθα,  
.i. helenij radix simili modo. fimo autem columbarū  
syluestrium frequentissimè vtimur.

Libro secundo, capite primo, Pinei nuclei, lenti-  
scus &c. v. l. addit, σροβύλε τὸ ἐδάδιμον .i. pinei nu-  
clei vesca pars, lentiscus &c.

Cap. II. Atractylis, cnicus agrestis. in v. l. melius  
legitur sic: ἀτρακτυλὶς ἢ κνίκος ἀγρίος. i. vel cnicus a-  
grestis. Paulò pòst, Styrax hydnon, piper. v. l. σύραχ,  
ὕδροπίπερ. i. styrax, hidropiper. Sed apud Aëtiū, qui  
Oribasium autorem habet, vbi de eadem re agitur, le-  
gitur vt prius translatum est, ὕδρον, πέρυ .i. tubera,  
& piper. quamuis cūm de calefacientibus agatur, ex  
omnium sententia videtur legendum esse hydro-  
piper, cūm id à Dioscoride lib. ij. Galeno viij. simp.  
& item cæteris inter calefacētia, ὕδρον verò, hoc est,  
tuber non item, adnumeretur.

Cap. v. Epithymum, menta, satureia. v. l. habet θύ-  
μα, hoc est, thymū, nō θύμβρα, hoc ē, satureia. quod  
etiam apud Aëtiū legitur, quanquam vtrunq; reti-  
neri potest. Vel dicendum, deesse verbum θύμα. Pau-  
lò pòst, Caroum. v. l. habet καρώωλον. Aëtius tamen  
nihil variat: ac Galenus quoq; vi i. simpl. carum ha-  
bet, cuius semen in III. ordine calefacientium con-  
stituit. nihil ergo mutandum hīc puto. Sed paulò in-  
frà, cūm legitur, ῥάφανος v. l. habet ῥαφανὶς. i. radícula,  
magis accommodatè: siquidem de ruta, deq; rododa-  
phne fit mentio, quas in tertio gradu calefaciētium  
vnà cum radícula Gal. collocat. Ita etiam legend.  
infra cap. xxxix.

Cap. viii. Conyon vehementer, legendum est, ci-  
cuta extremè: loquitur enim Oribasius de refrigeran-  
tibus.

Cap.



AD EUSTAT. OBSERVAT.

Cap. viii. Acacia lota, plantago, beta. v.l. ἀκακία  
πέπλυμένη, ἀρνόγλωσσον, βλίτον. i. blitum, non beta,  
quam & Orib. & cæteri τεύτλον vocant.

Cap. xii. Asix petræ flos marcescentes carnes are  
facit. v.l. ἀσίας πέτρας ἄνθος τὰς πλασθαρὰς σάρκας  
ἐκτῆκει. i. Asix petræ flos flaccidas carnes eliquat.  
Eodem cap. Ouorum candidū & putamen. v.l. ὠῶν τὸ  
λακόν, καὶ τὸ λεπτόν. i. ouorū candidū & tenue. prius  
tamen λέπος. i. putamen legebatur.

Cap. xvi. Abrotanum, & præcipuè vřtum. v.l. ἀβρό  
τονον, καὶ μᾶλλον τὸ καυθέν. i. abrotonum, ac magis  
etiam, cum vřtum est.

Cap. xxi. Cicuta, picea arbor. v.l. κώνειον, λῶκη. i.  
cicuta, leuce arbor.

Cap. xx. Oleum vetus, glycyrrhizæ radix. v.l. ἔλαιον  
παλαιόν, γλυκυσίδις ἢ ῥίζα. i. oleū vetus, raxoniz  
radix. Et ita esse legendum puto: nam tenuiū esse  
partium raxoniam, & non glycyrrhizam, Galenus vi.  
simp. testatur. sed propter nominis similitudinem fa  
cilis fuit lapsus: qui etiam infrà cap. xxxix. cernitur.

Cap. xxvi. Thus, pix Aegyptia, mastiche. malè di  
stinctū est: legēdū. n. est, thus, pix, Aegyptia masti  
che, vt dicat mastiche Aegyptia, ad Chia differētiā.

Cap. xxvii. Folio malux sylvestris, malux cau  
les. v.l. τῆς ἀγρίας μαλάχης τὰ φύλλα, ἀναδενδρομα  
λάχη, id est, agrestis malux folia, & anadendromala  
che: quam Galenus vii. simp. altheam quoq; appel  
lari scribit.

Cap. xxxv. Asparagus, oxymyrfinum. legendum  
asparagus oxymyrfinus, sine vlla distinctione, vt e  
tiam cap. xl. Eodem cap. legitur, allium, pastinaca, le  
gend. ex v.l. scordium. vt etiam cap. sequenti, & cap.  
xlvi. Et paulò infrà. Orobus, qui sumptus, legend.  
eruum copiosius sumptum.



IN ORIB. IX. LIBROS

Cap. xxxvi. Potus vini, in quo scorpius marinus suffocatus sit. v.l. σκορπίου θαλασσίῃ πνηγέντος οἴνω τὸ ἀπόβρεγμα, id est, dilutum scorpij marini in vino suffocati.

Cap. xxxix. vbi asteriscus est, Catapotia attrahentia, quæ datur. v.l. ἐκλεκτά διδόμενα καταπότια, id est, catapotia quæ ad lingendum dantur.

Cap. xliiii. Cedria, auripigmentum. v.l. addit μέλι, id est, mel.

Cap. i. Sábucus, ebulus. v.l. ἀκτέα, ἄνθεμις, id est, actea, & chamæmelum. Eodem cap. Ibiscus, althea. legend. ibiscus, siue althea. Eodem cap. legend. Ex caricis, pingues, magis quæ ex caprificu existunt.

Cap. lxi. pro smyrna, legendum est, myrrha. & item cap. sequenti. Paulò infrà. Glaux, cerebrum. Diosc. lib. iiii. & Orib. xiiii. Coll. cap. lxi. herbam esse glauca, & animal, quæ noctua dicitur, scribit: ac cerebrum noctuæ ad lac gignendum accommodatum esse ex Zopyri sententia commemorat.

Cap. lxx. Vbi de Lemnio sigillo fit mentio, habet alius codex, drach. mediam. v.l. legit drach. viii.

Libro iiii. capite primo. Dauci, seseleos, trochisci. v.l. δαύκε, σεσέλεος, τὸρδυλίς, id est, dauci, seseleos, tordylj, quod tordylium Dioscorides lib. iiii. Sefeli Creticum ab aliquibus vocari scribit.

Cap. lxi. Itemq; saxatiliū piscium, & pelagiorum. legendum est, itemq; saxatiliū piscium, littoralium ac pelag.

Cap. v. Cetaceum genus in mari degentiū animalium. legend. omne cetaceum genus &c.

Cap. xxi. Paguri, cancri, locustæ. legend. paguri, cancri, loligines. Et eodem cap. his minus nutrit album simul, & crassum, & adstringens. legendum, & auste-



AD EVSTAT. OBSERVAT.

austerum. Et paulò pòst, Minus verò alit polenta. legend. æquè, atque ij, nutrit polenta. Et item, Corna, pruna sylvestria, zizipha. v. l. addit, rubi fructus, arbuti fructus.

Cap. xiii. Legendù est, Buglossum, passer, & lacerus medij quodammodo sunt inter eos, qui teneram, duramq; carnem habent: alimentumq; eorù est optimù ijs, qui se nò exercent, quiq; imbecilli sunt: ijs verò, qui conualescunt, friabile, & molle alimentum est ad bonam valetudinem accommodatissimum. quocirca optimum omnium succum creant carnes quadrupedù animalium, si probè concoquantur & c. Ita enim etiam scriptum est lib. iii. Collect. apud Orib. cap. xv. Tum non ita multis versibus interiectis legend. Et pituitæ plurimùm faciunt, mamma & iecur boni succi sunt, & c. Et, meliores sunt pedes porcorum, quàm grunus & aures.

Cap. xiiii. legend, Seniorum verò carnes sunt pessimæ. & paulò pòst, Aut pecudù: non minus quoque, quàm eæ, mali succi est ceruina caro, renes, & testes nimis adulatorù, & c. paulò pòst, Quam alij horari fructus. Et non ita multò pòst, legend. Porrorù, alliorum, daucorum, & radicularum: & item, Vina, quæ crassa sunt, & foetida, & austera.

Cap. xv. legend. Torpedo, turtur, omne genus volucrum. auium nanq; caro terrestrium carni compar. & paulò pòst. Ex bubulis & caprinis carnib. meliores ad concoctionem sunt bobus vituli, atq; hœdi capris, omnes præterea carnes eorum, & c. Ad finem cap. Vinum dulce facilius, quàm austerum concoquitur.

Cap. xvi. legend. Mulli, orphi, deinde, ova tosta, elixa, fricta, triticum elixum.

Cap. xvii. legend. Oliuæ sale conditæ. præstantiores



IN ORIB. IX. LIBROS

riores autem sunt. Et pòst, Huius generis sunt carduus, atractylis, & atracte magis honorata, quàm còueniat. &, Regius asparagus, palustris, myrti syluestris &c.

Cap. xviii. legend. Vinù nigrum, & austerù facile acescit, & ad vomitum impellit: crassum quoque & nouum.

Cap. xxi. legend. Præcipuè verò si mellis portio ei fuerit indita. Zithus & succi omnes. ita enim v. l. habet.

Cap. xxii. legend. Ad quem vsum adhibenda est cum oxymelite, vel aceto & oleo ante alios cibos omnes. paulò infrà, Quocirca & asparagum asphodeli ictericis, vt summù remedium, præbent. & infrà Radicula attenuandi vim habet.

Cap. xxiii. legend. triticum elixum, oua elixa.

Cap. xxvii. legend. Serum lactis valde aluù molit, eiq; tantù optimi mellis addendum &c. Et, Carnes animalium, quibus parum admodum ætatis accessit. Similiter etiam eorum extremitates facilius per aluum transeunt. Et pòst. Vuæ dulces, præsertim cùm humidæ fuerint: mora in purum ventriculum incidentia &c. Et, Si rectè affectus sit venter ad infernam deiectionem, facile deiiciuntur: si verò non, & ipsa supra cætera manent, & nihil &c. Et, parum ad alteram partem vergens, cùm neq; ventrem languidum ad excretionem, neq; validum ad distributionem sortiatur.

Cap. xxix. legend. Palmulæ austeræ, vuæ passæ austeræ, mora, rubi fructus. Et, quæ dulci succo prædita sunt sine acrimonia, facilius descendunt.

Cap. xxx. lege, Radicula, sinapis, nasturtium, pyrethrum.

Cap. xxxi. lege, Allium, cepa, porrum.

Cap.



AD EVSTAT. OBSERVAT.

Cap. xxxii. lege, Cucurbita elixa, melopepones, cucumeres, pruna, sycomora, austeræ & acidæ vuæ passæ, vuæ, mala adstringentia frigidi & terrestres succi sunt: acida verò frigidum, ac tenuium partium succum habent: quæq; perfectè, &c.

Cap. xxxiii. lege. Contrà fit in radícula, rapis, sinape, nasturtio, pyrethro, atque omnibus, quorum acer asparagus est, polenta item siccatur, viticis semine, eruum bis, aut sæpe in aqua dulce redditum edulium fit exiccans &c. Paulò post. Siccus etiam est, quàm id quod non habet. quæ verò minus horum, & de frutibus plus habent &c.

Cap. xxxiiii. legend. ptissana, cucurbita elixa, pepones. Et, humectat quoque lactuca, intubusq; sed debilius: portulaca autem, malua, & blitum &c.

Cap. xxxv. Hoc caput, mirum in modum in omnibus libris est deprauatum, nonnulla tamen sunt restituta. itaq; legendum est. Iis verò, qui sunt ad continendos cibos imbecilliores, neq; sumere crassius alimentum, quàm aqua sit, queunt, &c. Et, Hordeum verò, quod febricitantibus dandum est, non est confringendum, sed lauandum, & in aqua coquendum: ac prima quidem aqua abijcienda est, tum alia adiecta coquendum. rectè autem coquetur, si decem aquæ heminas in vnam hordei heminam iniicias: coquitur autem donec hordeum crepet: deinde percolatur tenuissima aqua, & melle admixto, vel etiam per se sola potui datur: hoc enim & aluum probè soluit, & urinam cit, & abundè nutrit. Datur item hordeum in pollenta frictum, quod etiam *καχέυδα* appellant: sed antequàm tundatur, leuiter fricandum est, &c. Et, Posset autem simili quoq; modo omne ferè alimentum subteri in potionibus. Et, Addimus cucumeris semen tostum, &c. Et, Hæc autem cōtusa in aqua sunt,



IN ORIB. II. LIBROS

sunt diluenda.

Cap. xxxvi. lege. Ptissanæ verò, ac cæteris decoctis vel pinea nux, vel auellanæ &c. Et, Pro oleo papauer album leuiter frictum cum putamine indetur. iam ad fluxum &c.

Cap. xxxvii. lege, Parumq; olei & anethi addatur. prius verò lauanda simila est. panis antiquus aqua &c. Et, Vsq; autem coquitur, dum quinta pars remaneat, eaq; percolatur. itrium verò &c.

Cap. xxxix. Sic legend. Febricitantibus optima potio est mulsæ, vel oxymel. aqua verò in febricitante, omni morlu vacans, diluta verò, quæ adstringendi vim habent, in ventris turbationibus non sunt incommoda: & ad vomitus cohibendos valent, quibus mellis aduersa exhibitio est: Et, Pira verò in aqua infunduntur, quæ acerbæ & dulciæ sunt. Et, Acini quoq; vuarum conscissi in aqua macerantur.

Cap. vlt. Ex pluuijs aquis æstiuæ, quæq; ex tonitruo fit, præstantior est, & item quæ nimbi est demissa. Et, Bibendæ sunt vino mixtæ, vt acerbis dulcius vinum, alijs verò id, quod sit acerbius, misceatur. Vtile etiã est limosas, salsas, & bituminosas percolare &c. sed hic locus fuit à me iandiu restitutus lib. primo Orib. ad Eunapium, cap. xiiii. idq; beneficio vetusti codicis, qui in bibliotheca D. Marci est. ex quo etiam sum speram verbum ἀσφαλτώδη, id est, aquas bituminosas esse percolendas, vt nō sit legendum, σὺν ἀλφίτοις, id est, cum polenta: quod erat sanè ineptum, & ab hoc loco alienum.

Libro sexto. capite septimo legend. Magnum verò ac notabilis concoctionis indicium in primis vrinis nunquam &c.

Cap. xxiiii. legēd. Fiunt etiã meliora. cūm tem  
pera-



AD EVSTAT. OBSERVAT.

peraturæ contraria immoderatio immoderationem  
eorrigit. Et, Laboribus, cibo liberaliore, & potu par-  
ciore.

Libro septimo, capite xxi. legend. Sed color ex-  
rum humoris colori respondet.

Cap. xviii. sic legend. Reduuias paruas, & inci-  
pientes galla cum melle reprimat, & prohibet con-  
firmari: ubi verò factæ iam sint, carnem, quæ præter-  
naturam excreuerit, consilium est medicamentis  
morsus expertibus absumere, &c.

Cap. xx. legend. Ita enim grumo compacto san-  
guinis defluuium sistetur: eo ita non suppresso &c.  
Et, Tertio verò die solues: siq; medicamentum tuto  
adhuc vlceri adhæret, &c. Et, Ad sanguinis autē pro-  
fusiones, quæ ex ore, aut thymis, aut formicis, aut  
verrucis, &c. Et, Aut acinorum, aut lenticularum os  
colluendo. ijs etiā vtendum &c. Et, Huiusmodi sunt  
alica, farinaq; pura decocta, cochlea, caseus mollis.  
Et, Quorum tenerorum vitelli, pira, achrades, mala  
cydonia, &c.

Cap. xxi. legend. Cicatrices verò, quæ fiunt ex-  
impetigine, & alijs de causis cōcolores reddit adeps  
asininus, &c.

Cap. xxii. v.l. sic habet: Vt in tetrapharmaci li-  
bram horū alicuius vncias duas coniicias. Et tamen  
apud Paulum legitur, vncia vna. Tum v.c. habet hæc:  
ποιεῖ γὰρ καλῶς πρὸς τὰς νεύροτραύμας, καὶ μάλιστα τὰς  
γενηγμένους. i. Egregiè .n. ad nervos vulneratos, præ-  
sertim verò punctos facit. Paulò pòst, legen. Quies  
imperetur, lectus mollis esto, oleo calido liberalio-  
re &c. Et pòst, Illinendū est cataplasma quod ex sem-  
peruiuo, mali punici cortice, in vino cocto, & rhoë  
& polenta adiunctis conficitur. Paulus tamē & duo  
Oribasij



IN ORIB. IX. LIBROS.

Oribasij codices pro  $\chi\eta\iota\ \rho\acute{\epsilon}$ , & rhoe, habent  $\chi\eta\rho\acute{\epsilon}$ , id est, cera. Et pòst legend. Si ex horum vsu immutatio oriatur, & pus &c.

Cap. xxxi. legend. Admiscetur etiã opij parum, aut succi papaueris, cicutæq; & mandragoræ & composita medicamenta fiunt. Ceratum refrigerans. Cera quæ &c. Et pòst. Itemq; inflammationibus pudendorum incipientibus prius quàm depascens &c.

Cap. i. legend. Non tamen absolutè in singulis hominibus &c.

Libro octauo, capite xxvi. legendum est, Nonnulla autem medicamenta, cum excrementis totum corpus vacat, achores incipientes curant.

Libro nono, capite decimo, legendum, Et alia omnia ex oleo copiosiore parata, & in quibus nihil austerum & acerbum insit. Et multò pòst. Aut clauiculorù vitis, vel seminis cucumeris, vt octo trita cum aqua frigida dabis. Item, hoc quod sequitur, conuenit, Foeniculi radicis corticis vnciæ sex (ita enim habet v. c. & Orib. i. i. ad Eunapiù cap. lxxxii.) acetix sextarius vnus, aloes vnciæ tres. Et paulò pòst eadem varietas est: habet enim v. c. & ibidem Oribasius hoc modo: Quibus autem cibus acescit, hoc est accommodatù, piperis drach. iij. seminis anethi &c.

Cap. xv. legend. Cinis vniuersarum cochlearum affatarum, malicorium &c.

Cap. xvi. legen. Tenuioris intestini morbus cum difficilis est, tum verò &c. Et sub finem capituli, In senis oxymelitis cyathis pondere drachmæ vnus bibendum dato.

Cap. xvii. legend. Succus quoq; létisci ad sedem &c. ita enim v. l. habet, & Orib. i. i. ad Eunap. xci.

Cap.



AD EVSTAT. OBSERVAT.

Cap. xviii. lege, Plumbumq; vstum sit, & spiffamenta vnguentornm. aperit & c.

Cap. xix. v. l. sic habet. Ergo cum repletum corpus est, simul euacuatur, & quod & c. Et, Cum vino odorato epotus : & eupatorium, quod etiam particulæ robur & c.

Cap. xxii. lege, Aqua inter cutem fit propter nimiam iecoris refrigerationem, vel ex frigidi sanguinis multitudine, & c.

Cap. xxiii. legend. Ammoniacum, caprillum ster-  
cus illitum ex polca, & farina hordeacea. albæ vitis  
radix epota, & foris cum ficubus applicita.

Cap. xxv. lege, Renibus natura comparatum est,  
vt serosum excrementum tenuissimo sanguini in ve-  
nīs cōmixtum in se trahant. Et, Deinde si renes ma-  
gis ignea, acrioreq; & c. Et, Lapillorumq; tofaceo-  
rum formam concrefcere. Et, Præsertim nigrum: ce-  
rafi arboris & pruni gummi; cyperi radix, paliuri fru-  
ctus, tribuli fructus & c.

Cap. xxvi. lege, Quorū renes abscessus infestat,  
quo concocto pus per urinas excretum & c.

Cap. xlix. lege, Roboris pars quæ sub cortice trun-  
ci membranosa est, quod & c.

Hæc sunt optime Massati, quæ vetusti codicis ope  
adiutus adnotanda existimaui: siq; vnquam alius me-  
lior ad manus meas perueniet, idem me factu-  
rum polliceor, ac Deus faxit, vt quod  
cupio, cumulatè præstare ali-  
quando possim.

OBSERVATIONVM

FINIS.



INDEX IN QVATVOR LI-  
BROS ORIBASII ADEVNAP-  
pium, & rerum & uerborum memo-  
rabilium, locupletissimus.

A

Abscessuum, quæ apostemata dicuntur, curatio	150
abscessus internos rumpens medicamentum	67
absinthij facultates.	57.
cur pituitam in ventri- culo contentam, nihil adiunget	ibidem
abstergentia, incidentia, & aperiëntia medicamēta	43
abstergentium medicamentorū catalogus	106. 107
acaciæ vires	51
acanthæ leucæ, hoc est, spinæ albæ radiceis & seminis	
vires	52
aceti vires	85
acidum lac	33
acopum ex populi floribus	250
ἀκονίτα	246
acori radiceis facultates	52. 56
actæ folia	17
adianti vires	51. 241
adipis inueterati facultas	93
adipis suilli vires	92
ægri ab exercitatione, & balneis à cibo admotis, fa- cti, quomodo curandi	15
ægylopi vires	51
ægylopes & calazia quomodo curanda	185
Aegyptiæ terræ facultates	60
ægyri florum vires	51
aër qui saluberrimus atq; optimus fit	27
qui item morbosus ac perniciosus	ibi dem
æris facultates	ibid.
æstiuo tempore qualis diæta instituenda	20
	æstus



# I N D E X.

æstus ex labore immoderato quomodo refrigeran-	
dus	13
affectioni ex defluxionibus ortæ, quomodo succur-	
rendum	149
agarici vires	51
agnina caro	33
agni, hoc est, viticis florum, foliorum, & fructuum vi-	
res	50
agrosteos, hoc est, graminis radicis vires	ibidem
arizon maius & minus quas vires habeat	15
alarum sædi odores, & hirci quomodo curandi	107
albugines oculorum quomodo tingendæ	183
algæ vires	97
alica	31. 33
alimentorum crassi succi catalogus	31
alimentorum facultates	28
alimentorum varietas cur sit vitanda	29
allij facultates	93
aloës & picræ vsus cur senibus noxius	21
aloës post cœnam sumptio	17
aloës vires	52
alopecia vnde dicta	171
alopeciæ & ophiasis curatio	ibidē
alopecias sanans medicamentum	51. 57. 75. 77. 85
alphi quomodo curandi	159
alterci vires	96
altheæ vires	82
aluum subducentia	17. 22. 45
supprimentia	46
ambustorum curatio	131
ameos seminis natura & vires	53
ammoniacy facultates	ibid.
amomi facultates cum acoro conuenire	ibid.
ampeli leucæ, id est, vitis albæ, siue bryoniæ vires	53
nigræ	



# INDEX.

nigræ item	53
amurcæ natura & vires	ibid.
amygdalæ amaræ facultates	ibid.
amygdalæ subamaræ	31
amylum 31. eiusq; vires	89
anagallidis vtriუსq; facultates	53
andrachne, idest, portulacæ facultates	54
Andronis pastillus	251
anemonæ facultates 54. radicis vires	ibidem
anethum	30
anginæ curatio	208
anguillæ	32
animalium testa opertorum vires	29.32
animi defectionibus quomodo succurrendum	120
121.122.123.	
anethi vires	54
anisi seminis vires	30.55
anserini adipis vires	92
anthemidis siue chamæmeli facultates	54
antidotes 205.	(163
antidoton cõmune ad omnia lethalia medicamenta	
aperientia, purgantiaq; meatus medicamenta	106
aphronitri vires	57.81
aphtharum curatio	204
aphthas & alia oris vlcera sanans medicamentum	58
apium 30. eiusq; facultates	91
Apollonij Pergameni de tibiæ scarificatione sententia	17
apophlegmatismi pituitam euocantes in dentiũ doloribus	199
aqua in auribus contenta, quomodo remouenda sit	
186.187.	
aquæ electio, & facultates	25.26
aquæ inter cutem curatio	226.227
	rimam



# INDEX

aquam facile putrescentem, non semper esse deter-	
rimam	26
aqueam humiditatem habentium catalogus	103
arietini ciceris vires	65
aristolochiæ longæ vires	55
item rotundæ	ibidem
ari facultates	56
arnoglossi, id est, plantaginis vires	55
arquatū morbum ex hepatis obstructione, iuuans	51
arquatū morbum iuuans medicamentum	79. 61
arquatū per nares expurgans	88
arsenici vires	56
artemisiæ facultates	ibid.
articulis relaxatis succurrentia medicamenta	148
asari radices facultates	56
aspalathi facultates	ibidem
asparagi myacanthini facultates	ibidē
astaphis, id est, vix tam cultæ, quàm agrestis faculta-	
tes	57
asperitates sanans medicamentum	74. 79
asphodeli radices facultates	57
asthmaticis & purulētis quomodo succurrendū	211
asthmaticis ac epilepticis conueniens medicamen-	
tum	92
atriplicis herbæ facultates	57
feminis item	ibidem
attenuantium vires	28
attenuantiū, & crassos succos facientium, media	32
atrahentium medicamentorum catalogus	109
auditus difficultas quomodo curanda	185
aures fractæ & relaxatæ quomodo curandæ, item ad	
earum fluxum sanguinis, ad tinnitū repentinum,	
& ad lapillos, aut fabas, aut quid tale, aut parua ani-	
malia, quæ in aures inciderint	188.
S	aures



# I N D E X.

aures humidæ quomodo curandæ	190
aures vulneratæ ac purulentæ quomodo curandæ	188
aurium affectionibus quomodo succurrendum	185
aurium dolor quomodo sedandus	ibid.
aurium fluxiones sanans medicamentum	74
auriū inueteratos dolores sedans medicamentū	88
aurium sordes quomodo tollantur	189
auribus purulentis conueniens medicamentum	94
autumnali tempore qualis diæta obseruanda	3.20
autumno rebus venereis minimè vtendum esse	24

## B

<b>B</b> Alaufij vires	58
balsami vires	ibid.
bati, hoc est, rubi foliorum facultates	ibidem
bdellij facultates	ibid.
biliosum succum gignentia	34
biliosis à quibus abstinendum	28
bliti vires	58
bouina medulla	84
betæ vires	30.41.95
brassica	30
brathii, hoc est, fabinæ facultates	59
brochocelas & hydrocelas sanans medicamentū	58
bronchocælis, hydrocælis, & enterocælis curatio	156
bubulæ carnes	32.
bubulum cerebrum	35
buccinæ	31
bubonum curatio	152
bulbi facultates	32.33.58
buphthalmi vires	59
butyri facultates	58

## C

<b>C</b> Adentia in oculos, quomodo tollenda	184
calaminthæ vires	69
calami, id est, arundinis vallis vires	70
	calcis



# INDEX.

calcis vires	96
calculos frangens, & hepaticos iuuans medicamen- tum	62
calculos vesicæ confringens medicamentum	87
calefacientium catalogus	98.99
item de iis, quæ media sunt inter calefacientia, & refrigerantia	ibid.
canabis seminis vires	30.70
cancro curatio	137.138
canini appetitus curatio	213
capilli, vt canis non nascantur	175
capilli fluentes quomodo curandi	173
capillos quæ nam vitient, & quomodo his succur- rendum, item quomodo pulchri faciendi sint	174
capni, id est, fumi facultates	70
capparis radicis cortex quas vires habeat	30.70
caprinæ carnes	32
caprini adipis vires	92
caput lædentium catalogus	49
caput mobile habentib. quomodo succurrendū	172
capitis dolor ex febris vehementia ortus, quomodo sedandus	169
capitis dolor ex nimio potu obortus, quomodo se- dandus	ibid.
capitis dolores ex acri humore in ore stomachi col- lecto, & vapores ad caput mittente, quomodo se- dandi	168
capitis dolores ex æstu aut frigore exorti, quomo- do curandi	167
capitis dolores ex plaga aut casu oborti, quomodo sedandi	170
carbunculorum curatio	136.137
carcinodis vlceribus conueniens remedium	84
cardami, id est, nasturtij seminis vires	71



# I N D E X

cardamomi facultates	71
cardiacis quomodo succurrendum	124
cariæ arboris facultates	71
caricæ	51
caro, quæ in auribus supercreuit, quomodo tollenda	190
carnis bonitas quibus notis cognoscenda	30
carnes ceruinæ	32
carnes flaccidas in vlceribus celerrimè eliquâs medicamentum	65
caruncula è gingiuis enata quomodo tollenda	202
casei	32
casia facultates	71
castanæ	32
castorei facultates	72
catapotium sitim æstuantibus sedans	216
catapotia purgantia ex aloë Galeni	253
cedri facultates	ibid.
centaurij maioris radices facultates	ibid.
ceparum vsus	18
cephalæ curatio	170
ceræ facultates	73
ceræ mensura quæ sit oleo adhibenda	246
ceratum refrigerans	123
ceratum ventriculi	215
cerebrum	32 33
cerelæon	25
ceruina medulla	84
cerussa facultates	97
cetacei	31
chemæ	ibid.
cholera curatio	124. 125
cibos corrumpentia	12
cicatricè vetustis vlcerib. inducēs medicamentū	73
cica-	



# I N D E X

cicatrices atrae splendidas reddēs medicamentū	70
cicatrices, stigmata, & vibices tollentia medicame- ta	144
clauos, callos, myrmecias tollens medicamentū	69
clysteres acres cur senes vitare debeant	22
cnicus obsoniis cur indatur	17
coaguli vires	83
cocali facultates	79
cochleæ	32
cœliacos & stomachicos iuuans medicamentum	52
cœliacis, stomaticis, & nephriticis accommodata re- media	221
colicorum curatio	218.219.220
colocynthæ vires	74
columbarum carnes	32
columbini stercoris vires	75
columellæ affectiones quomodo curandæ	205
comitiali morbo puerorum cōueniens medicamen- tum	62
comitiali morbo conueniens medicamentum	51
conceptionem iuuantia	240
conceptum mulierum impedientia	241
concoquentium catalogus	104
confectio ex capitibus papaueris, quæ <i>ἡ ἀκρωδύων</i> dicitur Galeni	251
coniæ, idest, lixiuii facultates	74
coni fructus vires	79
conyzæ maioris & minoris facultates	74
copri, idest, stercoris caprini vires	ibid.
coriandri vires	30.74
coriannum siue corion quas vires habeat	47
corpus cōmiscens quid vitare debeant	24
corpus, cuius cutis densata sit, quomodo curandum	14



# I N D E X.

corpus post vomitum cur ablui debeat	3.19
corroborantium catalogus	104
costi vires	75
cotyledonis, idest vmbilici Veneris facultates	76
coxendicis excreſcentia, tumoribus ſimilia, quomo- do curanda	241
crambe, idest, braſſica quas vires habeat	76
crini, hoc est, lilij flos quas vires habeat	ibid.
crithe, hoc est, hordeum quas vires habeat	ibid.
crocodiliorum terreſtrium ſtercoris vires	75
croci facultates	77
cromyonis, idest, cepæ vires	ibidem
cucumeris ſemen ex melle, quid cōmodi præſtet	19
cucumeris vires	91
cumini ſeminis facultates	78
curam tuendæ valetudinis gerentibus quid potiſſi- mum cognoscendum	28
cutim condensantium medicamentorum catalogus	109
	(ibidem)
cutim rarefacientium medicamentorum catalogus	
cyami, hoc est, fabæ facultates	77
cyclamini facultates	78
cyclamini radicis vſus	241
cypariſſi facultates	78
cyperi radicum facultates	78
cytiſi foliorum facultates	79
<b>D</b>	
Daphnes, idest, lauri foliorum & baccarum vires	
62. doſis	ibidem
dauci ſemen	30
dauci & ſtaphilini vires	62
defrutum	32
dentes, atque adeò ipſi molares, quomodo ſine do- lore eximantur	200
	dentes



# I N D E X.

dentes corrofi, itemq; molares, & qui liuidi funt ac dolentes, quomodo curandi	198
dentes imbecilli aut molares & contufi, eorumque ftupor, quomodo curandi	200
dentes lædencia	49
dentes mobiles & laxi quomodo curandi	197.198
dentium affectiones quomodo curandæ	197
dentium doloribus, & ijs quos frigus oblæfit, quiq; mobiles funt, quomodo succurendum	199
dentium dolori conueniēs medicamentum	52.55
57.64.71.72.95.	
dentes gingiuasq; candore perfundens medicamentum	55
dentes fplendidos illuftresq; facientia, & flaccidas gingiuas ficcantia medicamenta	201
dentientes infantes quomodo curandi	200
dermatum, hoc eft, coriorum veterum vftorum vires	62
deftillationes ex capite, & grauedo quomodo fananda	193
diarrhœæ curatio	221
dictamni vires	62
diætam attenuantia	30
digerentia per halitum	110
digerentium per halitum catalogus	110.111
diofpoliticum	253
diphrygis facultates	62
doloris curatio	125.126
dothienarum, id eft, furunculorum curatio	157
dracontij vires	63
dracunculi radicis vfus	159
dulcia omnia materiam flauæ bili fuppeditare	34
dysenterix ac diarrhœæ fuccurrens medicamentum	
59.60.72.	

S 4 dy-



# I N D E X.

dyſentericorum & cœliacorum curatio 220.221  
 dyſentericis & ſanguinis profluuiis laborantibus ac-  
 comodatum edulium & medicamentum 55.84.  
 85.22.94.95

## E

**E** Bisci, idest, altheæ vires 63  
 ebrietatis effectus 23  
 ebrietas quibus remediis leuētur ibid.  
 echidnes, idest, viperæ carnis vires 66  
 edulia quæ omnium præstantissima 29  
 elææ, idest, oliuæ ramorum vires 64  
 elæi, idest, olei facultates 64  
 elaterii vires 91  
 elephantiasis curatio 161  
 elephantiasi conueniens remedium 66.69  
 elimi, idest, panici facultates 65  
 ellebori vtriusq; vires 64  
 elxinis seu perdicini facultates 64  
 emplastrū ex chalcitide Galeni, quod Phœnicium  
 vocatur 248. ex meliloto 249  
 item ex pompholyge ibidem  
 emplastrum ex melle 247  
 ephelin expurgans medicamentum 53  
 epinyctidarum curatio 157  
 epithema dolorem sedans podagricis & arthriticis,  
 quo vtantur cū vrget accessio 244.245  
 epitymum in vino potum 17  
 epitymo quomodo vtendum sit ibid.  
 ephelides, maculæ, & lentigines quomodo curandæ  
 126  
 ephelidas detergens medicamentum 75.76  
 epulidis curatio 201  
 epulis solū vacantes, neque sese exercentes, quo-  
 modo curandi 15  
 ere-



# I N D E X.

erebinthi, idest, cicēris facultates	69
erix, idest, lanæ sordidæ vires	ibid.
erpylli, idest, serpylli vires	ibid.
eruca	30
erysipelatis, hoc est, ignis sacri curatio	153
erysipelatis paruis ac lenibus accommodatum medicamentum	67
erysipelata perfanans medicamentum	76
erysipelata, herpetas, & inflammationes ex fluxione ortas, curans medicamentum	51
euacuationes sanis conuenientes	16
eupatorii vires	65
euphorbii facultates	95
exanthemata in capite ex febre oborta, sanans medicamentum	54
exanthemata omnia curans medicamentum	79
exanthematum curatio	132
excrementa gignentia	34
excrementis vacantia	35
excrefcentia, vlceraq; oculorum ad cicatricem perducens remedium	80
exiccantium catalogus	100. 101. 202
exolutis ex sudoribus quomodo succurrendum	123
expertum ad morbum regium	228
exustis conueniens remedium	77
<b>F</b>	
Abæ frictæ	31
fabarum vires	78
faciem splendentem tenfamq; reddentia, item quæ bene coloratam præstent, & vetent ne à sole exuratur, & quæ exultionem sanent	196
fagi & ilicis vires	63
famis ingentis causæ, & curatio	224
februm ephemerarum curatio	113. 114. 115
februm	



# I N D E X.

februm colliquantium curatio	120
ficosa eruptiones in mento quomodo curandæ	195
ficus	20
ficus, & vix cur ante alios cibos sumi debeant	20
ficus non probè maturæ	32
filijs procreandis quòdnam tempus idoneum	24
felix fœmina quas vires obtineat	89
filicis radices facultates	ibid.
fistulæ, quæ ex callo obduruit, conueniens medicamē- tum	64
fistularum curatio	151
flatum non cientia	42
item cientia	ibid.
fluor muliebris quomodo curandus	238
fluori muliebri, dysentericis, & cœliacis conueniens remedium	81.82
fluorem muliebrem, sanguinis sputū, tormina intesti- norū, & alui profluuia sistentia medicamenta	63
fluxionibus acris & mordentibus conueniens me- dicamentum	59
fœniculum	30
fœnugræci facultates	95
fœtum viuentem interficiens, ac mortuum educens medicamentum	59.68.72.74.79.89.93
frigidum succum creantia	33
fungi	32
<b>G</b>	
G Albani facultates	97
gallæ immaturæ facultates	73
combustæ vires	ibidem
gallarum carnes quales	32
gallarum stercoreis vires	75
gallarum adipis vires	92
gallorum veterum ius ad quid profic	18
	gan-



# I N D E X.

ganglium planè dissipans medicamentum	84
genituræ profluuium cohibens	67
gigartæ, hoc est, acinorum vix nucleorum vires	61
gingiux cruentæ quomodo sanandæ	202
gingiuarum affectiones quomodo curandæ	201
gingiuis flaccidis, & putrescentibus vlceribus conueniens remedium	87
gingiuis puerorum dentes emittentiũ medicamentum accõmodatum	59
glandulæ	32
glandulæ non concoctæ	33
glaucii vires	61
glichenis, id est, pulegii vires	ibidem
glycyrrhizæ succi vires	ibid.
glycyfide, hoc est, præoniæ radicis facultates	ibid.
gonorrhœæ, & pollutionis, quæ in somnis fit, curatio	235
gummi facultates	74
gypsi facultates	62
<b>H</b>	
Hæmatitis lapidis vires	80
hæmorrhoidas referans medicamentum	78
hales, id est, sales qualem vim habeant	52
halos anthos	53
hederæ facultates	73
hediosmi vires	66
hemicranix curatio	171
hepati atque lieni indurato cõueniens medicamentum	50
herpetis curatio	154. 155
herpeti, & inflammationibus iam induratis conueniens remedium	76
hiera	253
hircina caro	38
	hircini



# I N D E X.

hircini adipis facultas	93
hirudines eiiciens medicamentum	ibid.
hirudines qui deuorantur, quomodo per excretionem tollendi	163
hœdini adipis facultas	93
hominis, canis, & simiæ morsus quomodo curandus	164
hordea	30
hordei facultates	76
hordeola palpebrarum quomodo tollenda	180
humectantium catalogus	49.103
humores crassos ac glutinosos per sputum expulsi mohe & thorace eliciens medicamentum	61
humorum malitiam, & exanthemata curantia	17
humorum hominum abundantia signa	18
hydropiperis facultates	96
hyemali tempore qualis diæta obseruanda	19.20
hyosciami vires	96
hypopia curans remedium	82
hyposphagmatis & sugillatis conueniens medicamentum	60
hyssopi vires	96
<b>I</b>	<b>I</b>
Aspidis viridis vsus	216.241.
iecur	32
iecoris affectiones quomodo curandæ	224. 225. 226
iecoris obstructions gignentia	44
iecoris renumq; obstructions reserans medicamentum	56
iecori & lieni inflammatio noxia	44
iecur renesq; expurgans medicamentum	67
impetiginis curatio	159
impetigines ἀγρία, idest, feræ, quæ dicantur	ibid.
incrassantium vires	29
	in-



# I N D E X.

inflammatio sedis & cum procedit, quomodo curanda	223
inflammatio oris ventriculi quomodo tollenda	215
inflammationi in sede cum vlcere aut rugis conueniens remedium	84
inflammationi succurrentia remedia	62.74.148
inflammationes in genibus iuuans medicamentum	88
inflammationes iecoris, ventris, ac stomachi curans medicamentum	95
inflammationes & laxi tumores, qui in extremitate auris sunt, quomodo sanandi	187
inflammationes palpebrarum, aurium, & mammillarum curans remedium	97
inflammationes in vberibus, testiculis, & omnibus locis glandularum mitigans medicamentum	61
inflationum materia, causa, & curatio	160
intertriginum quæ ex calceis fiunt, curatio	131
intertrigenes sanans remedium	88
intertrigenes in foeminib. sanans medicamentum	62
intertrigenes, vlceraq; ad cicatricem celerrimè perducens medicamentum	58
intestina	33
intestini tenuioris morbus, quem <i>ἰλεον</i> , hoc est, uuluum vocant, quomodo curandus	222
intestinorum tormina sedans medicamentum	58
intyba	38
ischiadice conueniens medicamentum	67.69.76
itex, id est, salicis foliorum facultates	69

## L

Labia fissa quomodo curanda	197
lac nimis elixatum	32
lac in quibus coagulatum, quomodo dissoluendum	163
lactis cum melle vsus	17
lactis vires	50
lactis	



# I N D E X.

lactis feri facultates	59
lac optimum à vitiato quomodo dignoscendum	10
lac procreans remedium	82
lac augentia	10
lac trahens	54
lactuca	37
lupati facultates	79
lapidem in renibus gignentia	44
lapidum in spongijs repertorum vires	80
lapides in renibus confringens medicamentum	51.
58.96	
lassitudini conferens medicamentum	55
lassitudini, ex nimio labore ortæ, quomodo succur-	
rendum	13
lassitudinem lassitudine solui	12
lateris doloribus conueniens remedium	76
laterū dolores, & rupta persanans medicamentū	58
lauacri calidi vsus 28. frigidi noxa	ibid.
Lemniæ terræ vires	60
lens palustris quas vires habeat	97
lentes	29.30
lentigines curans medicamentum	76
lentisci facultates	94
leonini adipis facultas	93
leporina caro qualis	32.38
leporis coagulum omnium præstantissimū esse	89
lepræ curatio	159
lepras, clauos, myrmeciasq; eijsciēs medicamētū	38
lepras curans medicamentum	76
leptocaryæ facultates	71
leuce, alphi, melane, lepra, & scabies, quomodo cu-	
randā	158
leucoiō & fructus vniuersus quas vires obtineat	79
libanothi, hoc est, thuris facultates	80
liba-	



# I N D E X.

libanotidum facultates	80
libyfticum	30
lichenis in petris nascentis vires	81
lichenas sanans medicamentum	90
lienis affectiones quomodo curandæ	229
lieni indurato conueniens remedium	52.70.79
lienem iecurq; lædentia	44
lienes induratos sanans, ac strumas digerens medicamentum	53
lienosis conueniens medicamentum	74
lingua	32.33
lini feminis vires	81
lippitudini conueniens medicamentum	60
lippitudines ex niue quomodo tollendæ	182
liquefactum medicamentum, neruis punctis conueniens	147
liquoris Cyrenaci vires	86
lithargyri vires	81
litron quas vires habeat	ibid.
lobi	31
loligenes	ibid.
lolii vires	51
lotionum vsus	28
loti domesticæ vires	81
lumbrici rotundi, ascarides, & lati, quomodo tollendi	66.67.70.76.83.84.89.93.222
luxatorum & contusorum curatio	140
lycii facultates	82
<b>M</b>	
M Alagma Mnafæi	247
mali Persicæ folia & germina quas vires obtineant	83
malua	29
maluæ agrestis vires	82
mamma	32
	ad



# INDEX.

ad mammas & lac, quod eis continetur	212
mammillis inflammatis conueniens remedium	90
mandragoræ facultates	82
marathri, hoc est fœniculi facultates	ibidem
masticis vires	ibid.
meconis, hoc est, papaueris vires	83
medicamentum ex calamintha	254
medicamentum διαχυλῶν, hoc est, ex succis	237
medicamentum compositū, quod aperiendi vim ha- bet	226
medicamentum quod à dolore dentes tuetur, eosq; roborat, facitq; vt decori dentes sint	220
medicamentum ex succo maiorum	254
medicamenta stomatica	207
medicamentorum simplicium facultates, per ordi- nem elementorum	50
medullæ facultates	84
mei facultates	83
mel 31 eiusq; facultates	83
melancholicum succum gignentia	34
melanthij facultates	83
meliloti facultates	ibidem
menes educens, ac sanguinem per vrinam mouens medicamentum	59.67.71.82
menstruas mulierum purgationes suppressas irritan- tia medicamenta	17.61.62.65.67.72.73.74.79. 80.83.236.237.238
mercurialis	17
mespilorum fructus vires	83
mollientium catalogus	105.106
morbo regio conueniens medicamentum	70
morbi publici cōmunesq; cur dicti	111
mori fructus quas vires habeant	84
motus moderati cōmoda	29
	mu-



# I N D E X.

mulieres ne concipiant	241
mulierum conceptum impeditia	ibid.
muris aranei ictus quomodo curandus	164
Musæ pastillus	249
mustum	32
myrrhæ vires	93
myrti facultates	85
mysterium dolorem sedans	252
μύητον edulium	224
<b>N</b>	
Narcissi radices vires	85
nardi spicæ vires	ibidem
narium affectiones quomodo curandæ	191
natura hominû ad euacuationes instituendas, qua-	
liter sit comparata	19
naturam id vnum, cui assueta est, contemnere	23
nausæ causæ, & curatio	214
neruis vulneratis conuenientia remedia	145. 146
nitri facultates	81
νύκτι	204
nuces	31
nuces pineæ	32
nutrientia parum	36
nutrientia valde	35
nutrix qualis ad pueruli educationem eligenda	10
nyctalopum curatio	180
nymphææ radices vires	85
<b>O</b>	
Obstruentia	43
obstruentia senes maximè cauere debent	21
ocimum	30
ocij noxa	29
oculi ex plaga subruētī facti, quomodo curandi	181
oculorum acribus fluxionibus conueniens medica-	
mentum	



# I N D E X.

mentum	60
oculorum albugines, obscuritas, suffusio, hebetudo, caligo, epicaumata, acutus aspectus, pterygia, quomodo curanda, & albugines tingendæ sint	182
oculorum fluxio quomodo tollenda	199
oculorum inflamationi doloriq; quomodo succurrendum	ibidem
oculorum scabies quomodo tollenda	184
oculorum suffusiones ex ictu obortas curans medicamentum	94
oculorum turbationi quomodo succurrendum	178
oculorum vlcera quomodo curanda	182
oculis lippientibus remedium accommodatum	88
œdematis curatio	156
olei veteris vires	64
oleorum digerentium genera	250
oliuæ	31
ophiasis vnde dicta	172
opopanacis facultates	86
origani facultates	ibidem
orobi, hoc est, erui vires	ibid.
orobixi ciceris vires	65
orthopnoicis conueniens remedium	90. 91
oris affectionibus, inflammationi, & aphthis quomodo succurrendum	202. 203
oris teter odor quomodo tollendus	197
oris ventriculi affectiones quomodo curentur	213
ora vasorum aperientium medicamentorum catalogus	109
ostracis vstæ vires	86
ostrea	31
oui albi ac vitelli vires	97
oua dura	32
	assa-



# I N D E X.

affata, fricta in sartagine	ibidem
oxyacanthæ fructus vires	86
oxylapathi facultates	79
oxymel	31
oxymelitis apparatus	255
ozæne curatio	191
<b>P</b>	
P Aliuri foliorum & radices vires	87
palmarum fructus vires	97
palmulæ	32
palmulæ pingues 33 palmulæ virides	ibid.
palpebræ crassiores, subcruentæ, & granorum milij plenæ, quomodo curandæ	184
palpebræ duræ, & quæ difficulter mouentur, quomodo curandæ	ibid.
palpebræ lepra affectæ, quomodo sanandæ	ibid.
palpebræ quomodo pulchræ faciendæ sint	183
panes optimè confecti	32
panes quinquam crassi succi habeantur	31
panes triticei in clibano cocti.	30
παύρυρον hoc est, liquidum medicamentum	247
parotidum curatio	190. 191
parotides, bubones, orisq; inflammationes sanas medicamentum	59
partus difficilis quomodo iuuandus	241
pastillus ex charta aridus ad nomas	249
pastillus ad impetigines	160
patellæ	31
πάτος	90
pectines	32
pectoris pulmonisq; excreationibus auxilians remedium	87
pediculi palpebrarum & ciliorum quomodo curandi	184
<b>T</b>	
pe-	



# I N D E X.

pediculorum copia vnde proueniat	39
pediculorum curatio	177
pediculos interimens, & cutim pilis nudans medi- camentum	74
pediculos, lendes, & tineas, & vermiculos in auri- bus enecans medicamentum	72
pedum articularumq; doloribus quomodo meden- dum	242.243
pelamides	31
pentaphylli radices vires	86
peponis semen, aut radix ex melle, quid commodi praestet	19
perdicum carnes	32
pernionum curatio	158
petroselinum	30
petroselini seminis vires	86
phaci, hoc est, lentes quas vires obtineant	96
phasianorum carnes	32
Philonis medicamentum	252
phymata parotidasq; sanans medicamentum	51
piceæ corticis facultates	88
piceis facultates	86
picra Galeni	252
pili palpebrarum oculos irritantes quomodo euel- lendi	181
pilorum raritas vel absentia in palpebris quomodo reducenda	182
pilos fluentes cohibens remedium	82
pilos tollens medicamentum	95
pilis nudans cutim medicamentum	56
pinguedinis facultas	93
pini corticis vires	88
pinnae	32
piperis vires	86
pisa	



# I N D E X.

pisa	30
pisces molles	31
pisces sale conditi	30
pistacia	31
pituita vomituris quomodo paranda sit, vt tenuis fiat, & facile fluat	18
pituitam ex capite purgans medicamentum	71
pituitam generantia	33
placentæ quæ nam crassi succi sint	31
platani vires	88
plenitudinis præcipuæ notæ	18
plenitudines ac inanitionem, corpus commiscentes cauere oportere	24
pleuritici & lateris dolores quomodo leuandi	212
plumbi facultates	84
plumbi lamina lumbis imposita, quid commodi afferat	25
pluuiæ cur omnium aquarum lenissimæ, dulcissimæ, & tenuissimæ, splendidissimæq; habeantur	26
pluuiæ aquæ quæ nam optimæ, quæ item pessimæ habeantur	26
polenta	76
Polyidis pastillus	249
polypodes	31
polypodij radix	17
polypi curatio	191
poma immatura	34
pompholygis lotæ vires	88
porriginis curatio	176
porri vsus	18
præsiij, hoc est, marrubij vires	88
priapismi curatio	234
propolidis vires	88
pruna	32
T 3 pruritus	



# I N D E X.

pruritus sedis quomodo tollendus	223
pruritus curatio	133
pruritus sanans, sordesq; extergens medicamentum	57
psilothri descriptio	175
psimmythij, id est, cerussæ facultates	97
psores extergens medicamentum	71
psoras, lichenas, & lepras sanans medicamentum	67
pterygia digitorum sanantia	141
pudendis, testibus, atq; vberibus inflammatis conueniens remedium	84
pueruli educatio quomodo instituenda	9
pulegij vsus	241
pulmonem expurgans medicamentum	51
pulmonem, renes, & alia vlcera expurgantia	22
pulmones	33
purpuræ	31
pustularum, quæ phlyctenæ vocantur, curatio	133
putredines, quæ in ore sunt, quomodo remouendæ	208
pyrethri radices vires	89
<b>Q</b> uartanæ febris curatio	118. 119
quotidianæ febris curatio	119
quercus vires	63
<b>R</b> abiosi canis morsus quomodo curandus	164
165	
radiculæ facultates	30. 89
radiculæ in cœna sumptæ quæ cōmoda præstent	18
ramicem intestinorum iuuans remedium	78
rapa	32
rapi radix	33
refrigerantium catalogus	48. 100
regij	



# I N D E X.

regii morbi curatio	227
regio morbo ex iecoris obstructione cōueniens me- dicamentum	57. 92
renes	32
ad renum lapides, & vteri fomentationes cōueniens medicamentum	56
renum iecorisq; obstructiones tollens medicamen- tum	57
renes lædentia	44
renes purgantium medicamentorum catalogus	108
res boni succi 36 mali succi	38
res in alimentis calefacientes	47
res mediæ inter ea quæ multum, & quæ parum nu- triant	36
res, quæ bene concoquuntur	39
item quæ difficulter	40
res quæ facile corrumpuntur	44
item quæ difficulter	45
res tardi transitus	44
rerum venerearum vsum excitantia, & tensum pria- pum reddentia	235
res venereas cohibentia	ibidem
res venereas incitans medicamentum	92
refinarum facultates	90
retrimentum thymi ad quid conferat	18
rhei facultates	90
rimarum digitorum, totiusq; pedis curatio	158
rosacei confectio	250
rosarum vires	90
rupta in oculos quomodo curanda	183
ruptorum & conuulsorum curatio	139
ruptis, conuulsis, & difficultati respirationis conue- niens medicamentum	55. 73
ruta	30



# INDEX.

rutæ agrestis ac domesticæ facultates	86
rutæ seminis vires	30.50
S	
Sal vstus	52
sal, cur sero lactis adijci debeat	18
salsamenti vsus	ibid.
Samix terræ facultates	60
sandarachæ facultates	90
de sanguinis coitu subter cutem, quod ecchymoma dicitur	138
sanguinis profluuium sistentia medicamenta	142.
143.144	
sanguinis reiectiones sistens medicamentum	66
sanguinis reiectiones curans medicamentum	58.52
sanguinis reiectio, & cum sanguis in grumos coierit, quomodo curetur	211
sanguinem bonum, & moderatè crassum gignentia	32
sanguinem expuentibus, coeliacisq;, & dysentericis conueniens medicamentum	90
sanguinem sistentia	92
sanguinem per vrinas educens	86
sanguinem in ventre concretum dissoluens medicamentum	89
satyrij facultates	90
scabiei curatio	57.159
scabiem & lepras curans	53
scandicis facultates	93
schini floris vires	94
scillæ facultates	93
scirri curatio	155
scirrhos emollientia	84
scolimi radice vires	93
scolopendræ ictus quomodo curandus	164
	scordij



# I N D E X.

scordij facultates	93
secundas prouocans remedium	79.80
sedis affectiones quomodo curandæ	223
sedis ardentes dolores quomodo sedandi	ibid.
sedis pudendiq; rimæ, & hæmorrhoides quomodo curandæ	ibidem
Selinusæ & Chiæ terræ facultates	61
semen cari	30
senum hebetudo quomodo tollenda	180
senes cur pituitosa excrementa perpetuò coacer- uent	21
senum temperatura qualis	20
senum victus ratio qualis esse debeat	20.21
senibus cur vina atq; edulia crassi succi minimè of- ferri debeant	21
sepiæ	91
seridis facultates	91
serum lactis quomodo faciendum	18
sesami semen 33. eiusq; vires	91
seseleos fructus vires	ibidem
siccantium catalogus	48
siccantium citra morsum catalogus	102.103
siccantium atque humectantium medio modo cata- logus	104
silphij liquoris vires	91
simila	31.33
simplex ex tribus generib <sup>9</sup> piperis medicamētū	253
sinapi vsus	18
singultientibus quomodo succurrendum	214
siriascs puerorum quomodo curentur	170
siti conueniens edulium	67
siti conueniens medicamentum	61
smyrnæ vires	93
smyrnij vires	94
	solani



# INDEX.

solani vires	96
sordium è statuis vires	90
item in palæstris	ibidem
spicula, surculos, spinasq; educentia	55.140
spinæ & ossa deuorata quomodo auferenda	207
spinalis medulla	32.33
spongiæ vstæ vires	92
spondyli fructus facultates	ibid.
spuentes sanguinem iuuans medicamentum	72
σπύλατος.	74
stercoris bubuli vires	75
stercoris canini albi vsus	206
stercoris caprini facultates	74
stercoris columbarum vires	75
sternutamenta frequentia, & grauedo quomodo curanda	194
stœbes fructus facultates	94
stomachi, ventris, intestinorū, & iecoris inflammationibus accommodum remedium	83
stomacho idoneum medicamentum	52
stomacho idonea, ipsumq; roborantia	41
item ipsi incommoda & noxia	ibidem
stomachi morsus sanans remedium	85
stomachi subuersionibus quomodo succurrendum	169.217
stomachum roborans medicamentum	70
stomacho ardore æstuante conueniens medicamentum	76
stomaticum medicamentum	71
strangulatis à fungis quomodo succurrendum	163
strumas tumoresq; discutiens medicamentum	71
strumas & phymata dura sanans medicamentum	51
67.151	
stupidos ac resolutos adiuuans medicamentum	89
stur-	



# I N D E X.

sturnorum stercoreis vires	77
styracis facultates	94
succi refrigerantes	25
succum glutinosum gignentia	33
succos crudeos parientia	ibidem
sudores eliciens medicamentum	69
suffocatione ex fungorum esu iuuans remedium	82
sugillata, & tumores induratos digerens medicamen- tum	96
sugillata quomodo curanda 194. item sugillata in- cipientia quomodo sananda	ibid.
suillum pancreas	33
suilli lactis vsus	241
suum caro	32.35
supercilijs exasperatis conueniens remedium	80
suppurantium catalogus	104
surditati quomodo occurrendum	185
suspiriosos adiuuans medicamentum	70
sycæ vires	94

## T

Taurini adipis facultas	93
taurorum & hircorum medulla	84
tendines ac ceruæ musculorum extremitates	33
terebinthi corticis & foliorum & fructus vires	95
terræ omnis facultas communis	60
tertianæ veræ curatio 117.	(78
testibus, vberibusq; inflâmatîs cōueniēs cataplasma	
testes	32
testiculorum inflammatio quomodo sananda	234
tetrapharmacum basilicum	247
thapsiæ vires	66
theionis, id est, sulphuris facultates	67
thermi, id est, lupini vires	ibid.
thlaspi seminis vires	ibid.
thoracem	



# INDEX.

thoracē pulmonēsq; expurgantiū medicamētorum catalogus	88.108
thoracis diuturni dolores quomodo tollendi	212
thridacis, idest, lactucæ vires	67
thymi vires	67
titani, hoc est, calcis vires	96
tithymali vires	95
tonsillarum inflammationibus quomodo meden- dum	205
tonsillis inflammatis medentia	207
tophos articulorum dissoluens medicamentum	53
tragacanthæ facultates	96
tragorigani vires	86
triboli facultates	96
tritici facultates	89
tritici grauis, densi, & interius flauescens vires	33
leuis, rariq; & intus albi vires	ibid.
tubera	32
tumoribus induratis cōueniens medicamentum	74
tussis, difficultas respirationis, grauedo, destillatio, & raucitas quomodo curanda	209. item de spu- tis, quæ ex thorace & pulmone reiectant
tussibus inueteratis conueniens medicamentum	73
tynni	31
V	
VAcuationes quomodo faciendæ	17.18.19
varorum curatio	194
ventris affectionibus cum profluuiis, conueniens me- dicamentum	61
ventris profluuiū atq; sanguinis sputum, curans me- dicamentum	58.61
ventris profluuium sistens medicamentum	51.65.85
ad vētrem disruptum, & mammas, & femora, & co- xendices, & vmbilicum prominentem	241
	ventrem



# I N D E X.

ventrem laxans medicamentum	70
ventriculi flatus quomodo discutiendi	217.218.
ventriculi vitiosa humiditas quomodo tollenda	215
venenis, & ijs quæ virus iaculantur, quomodo resistendum	162
venerearum rerum vsus, quibus corporis partibus noxius	24
venerem stimulans medicamentum	52.58.62
veneris commoda	24
veneris incommoda quomodo auertenda	ibid.
veneri tempus quod omnium accommodatissimum destinatum	ibid.
vermes quæ in auribus sunt, & cætera omnia, quæ in aures sunt ingressa, quomodo tollantur	71.189
vermes in vlceribus cõperti, quomodo tollantur	136
verno tempore qualis diætâ instituenda	19
verrucarum, myrmeciorum, & similium curatio	157
verruccas, myrmecia, vngues oculorû, & thymos auferens remedium	95
vesicæ, & renum affectionibus, lapilloq; quomodo medendum sit	230.231.232
vesparum atq; apum ictus quomodo curandi	164
victus ratio eorum, qui inter pueros & senes interiecti sunt	11
victus ratio singulis temporibus conueniens	19
vinum mulsum podagricis conuenire senibus cum petroselino	21
calculosis cum bestone herba	ibid.
vini facultates	23
vini moderatè sumpti cõmoda, immoderatè incommoda	ibid.
vina dulcia	32
vina nigra	ibid.
viperæ quomodo citra periculum capi possint	265
viperæ	



# I N D E X.

viperæ quomodo ad esum parandæ, & quis earum vltus	161
visceris obstructions expurgans medicamentū	65
viscera expurgans medicamentum	63.93
visui claritatem comparans medicamentum	182
vitale robur excitantia	20
vitiliginem detergens medicamentum	63.77
vitiliginem digerens medicamentum	71
vitiliginis sanans remedium	85
vitiligini, lichenis, psoriasis, leprisque medicamentum accommodatum	64
vitiliginem, achoras, psoriasis, gangrænas expurgans medicamentum	67
vitiosi humores in ventriculi tunicis infarcti, quo- modo tollendi	168
vitulini adipis facultas	93
ulcerationes pudendi, sedis, vteri, & vesicæ quomo- do sanandæ	233
ulcera capitis manantia, quæ achores dicuntur, & fa- ui, quomodo curandi	177
ulcera, in quibus caro supercrescit, quomodo curan- da sint	130
ulcera maligna, quibus ægrè cicatrix inducitur, & in- ueterata, quomodo curanda	134.135.136
ulcera oculorum quomodo curanda	182
ulcera ambusta curans remedium	88
ulcera articulorum curantia	141
ulcera carne replens medicamentum	55
ulcera cruenta glutinans	50
ad ulcera, quæ in summa cute sunt, ad intertrigines, ad abrasa, ad inueterata ulcera, ad teneram cutem, medicamentum	130
ulcera sordida, & lepras tollens medicamentū	56.55
ulcera maligna sanans medicamentum	76
	ulcerib.



# I N D E X.

ulcerib. asperæ arteriæ quomodo succurrendū	208
ulceribus carcinodis conueniens remedium	88
ulceribus malignis cōueniens medicamentū	62.71
ulceribus, quæ ad cicatricem ægrè perducī possunt, conueniens remedium	78
ulceribus quomodo cicatrix inducenda sit	130
ulcerum cautorum curatio	129
ulcerū, quæ in narium meatibus insunt, curatio	192
ulcerum, quæ iterum rumpuntur, curatio	134
ulcerum simplicium curatio	127.128
ulmi foliorum facultates	89
umbilicus prominens quomodo curandus	242
unguentum ad porriginem	176
unguium affectionibus quomodo succurrendū	140
vomentibus dentes cur putrescant	19
vomituris qualis diætā præscribenda	18
vomitibus quibus competat	ibid.
vomitibus quibus non cieri debeat	19
vomitum facilem parantia	ibid.
vox abscessa quomodo restituenda	209
vrinam & menstruas purgationes prouocans medi- camentum	78.83
vrinam non continere ualentibus, quomodo succur- rendum	236
vrinam ciētium medicamentorū catalogus	107.108
vrinæ fœtentis copiam educens remedium	93
urticæ foliorum & fructus vires	51
uteri affectiones quomodo curandæ	236
uteris inflammatis cōueniens medicamentū	60.80
vuæ	20
vuæ, aut alterius alicuius partis inflammatio, quo- modo tollenda	27
vulnera adglutinans medicamentum	58.63.72.85
vulnera glutinās, & putrida adiuuās medicamētū	54
vulnera	



# I N D E X.

vulnera magna citra morsum deficcans medicamen-  
tum 77  
vulnerum cruentorū adglutinans medicamentū. 69  
vulnerum, quæ cum dolore & inflammatione affli-  
gunt, curatio 128  
vulua quadrupedum 33  
vulvæ inflammatio, dolores, vlcerationes, mordica-  
tiones, pruritus sinus muliebris, quomodo curen-  
tur 239  
ad vuluam procidentem, & ad ea omnia, quæ ad con-  
ceptiones & foetus pertinent ibid.

Z

Zyme, hoc est, fermentum, cuius sit facultatis 66

# F I N I S.



